




6

38-b

23

Ex Bibliotheca
iori Coll. Rom.
Societ. Jesu

M



23'734.

6-58-6-23

~~6-42-6-29~~

CONRADI SAMVELIS
SCHVRZFLEISCHII
EPISTOLAE
ARCANAЕ,

VARII, POLITICI IN PRIMIS HISTO-
RICI, ANTIQVARI ET LITTERA-
RII ARGVMENTI,

AD FIDEM

MS. AVCTORIS

ACCVRATE DILIGENTERQVE COLLATAE,
ATQVE SINE VLLIS LACVNIS NVNC PRIMVM
FORMIS EXPRESSAE ET PVBLICI
IVRIS FACTAE,


CVRA

H. L. SCHVRZFLEISCHII
ACCESSERVNT QVAEDAM ORTHO-
GRAPHIAE SVPPLEMENTA,

*Cum Privilegio Poloniarum Regis et Saxo-
niae Electoris.*

HALAE MAGDEBVRGICAE,
APVD IO. GODOFREDVM RENGERYM,
A. MD CCXI.





ILLVSTRISSIMO EXCELLENTISSIMO
ATQVE GENEROSISSIMO

DOMINO,



Dn. OTTONI HENR.

LIB. BAR.

A FRISEN,

Dynastae Clientelarum Rothae, Ieschvizi,
et Rubenii etc. etc.

POTENTISSIMI POLONIARVM REGIS ET
SERENISSIMI SAXONIAE PRINCI-
PIS EL.

CONSILIARIO SANCTIORI ET
CANCELLARIO, IVDICII VICARIA-
TVS IMP. DRESDAE INSTITVTI PRAESIDI ET PR.
SAX. EL. AD COMITIA FRANCOFVRTENSIA,
QVAE ELIGENDI IMPERATORIS CAUSA
HODIE CELEBRANTVR. LEGA
TO PRIMARIO,

**PERILLVSTRI EXCELLENTISSIMO ET
GENEROSISSIMO**

DOMINO,

DN. NICOLAO

LIB. BAR.

A FRISEN,

Dynastae Veteris Ransstadii etc.

**POTENTISSIMI POLONIARVM REGIS ET
SERENISSIMI SAXONIAE
ELECTORIS**

**AVLAE ET IVSTITIAE CONSILIA-
RIO ITEMQVE CVRIAE ELECTORALIS
VITEMBERGENSIS ASSESSORI.**



**PERILLVSTRI EXCELLENTISSIMO
ET GENEROSISSIMO**

DOMINO,

**DN. GOTTLOBIO
FRIDERICO**

LIB. BAR.

A GERSDORFF,

**Dynastae in Baruth, Buchwald
et Rackel, etc.**

**POTENTISSIMI POLONIARVM REGIS ET
SERENISSIMI SAXONIAE
ELECTORIS**

**AVLAE ET IVSTITIAE
CONSILIARIO.**

MAGNIFICO ATQVE EXCELLENTISSIMO

DOMINO,

**DN. IO. GEORGIO
BOERNERO, ICto**

*POTENTISSIMI POLONIARVM REGIS
ET SERENISSIMI SAXONIAE
ELECTORIS*

**AVLAE IVSTITIAE ATQVE SE-
NATVS ECCLESIASTICI CONS-
LIARIO,**

MAGNIFICO ATQVE EXCELLEN-
TISSIMO

DOMINO,

DN. IO. HENRICO
BERGERO ICto,

POTENTISSIMI POLONIARVM REGIS
ET SERENISSIMI SAXONIAE
ELECTORIS,

IN SUMMO PROVOCATIONVM
SENATV CONSILIARIO

Facultatis Iuridicae Vitemberg. Ord-
nario, Decretalium Prof. Publ. Curiae Ele-
ctoral. Consistorii, Scabinatus, item et Iudicii provin-
cial. in Inferiori Lusatia, Vicariatusque Imp.
Dresdae h. t. instituti Assessori.


DOMINO MEO PERCLEMENTI,

DOMINIS MEIS GRATIOSIS,

DOMINIS ET PATRONIS MEIS
perlancte suspiciendis et summo opere
obseruandis

D. D. D.

H. L. SCHVRFLEISCHIVS.



Aximis Vestris, et
immortalibus, in
me fratremque,
nunc rebus hu-
manis ereptum,
beneficiis, Illustris-
sime, et Perillustres Domini, iuxta
et Magnifici Consultissimique Vi-
ri, Maecenates, et Patroni Sum-
mi, parum ex officio meo gra-
tiae retulisse viderer, si Epistolas
has, a Cliente vestro, dum viue-
ret, religiosissime relictas, et nunc
publici iuris factas, maximam-
que partem cum ad Vosmet ipsos,
Gentemque Vestram, gloria na-
taliū, et continuata maiorum
serie, inclytam, tum ad splendi-
dissimas familias Vestras, perscri-
ptas,

DEDICATIO.

ptas, aliis, quam Vobis, litterarum
Statores ac Vindices, offerrem.
Quanquam vero me haud fugit,
non par, aut dignum Vobis, hoc
munus esse, qui longe maioribus
estis superiores: nihilominus ta-
men, cum ferre non possem, vt
diutius meum nomen in Vestris
tabulis pateret, consilium omni-
no cepi, gratam minimum meri-
torum memoriam sanctissimo
mentis cultu Vobis probare, ani-
mumque eo intendere, vt mei in
Vos obsequii, ac declarandae pie-
tatis, extaret qualiscunque testifi-
catio, aut monimentum. Nam
pro incredibili beneuolentia, qua
mitioribus litterarum studiis addi-
ctos homines fouere consueuistis,
me, diuumque fratrem, ab omni
tempore, quod in hac Academia
translegimus, omnibus semper
modis patrocinio Vestro summo
com-

DEDICATIO.

complectendos, ornandos, tuendosque adeo suscepistis, ut pange-
gyrin pro me ipso Vobis dicere,
nisi temporis angustiis excluderem,
omnino deberem. Nullum pro-
fecto patrocinii, vel benevolentiae,
vel propensae in nos voluntatis,
testimonium excogitari potest,
quod a Vobis Maioribusque Ve-
stris ultro libenterque profectum,
non fuerimus fratres experti, dum
ad Vos, in tanto dignitatis fastigio
constitutos, primum adire subue-
rentes, gratiose et blande, ut aude-
remus, inuitastis: admisistis post-
ea, quoties opus nobis fuit, liben-
tissime, Epistolas fratris in primis
excepistis benigne, ad litteras, quo-
ties Vobis redditae fuerunt, ut do-
cumento sunt hae, quas in prae-
sens Vobis, litterarum dignitatis
Amplificatores, demisse conse-
cro, pergratiose et amanter re-
spon-

DEDICATIO.

spondistis, et omni gratia et honore cumulastis, studiaque nostra haud in obscuro iacere voluistis: verbo, tantis nos beneficiis affectos a Maioribus Vestris, Vobisque, fuisse confiteor, ut ne Vos quidem, si gratia et benevolentia in nos Vestra metiantur, maiora tribuere cuiquam possitis. Quin si ab his discesserim, nec has causas esse putarim, cur fratris Epistolas Vobis sacras esse iuberem, moveret tamen me ipsa Respublica, in cuius conservanda salute, et dignitate, auspiciis *POTENTISSIMI POLONIARVM REGIS ET SAXONIAE ELECT.* omnem cogitationem et mentem fixistis. Hanc enim, temporum calamitosissimorum iniquitate afflictam, Vestra virtute, constantia, et sapientia, restituere quotidie laboratis, et nunquam oculos ab eius custodia de-

fle-

DEDICATIO.

ſpectatis, ſed omne tempus Veſtrum in Saxoniae dignitate amplificanda, in commodis augendis, et felicitate ciuium, pro temporum ratione procuranda, reſiſtis omnibus, quae impedimento erant futura, occupatis, atque ſingularem in *REGIS NOSTRI* oculis prudentiam teſtatam facitis, et in dies nouis exemplis confirmatis, quae in omnium ſaeculorum memoria vigeant. Nec intermititis, pro ſanctiſſimorum munerum Veſtrorum auctoritate, ut coetui ſacro conſulatur, et ſapientiae ſtudia, quae Vos Statores ac Vindices habent, et Veſtro in primis praefidio fulciuntur, florent, perpetuique incrementis augeantur. Haec ſumma, Illuſtriſſime, et Perilluſtres Domini, ac Magnifici Viri, Patroni obſervandi, Veſtra fides, vigilantia, vis ingenii,

DEDICATIO.

genii, et praesentia consilii admiranda, inuictaque in efficiendis constantia et industria, cum omnibus cognita sint et perspecta, et disertissimorum hominum praeconia superent, has infinitas laudes, et plus iusto volumine cumulandas, animo meo tacite contemplantor, atque in pietate, quae clientem decet, desinam, et in admiratione Illustrissimi, et Perillustrium Excellentiumque, et fama meritisque celebratorum Nominum, quae nemo in hac studiorum umbra assequitur, religiose acquiescam. Quod restat, Diuinum, Praepotensque Numen, votis precibusque supplex obtestabor, ut hanc felicitatem, Vobis propriam velit esse perpetuam, quo publicam rem praeclare, quod facitis, quam diutissime ornetis, et, quod in extremo optandum, lumi-

DEDICATIO.

Iumina Gentium Vestrarum, Familiarumque, semper nobis ac universae posteritati luceant, splendoremque omni temporum statu seruent, ac latius se diffundant, et nullo casu minuantur, nulla tempestate laedantur, nulla denique saeculorum caligine obruantur.

ILLVSTRISSIMAE,

PERILLVSTRIVM,

et Nobilissimarum Excellentiarum
Vestrarum

Vitembergae cl^o 16CCXIV

III. Non. Sept.

Obsequentissimus observantissimusque

H. L. SCHVRFLEISCHIVS.

, Fa.
uni-
len-
statu
t, et
tem-
ique
ur,

E,

M,

tiarum

u. m. i. f.

IVS



Conrad, Samuel *Imperialis*
 Historiarum Professor Publicus Honorarius
 & Humaniorum ac Eloquentiae Ordinarius
 Wirtembergensis Sereniss. Principis Sax. Vermania
 Regentis Consiliarius & Bibliothecae Director.



PRÆFATIO.

Non male pro-
fecto de re litteraria
promeriti sunt, qui
doctorum Virorum
Epistolas, de gra-
uissimis elegantio-
ris doctrinae ar-
gumentis exaratas, atque ad ido-
neos verae eruditionis existimato-
res perscriptas, solícite collegerunt,
collectas in ordinem redegerunt,
atque in istum redactas publici iu-
ris fieri curarunt. Etenim in illis
selectissima variarum, ac præstantissi-
marum rerum capita continentur, quae
varietate et vtilitate sua non modo af-
ficiunt animum, sed retinent etiam et
mirifice delectant. Praecipue igitur
commendandae sunt, quae Historiam
nostri aequae ac praeteriti temporis tam
sacram, quam profanam, egregie illu-
strant,

PRAEFATIO.

strant, statumque diuerforum regnorum, et rerumpublicarum, ac maximi momenti controuersias, de Imperiorum successionibus, aut religionis negotiis, motas, nec cruentis bellis, varia fortuna gestis, sopitas, breuiter summatimque exponunt, magnaue cum libertate iudicandi, persaepe repraesentant. Tum vero prorsus eximiae sunt, quae accuratis de scriptoribus in omni eruditionis genere illustribus, eorumque ingenii monumentis iudiciis refferatae sunt, ac de elegantioris doctrinae praesidiis, litterarum incrementis, optimis librorum editionibus, doctorum Virorum vitis, honoribus, fatis, ceterisque, obseruatu dignioribus rebus, nos instruunt iuxta informantque. Cuius generis Epistolae, quae passim extant, tantum abest, ut eruditis, ex aequo et bono de iis iudicantibus, displicuerint, ut communi fere omnium plausu exceptae fuerint, et maiorem in modum commendatae. Quas inter si principe quis loco SCHVRZFLEISCHIANAS collocauerit, iustissimum certe pretium illis statuisse, nec quicquam gratiae, aut

fa-

PRAEFATIO.

fauori hic dedisse, videbitur. Quod si enim a sermonis puritate, atque elegantiâ, qua nitent, discedamus, pretiosissimam variae, copiosaeque, ac per amplissimos eruditionis campos longe lateque se diffundentis, doctrinae suppellectilem, rerumque maximarum notitiam, cum reconditae antiquitatis peritia non mediocri coniunctam, in illis animaduertimus pariter atque admiramur. Quamobrem gratiae merito habendae sunt Celeberrimo Auctori, quod summa diligentia, ac singulari cura, eas non modo conscripserit, sed posteritatis quoque gratia conseruarit. Neque vero temere existimandum est, eum, temporis fallendi causa, in conficiendis his occupatum fuisse, operamque hinc et industriam suam male, aut frustra, collocasse. Qui enim ita iudicant, animum, inuidiae stimulis percitum, haud obscure produnt, et temeraria summi Viri sugillatione famam ac laudes suas, quas alioquin mediocres habent, Giganteo, impari tamen et infelici conatu superstruere laborant. Cuiusmodi imperitum, et in iudicando praeceptu eru-

PRAEFATIO.

eruditorum vulgus , parum moramur,
nec dignum iudicamus , in quo verbo-
sius refellendo tempus et chartam per-
damus. Ipsa enim Schurzfleischii eru-
ditio , in luce atque oculis hominum
fita, iniquos hosce maleuolorum sermo-
nes facile dissipabit , quippe de quo ni-
hil tam magnificum praedicari potest,
quod eius summae virtutes non su-
perent. Speramus itaque, ac certo no-
bis pollicemur, fore, vt Epistolae hae in
meliores, ac magis idoneos arbitros in-
cidant , ac vel sola praestantia sua
apud omnes bonos se se
tueantur.





.1

ILLUSTRI HERMANNO WOLF-
RAMSDORFFIO.



Ermultum pa-
triæ interest. quod Te
aulæ fastigio impositum
videt, et mea etiam pri-
uati hominis refert, ut eo
honore, in quo positum
Saxoniae decus est quam
diutissime fruaris. Sero

autem hunc animum gratiæ tuæ deditum ape-
rio, siue viribus meis per se exiguis, quum par-
tes obsequii explendæ sunt, siue studiis me-
diocribus, quum aliquid expectationi aulicæ
effingunt, diffusus. Nunc vero tandem ere-
xisti me prorsusque confirmasti, ut credam,
rationes studiorum in umbra delitescentium
Illustrissimæ Excellentiae tuæ non displicere.
Nam et comitas tua admirabilis est, et volun-
tas in literas prope fidem excedit, et dexteri-
tas insuper conficiendi negotia singularis pas-
sim celebratur, ut læter penitusque exultem
quo-

A

quoties recogito, quanta benignitate homines de omni spe deiectos complectaris. Multos fouisti et me ipsum, cum lubrico iuuentutis aberrassem: plures ornaſti beneficiis, et commendatione etiam grauiſſima de omnibus mereris in hunc uſque diem, ut nemo non intelligat, abs Te diligere et probari iuuenes in honeſtis ſtudiis deſixos, planeque ad laudem excitatos. Id uero ſigillatim ad Io. Chriſtophorum Bergmannum pertinet, quem tuendum ſuſcepisti, mihiſque per clementer mandasti, ut de exploratis eius dotibus ad Illuſtriſſimum Excellentiſſimumque Gersdorffium referam, operamque pro eo ac par eſt, fouendis eius ſtudiis utilem probem. Quod Domine, ita faciam ſedulo, itaque curabo diligenter, ut ea in re pietatem animi, religionemque obſequii perſpicere poſſis, Tu præcipue Heros in toga Maxime, qui iuxta cum Illuſtriſſimo Senatu ſanctiori mihi perſugium præbuiſti, ſtudiaque mea valido patrociniſio defendiſti, quique deum illi Principi conſulis, qui iacentem in ruinis Academiam fulſit, munificeque ditauit, iamque id votis noſtris conſecutus eſt, ut ſedendo vicerit æmulos paceque triumpharit. Ita uero Deus Immortalis omnia conſilia, labores, inſtituta tua, fortunet, ut quæ ego aſſequi non poſſum, merita et laudes, ea poſteritas uerbis exæquet, ac victuris ad æterni

nitatem monimentis commendet. Vitembergæ Saxonum, A. cIoIo CLXXIX. IV. Calendas Quinctil.

II.

IO. ANTONIO SCHURZFLEISCHIO.

artis salutaris Candidato.

Rationes meæ ita ferunt, ut te commoneam de variis rebus, quas tibi credo iucundissimas fore. Res Titii versibus persecutus sum, ut intelligant homines, me ab eo studio non esse alienum, ad quod ingrediendum et perficiendum multi et doctrina, et ingenio præstantes viri me semel iterumque cohortantur. Nunc ea quoque me oblectant, quæ euagantur liberius, minorique cura metiendi pedes numerosque constant. Nec tamen omitto seriam, et LXX. identidem euoluo, et naturam rationemque eius linguæ et dialectorum omnium diligentissime perscrutor, atque exempla ex auctoribus, quotquot occurrunt, præstantissimis peto. Atticam demonstro in Aristophane, Doricam in Pindaro, Ionicam in Homero, Aeolicam in Alcaeo et plerisque aliis monumentis, quæ etiamnum sunt in manibus, passimque tibi occurrunt. Cui instituto, per se difficili et molesto, lucem afferunt Grammatici atque interpretes veteres, Eustathius, Tzetzes Di-

dymus, Gaza, Chalcondyles, Moschopulus, quos ferius, quam expectatio mea ferret, sum adeptus. Patres etiam, scribendi genere discrepantes, lego, et pro eo ac possum contendo. A Iustino subtiliter, a Chrysostomo copiose, differuntur omnia et explicantur. Nec dubito, quin in altero characteris philosophici, in altero imitationis Aristophaneæ vestigia deprehendas. Placet etiam mihi Basilii, Caselioque in primis est amatus, quem cur in suspicionem vocaret Athanasius, non est hic scribendi locus. Tu interim artem inscriptionum, quæ Poesin quodammodo imitatur, exerce, atque in eo genere propone tibi sequendos Octavium Boldonium et Carolum a S. Antonio, qui cum laborem præclare susceperunt. Ex Batavia nunciatur, F. Ordines omni studio operaque pro pace aniti, cupereque, ut Anglus in coepto conciliationis munere perseveret. Grævius ibidem pergit in edendis castigandisque scriptoribus optimis, Florum acuminibus lascivientem summa cura illustravit, notisque variis auxit, Iustinum pari diligentia elimabit, accurateque recognoscet. Germanos hortatur, ut Germanorum opuscula ne perire sinant, in primisque videant, ut Reinesii, Rhodmanni, Bosii et Buchneri scripta ab oblivione et tenebris vindicentur. De notis, in Florum et Iustinum edendis, magnopere promisit,

misit, fore in iis multa singularia et rara, vulgoque haud obseruata. In Anglia exitura sunt in lucem omnia Iamblichi opera. Suidas Beueregii breui veniet in nostras manus, quem multa diligentia curat vir doctus et laboriosus apud Anglos. Stephanus, de Vrbibus pari diligentia castigatus auctusque, lucem videbit, eruditisque utilitati erit. Catanaei Plinium, diu est, quod desidero, cuius Suidam nuper sum nactus. Hieronymum Græcum Daumii, doleo Florentiam esse missum, unde forsan non facile repetamus, præcipue me pungit, quod, quum omissus sit in Bibliotheca Patrum, et super eo vertantur controuersia, nos eo thesauro nimia ejus viri indulgentia priuati simus. Illud vero laudandum est in exteris, quod suorum scripta conquirunt passim atque certatim edunt, nos soli erga nostros iniqui sumus, velut obliuii virorum, quos habuimus hic, maximorum. Audio Blondelli comparisonem Pindari cum Horatio institutam exiisse in lucem, quam vehementer desidero. Omnia enim ejus viri egregia sunt atque elimata, præterquam in causa Gallorum, quam ita disceptat, ut non pauca in contumeliam Imperii Romanorum composita obseruare liceat. Aratum, in Anglia raris ac nondum visis annotationibus auctum, breui spero ad me perlatum iri. Valefii volumen tertium scriptorum Ecclesiasticorum

corum ex Gallia curabit VVustius, vir mei amans, et continuationem recentioris historię a me pactus, cui eo minus defuturus sum, quia valde commodis meis studet. Patinus diligentiam nuper iterum singulari numorum volumine, luculento satis et præclaro, probavit. Mihi negotiis districto non vacat edere, quæ diu affecta habeo, nisi quod opusculum de *Vitricis Ecclesiæ* molior, quod, efficiam, ut breui videas. Vale Vitembergæ Saxonum. A. cl. lcc LXXIX.

III.

SAMVELI STVRMIO,

Med. Licentiato.

LItis nuper coeptæ expedita ratio est, si dicas, sententiam, abs te confectam, modum formamque compositionis versibus Comicis adstrictæ præ se ferre, propterea quod in eiusmodi inscriptionibus character profæ non ad amissum servari potest, præsertim quum notæ ad annos significandos adhibentur. Ita vero non difficile est adferre testimonia, quibus probes nihil admisisse te præter contraque Latinitatis leges. Plautum dabo, scriptorem classicum et probum, qui *defendendi* pariter, atque *defensandi* verbum recte atque eleganter satis, sine præpositione, construxit. Eandem viam ingressi sunt Poe-

tæ

tæ præstantissimi, Virgilius et Horatius, ac *defendere* sine adiectione extulerunt. In tempestiua ergo et inutilis diligentia est, quæ ea vocat in dubium ac suggillat, quæ certa sunt passimque explorata. Tibi vero apud Viros doctos facile perfugium erit, nec spe tua frustraberis, si consilium sententiamque Ordinis nostri exquiras, cum id eiusmodi negotium sit, ut breui tempore confici explicarique possit. Ceterum in prosa, quum vel oratio, vel historia scribenda effingendaque est, sensus plani et graues, ut sic dicam, exiguntur, adeo quidem, ut ibi ad *virtutem* indolemque sermonis pertineat, ne aliter, quam cum præpositione, coniungatur, prout habet notionem auferendi et amouendi ab aliquo, de cuius commodo statuque conseruando agitur. Eo modo *defendere ab inimicis, ab hoste vitam*, ex usu Latinitatis dicitur, non ut vulgus loquitur, *contra inimicos, contra hostes*. Sine præpositione *defendere* est *repellere*, ut, *defendere bellum, defendere vim*, quæ, et huius generis alia, neminem, vel mediocriter eruditum, fugiunt, alioq; spectant. A. cl. l. c. LXXIX. III. Cal. Quintil.

IV.

AMICO CVIDAM.

ADhuc inter spem metumque Europa est,
nec dum omnia negotia confecta expli-
cata:

cataque sunt, ut non iterum in periculum venire queat Brandenburgicus resistit postulat Gallicis: Suedi pariter obfirmati sunt in repetendis iis, quæ amiserunt, cupiuntque ut is quam primum ex possessione Pomeraniæ dimoueat. Interim de Cæsaris auctoritate multum sane mea opinione deminuitur, quod sinat Gallum progredi in patriæ viscera, et auctoritate Imperii abuti, quod præter consuetudinem est, contraque iura et leges. Summum rerum arbitrium iudiciumque Germania habet, quod Gallus mira rerum conuersione in se trahit, conuiuentibus Cæsare et Principibus: Si quid enim expromendum, si quid executioni mandandum est, Circulorum Principes præsto sunt, qui ad eam rem conficiendam adhiberi possunt et debent. Nunc vero externo Regi omnia licent, vult, iubet, moderatur omnia, pro ut ipsi utile videtur. Quod sicuti inglorium est, ita ostendit male constitutas Germaniæ res, discordiam, æmulationes, neruum reipublicæ incisum. Quanquam nec desunt causæ inuidiæ erga Brandenburgicum, quas religioni promissorum, decretorumque Imperii remitti oportebat. Sed quia potentia vicinos antecedit, his pariter atque exteris suspectus est. Nec inficiari ausim *Reformatorum* consilia sæpe feruida, et exitu misera fuisse. Venit hic in mentem Friderici IV. et V. El. Palati-

latinorum, qui ex perniciē Austriorum captabant crescendi occasionem. Nuper legi acta Donavvertensia, in quibus multa inueni egregia et obseruatu digna, de quibus si ferat occasio, inter nos aliquando colloquemur. Spinæ balænae, quæ in templo arcis suspensæ sunt, lapidibus annuero, quoniam nec carie infestari, nec cultro scindi possunt: præterea deest cauitas, quam alioqui in spinis illis licet reperire, meminque in urbe marina fuisse spinas ceti suspensas, quas mox putredine corruptas auferri oportuit. Sane enim pinguedinis aliquid in meatibus delituit, quod vitari protinus foedarique coepit. Illud vero ridiculum est, planeque ineptum, quod ex Palæstina nostræ istæ, si Diis placet, spinæ asportatæ dicantur. Nullæ enim ibi balænae capiuntur, sed in mari Septentrionali earum sedes est, ut sic quoque intelligi possit, nullam fabulam esse solam. Ad extremum opto, ut defensor, propagatorque libertatis Germanicæ DEUS causam communem ne deferat, pacemque in universum, sed honestam et perpetuam instaurari patiatur. A. c. 1561. CLXXIX.

V.

AMICO CVIDAM.

GAudeo quidem, me apud te in aliquo numero esse, sed doleo contra, improboque

que istam profligatissimam leuitatem, quæ tibi, rerum tuarum satagenti, vim iniuriamque attulit, nec parum me senatumque Academicum commouit. Nihil tua causa omittemus, et honorem æquisimo iudicio defendemus, qui cum vitæ, tum doctrinæ tuæ, sane eximiæ ac singularis, rationes multo exploratissimas habeamus. Homini isti, a maiorum virtute aberranti, manus iniecta est, nec ignoramus, totum istud factum magis ad fortunam quam ad culpam tuam, pertinere. Nemo enim credat, in loco tam eleganti esse homines tam effrenatos, ut transeuntes inuadant indigneque tractent. Quare, pro fide et auctoritate muneris perquirimus rationes, et testimonia, quibus coarguamus hominem, et more forensi conuincamus, conuictumque poena Academica adficiamus. Tibi vero quid ea in re, iam ad magistratum delata, videatur, prima quaque occasione potes rescribere, meumque tibi adfectum multo prolixissimum spondere. Cal. Sextil. A. c. l. b. CLXXIX.

VI.

AMICO CVIDAM.

Magna amoris vis est, qui homines voluntatum similitudine conciliat, habetque iucundam recordationem, et veram profecto, me iudice, felicitatem præstat. Nam, aliena

na

na appetere, et ad se non pertinentia ambi-
re, miserum est: versari autem inter libros, et
explere animum voluptate literarum, vera
laude non vacat, etiam in prædio, a strepitu
hominum seiuncto. Plinio, crede mihi, ni-
hil optatius accidere potuit, quam, cum ru-
ri esset, ceram et pugillares sumere, legere,
excerpere, munereque liberalis hominis per-
fungi: eo magis, quod, de sententia Philonis,
qui scribendi ratione Platonem æquavit,
Claudiique ævo maxime eluxit, *unum sapien-
tis bonum est, recte agendo adspirare ad immor-
talitatem.* Bartoli, Baldique insuaue scri-
bendi genus cur te non delectet, haud qua-
quam miror. Viri enim illi doctrinæ anti-
quitatisque studiis carebant, quibus nunc
quidem abundamus, multoque feliciores su-
mus. Seckendorffii vero monita et exem-
plum recte sequeris, Viri in summis reipubli-
cæ negotiis iam pridem cogniti, et, si virtu-
tem specto, admirabilis, quem Germani mil-
le exteris opponere, eiusque consilio, tan-
quam scuto Aiacis, inniti possumus, ego ve-
ro et tu eius patrocinio spes incertas firma-
re, fortunamque solari. Vale. Eid. Sextil.
A. cl. l. CLXXIX.

VII.

*Illustr. ARNHEMIO,
Curia El. Præsidi.*

JUcunda mihi sermonum pariterque mandatorum tuorum recordatio est, propterea, quod multis beneficiis abs Tua Excellencia ornatus sum, vidique coram, quae absens non credidissem. Enim vero, omnia tua instituta, consilia, rationesque muneris, in uniuersum pietate ac prudentia singulari fulciuntur, spondentque mihi laetum ejus voti, quod Pretschii pro te feci, euentum, dum optaui precatusque sum, ut perpetuis heredibus gentis tuae gloria innitatur, quam expedit his munimentis firmari, ut Principis Electoris dignitatem, aequae in toga, ac diuus Pater in Sago et castris, defendas, recteque consulas, et quae molesta alias perplexaeque sunt, ea omnia dexteritate tua facilia explicataque reddas. Haec scribenti adferuntur literae, quae nunciant, pacem Danos inter et Suedos iam pro confecta haberi, quanquam Franciscus Egon Furstenbergius cupit, suscitari bellum, multumque negotii faceffit F. Belgis, cum ob restitutionem Traiecti ad Mosam, ubi Coloniensis quoque ius habet, tum ob Argentorati negotium, aliasque haud plane nullius momenti causas. Eodem tempore perfertur liber Raimundi Lullii, Balearis, qui

qui reconditas Chemicorum artes continet, Testamentumque, quod ad Carolum Andegauensem, regem postea Neapolitanum perscripsit. Ad extremum, oro Te, Illustris Domine, ut deinceps quoque patrocinio tuo me ornes, clientemque veterem more tuo, id est, benigne et constanter, completaris. Ego precibus votisque ab Immortali Deo impetrabo, ut æternitatem Stirpi, et gloriam successusque inuidendos ac perpetuos tibi ac genti tuæ largiatur. A. cl. l. CLXXIX.

VIII.

JOANNI CHRISTOPHORO FUGMANNO.

DUbitationes tuæ nec iniucundæ, et antiquitatis nomine mihi imprimis sunt pergratæ; propterea, quod Ciceronis Iurisprudentiam peropportune mihi in animum reuocarunt. Existimo autem *gentiles* recte esse descriptos, quatenus, ex instituto veterum locutus Cicero, deminutionem capitis magnam intellexit, quippe quæ cum morte paria facit, iuraque sanguinis tollit, quantum ciuiles effectus denotantur. Itaque omnino dicendi sunt *gentiles*, qui unius gentis nomen et commune ius retinent, neque aut ciuitatem et libertatem simul, aut ciuitatem solum, amiserunt. Qui enim al-
teru-

terutro modo capite deminuuntur, iure Quiritium non sunt *gentiles*. Non ergo est, cur scrupulum tibi iniiciat minima capitis deminutio, quae quamobrem illuc non spectet, ipse tu iam causam vidisti satis penitusque explicasti. De testamento Felicis, quod super est, puto ex mente et verbis sequi, alterum eius testamentum, quod, accurate confectum, valere cupiebat, ideo non valuisse, quod, per imprudentiam, aut alia re, morboque, impeditus, praecipuum testamenti actum, qui signatione continetur, omisisset: alterum autem, quod valere non cupiebat, ea sane ex causa valuisse, quod necessaria et praecipua testamenti ratio ex praescripto iuris, pro eo ac par est, non defuisset. Haud enim attinet dubitare, quin ita factum sit, quum facti narratio plana est, quam ex ingenio comminisci aliam, coniecturaque leui aut suspicionem mutare, nullo boni interpretis argumento licet. A. c. l. b. l. c. LXXIX.

IX.

AMICO CVIDAM.

Disputatio, de Anticipatione Numinis, perquirat reconditas Philosophiae Stoicæ rationes, quas Gassendus accurate eruit, perspectasque maxime habuit Lucas Holstenius, Vir ævo nostro doctissimus. Gassendum vero plerique tirones describunt, qui,
cum

cum nihil legerint, videri tamen volunt legisse penitusque inspexisse. Non aliter quidam cum historia agunt, et antiqui Fœderis antiquitates colligunt, prorsusque compilant, utentes opera Gallorum Anglorumque, et Varenii Commentarios in priores libros Mosis intempestiua diligentia excribunt. Qui Vir Hebræarum litterarum multo est peritissimus, sed libris subsidiisque eget, sensum autem diuinioris Scripturæ rimatur egregie, diligenterque interpretatur. Joannes Musæus, cum in absoluendo contra Theologum quendam opere laboraret, gnauiterque hoc ageret, ut defensio quam primum confecta esset, nec opinato apoplexia impeditus est, quo minus inceptum perficeret, forte, ut sic reipublicæ sacræ tranquillitati tandem consuleretur. Nunc enim ratio farciendæ concordiæ inita est, ut mutuo silentio coepta ista listandem finiatur. A. clolo CLXXIX.

X.

GEORGIO SCHUBARTO,

P. P. Jenensi.

Literas tuas, eleganter politeque scriptas, dudum accepi, et Bielkio, cum Lipsiæ essem, salutandi tui negotium dedi, quod quin curauerit, eius in me studium non finit dubi-

dubitare, præsertim, cum de honesto proposito et laboribus, multa cum laude abs Te susceptis, referret. Ego, quoad tuis commodis, honorique servire, aut quacunque occasione de studiis tuis bene mereri potero, nihil prætermittam, cum is sim, qui amicis nullum officium negare velit, præcipue tibi, quem una recti voluntas mihi conciliavit. Nuper, neque id diffiteri possum, magnopere lætatus sum, quum audiui, partes Professoris Academici tibi fuisse impositas, quod simul ac resciero, pluribus tibi gratulabor. In parte studii, quod in Romana antiquitate collocabis, Pighius, Lentulus, Bisselius, Boeclerus, Viri Clarissimi, multa egregia industriæ adiumenta adferent, grauiterque et copiose docebunt. De viris apud externos, quos vel fama prædicat, ingeniumque magnos fecit, forte non consultum, nec tutum est, distinguere, qui pares esse volunt. Nosti doctorum æmulationes hominum, dissidia, rixas; quanquam inter Gallos Emericus Bigotius, Florentiæ Antonius Magliabechius, alii alibi, multum clarent, et nomen, existimationemque in dies augent. Græuium nostrum ipse tu nosti, Virum ex fide et doctrina Germanis æstimandum. In Anglia fœditas coniurationis multos deterruit, qui maxime alioqui in rebus Geographicis, et Orientalibus atque Ecclesiasticis elaborant. Naturalis

lis enim scientiæ studium hominibus vacuis relinquo, et volo, ut Celeberrimum Schilterum inprimis nomine meo salutes. Vitembergæ Saxonum, inter alia et inuisentis amici impedimenta, prorsusque, festinanter.
A. c1bC1bLXXIX.

XI.

ANTONIO MAGLIABECHIO,

V. C.

QUod sæpe multumque in votis habui, ut literæ meæ Florentiam perferrentur, id hodie fortuna mihi offert, quum de itinere ad vos suscipiendo certum me reddit iuuenis quidam honoris mei perstudiosus, nomine Zeebauius, patria Ratisbonensis, et ciuis huc dum noster. Is præsens tibi dicet, quid de nomine tuo clarissimo sentiam, quantum amoris tuo tribuam, ut credere possis me in ea quidem parte nulli popularium tuorum esse concessurum. Librum, nuper a te missum non aliter, quam sempiternum beneuolentiae tuæ pignus, seruabo, passimque prædicabo, relaturus impostero gratiam, si occasio sit vicissim bene merendi. Illud vero assidue et sine fūco facere soleo, ut quotidianis sermonibus meis publice priuatimque celebreris. Nec disciplicet studium in te meum Viris cordatis, maxime aulæ proceribus, qui multum te amant. Ego, ut de meis hoc addam,

B

his

his diebus aliquid operae posui in veteri Burgundiae regno, penitusque id perquisiui, quod, simul ac ad exitum perduxero, Florentiam curabo. Diu autem est, quod Cl. Arnoldus nihil ad me perscripsit: nunc vero non dubito, quin lemmata haec pro eo, ac solles, amore, accipias, mihi que fauere pergas. Ceterum Doctissimus Vir, Henricus Noris, quem ob variam lectionem, iudiciumque ex asse consentiens aestimo, per officiose, si id quidem tibi graue non est, salutetur. Cal. Octobr. A. clō 16CLXXIX.

XII

JOANNI SCHEIBLERO,

Sacrorum Iuliaci et Montium Praefecto.

Filius tuus, Petrus Christophorus, vita, moribus, eruditione egregius, ita hic se gessit, passimque commendauit, ut nullo testimonio egeret. Praeterquam enim, quod virtutem eius per se amaui, et si hic diutius versaretur, ornandum duxi, literae quoque tuae multum apud me valuerunt, ut magis eum complecterer, qui nomine et animo magni nominis auos paternum Christophorum, maternum Petrum Haberkornium refert, ac nihilo segnius tuas laudes imitatur. Illud vero maiorem in modum abs te peto, Vir Celeberrime, ut filio aulam ingressuro, rationes
ad

ad suscipiendum institutum utilissimas praescribas, ut posthac prudentiam, quae in vita et aulae luce valet, sibi ante oculos ponat, et, quod ibi optimum reperit, sequatur. Fallax, vafrumque saeculum noscere et quotidie explorare licet, ut vitemus insidias, circum specteque viuamus. Saepe enim cum iis fortuna nos coniungit, qui, si nos haud meliores doctioresque, certe cautiores reddunt. Quod utinam lubrica iuventus in animum demitteret, daretque pariter doctrinae, et prudentiae, operam, prauosque mores, et rixandi studium auersaretur. Longe rectior filio tuo mens contigit, quae sponte sua per optima vestigia incedit, et ingenii gloriam deliciis ac vanitatibus ineptientis saeculi anteponit. Ego et dico ingenue, et sine fūco existimo, si is filius tuus coeptum curriculum uno tenore conficiat, dignum fore quouis amplissimo Academiae munere. Quod ut ei exsententia eueniat, opto, nec ulla in re ipsi unquam deesse volo. Interim te DEUS cum nobilissima familia diutissime seruet. Non. Octobr. A. c^lo l^o CLXXIX.

XIII.

AMICO CVIDAM.

Multa et varia sunt, quae communicare mecum voluisti, nec me fugit, pleraque obscura esse, et difficultatibus impedita.

Chronicon Samaritanorum, quod plerumque laudat Hottingerus, multis fabulis refertum, caute legas, suadeo. De Catholicis Armeniorum Doctissimus Petitus, in variis suis Lectionibus grauitur docet, veriusque tradit, quam Micrælius. Cadamusti librum saepe multumque euoluo, nec me pretii poenitet. Historia Iacobitarum, quæ A. clō IsCLXXV. Oxonii in lucem emissa est, exigua brevisque est, ac praeferat auctorem Iosephum Abudacnum, siue Barbatum, ciuem Memphitanum. Dum hoc scribo, venit in mentem Bangii, qui Barbati Meniphitici, forte autem Memphitici legendum, mentionem facit, in Coelo Orient. p. 202. Eius autem liber, ut recordor, A. 1651. Louanii prodit, Speculumque Ebraicum inscribitur, quod succisuius horis perlegi, ut cum sacris antiquitatibus, unde digressus iam olim sum, in gratiam redeam, animumque voluptate perfundam. Zagozabi confessio mihi aliquot abhinc annis fuit suspecta, lætorque, Ludolphum nuper id planum euidentem reddidisse, atque adeo me in ea sententia confirmasse. Institutum interpretationis multa, crede, subsidia postulat, quibus ut sufficias, sane vereor. Aparatus Linguarum, varii codices, immensa lectio, diligentia indefessa, iudicium singulare eo requiruntur. De interpretatione scripturae aliquid conatus

s est Michael Nethenus. Etiam tibi com-
 endo Cocquii obseruationes Critico-Sa-
 as, succi plenas. Nec ignorare te volo,
 atkeri opuscula apud me in pretio haberi,
 ac cupio optoque, ut omnia ex Anglico in
 tinum conuertantur, iunctimque edantur.
 ic enim sacerdos multo eruditissimus fuit,
 Hellenismi contra Pfocheniū propugna-
 racerrimus, qui Graecam linguam a Ioan-
 Boisio didicit generumque suum Fran-
 cum Taylerum in studiis adiuuit, et versio-
 m Targum Hierosolymitani approbavit.
 iceri Hefychius utinam euulgetur. Schre-
 lii enim jam diu spem meam fefellit. A. clō
 LXXIX.

XIV.

PATRONO CVIDAM.

Xorientishuius anni tempus me pietatis
 et obsequii admonet, pariterque flagi-
 ut, formula veterum, faustas felicesque
 lendas Ianuarias tibi voueam, haud igna-
 , quid facere debeam, quum partes mihi
 onit necessitudo, ut magnopere te co-
 i, qui alioquin opto assidue, venerorque
 um, ut saluum te atque incolumem diu-
 me conseruet. Praeterquam enim, quod
 nea obseruantia exigit, ratio quoque me-
 rum tuorum postulat, ut pro te vota faci-
 quia salute tua certe studiorum meorum

B 3

salus



salus continetur. Feliciter ergo hunc annum in eas, et felicissime conficias ac finias. Deinde abs te peto magnopere, ut librorum subsidia mihi cures, Principemque enixe roges, uti se mihi facilem praebeat ac indulgentem. Ioannes Strauchius, qui nomen famamque multis et reconditis scriptis illustravit, Gießae, cum ad faciendam rem diuinam se compararet, ex insperato mortuus est. De bibliotheca, quid constituerit, nescio. Nam filios reliquit aut dissimiles, aut degeneres, qui ea uti non possunt. Audiui, venditurum fuisse Academiae Gießensi, si pretium daret, in quo acquiescere posset, sed conditio non accepta est, hinc Fabro cuidam Francofurtensi destinavit, si vera ad me fama perfertur. Abundavit enim doctrinae et librorum subsidiis, et in civili pariter et sacra antiquitate incredibiliter profecit. Vergente aetate aemulum industriae Zieglerum vidit, fassusque est, eum in plerisque sibi praeuertisse, quando ipse hoc tale institutum fuisset suscepturus. Sed aliquid illa opera dignum in Amoenitatibus Iuris Canonici ostendit, Gratianus autem, quod doleo, nondum est absolutus. Quinque enim, ut recordor, disputationibus constat. Non autem nescio, varia studii adiumenta, librosque selectos et raros habuisse, multisque sumtibus ex Gallia adferendos curavisse, prope enim est, ut dicam

nam eum libris emendis se exhaustisse, ac more veterum in re tenui acquieuisse. Proxime in Frontonem Ducaeum incidi, cuius monumenta, quae in pleraque Patrum opera extant, prorsus egregia sunt, et digna, ut ab unoquoque legantur. Non ita pridem mihi allata sunt itinera Asiae a quodam Ioanne Baptista Tauernierio, Barone scutato descripta, quae multa recondita et vulgo ignorata comprehendunt: artes et secreta quaedam Turcarum feliciter aperit, et, cur hodiernus militiae praefectus patri, raro quodam et inaudito apud barbaros exemplo, suffectus fuerit, copiose exponit. Dresdae fuisse, in primi libri aditu videre integrum fuit. Editio, quam quidem ego oculis usurpavi, recusa est apud Batauos, audio vero, quempiam fuisse, qui cum in plerisque refellere sit aggressus. Alioqui fatetur, quadraginta annos se in itinere illo infumasse. Eodem tempore in manus meas venit liber de veteri et noua Sparta, cuiusdam non inelegantis Galli, Guilletiere, in quo non pauca a Cragio diuersa extant. De statuis opus et insigne, et luculentum est, optoque, ut, quod est reliquum, diligentia auctoris expleatur. De historia sentio, nec artem esse, nec scientiam, si proprie loquaris, quoniam ab artibus atque disciplinis, et omnibus iis doctrinis, quae ratione

ne

ne generali comprehenduntur, tota forma atque ratione tractandi seiungitur, prorsusque separatur. Haud absurde vero tu *facultatem* dixeris, quando non ignoras, adiumenta industriae eximia, nec vulgaria, requiri, quae permultum possunt, si apte adhibeas, sed per se non suffectura, nisi vim, facultatemque animi egregiam atque singularem afferas, et doctrina usuque ita expolias, ut totum hoc negotium, quod certe in rebus singulis positum est, dextre perficiatur. Non enim tibi placet, quod ex triuio arripitur, et affectum duntaxat, aut tractatum obiter, neque accurate et omni industria est elaboratum. Locus apud Iosephum dubius vexatusque est, quem docte et diligenter tractauit Ioannes Seldenus, eo in libro, quem composuit de successione in Pontificatum Hebraeorum, et erudita quidem coniectura suppleuit, ac, *tribus viginti quatuor*, scribendum esse, affirmauit. De Clementis Romani epistola non dubito, esse veram et germanam, etsi ex nostris id negant Hulfemannus, et Calouius: subdubitat Dannhauerus in *Christeide in Addendis*, p. 1042. pro cuius tamen veritate supra sententiam dixerat, quem sequitur Bebelius, sed non est causa, cur ab usitata sententia discedamus. De Cloppenburgii opusculis nolim diffiteri, multa in iis inesse docta, nec ignoro, eum saepe multumque

ue legiſſe, et ſecutum fuiſſe Ludouicum de
Dieu. Cheitomaei, inprimis Gatakeri mo-
umenta et Pfochenii, hortor, ut ſedulo per-
oluas. Gatakerus Vir quidem eximie do-
us fuit, ſed in eo ludit, operamque perdit,
quod in *charactere idiotico* latibulum quærit,
et declinet argumenta, grauiterque eludat,
quæ a Poetis tragicis repetuntur. Aliud
nim eſt character idioticus linguae, aliud
Poetarum, etiam tragicorum, ſed ita tamen,
ut hi quoque et alii Poetae Graeci linguae
Graecæ indolem ſeruent. Morini exercita-
tiones non ſine voluptate lectitauimus, in pluri-
bus reperi, ab aliis ſeorſim, data quidem ope-
ra, ſentire voluiſſe. De Pſalmodiis in Con-
ſilio Laodiceno alibi diſſeram, niſi quod de
Iſionyſio Areopagita nunc addam, cum non
ſucas et inſignes æui ſui corruptelas com-
pecti, myſteria autem baptiſmi et coenæ ſa-
cræ ita deſcripſiſſe, ut ſatis cognosci poſſit,
quo tempore coenam quoque integre fuiſſe
distributam. Baptiſmi ritus, ut ſatis aperte
dicat, iis temporibus triplici immerſio-
ne peractus eſt. Ita te Deus ſeruet, et te tu-
ſque familiam coeleſti cuſtodia circumdet,
ſuæque felicem et florentem præſtet. Ca-
lendis Ianuariis, A. C. cl. lxxc.

XV.

NICOLAO L B A GERSDORF.

EXsoluo me tandem religione promissi, reditumque multo felicissimum, quem praesens gratulari cupiebam, absens et per epistolam impense gratulor, votorumque communium, quae pro te, atque Illustrissima stirpe, et uniuersis necessariis tuis, hic sunt, interpretis opto, uti hunc annum auspiciatissime in eas feliciterque conficias, et, applaudente laudibus tuis Europa, diutissime in hoc fastigio perstes. Opusculum nomini tuo maximo inscriptum, quantumuis minimum, et expectationi tuae impar, non dubito, quin pro tuo in me animo per clementer accipias, si nasque ut posthac etiam in fide, clientelaque tua sim et gratia patrociniique tuo fulciar, constantissimeque defender, quod res, studia, atque opinio meae qualiscunque industriae, ex te cum primis atque Illustrissimis Frisiis pendent. Quare DEum veneror, ut custodia coelesti circumdatum te et seipsum conseruet, omniaque fortunae beneficia perpetuo et cumulatissime largiatur, florentesque et integras in uniuersum res tuas praestet, gloriaeque nullis saeculis tacendam, velut tibi a Frisiis propriam, tueatur. De M. Herzogio, quem saepe admonendum curavi, res, opinor, confecta est, si qui-

quidem ita, Illustrissime Domine, visum est, cum spei Illustrissimi filii adiuuere, in quo patriae, et tibi, et nobis omnibus certe plurimum est situm A.C. cl. l. CXXC.

XVI.

AMICO CVIDAM.

DE viris doctis, quorum in literis tuis mentionem iniecisti, breuiter sic habet. Lipsia non perinde doctum virum habuit, ac Ioachimum Camerarium, Melanchthonis verum integrumque amicum, qui eius studia, actiones, consilia, praeclare cognita habuit. De Melanchthone multa quoque, nec vulgaria, edisserunt Caspar Peucerus, Hub Languetus, et Abraamus Scultetus, sed quamobrem de illo male meritis sit David Chytraeus, non inquiri, nec opus est, scio tamen, religionis causam eorum voluntates atque studia diuissile. Absurdus autem fuerit, qui aliter de utrisque, ac de magnis viris, existimauerit: certe plurima Chytraeus beneficia Melanchthoni accepta tulit, et doctrinae pariter, honorisque, adiumenta illi debuit, in domus conuietusque societatem ab ipso admissus. Conciliauit autem eius sibi animum, quod, cum Vitembergam venisset, Pindarum et intelligere, et explicare, posset. Neminem enim censebat in eruditis numeran-

randum, qui Graece nesciret, unde omnis disciplinae initia proficiscerentur. Io. Kvviatkiev vicii suada ciuilis aequabilem stili usum mihi nondum ostendit, paucaeque sunt in eo conciones, quae veteris eloquentiae gloriam seruant. Aloysii Iuglaris elogia qualia sint, quoue loco haberi debeant, sine monitore potes iudicare. Acidalii in Curtium notae eruditae sunt atque elegantes, quae in noua Curtii editione, apud Batauos euulgata, inueniuntur. De Technologia Theologica C. S. A. non mihi sumo iudicium, omnino autem ad commentationes sacras utilem, idoneamque esse, puto, praesertim cum Ramea Dialectica oratori ecclesiastico magis inferuiat, ac Aristotelica illa, quae acumen disputantis acuit, expolitque insigniter, et in eo genere sola debet commendari, etsi, nescio quod, mixtum Dialecticae institutum plerique hodie approbant et sequuntur. In Programmate, cuius meministi, spirat Pindarus, quem, censeo, diligenter legas, et omni studio imiteris. A principio tamen Carminis occurrit vocula *τιμὸς*, quam nusquam, nisi in Aeschilo, reperiamus. In unam eiusmodi stropham, concinne grauiterque effingendam, vel aliquot horae infumendae sunt, nec dubito, quin Ostermannus totas quatuor hebdomades impenderit in Pindaricum eiusmodi carmen, praecipue illud, quod Frisii honori

ori dicatum est. Vitemb. Sax. Nonis Ian.
..O.R. clb lbCLXXX.

XVII.

HENRICO L. B. A. FRISEN.

¶ Allor, aut plane obtorpesco, quod nihil
diu iam ad Te scribo, Domine, veluti
te studiorum erga te et officiorum omnium
non aliter, ac ingratisissimus quisque, obli-
scor. Sed, siue molestiæ quædam et sub-
de emergentes curæ, siue reuerentia tui
ominis, siue iustus metus perculit me adhuc
retardauit, tamen pietati hoc dandum
est, ut saluo sospitique tibi gratularer, prae-
sertim Illustrissimi Filii nomine, quem, con-
sistis itineribus, superiori anno in partem
rarum vocasti, atque in sinum et comple-
m reipublicae multo auspiciatissime rece-
sti. Quam fortunam utrique voueo sem-
per prosperam, et diu optatas dulcesque se-
tui delicias in perpetuum fruendas ha-
as, assidue et sincere precor. Ita demum
torum partes expleuisse me putabo, quum
diam, omnia tua florere, et in primis tuam
Henrici Iunioris valetudinem esse firmam,
i alioquin haec facere et experiri omni
ntentione debeo, quae pii et constantis
ut clientis. d. V. Id. Ian. A. clb lbCLXXX.

XVIII.

XVIII.

IO. FRIDERICO VOLHARDO.

REst tuae quales sint, iam pridem scire cupio, rogoque te et moneo per fidem superioris amicitiae, uti quamprimum remittas tot vicibus expetitas Conciones Liuianas. Quod si facias, uti potes opera et auxilio meo cum in vitae, tum in fortunae rationibus posthac ineundis, sin omittas, alia omnia experieris. Consule ergo tibi, et serua promissi leges, et de me plane candideque sic tibi persuade et pollicere, omnia, quae possim, pro te suscepturum, si pie et recte agendo colas amicorum officia, moremque priscum et Germano dignum retineas atque conserues. Ea, de quibus scripsisti, vel alia quaeuis mihi utilia, honesta ratione tibi compares, sineque mora transmittas: de pecunia, non est, cur dubites, qui scias, et studia mea ad te iuuandum pertinere, si ita agas, expleasque omnia, ut decet. Vale, et bene feliciterque auspicare hunc annum, et amicos saluta. Vitemb. IV. Id. Ian. Ann. cl. b CLXXX.

XIX.

AMICO.

Quod praetermissum existimas, nondum animo excidit, de quo ita sentio, Leusde-

lenium non iis abundasse doctrinis, quae ad
 ferendum de lingua Hellenistica iudicium
 sufficere posse mihi videntur. Drusius qui-
 lem promisit Lexicon linguae Hellenisticae,
 sed non edidit, neque iure edere potuit, nisi
 epide confinxisset. Ingenue dico, illud mi-
 ni dudum displicuisse, quod Hugo Grotius
 Hellenismo applausit, atque ad eius ratio-
 nem omnes fere interpretationes suas re-
 ulit atque direxit. Pfochenius labore mul-
 to quidem, sed aetate et iudicio nondum sa-
 tis maturo, ad hanc controuersiam compo-
 nendam, accessit. Idque ipsum in cau-
 sa fuit, cur a Gatakero acri satis censu-
 ra diatribe eius non indocta excepta fuerit.
 Proxime Scherzerus sic de Hellenismo di-
 putauit, ut mihi totum istud argumentum
 laud affecutus videatur. Ac mea quidem
 opinione nemo ibi tam Graece doctus est,
 ut penitus eam controuersiam intelligat,
 quam pauci, etiam apud nos, diiudicare
 possunt. A. III. Id. Ian. cl. lo CLXXX.

XX.

CHRISTOPHORO ARNOLDO.

P. P.

[Llo paene temporis articulo, quo et Aca-
 demiae Senatus cogitur, et ad abiturum cur-
 sor se comparat, literae tuae, sed vellem citi-
 us, adferuntur, ex quibus sicut voluntatem
 stu-

studiumque tuum in me pristinum et constans perspexi, ita cupio magnopere et rogo, ut in eo, nec simulato, amicitiae genere perseueres. Onuphrium per occupationes non euolui, nec eius auctoritas fraudi mihi esse potest, quando vel ex Carolo Sigonio, scriptore praestantissimo, intelligere potes, auream fuisse coronam Mediolanensem sed, quia interiore sui parte circulum ferreum intextum habuerit, ferream coepisse appellari. Locus, si recte memini, extat in libro de regno Italiae primo, quem si otium tibi est, inspicias, diligenterque expendas. De Luthero multa mihi suppetunt ex libris et tabulariis, quae Grimmae, Torgae, et alibi apud nos, asseruantur, sed tam breui momento percurrere omnia integrum non fuit, Celeberrimum Magliabechium saluere iubeas, qui per insignes viros, qui ex Italia huc commeant, me sane diligenter et perbeneuole salutandum curauit. Historiam Burgundicam, antiquitates Constantini et Francorum, breuiter, strictimque descriptas, illi et tibi misissem, si quidem ita tulisset occasio, pridieque tuas literas accepissem. Quare operam dabo, ut alia epistola scrupulos ex animo tuo euellam. Vale. d. II. Id. Ian. A. cl. l. CLXXX.

XXI.

IO. CHRISTOPHORO HEINIO.

EGregium et laude dignum, et tuae in primis industriae consentaneum illud institutum est, quod Norberto, sua quidem laude et meritis, in ordinem vestrum extantibus magno prorsus atque immortalis, hoc tribuere statutum habes, ut nomen laboresque eius ab hominum obliuione vindicentur. Et si enim illa apud vos deleri non possunt, ubi vita et moribus sanctissimis eluxit, et Caesaris Lotharii Saxonis amicitia vnus iste ante omnes dignus fuit ac floruit, tamen iustum piisque est, ut memoria ipsius pariter apud exteros, atque apud vos, in posterum celebretur. Nam et is *Praemonstratensium* coetum instituit, et deinceps Saxoniae Pontifex maximus euasit, summoque illo sacerdotio pie et feliciter est defunctus. Parum abest, quin eius cineres Pragae, Boiemorum metropoli, inuideam, scioque, cordatos in malum omen belli, post secuti, accepisse, quod ex vrbe vestra, cui natus consecratusque erat, in urbem ritu studiisque diuersam transportarentur. Sed hoc prudenter dissimulandum est, et id praecipue tibi agendum, ut nihil praetermittas, quod quoquo modo ad eius viri laudem referri abs te oport-

C

por-

portune queat. Neque tibi defuturus sum, et, si huc venias, volumina rerum Germanicarum, quae aurigae credere vix ausim, tecum perlibenter communicabo. Interim libris, ab Oleario traditis, recte uti potes, et instruere hanc penum, feliciterque augere. Si quid te fugiat, vno, alteroque die facile suppleas, licet, cum alioquin sciam, te in hoc genere subsidiis minime esse destitutum, praesertim in eo loco, vbi vixit floruitque Norbertus. Polydori Vergilii, Raphaelis Volaterrani aliorumque, narrationes non vocabo nunc in disquisitionem, sed, pro eo, ac par est, diu tibi lauream philosophicam commérito gratulabor, vt bene vertat propositum, quod, annuentibus patronis, tandem perficies, quodque cum reuerentia erga nos, tum modestia quadam, in hoc usque tempus distulisti. Illis autem, volo, vt obseruantiam meam nunciare ne graueris. Prid. Cal. Mart. A. clō lō CLXXX.

XXIII.

M. ELIAE GEISLERO.

Reysspergensis Sacerdoti.

SAepe Franckensteinii et Germani tui, quos viuos colui, veneratusque sum, mortem dolui, et mecum pariter Zieglerus, frequenti prope ac quotidiano sermone, testatus est, quam acerbum sibi vtriusque funus acci-

cidisset. Sed defunctorum memoria immortalis est, et viget in monumentis fama doctissimorum hominum, certe ab oblivione vindicatur. Quare cupio esse participes aliquot librorum, quos habuit possessorque Vir optimus, si quidem rationes auctoritatis ita ferunt, ut definito eorum pretio hi transmittantur. Ego statim curabo curiam, et beneficium interpretabor, si a opera eam ad rem conficiendam uti hi liceat. Indicem Ellingero perferendum dedi, in quo cernas libros a me expectos. Vellem, ut una mecum de Salmasii exercitationibus Piinianis quam primum communicares. Meursii, quae ibi extant, omnia non abnuo mihi comparare, si copia fieri fiat. Itaque abs te responsum expecto, et ut, ob veterem, quam Vitembergae contraximus, amicitiam, hoc officium mihi facias, magnopere rogo, simulque de provincia sacra, nuper tibi tradita, ex animo gratulor, voloque, ut ea bene ac feliciter, sana et constanti valetudine, perfruaris. III. Mart. clb lb CLXXX.

XXII.

AMICO CVIDAM.

D res sacras Politici se applicant, prodito ab Heidelbergicis exemplo, quos princeps Hassi secuti sunt, ut inter nostros

C 2

et

et suos concordiam farcirent : nec repugnarunt Principes, rati, pontificiis non posse melius se resistere, quam si cum his societatem inirent : sed auxilio fauoreque adiuti, plusquam par est, moliri coeperunt, quod Saxo ubi videt, quam periculosum foret, vnioni a Palatinis coeptae nomen dare noluit. Postea autem quam surrexit Calixtus, partesque conciliare voluit, magis in eam operam politici incubuerunt, praesertim nostri, cum Calouius in Calixtum exarsit. Hinc patres eruunt, et magno studio perlegunt, atque euoluunt, et in antiquitate imprimis *ecclesiastica* diligenter elaborant. Proxime autem Ioannes Musaeus inter *consensuales*, quos vocant, et Calixtinos ineundae conciliationis consilium suscepit, quod nostri non ferunt, et acriter refellunt, mediatorem appellantes, qui causam viri Theologi negligat, cum medium partibus se interponat. Id. Mart. [A. clv lo CLXXX.]

XXIV.

ANTONIO MAGLIABECHIO.

Magni Florentiae Ducis Consiliario.

Illustre ac nulla obliuione delendum beneuolentiae specimen abs te mihi datum est, quod, cum scires magni a me fieri eruditionem tuam, tum vicissim hoc mihi dares, uti crederes dignum, quem eo haberes loco, quo

quo alios doctrinae tuae cultores habere consueuisti. Nam, quod ingenue mihi affirmandum est, nihil gratius mihi euenire potest, quam, si de te loquendi honorifice occasio mihi offertur, datur autem frequentissime in scholis, in conuictu et sermonibus quotidianis. Dum haec scribo, Senner-tus, collega meus percarus, nomine tuo salutem mihi nunciat, quo tempore frequens erat senatus noster. Statim gratias egi, palamque dixi, omnia tua, et cum primis doctrinam summam, atque singularem humanitatem tuam, magnopere mihi probari. Saxonia quidem nostra, quae floret nitore aulae, et abundat ingeniis, iampridem effuse te laudat, et operam, quam in re libraria collocas, praedicat, ac vehementer amat. Illos autem odisse fas est, qui ex liberali studio artem rixandi faciunt, et litibus, quarum causas quaerunt, operam perdunt, ut, quum literis reconditis nullam sane famam aucupari possint, contentionibus eam parare quodammodo, ac ineptiis suis alere in gloriae speciem, videantur. Scio vero, tibi displicere declamationes rixosorum hominum, ac inutiles pugnas, quae, praeterquam quod cum imprudentia coniunctae sunt, degeneres quoque animos offendunt. Quare mihi enitendum putaui, ut honestis conatibus excitarem populares meos, praeser-

tim iuuenes fidei meae commendatos, quorum studia eo spectant, vt in luce reipublicae versentur. Quos non modo non tangere, sed ne inficere quidem, iste litigandi pruritus debet, qui multos nostro aeuo tam caeco et praecipiti impetu rapit, vt nec dicere, nec queri satis possim. Nos vero literae elegantiores, et verae sapientiae suauitas, veluti necessitudine quadam coniungant, atque amorem mutuum virtutis et animorum consensione non aliter, ac vinculo quodam, deuinciant, vt ingeniis optimisque artibus vigeamus. Igitur, pro eximia tua in me voluntate, fac, vt intelligam, literas has, quas denuo ad te perscribo, tibi non displicere. Opusculum de Burgundionibus inscriptum, et dissertationem expectationi tuae impari, beneuole, opinor, accipies, et schedas, quas Academiae nomine conscripsi, ad emendandam iuuentutis nostrae licentiam, pari animo, atque alia fotes, dignaberis meque, pro veteri, amore tuo, complecteris. Id. Mart. A. clb IsCLXXX.

XXV.

CHRISTOPHORO ARNOLDO,

P.P.

Magna voluptate affecisti me, et ad rescribendum perliberaliter inuitasti, quod non possum, quin debere me tibi fatear, qui sciam tamen, te eo esse animo, vt
moram

ioram hanc non indigne feras. Buchtaei,
et alius; in perferendis literis torporem ac-
cusare debeam, non equidem percontari pos-
sum, illud vero ingenue dico, affirmoque, su-
periores tuas literas fere post semestre mi-
hi redditas fuisse. Ex postremis autem in-
tellexi, te luculentam filii dissertationem,
prae et peracre eius ingenium, et mirificam
ariter industriam, mihi probat, ad amicos
transmississe, quod gnauiter feci,
et salutandi tui partes libenter meritoque
accepi. Vtrique saluere te iubent, et Zie-
merus quoque comiter dicebat, se in aere
meo esse. Ac huius quidem liber, de
tribus maiestatis inscriptus, futuris autu-
mum nundinis in lucem exibit. De *Episco-*
po aliquid multa cum diligentia molitur, et
littere constitutum habet. Lancellotum in-
nitens prope locis auxit, et, si bene diuinare
possum, spectat eius consilium ad nouam
luculentiorumque editionem. Ego in Bo-
hemia incidi, et Caroli IV. vitam adnotatio-
bus illustratam, diplomatibusque, et accu-
rata rerum Boemicarum epitome auctam,
mittere decreui. H. Conringii liber de Fi-
nibus Imperii emendatior, sed nihilo aucti-
or, prodit. Etsi enim eius supplementum
promisit Vir summus, tamen, ingrauescente
aetate, vix licebit sperare. Proxime
Josia Franckensteinii, viri omnino doctis-
simi,

fini, res libraria, auctione constituta, in magno licitantium aestu vendita est, unde aliquot libros mihi delegi, quos emerem, sed pretio fere iniquo, quod intendit certamen hominum, qui auctioni interfuerunt. Vnum te rogo, obsecroque, vti fasciculum, qui vna affertur, ad celeberrimum Magliabechium, cuius summa comitas et par doctrina mihi fice mihi placent, curare velis, quod per magni faciam, et, officiis certe in posterum demerebor X. Cal. Apr. A. cl. l. CLXXX.

XXVI.

ADAMO CHRISTOPHORO IACOBO

IC. Dresd.

Consilium mihi est, proficisci in Bataviam, atque hinc commeare ad Britones, confecto quae aliquot mensium itinere, matrem annuere, ob portionem hereditatis ad me pertinentem, quam ingrauescente illius aetate negligere videar, si non adfuero praesens. Quoniam autem non puto e re mea futurum, ut solum illuc tendam ubi multum de diu fuis, visum est adire externos, et perquirere codices, atque cum eruditis colloqui, et studiis publice ornandis aliquid dare. Igitur te per fidem patrocini, semel iterumque datam, obtestor, ut meo nomine Potentissimo Principi Electori pro cuius prospera valetudine domi fore, si que deprecor, supplicem

e velis, potestatem itineris mihi faciat, et clementissime hoc concedat, ut mihi cum artibus meae doctoribus miscere sermones liberum integrumque sit, vel hoc amplificandae eruditionis argumento, ut de patria quam nunc Saxoniam veneror, semperque venerabor, melius mereri liceat, quippe qui nullos sumtus peto, atque id spectro, ut maiores uberioresque fructus Vitembergam adferam, cui seruire, et humaniores literas ornare, et eruere antiquitates, et illustrare diligenter ac perpolire, volo cupioque. Tu vero, quaeso, colloca apud me tam insigne beneficium, ut eam ad rem conficiendam spatium modici temporis mihi concedatur. Quod sicuti abs te contendo, ita magnopere spero, tuam auctoritatem mihi in eo petitionis genere non defuturam, eo minus, quod de filiis tuis in posterum hanc quoque ob causam bene merebor. Ita te Deus, et nobilissimam familiam seruet, cuius quanta in me sunt merita, tantum studium, obsequiumque tibi debeo, et vota faciam, ut optima conditione prosperaque valetudine semper fruaris. VIII. Cal. Maii, A. c. b. 1643.

XXVII.

N. VACKENIO.

Superiori tempore ad me scripsit nobilissimus focer tuus, Finsingerus, cui multum
C 5 de

debere me fateor, nec postulato ipsius defuturus sum, si quidem eius et filii conditio patiatur, ut aliquot mensium moram interponat. Nam constitutum mihi est, proficisci in Batauos, atque hinc ad fines patriae inire iter, et quantis possum modis, reditum festinare. Quod simulac confecero, affigi tuo et doctrinae meae, et domus, quam proxime mutavi, et totius meae bibliothecae copiam faciam, atque ita de eo merebor, ut per omnem vitam ratio exacti temporis ipsi constare possit. Alioqui, si abitur maturare ei visum est, quaeso rogoque, ut optimis monitionibus, veluti scuto quodam, praemuniat, ne proiectorum, leuiumque hominum illecebris capiatur, atque eam ob causam Zieglero nostro iterum grauius ferioque commendetur. Ego, ut primum redux fuero, omnes opes, copiasque mei studii ultro libenterque ipsi explicabo, ut sentiat focer tuus, me gratum fore, cui de mora me excusabis, propterea, quod itineris consilium, et conducendae domus molestia, et librorum imprimis exportandorum cura me sic impediuerunt, atque retardarunt, ut prius neque constituere sententiae meae rationes, neque rescribere, anceps quippe et propositi incertus, possem. Vale cum socero totaque fami-

familia insigni et florente. VI. Cal. Mai.
Apr. A. clōlo CLXXX.

XXVIII.

CHRISTIANO SCHUZIO,

Weissenfelsae Inspectori.

MUltam salutem mihi dixit tuo nomine Perreuerendus vir, Godofredus Cracouius, sacerdos eruditus iuxta et modestus, quem, pro eo, ac par est, honesto et decenti loco ornauimus, et, quibus potuimus, officiis prosecuti sumus. In examine pulchre stetit, ac industriam mihi et collegis probauit, praesertim in antiquitate, et non vulgari notitia librorum, quae a sacri ordinis hominibus fere negligi solet. Ei moram, quam indigne te ferre suspicor, exposui et excusauī, neque dubito, quin admittas, et posthac etiam mihi faueas. Ego in Batauos ire constitui, et in Britones, si quidem Potentissimus Princeps EL. annuat, cui eo nomine supplicauī. Nam et miscere sermones cum artis meae doctoribus pulchrum, utileque fore, existimo, neque bello impediōr, quod forte si hic annus abierit, redintegrabitur, quod rationes gentium, nationumque vix patiuntur, unius omnia arbitrato fieri. Rex Gallorum nunc magni, nunc Monarchae nomine a suis appellatur, regem vero eum, diuidendo

do socios, arbitrium fere Europae obtinuisse, nemorabile est, ac mirandum. Interim ad Senatum ordinis nostri vocor, ubi de sumtibus, in solennia magistrorum factis, statuetur, quae causa est, cur breuior sim, et velim cupiamque te recte valere, atque diu multumque florere. v. Kal. Maii. A. cl. l. CLXXX.

XXIX.

M. IO. IACOBO STUBELIO.

QVem ultro tibi honorem tribuo, eum eruditio tua meretur, et postulat, ut, quoad possum, commodis tuis studeam, quae sita sunt in laude ingenii, et cura effingendae iuuentutis. Sed praecipitare rationes vix ex usu tuo erit, propterea, quod occasio melior te expectat, nisi duriori fortuna utaris, quae iubeat fortasse, et cogat, ut incepto ne desistas. De luculento illo dono, quod memoriam tui servabit in posterum, ago tibi perinde, ac decet, gratias, et volo ut existimes, me tui nominis studiosissimum esse d. III. Kal. Maii. A. cl. l. CLXXX.

XXX.

IO. FRIDERICO VOLHARDO.

NVmus is, quem misisti, praefert Licinii Valeriani imaginem, et nomen, sed ignorare non debes, recentiores Italos eum
arte

arte studioque effinxisse, ut probum Valeriani numum mentiretur. De instituto tuo, si quidem id maturare velis, breui rescribas, quos codices, quas tabulas, quae subsidia, ad manum habeas, vt tempestiue eorum numerum rationemque inire possim. Meliorem vero fortunam tibi gratulor, quod vicisti, ut scribis, proximorum acerbiter, neque aeris indiges, praesertim hoc tempore difficili et calamitoso. Ego, post tres hebdomadas, si Potentissimus Princeps EL. potestatem mihi fecerit, meo sumtu ad Batauos, atque inde ad Britones, excurram, in reditu domesticas in patria rationes confecturus. Prid, Cal. Maii, A. 6666CLXXX.

XXXI.

LUDOVICO LENZIO. IC.

Consiliario Anhaltino.

CRedo quidem, me non satis ex officio fecisse, quum non modo te scribendo non praeuerto, sed ne quidem respondi, et, i recte dicam, in eo genere multo, quam lecebat, negligentior fui, quod si maxime tibi displicere possit, tamen eo minus offendet, quod laeta Candidatorum messis ita ne distinuit, ut omnem industriae meae artem occuparet. De Blumbergio vellem ratificari potuissem, sed, cum ob impeditas

tas pecuniae rationes, tum ob itineris, quod nosti, institutum, vel inuitus id omittere necesse habui, ac de eo Morlinum statim submonui, vt acquiesceret, paruumque adeo spatium daret. Mihi enim constitutum est, perficere inceptum, ac commeari ad Batauos Britonesque, et perquirere codices ac Libros, praesertim hoc tempore, quo bellum conquiescit, vt insequentibus annis deinceps maioribus viribus geratur. Caesar enim atque Anglus sibi conciliant pristinos foederatos, non passuri arbitrium Gallicum in rebus Europae hucusque usurpatum. Heluetii, *Reformati iuxta et Catholici*, foedus rursus confirmarunt, fero aestimantes damnum, quod conniuenso acceperunt. Neque multum abest, quin Seditenses aliosque poeniteat, in fidem ditionemque Suedicam rediisse, ut homines illi non satis cauti sunt, et externum imperium pati malunt. Samuel Rachelius, qui causam Gottorpinam erudite et grauiter tutatus est contra Danos, hoc anno emisit ius publicum Germanicum, exiguo libello descriptum, et pleraque Boecleri prodierunt, opuscula posthuma quae si expetis faciam vt ad te perferantur. Cetera in iter meum differam, si Seruestam transiero, vt summatim intelligas instituti rationes. Nobilissima atque

atque elegantissima coniux tua diligentissime a me salutatur, cum qua diutissime florere te volo, Patrone obseruande. Cal. Maii, A. clb lb CLXXX.

XXXII.

IO. FRIDERICO VOLHARDO.

ET si dolum non debeo temere mihi persuadere, ac sine causa vel leuiter aliquid suspicari, tamen rupti sigilli indicium mouere queat, ut credam, subesse fraudem, nisi casu acciderit forsan. Vt cunque sit, nihil contra ius, fasque a me scribitur, atque eo patientius ferre id potes, quod neque mea, neque tua, culpa contigit. Libros abs te designatos sane omnes non habeo, Dubrauium autem et Pegauienſe chronicon possedi iam dudum et legi: reliquos tu curabis, et quoad licet, plura ad eam rem subsidia comparabis. Iter meum intra hebdomadas aliquot inibo, te autem, ut venias, inducere non ausim, ne sumtus facias nimios. Iungansio enunciabis institutum, ut, si Illustrissimus Herus noster, quod iniungat praeciatue mihi, habeat, tempestiue per eum gnificetur. Idib, Maii A. clb lb CLXXX.

XXXIII.

XXXIII.

SAMVELI VERCHIO,

Gedanensi.

ET vitam, et mores tuos, probavi semper, ac dilexi, fuitque haec causa, quam obrem te eorum numero esse vellem, quibus frequens et liber ad me aditus patet. Magis, crede mihi, de te meritus fuisset, si rem librariam aequiori loco habuisset, quam, explicatam deinceps atque elegantius dispositam, nunc tractare licet. Conduxi enim aedes Strauchianas, atque, ut in professionis munere, ita etiam, quod bene vertat in domicilio, eius successor sum factus. Cuius viri multo celeberrimi memoria in animo meo uiget, nihilque est mihi potius, quam ut, pacata republica, ex tot malis taediisque eluctatus floreat, animique sine acerbitate conspirent in pacem atque cordiam. Neque enim horum temporum rationes, neque hominum conditio et urbium instituta ferunt, ut diuturnae ac perpetuae sint calamitates, quas sola tranquillitas finire possit. Et, cum itur in partes, ignoscere et obliuisci saepe expedit, ut repentinae ac mobiles hominum voluntates, comitate concilientur, praesertim, quum vis non tuto adhibetur, neque acre remedium prodest. Habet gloriam mode-

moderatio, ut nemo sibi, vel in summa fortuna, indulgeat, cum a tenuibus, aut modicis initiis, maximae saepe imperiorum conuersiones oriantur, quas nolim vestrae tam inclytae florentique ciuitati impendere. Itaque votorum summa sit, vt Proceres populusque redeant in gratiam, et offensas ex animo deleant, salutique publicae condonent. Ego, vt hoc quoque addam, hoc semestri Batauos adire constitui, et codices librosque perquirere, ac de rebus, ad doctrinam antiquitatis pertinentibus, vltro citroque cum viris eruditis conferre. Te autem rogo quaesoque, vt omnia Henrici Nicolai scripta, praesertim historica, conquiras et colligas, de pretio constituemus facile, id quod ciuibz tuis, qui hic agunt, persoluum curabo. Eid. Maii, A. cl. l. CLXXX, XXXIV.

IO. CHRISTOPH. HEINIO.

Sacerdoti Hohenvarflebenfi.

Homo ille nec illiteratus, et probus est, de quo nuper inter nos collocuti sumus, qui in spem venit potiundi muneris, quod tu gessisti adhuc, nescio, a quibus inductus, vt vel id sperare ausit. Dura, fateor, fortuna cogit sane multos, vt petant, quae expectare mallent, sed facit necessitas, vt saepe aliud, atque placet, constituamus. Fautor, studia, inclinationes voluntatum, offe-

D

fac,

fae, odia et partes; diuidunt plerosque, et in contraria agunt, nec paucae difficultates et molestiae inde oriuntur, si quis tentare fortunae aleam, et petere honores velit. Vtrolibet enim nomine cenferi cupiat, et hanc, an illam, patronorum classem sequatur, haesitabit, ac non nihil offendet. Haud temere idem de Tobia Vlrico praefagio, qui in tuum locum surrogari, optat enixe et rogat. Fortasse, licet praeter suam culpam, in hos scopulos incidet, vt fortuna eum depellat ac deprimat, quem spes erexit, dare tamen illi volui hanc commendationem, ne officium, quod alteris alteri debemus, defugere videar, simul autem petere, ut serio atque omni ope eum iuues. Haec scribenti affertur, Schraderum, amicum de re literarum optime meritum, Helmstadii decessisse. Diu quidem, et raro felicitatis exemplo, vixit ille Vir, sed, si merita atque eruditionem specto, etiam longiori aeuo dignus fuit. Non enim nascuntur Oratores, sed fiunt, nec opinio iuuenum attingit semper, quod adfectat, neque laboribus constanter adfuescit haec aetas; senectus autem, durata inter molestias, consuetudine et patientia facile se firmat, quia occalluit plangere et ferendo vicit. XVI. Cal. Iun. An. dclb CLXXX.

XXXV.

CHRISTOPHORO ARNOLDO.

BIs ad tuas rescripsi, et diligenter abs te petii, ut fasciculum ad Magliabechium, Virum multo amicissimum, curares. Redditæ autem fuerint, nec ne, incertus ancepsque sum, neque intelligo ex tuis. Senherto, quæ voluit Magliabechius humanissimus, exhibui, cui nihil gratius accidere potuit, quam insigne ab Italia donum, in quo magnus prolixusque dantis affectus apparet. Faciam breui, ut, auctoribus Belgis, id resciscat Vir studiorum nostrorum amantissimus, propterea, quod hanc æstatem itineribus conficiendis impendam; atque id cum vtilitati, tum voluptati, addo etiam valetudini meae, permissu Principis El.; dabo. Zieglerus; et nos cum eo omnes, sicut Norimbergam; ita cum primis te, amamus; de te loquimur; et praeclare existimamus. Filio tuo, in Batauos profecto, reditum precor felicissimum, quippe in quo omnia tua sita sunt, dignumque te filium sponder, atque pollicetur. De Zieglero exfolui, quæ debui, neque est, cur me postules de neglecto officio. Dissertatio per famulum allata est, quod occasio alloquendi me deficiebat. Alias enim et opportuniores aedes conduxì, nec iam arripi, sed

expectari, occasio salutandi debet. Ad Carolum IV. quem edere constitui, multa accepi ex Lusatia, nec dubito, quin similia, si etiam fuerit P. Garmanus, de cuius instituto prius etiam, quam scriberes, audiui. Historiam Saxonum condere multi laboris, multorum opus erit annorum. Affecta pluraque habeo, sed perficere deinceps accipere sponere, cum iustis temporum actorumque intervallis, arduum simul laboriosumque est futurum. Hoc semestre abero ab Academia, si quidem Potentissimo Principi me dimittere placeat. Statutum enim mihi est, proficisci in Batavos, atque inde ire ad Britones. De Lutheri generis scriptos manu commentarios nondum inspicere potui, Theologi autem nostri non perficiant, Margaretham non coelibentis nuptam, fuisse. Ceterum vix alterae litterae mihi reddirae sunt, quum ad Henricum Frisium satis concessisse, quod pro nihil diuinitus patria habuit, ac unus fuit, qui Academiam et viros eruditos nutatus est, Grotio, cum Parisius esset, familiaris et G. I. Vossii, Heinrici Buchneri discipuli, sectator, maximorumque in Europa virorum alumnus et amicus, in antiquitate, elegantia, et Graecis adeo Latinisque literis nemini secundus, prudentia et viresque consilioque dextre susceptis et con-

immortaliter de republica meritus. Quae mors non deiecit modo me, sed perculit, multisque praesidiis nudauit, neque Patro-
num, sed Parentem, mihi et optimo cuique, in studiis versanti, eripuit, omnesque spes et rationes meas confudit. Alios casus de-
flere liceat, ut leuetur quodammodo ani-
mus ac erigatur, nunc lacrimas fundere difficile sit, quum malum lacrimis maius esse sentiam, et dolorem nulla re, nisi du-
cendis suspiriis, fractus plane expugnatus-
que prodam. Nam, si tales columnae qua-
tiuntur et cadunt, nemo erit, qui sistat auer-
tatque temporum et studiorum labentium
ruinas, nemo defendet atque custodiet post-
hac eorum dignitatem, nisi spem ex fiducia
meliori capiamus. Humana enim omnia
nos deferunt, cum, metu luctuque oppressi,
orbatis auxilio, Musis per fugium quaerimus,
nec magnopere speramus, quod tempesta-
tes animis prouidemus. Ignosce homini,
cuius querula calamitas flendo non nihil
mitigatur XIV. Cal. Iun. A. cl. l. CLXXX.

XXXVI.

IOANNI FRIDERICO VOLHARDO.

DE morte Illustrissimi HENRICI FRI-
SII quinque abhinc diebus mihi re-
nunciatum est, quae omnibus, quotquot li-
teris dediti sunt, acerba luctuosaque acci-

D. 3

dit

dit valde. et me adflixit inprimis atque conturbauit. Laudabitur ille Heros dum memoria rerum Saxonicarum vigebit, nec fama exolefcet, dum literae, quas patria alit ac fouet, florebut. Martinum Henrici abs te reddi, cupio, quem edere consilium est, atque accessionibus, ex Philosophia meliori sumtis, augere, quoniam, rigari eius hortulos quodammodo, expedit, praesertim, cum riuuli ex Grotianis fontibus deducuntur. Quare fac, vt transmittatur, ne diffidentiae occasio vel leuiter abs te detur. Scripsisti verbis conceptis, *illum transmittito*. Stomachatus paene sum, quod non transmisisti. Expostulaui cum auriga, primo ignarus, deinde monitus, abs te nullum librum esse traditum. At, si ingenue scribas et facias, amicum habebis iuxta, et retinebis. Simulatum enim quod meministi a me saepe audiuisse, non est diuturnum. Similiter per est molesta mihi ista mora, quam interponis diu, et impedis, quo minus rebus meis fruar. Remitte ergo tandem conaciones manu exaratas, et veteris liberalisque amicitiae gloriam serua. Tibi non defuturus sum in perscribendis Silesiae commentariis, si libros tabulasque adferas. De ceteris, opinor, sine molestia constituemus. Optimus Iunghansius noster de Chronico, quod promisit, admoneatur, cuius fidem et volun-

voluntatem in me eximiam merito commendando. Schedam subsignatam remisi, lineolamque subiunxi, quae indicio sit, libros notatos a me possideri. Si colloqui inter nos volumus, siquæ sumtus tui ferunt, futuro die Iouis apud me sis, oportet. Hoc scias, hoc expendas, atque hac ratione et regula consilia tua metiaris. Nemo alioquin ex me de tuis quicquam percontabitur. Etenim, stolidum esse necesse sit, cui tacere graue est. De Hekeliano numo quid dicam? Si Othonis Syluii numum edidisset, res labore dignior esset: Hunc conatum laudari, non indigne feram, et simulatque rediero, in Graecis Latinisque literis et antiquitatibus quaedam, ac meo munere digna, emittam. Caroli IV. vita nondum exiit, quod Garmansius per Arnoldum me admoneri voluit, se in eo quoque iam esse, ut typis exprimatur. Ego tamen selecta et meis laboribus exprompta habeo, quae suo tempore videant lucem, et confecto itinere Illustriissimis Dresdae Proceribus studio et pietate se commendent. Ex Italia celeberrimus Magliabechius raros libros, et numum, proxime ad me curauit, cui singulari epistola Saxoniae Proceres et sanctissimae aulae nostrae nomina, tanquam firmamenta studiorum, et maxima aevi reique publicae lumina, exposui ac laudaui, ut intelli-

telligat, quam eruditam florentemque Saxoniam habeamus. VIII. Calend. Iunias, A. cl. l. CXXC.

XXXVII.

ALTERIVS NOMINE.

NEquae parui aestimo donum, quod nomine Venerandi Theologorum Ordinis mihi obtulisti, et prolixum erga me affectum magni sane, pro eo ac par est, facio voloque, vt de amore meo et studio ordinem, mihi multo carissimum, certum reddas, nouisque doctoribus omnia laeta ac fastida, velut animi votorumque meorum interpretes, renuncies ac digne gratuleris. Tibi autem, cum ob susceptum alloquendi mei laborem, tum ob officium honori meo datum gratias ago, promittoque, deinceps omnia me facturum, quae et honori, et commodis tuis, inferuire queant. Id. Iun. cl. l. CLXXX.

XXXIIX.

GASPARI ZIEGLERO.

Quod mihi diu constitutum fueras, perfecisti haud infeliciter, et cum primis in Belgio Hispanico Gallicoque, varias et notatu dignas antiquitates inuestigasti, finesque regionum, et sacerdotiorum, origines item et nra, perquisisti, et Vicogni apud Flandros de S. Norberto aliquid reperi quod mihi

lo studio rimari potuit sodalitas S. Norberti, quae Magdeburgi floret, patronumque hunc veneratur. Tornaci, quod Scaldis interfluit, Childerici, Francorum regis, tumulum, aut tumuli potius vestigia quaedam ruderaque, vidi, Heristallium, Pipini patriam, Tungros, vbi primum Germaniae nomen haesit, peragraui, et nullos non ritus atque instituta vetera euolui. Ea postquam bene mihi euenerunt, recta Caletum contendi portumque Iccium Caesaris, qui ad Bononiae montes olim vergebat, inspexi, ac dein ex nouo portu solui, Doueramque, vento aduerso et satis tempestuoso, nauigauī, nec multo post Cantuariam, antiquissimam totius Angliae urbem, et castellum murumque veterem, et Ecclesiam imprimis, illius regni matrem, diligenter inspexi, cuius *Archiepiscopus*, Guil. Sandgrafft, fere Londini est, ac semper regem comitatur, vir profecto eruditissimus, et vel ob moderationem, aduigente Iacobo Eboracensi, Comtonio, *Episcopo*, Londinensi, praelatus. Sed pauci sunt, qui Latine hic loquuntur. In Graecis mihi mirifice placuit Thomas Gale regiae societatis scriba, et Paulinae scholae moderator. Isaacus Vossius Vindforii se pro dictatore gerit. Brianus Waltonus, Lightfootus, Jac. Duportus, Polus, Theol. vt vocant, Presbyte-

ranus, Barrouius, multis, nec ingratis for-
 monibus celebrantur. Pellio, alteri Euc-
 di, fortuna et fauor Aulicorum deest.
 Crovvn Medicus est. omni exceptione ma-
 ior, cuius **h**istoria musculorum nihil accu-
 ratius exiit **i**n lucem, adeo, ut Bartholinus
 auditores **o**bstupescerent, cum eum virum
 audirent **d**ifferentem. Nam pauca et cetera
 cura scribunt **A**ngli, et subsidia amplius
 doctrinae habent, et conquirunt. Melan-
 chthonem, Camerarium magnopere lae-
 dant, extantque epistolae ipsorum nondum
 editae, quae Heidelbergae delitescunt, et
 perferendae et edondae. Grotium etiam
 in concionibus cum summo elogio nomi-
 nant, et nihil non agunt, vt doctrinae sua
 amplificentur, et naturae arcana exad-
 eruantur. Disquisitiones autem pro-
 haberi nolunt, et praecipitem H. Olden-
 geri in eo genere industriam queruntur,
 cuius alioqui dexteritatem laudant et miran-
 tur. Interim Aulae et Academiae com-
 menda hos meos, et moram laxo-
 excusa, si feriis natalitiis demum collo-
 mur. Londini. IX. Cal. Sept. A. cl. b. CXXV.

XXXIX.

PHILIPPO FRANCISCO EBERHARDO,
L. B. A. DALBERG.

*Praefuli summo in Ecclesia Cathedrali Van-
gionum et tribunalis Spirensis Praefidi.*

Non quidem ego is sum, qui tantum mihi
fumere ausim, vt laudes tuas ac merita,
in omni genere maxima, de quibus omni-
um et voluntates et iudicia consentiunt,
vel adsequi me sperare possim, hoc tamen,
pace tua, Gratosissime Domine, mihi indul-
gere volui, vt exiguis versibus Orthii, Se-
natoris, causam de integro, et per epistolam
Illustrissimo nomini tuo commendarem.
Plus alioqui diuina illa virtus tua sibi vin-
dicat, quam aut rependat Orthius, aut ego
perfoluam, omnino tamen duxi, pro summa
illa atque incredibili comitate, quam in con-
gressu et sermone priuato apud Nemetes
mihi testatus es, sincero animo et honesta
pietatis ratione gratias nuncupare, Deum-
que venerari, vt maximum illud ingenium,
maximasque et admirabiles dotes, et studi-
um constantiamque, in suscipiendis et per-
ferendis pro iustitia laboribus, Caesari et
Reipublicae eripi ne sinat, ac denique ser-
uet in filiis atque posteris tuis, vt eandem
hanc multo rectissimam laudandi moris vi-
am pari exemplo, nec minori felicitate, in-
cant.

cant, partesque suas egregie et luculenter,
atque ex dignitate Illustrissimae Familiae
pariter, et S. Imperii, tueantur. Scriptum
Francofurti ad Moenum IX. Decembr. A.
clo clo CXXC.

Quos Iouis armigero fasces deferre sole-
bat,

Alituum glomerata cohors, celebrata Pe-
lasgo,

Hos Tibi plaudentes Aquilae nunc sponte
ministrant,

Et rutilum capite circumdant lumen ab axe,

Quale nec effingat diuino plasmate Mentor,

Nec satis angusto sculpat Lysippus in aere,

Cumque super veniens terret cum grandine
nimbus,

Phosphorus aurorae coelestem suscitatur
auram,

Et Zephyros afflat, gratumque per aethera
murmur,

Condit, et ex alto resplendet, Numinis instar,

Abrumpitque FABRI, quos nec ita acumine
nodos,

Atque Locum firmat, fatum voluitque be-
nignum.

Id, quanto potest opere, et summa cum ob-
sequii religione, demissioneque animi, per
sacra Themidis, perque immortale prosa-
piae DALBERGICAE decus, atque per du-
ram Orthii fortunam, et gratiam, quam ne-
mi-

mini clausam esse vult, obsecrat mecum enixe et precatur supplex ille et subiectus cli-
ens Tuus.

XL.

ERICO MAURITIO.

*IC. et in suprema S. R. I. Curia, quae Spi-
rae Nemetum est, Assessori.*

VEhementer doleo, quod, posteaquam
reditus mei in Saxoniam certas atque
constitutas rationes habere coepi, repenti-
num discedendi ex vrbe vestra consilium
sumi oportuit, ut tuis deinceps sermonibus
et congressu tuo, mihi alioquin utilissimo,
frui forte amplius non possim. Nam singu-
lare, fateor, desiderium me tenet repetendi
meas partes atque doctrinae meae studia,
quae Tibi quoque multum debere se profi-
tentur. Interim Senator Orthius, etsi du-
ra nunc fortuna utitur, domum mensamque
mihi offert, et adhuc liberaliter me retinet, ac
in quotidiano conuictu et familiaribus col-
loquiis honori tuo more ac ritu clientium
libat, ego simul tacita vota pro salute tua,
in qua plurimum reipublicae situm est, per-
soluo, et cum saluus ad meos rediero, per
te profecisse, non ingratus meritorum te-
stis affirmabo. Tantum id iam in extremo
epistolae perofficiose et reuerenter rogo,
atque te per fidem sanctissimi muneris,
quod

quod in republica maximum geris, obtestor, ut in causa, quae inter Orthium et *Fabrum* agitur, exoptatum Orthio suffragium feras, cui alter fraude patrimonium et vniuersas fere fortunas surripuit, et familiae honestissimae omnes nervos sic incidit, ut iam sumtus eum deficiant, quos impendat in curam cultumque filiorum, qui summa animorum contentione ad materni aui, Stenglini, decus gloriamque nituntur. Nec dubito, quin, per cineres et sanctam memoriam illius excellentis, ac tibi quondam, cum viueret, amicissimi, viri, hoc Orthii, genero atque nepotibus eius, concedas, ut, tua ope et patrocinio erectos se, et, in summo etiam calamitatis gradu in pristinum statum restitutos, iure gloriari queant. Ita te Deus reipublicae, bonis omnibus et mihi, seruet. Francofurti ad Moenum A. clō 16 CXXC.

XLI.

ORTHII FRATRIBUS.

Lutetiam Parisiorum.

SPira Nemetum reuerso, literae tuae mihi ex Lutetia Parisiorum redditae sunt, quae studium in me tuum satis abunde confirmarunt, et mihi beneficiorum, abs te et nobilissimo fratre acceptorum, memori, iucundam sane superioris amicitiae atque consuetudinis recordationem attulerunt.

Cum

Cum Spirae essem, plerique illustres viri, in primis Eques Bernstorffius, et Mauritius, IC. de statu et studiis vestris solícite me interrogabant, quibus decenti, et vobis etiam honorífico, responso satisfeci, Parens vester optimus et mihi fauet impense, et vos liberaliter adiuuare studet. Schmidius quidem et aemuli omnibus machinis eum oppugnarunt, sed iam, consentienti omnium Assessorum voluntate et suffragio, vicit causam, cuius sententiæ exemplum breui, ad nos perferetur. Emissarii, homines nequam, subinde veniunt, sciscitantur et inuisunt, ut obtrecent et prodant, sed contra eos taciturnitate et prudentia se praemunit, et salutationes circumspécte recidit, vt haec ratio agendi inimicis maiorem incutiat metum. Qui, cum et vestrae expectationi, quae passim est, et virtuti, quae subinde celebratur, inuideant, non depri-munt vos sed excitant ad augendas familiae laudes, vos praesertim fratres, una honesti instituti ratione, et una gloriae societate, coniunctos. Tum vero nihil dubito, quin ad vestram imitationem excitentur reliqui fratres, et sibi commune vestrum decus accurate proponant, ac parentum nobilissimorum desideria expleant, propterea, quod horum auctoritate et vestro exemplo commouentur. Nam, etsi de Hieronymo

Pe-

Petro dissuasi primum, et postmodum vos desentiretis, copiose exponere. Tamen ad consilium cecidit, quod et eius animus mercatura abhorrens, et in bellum in eo no limite in posterum de magno perire scendi, et dubiae ancipitem. Hoc seminum miserrimorum statu. Quod quatuordecim parentes vestros in aliam partem inxerunt. Quae alioqui de Germanica expeditione iactantur in vultu. Quam prudentibus, et cordatis. De Erfurto et Comiti. Si Moguntinus pro se ex sententia quam nostri iniquam putant, et comitum obtestabuntur, iure suo. Quorum auctoritate fressi, et. Plomatumue monumentum. Delbergicum orbitas pertinet. Ut labi fortune omnia pericula. De Badespes est, fore, ut consilia cum Austris iungat. Ob Amelandiam neque inter Caesarem Frisiosque, et. Quam partes ad exsequendum. Antistiti Monasteriensis. His res prope ridicula est. Ti consiliarii, rerum exte. Ciosa credulitate sibi. Spen facit diuinior. Quae non sine perire. Netque iam Delphini.

pae maximum, vt spiritus moderetur, quando constat, nunquam tres, et raro duos, continua successione, in primis apud Francos, felices fuisse et praepotentes. De Saxonia bene spero. Heredes *Electoatus* Vitembergae studiis operam dabunt, eritque haec occasio forsitan et de vobis bene merendi, si Deus mihi et vobis valetudinem fortunamque benignam et constantem deinceps concedat. Francofurti ad Moenum, Idib' Decembr. A. c^lo l^o CXXC.

P. S. Fratrem salutabis, et, data occasione Baluzio et Postello officia mea commendabis, et, si alter habeat codices Graecos, quos ad me curare velit, per Zunnerum, ciuem vestrum, faciam, vt ad me perferantur.

XLII.

CASPARI ZIEGLERO, IC.

EX quo in Germaniam reuerti necessarium mihi atque honorificum fore putavi, si extimos eius fines, ac totam Austrasiam, ipsumque adeo Palatinum, percurfarem diligenterque perlustrarem. Inde Spiram Nemetum me contuli, et omnibus in suprema imperii curia senatoribus innotescere volui, nec me impensae poenituit, quod multa ibi vidi et vfu didici, quae studia mea ornare possunt. Cum nemine magis familiariter fui, quam cum Iure consul-

E

tissi-

tissimo viro, Erico Mauritio, cuius et re-
reconditam doctrinam, et humanitatem, vix
fatis exprimere queo. Abundat numis,
geminis, lapidibus Memphiticis, sigillis ve-
terum tabulisque, et raris antiquitatum mo-
numentis, quorum copiam mihi fecit, ac
ita se probavit, vt Carolo Patino eum prae-
ferendum censeam, quem Patauium, vel hu-
ius doctrinae causa, in professorum nume-
rum ordinemque elegit. In Gallia Graece
doctissimus est Bigotius, qui commodum
Parisiis venerat, cum ibi agerem, et facile
me admittebat, et codices, quos secum ad-
duxerat, certatim mecum legebat, postea,
Rothomagum repetens, me Clarissimo Iu-
stello commendabat, qui recepit, se cura-
turum, vt optimis codicibus mihi in parte
historiae Graecae in posterum consulatur.
Isaacus Vossius me Vindsorii supra, quam
dici potest, comiter habuit, libros codices-
que ostendit, et de vera literaturae ratio-
ne vel vltra duas horas diligenter atque li-
beraliter mecum communicavit, de quo li-
teras Londino superiori aestate perscripsi,
quas, non dubito, quin Berolino acceperis.
Illuc enim perferendas cuidam tradidi, ac
vniuersum Angliae statum, quantum erudi-
tionis interest, breuiter strictimque expli-
caui. Iam id ago studeoque, vt, constitu-
tis domi rebus, et mitigata aeris inclemen-
tia,

tia, ad vos redeam, ac, si ita tibi placet, mensa tua deinceps utar. Interim gratulor tibi et Academiae totique patriae, quod Vitembergam nulla contagio infecit, et acre illud validumque frigus semina eius in Misnia quoque opprimit atque extinguit, optimoque Principi EL. Ioanni Georgio III., qui duris sane initiis usus est, spem firmi et fortunati imperii facit, et Academiae etiam veſtrati tutum florentemque statum pollicetur. Alioqui Germaniae, qua Rhenus eam interfluit, conclamata res est. Palatinus omnia labenti fortunae permittit, et, cum prolem optat, sperare non potest. Argentorato scribuntur literae non aliter, ac si iam Gallicae ditionis effet, nec vlla, nisi in diuiniore rerum administratione, spes superest, si forte eueniat, vt, qui armis Germanicis subigi non potuit, Delphini orbitate euertatur, aut saltem impediatur quodammodo, et a proposito Europaei dominatus retrahatur. Vale, Vir celeberrime, et Academiae proceres reuerenter meo nomine saluta, et, si qua occasio datur, Aulae praecipue me commenda, cui pleraque aperire, quae perquisiui et rimatus sum, fides quidem et religio me admonet, sed nunc, ob difficiles aditus, et ancipites dubiosque tabellariorum cursus, vix est tutum. Fran-

cofurti ad Moenum, Idib. Decemb. A. cId
IdCXXC.

XLIII.

HENRICO ACHILLI L. B. A. BV-
VVINCKHAVSEN.

*El. Saxonis in suprema S. R. I. Curia Legatio
et Assessori.*

Non potest esse bonus ciuis, qui illu-
stres et de republica bene meritas fa-
milias ingrato silentio praeterit, aut mali-
gne odit, propterea, quod iustum atque ae-
quum est, vt, qui plurimum ad iuuandam
ornandamque patriam attulerunt, in ore et
animis hominum perpetua cum laude ver-
sentur. Id vero cum primis ad maiores tu-
os petinet, Domine Benignissime, quorum
et beneficia maxima, et in omnibus vitae
partibus negotia egregia, ad posteritatis me-
moriam extant, quae si tenebris obrui pa-
tiamur, profani erimus et ingrati. Itaque
ordo temporum, et series rerum constare
debet, vt suis quaeque articulis veluti et
interuallis partiamur, et, quae fortiter ac re-
cte ab iis facta sunt, in commentarios refera-
mus, ac sincere diligenterque expendamus.
Eo minus ego, cliens tuus, committam, vt
aliquid dicatur et fiat, quin ad monumenta
a vitae laudis, et gloriam tuam dirigatur, fa-
ciamque, vt, quae fidei meae commisisti,
gra-

to cum animo restituam, et, si velis iubeasque, vitam Diui Patris, Illustrissimi Beniaminis, cum serie inclutae gentis tuae, prelo excudendam tradam. Reliqua curabo, cum in Saxoniam venero, et Deum precabor, ut vulnus, quod nuper grauissimum accepisti iactura illustris filii, in quo cum patria, tum familia tua, praesidium sibi destinabat, ope sua sanet praemuniatque aduersus saeculi casus, quos tristes sane ac terribiles nouus cometa denunciat, ac te nobis, rei que publicae et iustitiae, quam diutissime seruet. Maxime id mecum optat Senator Orthius, quem ut tuendum suscipias, et, liberis viri optimi, de praesidio deiectis, benigne consulas, ac, pro amore recti, proque auctoritate tua, Fabri effugiis viam aditumque tandem aliquando intercludas, reuerenter et demisse rogo. Francofurti ad Moenum, XVI. Cal. Ian. A. clbIsCLXXX.

XLIV.

IOANNI CHRISTOPHORO LIMBACHIO,

IC. et Consiliario Palatino.

Magna frigoris vis effecit, ut cursum itineris mei sisterem, et aliquandiu hic commorarer, neque melius valetudini

meae consulere potui, quam praecipiti itineris consilio infirmare nolim, praesertim, cum Princeps EL. Saxo tam benigno sit ingenio ut tempori hiberno moram hanc facile concedat. Simul ac vero rediero, honori et utilitati tuae nunquam non studebo, modo fuerit aeternum ac immortale Numen, ut patria in posterum pace floreat, de qua ferme dubito, si apparatus nostros, et habitum consiliorum praesentium, animo contemplor. Neque bonus augur est cometa proximus, qui funestos casus reipublicae minatur et Liliis Aquilisque triste aliquid denunciat, unde magnae et terribiles temporum commutationes euenire possunt. Delphinus proxime abest a periculo mortis, et, si rumori fides tribuenda est, iam ad aliam vitam migravit, fuitque haec iam olim fortuna Francorum regum, ut inter laetos bellorum exitus, miseri interdum dormi fierent, atque ad orbitatem redigerentur. Sed, utinam Germaniae facies esset melior, et concordia duraret pristina, ac maximis finitimisque Principibus inter se conueneret. Namque iam eo res rediit, ut externus hostis omnia consilia, morbos item et vulnera reipublicae nostrae accurate sciat, et conatus nullo negotio anteuertat, nisi Deus nos respexerit, ac aegrotanti propeque in ruinis iacenti corpori tulerit opem.

Dis-

Diffentiunt plerique *Electores*, acriterque
aemulantur suspitione potentiae, et mutuo
metu, vnde intestina dissidia per saepe ex-
citantur, quae ad conflandum ciuile bellum
permultum possunt, vt vereri in mentem
veniat, ne ipsi nos prius conficiamus, quam
de externo hoste repellendo cogitemus.
Ne vero Deus siuerit, vt Tradicii vatici-
num impleatur, ac tota adeo res Germani-
ca in deterius ruat, dum signa conuersionis
haud obscura apparent, nec aliter opinari
licet, si quidem pro statu temporum iudici-
um est ferendum. Ita nunc sero intelligimus,
in tam magno et dissidenti reipublicae cor-
pore tutius meliusque fuisse futurum, si bello
Belgico sese non implicasset, et arma au-
toritatis metusque causa ostentasset poti-
us, quam intulisset. Sed, quae facta sunt,
corrigi non possunt, nisi quod dolendum
est, alieni periculi causa rem Germanicam
tantum non fuisse euersam, vt Galli affir-
ment, non iam de finibus, sed de fine Im-
perii agi oportere. Etsi autem expeditio-
nes nostrae culpa non vacant, et occasio-
nes saepe neglectae sunt, ac pleraque alia
se obiecerunt, quae optima consilia muta-
rent, tamen fatendum est, hanc gratiam no-
bis retulisse Belgas, vt spinam, ex pedi-
bus suis extractam, in viscera defigerent
nostra. Quid vero? actione ingrati-
con-

ti contra ingratum Belgium experiamur? ita quidem plerique, sed periculose fatis, et inutiliter quoque, censuerunt. Ego nihil addo, quia non expedit, omnes intimos sensus exprimere, et aequum est, vota facere, ut Deus rempublicam in antiqua sede sistat, malaque impendentia a nobis posthac auertat, ac tibi in primis, hoc et futuro anno, omnia fortunae beneficia largiatur. Francofurti ad Moenum, X. Cal. Ianuar. A. c**l**o Is CLXXX.

P. S. Senator Orthius se suamque causam curae atque diligentiae tuae obseruanter commendat, simul ego enixe peto, ut consultissimus iurisque prudentissimus Bechtius meo nomine salutetur, cui nulla non officia mea constabunt, si quidem aliqua deinceps a me expectari possunt.

XLV.

HVLDERICO EYBENIO,

IC. et Assessori Spir.

SPira Nemetum discedenti mihi prima quidem cura fuit, me ipsum pariter, et studia mea, de integro tibi commendare, iamque facturus, quod me decebat, officium, ab aliquo commonebar, rationes muneris tui non ferre, ut quenquam admittas praesertim, cum labores, quos pro iustitia et republica summa cum laude suscipis, ita cumulati sint, ut nullum sane vacuum tempus concedatur,

datur Ea de causa arbitratus sum, non licere mihi abs te petere aditum per occupationes et curas sanctissimas, quas interpellare intempestivum est atque indecorum, mihi praesertim, clienti tuo, cui nihil prius esse debet, quam te colore et venerari. Nam, ut fortuna horum temporum est, multa mihi in tuo, nec simulato, patrocinio sita sunt, quandoquidem de futuro patriae statu, et de rebus meis vix certi aliquid statuere possum. Acre enim frigus, sicut spem salubris aeris mihi facit, ita ab itinere me retrahit, propterea, quod passim interclusi aditus tempore alieno et ob coeli inclementiam durissimo, me adhuc non sine causa remorantur. Alioqui novum sidus cometa funera illustria significare videtur, nec desunt, qui dicant, Delphinum e vita decessisse, qui iam diu cum graui certe morbo est conflictatus. Longitudo caudae terribilis est, nec proximis superioribus saeculis, aut nostra patrumque memoria, visus est *πρωΐνιος* qui tantum coeli spatium caperet et aequaret. Forsan ita fato datum est, ut, quem nostra bella discordantium frangere non potuerunt, deinceps percellat orbitas, ut credat, res Germanicas Deo esse curae, esse ultionem. Interim Numen aeternum supplex inuoco, ut illustre tuum nomen mihi et Orthis, recti ex-

empli iuuenibus, in primis autem reipublicae, quam diutissime seruet, qui mecum per omnia sacra, perque obsequii, quod me interpretare per literas, ex Gallia scriptas, sanctissime spondent, religionem ac sempiternum nominis tui cultum rogant demisse atque obtestantur, ut in senatu vestro parentis optimi, et omnibus fortunis euerſi, causam agas et tuearis. Ita vero te Deus Caesari, senatui supremo, iustitiae et literis, ac nobis clientibus seruet, perpetuoque contra funestos quosuis casus firmet. Scriptum Francofurti ad Moenum VI. Calend. Iun. A dñs IsCLXXX.

P. S. Magna vis frigoris impediuit, quominus Darmstadium commearem, atque tua imperata facerem, quod pro summa, qua es, humanitate benigne interpretare. Simul ac enim occasio feret, et res meas domi apud matrem viduam constitutas habebō, nihil eius intermittam, quod cum honesti obsequii laude coniunctum est, atque vna etiam pro tua valetudine et gloria nominis, et inclutae familiae incrementis, vota faciam, ut hoc et futuro, qui breui nos expectat, anno, et continuata deinceps temporum serie, floreas, et quam diutissime superſis. Id mecum volunt Orthii et vouent.

XLVI.

GEORGIO FRIDERICO MVEGIO,
I. V. D.*et in suprema S. R. I. Curia Aduocato.*

Fides amicitiae nostrae exigit, vt honori tuo studeam, quod et bene pro rectissima voluntate tua de me existimasti, et peregrinum ignotumque comiter ac honorifice excepisti, et mensam hospitiumque optimum commendasti. Quae officia vt egregia sunt, ita nunquam memoria mea excident, vt intelligas, sincerum atque rectum me esse hominem, qui referendae gratiae occasionem enixe quaerat. De Orthii causa, quaeso te, priuatim et tacite diligenterque labores. Crede mihi, labori pretium non in charta, sed in parata pecunia rependet, sponforque ego huius promissus ero, vt non verbis, sed re ipsa, impleatur. Rumetschio nostro, quem sincere diligo, indicabis, me commodis eius aduigilare velle, si quidem Saxonia nostra placeat, sin aliud consilium capiat, vel Tubingae vel Heidelbergae, gratiam ineat, vt contra aemulos atque inimicos sese tueatur. Nam viro eruditissimo bene cupio, et volo, vt taediosum munus, quod administrauit hucusque meliori permutet. Respublica nostra futuri incerta est, credoque, fore, vt Galliae regem

regem orbitas frangat, quem discordantis reipublicae arma frangere non potuerunt. Cometa triste prorsus et ferele aliquid Liliis denunciat, flammamque ab occidente spargit maximam versus orientem, et spatium coeli maius conficit, quam nostra patrumque memoria alius quisquam. In Saxonia nostra consilia Martia et belli apparatus spem mihi egregiam faciunt, neque dubito, quin iugum externi hostis tandem aliquando depellatur, si Principes, metu seruitutis, consentiant, viresque coniungant. Nam et potentia nimia nunquam est fida, et Francorum felicitas plerumque in tertio successore defecit, ac nunc quidem non vana domesticae calamitatis indicia apparent. Ita bene feliciterque agas, Nobilissimum ciuem meum, Bruggium, meo nomine per officiose salutes, et, si non graue est, Fuchsum de Masteio curando admoneas, fratremque tuum amicissimum, et Conuictores Spirae optimos humanissimosque, de voluntate et officiis meis quam certissimos reddas. Francofurti ad Moenum, VI. Cal. Ianuar. A. cdo 15CLXXX.

XLVII.

HENRICO ACHILLI L. B. A BV-
VVINCKHAUSEN.

BEne grauiterque censuisti, recto et bono ciui eas agendas esse partes, quae lau-

laudem ab officii honestate vindicent sibi, et gloriosa ad posteros exempla transmittant, ut duces auctoresque rerum in republica maximarum ne lateant, aut quoque modo ignorentur. Etenim singularis magnitudo animi, et patientia invicta, et incredibilis prudentia ac pietas, quae a maioribus et divo patre tuo, forte nascendi, ac hereditatis quodam iure, in sacrum et venerabile petus tuum dimanarunt, nulla mea culpa dissimulari, nedum ingrato et turpi silentio obliterari debent. Cum Spenero, qui observantiam me interprete nunciat atque confirmat, superiori die locutus sum, qui de tuis insignibus gentilitiis aliquid in commentarios, quos Heraldicos vocant, referre constituit, si copiam ei facias, atque institutum, per se laudabile, assensu tuo comprobare velis. In Saxonia nostra Haugvizi-
us res et negotia aulae summi praefecti titulo moderatur. Miltizius, recenti Saxo-
nis beneficio, *Cancellarii* munere fungitur. Infidum vulgus externum, pecuniarii accipitres, ex aula exierunt, plerique, rationes reddere iussi, in vinculis sunt. Dux Cro-
iae, qui regi Daniae meruit, et contra hostes subinde fortiter stetit, ad gerendum summi militiae praefecti munus inuitatus est, omnia demum sic administrantur, ut simul egregie emendentur, opesque aerarii
et

et robur retineantur. De Cometa multi et vsu periti *Astrologi* iudicant, maximo cui-dam Europae Principi obitum significare, atque id haud dubie ad Regis Galliae filium dirigitur, quem lento veneno contabescere aiunt. Vereor sane iam, ne maxima rerum conuersio Europae impendeat, quando ex Gallia perscriptum est, regem de bello Caesari inferendo cogitare, nec legato Mansfeldio in aequis et honestis postulatis adhuc satis fuisse factum. Interim Te, Illustrissime Domine, Sanctum aeternumque Numen a malis et fortuitis casibus defendat, totoque hoc, quem inimus, anno deinceps protegat et seruet, quod mecum precatur Orthius, qui se suamque causam tuo efficaci patrocinio demisse et reuerenter commendat, et clientem atque deprecatorem perpetuum se profitetur. Francof. ad Moenum III. Cal. Ian. A. clō Io CLXXX.

XLIIX.

IO. PHILIPPO VVITTSTEINIO

IC. et Cancellario Waldeccensi.

CVm, ex Gallia redux, apud D. Spenerum et D. Horstium, nominis tui atque honoris studiosissimos, inuiserem, negotium mihi datum est, vt vtriusque literas ad te curarem. Quod vltro libenterque suscepi, et cum officii, tum obseruantiae meae, partes

tes explere volui, neque dubito, quin me commendatissimum tibi habeas, meisque et et matris viduae rebus consulas, ac, vbi opus opus fuerit, auctoritatem tuam interponas. Consilium mihi est, deinceps patrias res literis mandare, et Illustrissimorum patriae Procerum vitas, acta et exempla, ad posteritatem insignia in commentarios referre, si quidem id perclementer sibi de ciue suo polliceantur. Nihil vel laboriosissimum defugio, fidemque oblige, et omnia facere ac experiri statutum habeo, quae ad illustrandas patriae meae laudes adferri possunt, vt Saxones quoque nostri in posterum VValdecciae ornamenta, imagines, decora et palmas, intueantur. Quod eo magis faciendum mihi esse, existimo, quod Saxones et VValdeccii felici auspiciatoque connubio nuper iuncti sunt, et, difficili hoc propeque conclamato rerum statu, animos opesque sanctissimo foedere colligunt ac deuinciunt, et rectum concordiae Germaniae exemplum tradunt. Nam, vt nunc tempora sunt, noua pericula communi patriae impendent, et, nisi me omnia fallunt magna et memorabilis rerum conuersio instat, quam, praeter maxima regum funera et subitos casus, recens cometa forsitan etiam significat. Serenissimus Princeps EL. Saxo, Italos, Hussaros, Heluetios,

misi,

misit, et robore Germanico legiones suas firmavit, quando id breui eueniet, vt aut pereat libertas, aut armis praesentibus defendatur. Orbitas tamen regi Europae maximo metum iniicit, et res iam eo rediit, vt de valetudine Delphini vel ipsi cordatiores Galli desperent. Interim me tuo patrocinio permitto, et si quid de republica agatur ex Saxonia diligenter perscribam, votaue faciam, vt hoc ineunte anno, et sequentibus deinde omnibus, saluus sospesque sis, et consilia patriae salutaria pariter, et honorifica, impertiaris, Ita te Deus seruet, prosperet ac tueatur. Corbachii Nonis Ianuar. A. clō IsCLXXXI.

XLIX.

N. REINEKE,

In Curia Redituum VValdeccensium a secretis.

Quae tua erga meos humanitas est, ea mihi, ex Gallia reduci, non disparem promittit beneuolentiam, et facit, vt magnopere abs te petam, literas has Illustrissimo Comiti, Georgio Friderico, recte fideliterque tradas. Pro quo officii genere, si quid est, quod me flagitas, nihil recusabo, siue honoris siue commodi tui causa, modo tale sit, vt voto vires respondeant consiliaque mea bene ac feliciter vertant. Cupio,
enim

enim, vt intelligas, me, confectis feliciter itineribus patriae honori id daturum, vt res actaeque Illustriſſimorum Procerum poſteris tradam, quando non melius ipsis pietatem meam ad probare poſſum. Tranſeunt enim nuper Belgium, atque hinc in Angliam traicienti, ac deinceps in Galliam nauiganti ſaepe data eſt occaſio de iis praeclare dicendi praefertim, in quibus maxima ipſorum virtus eluxit. Igitur non dubito, quin placeat conatus ille meus, quaefoque te, vt de hoc inſtituto ad eos reſeras, quod ſane eiusmodi eſſe perſpicias, vt haud dubitare queas, quin cum religione ciuis boni ac obſequentis ſit coniunctum. Interim toto hoc anno tibi felicia quaeque precor, Deumque oro, ut aerumnas, morbos, bella, a communi patria auertat, et ſigna irae, quae in coelo monſtrat, cum bonis auſpicatisque patriae ominibus commutet. Corbachii V Valdeccorum, Id. Ian. A. clō lō CXXCI.

L.
EIDEM.

PErpulchre et ſapienter cenſuiſti laudabile et excellens eſſe argumentum, in quo patriae cauſa vires experiri conſtituiſſem. Nam, cum domeſtica abunde ſuppetunt, abſurde et temere externa quaerimus, quae ſuperſtitio quidem multorum animos, pra-

F uo

uo saeculi more exemploque, inuasit, a me
tamen tantum aliena est, quantum cogno
recti et probi ciuis specimen dare. Atque
in ea sententia perseuero, et, vt me confide
re mihi credas, denuo rogo, vt amplior ar
gumenti huius materia praebeatur. Scri
pturo enim historiam Diuorum VValde
ciae Comitum multa et magna ad eam res
subsidia omnino mihi circumspicienda sunt
pars ex editis annalibus et libris, quibus
haud egeo, pars ex codicibus et tabulis
manu exaratis, quae superiorum beneficiis
perquirendae sunt, pars ex publicis rebus
actorumque documentis, quae in foro
curia disceptata sunt, reliqua ex literis
pragmaticis Caesarum Procerumque
fistorum peti, et a veris domesticisque prin
cipiis arcessi, debent. Tum de vita illius
fstrissimi Domini nostri, Georgii Friderici
attexi aliquid, nec vulgare, oportet, quippe
quae eiusmodi est, vt in eam omnes huius
sequentis aevi Duces ac Praefecti milites
res intueantur. Initia, velutque tirocinium
progressum deinceps et maxima incremen
ta summi huius militiae Imperatoris in trans
itu et obiter referre, mihi pariter, et Augu
sti Celsissimo, inglorium foret. Itaque
fontibus ducendi sunt riuli, et literae
viro citroque commutatae, et consilia eun
taque in toga et bello prudenter expe
dienda.

denda sunt, vt nihil sine graui momento inferatur, ac operi pretium a grata et sincera posteritate rependatur. Quaeso autem te vt hoc ne des crimini arrogantiae boni, et sine furo ac lenocinio scribentis hominis, qui nihil aequè cupiat, quam in rebus seriis de Illustrissimis patriae Proceribus mereri. Ita volo te saluere, et peto, vt Nobilissimum VValdschmidium, cuius beneuolentiam plus semel expertus sum, de obseruantia et studio meo certum reddas, sique non graue sit, Reuerendum Embdenium, Praeceptorem quondam meum, salute multa imper-tiaris, Corbachii VValdeccorum, VII. Cal. Febr. A. clb b CLXXXI.

LI.

HENRICO ACHILLI. L.B. A. BV-
VINCKHAVSEN.

Condonabis mihi superioris temporis moram, cui et occasionem, et ansam, dedit iter ad Illustrissimum VValdecciae Comitem, in cuius aula de tuo nomine et meritis multi atque honorifici sermones inciderunt. Nunc Saxoniam repeto, et mandata tua cum apud Principem EL. tum apud sanctiores ministros, qui honori tuo fauent, fideliter ac demisse curabo. Omnia nunc nostra aguntur optime, ac Princeps et patriae, et aerario, bene consulit,

F 2

con-

uo saeculi more exemploque, inuasisit, a me
tamen tantum aliena est, quantum cognoscere
recti et probi ciuis specimen dare. Atque
in ea sententia perseuero, et, vt me confite-
re mihi credas, denuo rogo, vt amplior ar-
gumenti huius materia praebeatur. Scrip-
pturo enim historiam Diuorum VValdece-
ciae Comitum multa et magna ad eam rem
subsidia omnino mihi circumspectenda sunt.
pars ex editis annalibus et libris, quibus
haud egeo, pars ex codicibus et tabulis
manu exaratis, quae superiorum benefici-
perquirendae sunt, pars ex publicis rerum
actorumque documentis, quae in foro et
curia disceptata sunt, reliqua ex literis
pragmaticis Caesarum Procerumque no-
strorum peti, et a veris domesticisque prin-
cipiis arcessi, debent. Tum de vita Illu-
strissimi Domini nostri, Georgii Friderici
attexi aliquid, nec vulgare, oportet, quippe
quae eiusmodi est, vt in eam omnes huius
sequentis aevi Duces ac Praefecti milita-
res intueantur. Initia, velutque tirocinii
progressum deinceps et maxima incremen-
ta summi huius militiae Imperatoris in tran-
situ et obiter referre, mihi pariter, et Augu-
sti Celsissimo, inglorium foret. Itaque
fontibus ducendi sunt riuuli, et literae
viro citroque commutatae, et consilia euen-
taque in toga et bello prudenter expedi-
enda.

denda sunt, vt nihil sine graui momento inferatur, ac operi pretium a grata et sincera posteritate rependatur. Quaeso autem te vt hoc ne des crimini arrogantiae boni, et sine fuko ac lenocinio scribentis hominis, qui nihil aeque cupiat, quam in rebus seriis de Illustrissimis patriae Proceribus mereri. Ita volo te saluere, et peto, vt Nobilissimum VValdschmidium, cuius beneuolentiam plus semel expertus sum, de obseruantia et studio meo certum reddas, sique non graue sit, Reuerendum Embdenium, Praeceptorem quondam meum, salute multa imper-tiaris, Corbachii VValdeccorum, VII. Cal. Febr. A. clb CLXXXI.

LI.

HENRICO ACHILLI. L.B. A. BV-
VVINCKHAVSEN.

Condonabis mihi superioris temporis moram, cui et occasionem, et ansam, dedit iter ad Illustrissimum VValdecciae Comitem, in cuius aula de tuo nomine et meritis multi atque honorifici sermones inciderunt. Nunc Saxoniam repeto, et mandata tua cum apud Principem EL. tum apud sanctiores ministros, qui honori tuo fauent, fideliter ac demisse curabo. Omnia nunc nostra aguntur optime, ac Princeps et patriae, et aerario, bene consulit,

F 2

con-

consiliaque rectissima adhibet et admittit. Principes iuuentutis accurate instituuntur, magnamque vniuersae patriae spem faciunt fore, vt per eos Saxonia deinceps in altum fastigium euehatur. Seriem inclitae tuae familiae vitamque diui Beniamini edam, publiceque cum erudito orbi communicabo. Interim Amplissimus Senator Orthius, se causamque suam Illustrissimo Nomini tuo de integro commendat. D. Spenerus insignia tua, parti III. Operis Heraldici inferenda, petit. Ceterum Domine, Deus ingrauescenti aetate seruum vigorem animi, robur corporis, fortunam florentem, in perpetuum firmet. Francof. Moenum, Non. April. A. C. clj lxxv.

LII.

IO. GEORGIO ORTHIO,

Lutetiam Parisiorum.

VT primum ex patria, vbi Illustrissimus Comes VValdeccius me ad perquirendum sanctius tabularium adhibuit, bene liciteque reuerti literae tuae, comitatu plenae, allatae sunt, quas summa cum voluptate perlegi, et de optimo fratris statu cognoui. Mihi consilium est Baro Gersdorffio vel fratrem, vel te ipsum, commendare, vt regendis suis studiis, qui in Vitembergae est, operam nauare possit.

Natu minimus frater, Hieronymus Petrus, Gymnasio Hanouienſi deſtinatur. Mater enim perfeuerat in ſententia, et conſentit honoratiſſimus Pater, vt literas ex colere pergat. Parum ab fuit, quin Geneuam, capiendi cultus cauſa, dimitteretur, quod diſſuaſi, quia rationibus eius non conducit, Sauſerius tamen prope hanc in ſententiam induxerat parentes. Lis Spirenſis adhuc pendet, cum aduerſarius omnia mouet et moli-
tur, vt mora neſtatur in cauſa tam liquida et certa. Doleo vicem et fata temporum iniquiſſimorum, quae rebus veſtris aduerſantur. Saxonia, benigniori Dei auſpicio, creſcit, quando Princeps EL. conſilia prudentiſſime moderatur, tribunos militesque conducit, et ſumtibus ſuperuacuis parcit, ac auctoritate ſuae pariter, et commodo patriae, egregie conſulit. Cum Principe EL. Brandenburgico de foedere tractauit, prolixique Pozdamii eſt acceptus. Rex Galliae *Inſtrumentum pacis* interpretationem non ex *Inſtrumento* Neomagenſi, ſed ex publicis actorum commentariis, vulgo *Protocollo* adornat, quam Germani contra morem et inſtituta gentium, contraque pacti conuenti ſanctitatem, interpretantur. Clariffimos Viros, Baluzium et Poſtellum, ſi qua eſt occaſio, ſaluta. Vale Francofurti ad Moenum, Idib. April. A. C. clb lbCLXXXI.

LIII.

PETRO HOMFELDIO.

IC.

SEX dies sunt, quum ex Gallia reuerſo
 literae **tuae** allatae sunt, ex quibus in-
 tellexi, **quid** cum de me, tum de affine tuo
 minore **annis**, velles. Ego sicut amor tui
 plurimum **tribuo**, ita faueo conatibus iuue-
 nis, quem **elegantia** ingenii mihi commen-
 dat, adeo, **vt** nolim vllam probandi officii
 occasionem **praetermittere**, si quidem
 offeratur, **vt** de studiis eius bene mere-
 ri vnquam possim. Respublica communis
 huc, velut corpus male affectum, difficili
 periculoso **morbo** laborat. Plerique in-
 uerſa ac **deteriora** eunt. De Germania
 Rhenum **conclamata** res est. Palatinum
 riter periculum, atque orbitas, angit. Sa-
 xo noster meliori fato aerarii opes infla-
 rat, et de milite, suis impensis alendo,
 gener consultat. Bauarus vt ferunt Saxo
 Ilenacensem ducet, quod etsi reipublice
 expedit, tamen sponsae rationibus, quae
 nus ad auita sacra diriguntur, vix conducunt.
 Nam, etsi multa in eo genere liberalitate
 promissa sunt, non tamen est, vt credam
 a Principe religionis Romanae tenacissimam
 seruatum iri, nec me fugit, quid cum Doro-
 thea principis actum fuerit, cum a Neu-
 burg

burgico, vel ipso Darmstadio Antistite non inuito, domum duceretur. Interim disputamus cum Gallo, tractamus, literasque saepe et solícite commutamus, interpretamur, distinguimus, defendimus, ac denique omnem lapidem mouemus, ut iure causam vincamus. Sed rident Galli, perquirunt abditos sensus, diuidunt studia et partes, occupata etiam retinent, Alsatiæ incumbunt, et, ubi vel leuissima data occasio fuerit, in visceribus Germaniæ bellum gerunt. Nisi benignius fatum nos respexerit, Germania superior iacebit in ruinis, cum nemo Gallum, occupata Lotharingia, prohibere possit, quo minus libere in fines nostros excurrat, bellumque adeo semper in hostico gerat. De reliquo te Deus seruet, Consultissime Vir, cum familia, et florantissimis necessitudinibus. Zieglerus, cuius de iuribus maiestatis opus iam prodit in lucem, te diligenter multumque salutat. X. Cal. Mai. A. MDCLXXXI.

LIV.

NICOLAO L. B. A. GERSDORF.

Senatus Sanctioris Principi.

Diu, multumque Deo supplicauī, sineret mihi reduci hoc gaudium esse illibatum, ut erepto patriæ Diuo Henrico Frisio, cuius gloria in omnes Europæ oras pe-

F 4.

netra-

netrauit, et latissime diffusa est, principem in Senatu maximo teneres locum, reique publicae negotia tuo deinceps ductu ordinares. Neque me illud fefellit votum, et fructum huius spei opinione mea citius cepi, quando apud Gallos consistenti de fama prudentiae, et felicitate tua rumor non fallax allatus est, omnia conspirasse, ad augendam nominis tui auctoritatem, ut Saxoniae rationibus sic quoque consuleretur. Quod, absit, ut velim esse fraudi Illustrissimo Socero tuo, cuius senium, curis fractum, leuamento eget, et, composito in quietem animo, laetatur, extitisse Generum, qui provinciam eam prompte susciperet, ac feliciter administraret, quum nemo te melius potuisset. Fausta igitur et laeta Saxoniae conditio est, quod, quum Germania coepit esse fastidio exteris, Saxonia tuis consiliis sic iam fulciatur, sic erigatur deinceps ac firmetur, ut omnium prope regum principumque oculos in se conuertat. Plerique satis aperte dicunt, si posthac misera pax honesto bello mutanda sit, egregium defendendae communis patriae libertati apud Saxones praesidium fore, ubi in toga belloque virtuti pretium sit, et provide omnia agantur. Quare, quum, Rheno traiecto, ad Moenum Lanumque pergerem, nec multo post domi essem, Illustrissimus Comes

VVal-

VValdeccius, idemque Foederatae Bel-
gae militiae Imperator, cum Principi EL.
bene precatus est, tum te, Domine, inter
singularia virtutis et fortunae exempla me-
morandum censuit, quod, conclamatis Ger-
maniae Cisirhenanae rebus, Saxonia inprimis,
te consilii Principe, robur aerarii et
militum opportune compararet. Qui lau-
de tua excitatus, VVetterauicos Comites
omni studio ad societatem foederis deuin-
xit, et, ut de externis viribus tempestiue co-
gitarent, persuasit. Simul et mihi literas,
ad Saxonem perferendas, tradidit, quas tuo
praecipue consilio submittit, quum optat, ut
de rebus suis in posterum limatum aliquid
scribatur, quod totum ex arbitrio Domini
mei longe Clementissimi, atque ex tua sen-
tentia, pendet. Eadem occasione trans-
mitto Ludolphi Historiam Habessinorum,
Iobi Ludolphi, inquam, Viri tua merita
summe admirantis, et Aethiopicarum anti-
quitatum peritisimi, etsi nunquam apud
Habessinos fuit. Ipse leges, Domine, et
iudicabis, et de auctore sic statues, ut eum
obsequii sui non poenitere possit, quum id
in summa laudis parte ponat, si vel tibi co-
natus iste se probet. De illustrissimo fi-
lio quicquid me facere velis, Domine, nihil
defugiam, omnesque doctrinae meae copias
illius usus, studiis, commodo, suppeditabo.

F 5

Quod

Quod restat, orabo Numen coeleste ac æternum, vt Illustrissimam Familiam tuam saluo te semper ac sospite, cum Illustrissimæ Coniuge, et Illustrissimis in vniuersum liberis, eodem in felicitatis gradu seruet protegat ac tueatur. IV. Calend. Maias, A. cl. l. CLXXXI.

LX.

GEORGIO SCHVBARTO,

P. P. *Ienensi.*

MAgno pere doleo, quod, cum hac tractares *superiori* anno, mutuo colloquio non possemus. Fortuna sane meam tuamque spem frustrata est, ego vero efficiam, Ienae nos in posterum saluremus. Zieglerus et Stolbergius te amant, ac diligenter resalutant. Graecos Germania habet eruditos, nec laude sua fraudandos, sed cum subsidia, vnde variae lectiones petendae atque corrigendae sunt, omnino cōstituunt, quorum plures apud vnum Vossium reperi, quam apud omnes nostros. Anglia floret his *viris*, neque Galli, si hoc tempore Emericum Rigotium excipias, in comparisonem referri possunt. Maximam enim huius eruditionis in Henrico Varesio iacturam fecerunt, quem videre quidem et audire vehementer cupiebam, si vita et eius virtus meruit, longius produci non

Biel

Bielkium de libro ad me perferendo admo-
neas, qui nundinis Naumburgensibus cen-
tum et triginta Imperiales a me accipiet, et,
si quid ab eo cognatae Bielkiae soluendum
sit, curabo, ut quam primum fiat. Vale, Vir
Amplissime, et festinationi meae ignosce.
Vix enim scribere coeperam, quum Illu-
strissimus Gersdorsius Torgauiam, ubi iam
aula est, me acciuit. Prid. Id. Mai. A. clō
Is CLXXXI

LVI.

ISAACO VOSSIO,

*Praefuli Vindsoriensi et Polyhistori
summo.*

PERMULTUM humanitati tuae debeo, quod
superiori anno, cum Vindsorii incogni-
tus te inuiferem, tam benigne comiterque
me excepisti, ut existimare debeam, nullum
fane tempus melius unquam collocari po-
tuisse. Nam, me haud supputet confiteri,
multa abs te audiuisse, quod scire quidem
omnes vere eruditos oporteat, sed, prae-
ter te, pauci sciant. Quare, postquam re-
uerti ad Saxones, statim ad salutandum in
aula Gersdorfium veni, ac de te cum multa,
tum honorifica, feci verba. Eum Henrico
Frisio, Viro honoris tui studiosissimo, et in
Senatu sanctiori Principi, surrogauit Saxo,
ac bono quidem reipublicae auspicio, quan-
do

do et negotia eius vniuersa prudenter administrat, et literarum quoque studia in primis ornat, ac tuetur, et te sic profecto aestimat, vt Frisio nihil in eo genere concedat, quem alioquin ex asse imitatur. Verum, hoc temporum statu, belli consilia multum molestiae ipsi exhibent, propeque eripiunt otium, quod studiis amoenioribus dare consueuerat. Vereor enim, ne dubiam ancipitemque et infidam Germaniae pacem breui magna rerum commutatio sequatur, cum pro certo exploratum sit, in aemulatione et discordia tot Principum sitam esse omnis nostri mali causam. In Thuringia uix dubium est, quin Troiae exemplum habeamus, si perficiatur consilium, de quo fama nunc increbrescit. Interim Francorum ille Romulus exspectat occasionem et captat, prohibitu interpretatur pactiones et seruat, donec ipsi expedit. Aditus ad Rhenum quaque rursus nunc patet, limitemque veterem in potestate habet, neque erit, qui prohibeat, si vel ad ipsum Moenum descendat. In VVetterauiâ colliguntur manipuli, et, rebus quotidie in deterius labentibus, armantur atque instruuntur, tum, delectu habito, recensentur, quae forte nihil, praeter simulacrum, habent. Vicini autem Darmstadini recusant hoc foedus, et tergiuersantur, Cassellani probant, ratumque habent,

re-

reliqui spectant, quam agere nolunt, fabulam, siue, quod securi, siue, quod impares sunt, fataque sua expectant. Etenim non magnum pondus habet potentia, quae sua vi nixa non est, quos fortuna omnibus casibus subiicit, quando per se resistere non possunt. His rebus Saxo noster adductus est, ut cum aerarii, tum militiae, maiorem curam gerat, et una voluntate ac studio cum Camillo illo Brandenburgico consilia, viresque coniungat, in quo foedere plus inest roboris ac splendoris, quam in apparatu ac subsidiis omnium VVetterauiae Comitum, et eorum, qui Rhenum accolunt, Regulorum, praesertim, quum Caesar rationes motus Vngarici conficere studet, atque adeo res suas tueri certe satis habet. Sed haec alio pertinent, nisi, pro summa tua beneuolentia, hoc amori pariter, et venerationi meae, dare velis, ut non indigne feras hominis, nimis festinanter scribentis, conatum. Recordor enim sermonum, abs te Vindsorii habitorem, quibus et variae eruditionis, et doctrinae etiam ciuilis, fontes copiose aperiebas. Hoc minus nunc aliquid suppetit mihi, quod tuae expectationi satisficiat, praeterquam obseruantiae tibi testificandae exemplum. Monumenta ingenii tui, quae res arduas, et vulgo minime obuias, complectuntur, assidue lego, haec verso in dies, haec
meis

meis commendo. *Chronologia* tua LXX. Interpretum in compluribus iam diu confudit sciolos, ac de ignorantiae praesidiis omnibus deiecit. Nihil dicam de commentationibus in Melam, deque Vindiciis Ignatianis, quae et acumen, et vim iudicii maximam, et immensam lectionem, ostendunt. Reliquum illud de Sibyllis iam peruoluo, atque opto, ut diu reipublicae literariae superfis, et iuuenem hunc Doctoris Lipsiensis filium, politum, et compositis moribus, patriae nostrae ciuem, Lehmannum, ad conspectum, alloquiumque beneuolum admitas, quod ille maximum fortunae suae beneficium interpretabitur, nullis sane non officiis demerendum. Illustriss. Gersdorffus, in sanctiore Saxonis Consilio Senator praecipuus, diligenter te salutatur. Si non graue est, Peukerum meum saluere cupio. Vitemb. Sax. Eid. Maii, A. cl. b. CLXXXI.

LVII.

IACOBO RICHARDO,

Doctori Theologo, et Sacrorum VValdensium Antistiti.

PER aulae et officii rationes nondum ea, quae volui, ex animi sententia confice-repotui. Iam enim Torgauiae me retinet Generosissimus Baro Gersdorffus, in Senatu Sanctiori Princeps. Epistolam Illustris-

sini

simi Comitis Georgii Friderici proinde accepit et resignavit Saxo noster, qui ea de re ad consilium sanctius retulit, atque hinc responsum exspecto. Omnes aulae administri fauent, iuxta cum Principe EL., honori Illustrissimi Comitis, personatque aula plausu et praeconio eius. Tantum mora quaedam exspectanda est, cum, semestre aestiuum hic traducendum esse, perspiciam, vt reflorescenti nunc Academiae, quae prope in vastitatem, metu pestilentis morbi, redacta est, consulam, studiisque meis et exemplo adsim. Quare, cum responsum tulero, ad Illustrissimum Comitem, cui, data occasione, pariterque Consiliariis, me commendabis, sine cunctatione perscribam. Calouius, qui honorifice de te existimat, Dassouiusque, conuictor meus, te multum ac diligenter resalutant. Ille etiam literas rescribet, maximoque gaudio tum affectus est, quum de Illustrissimi Georgii Friderici prospera valetudine, in qua et reipublicae, et Ecclesiae, permultum situm est, ex me cognouit. Ita vero te recte valere cupio, et cum vxore ac familia florere opto, demum peto, vt matrem, atque necessarios et patronos meos, multa salute impertiaris, Eid. Maii. A. cl. 1791 CXXCI.

LIX.

NOBILI CVIDAM.

Grauer fero conditionem tuam, et tantum non deploro tempus studiorum rationibus aduersum, quod morbus tibi eripit, praesertim in flore iuuentutis, cuius fructum patria mecum haud vulgarem expectat. Librum mitto, cui Elertus sigilla vestris, ex fide promissi, addet, tibi que inspicienda tradet. Abs te peto, ut mecum communices, quae in Machiauellum praelegi, voluque, ut quamprimum saluus sospesque me adsis, cuius conueniendi occasio breui fore luculenta se dabit. XVI. Cal. Iun. A. el. 15 CXXCI.

LIX.

CAROLO L. B. A. FRISEN.

Quae res in itinere ad Belgas, Britonesque et Gallos, mihi proposita fuit, ut viros Europae doctissimos inuiderem, eorumque sententias perquirerem, ac libros atque codices mihi compararem, ea minime sperem meam fecellit. Neminem adii, ac de colloquio appellaui, quin comiter me acciperet, et doctrinae subsidia prompte, libenterque communicaret, nisi quod Hamfridus incompositi moris exemplum mihi praeberet, cum forte in manu exaratos Bardenei ag-

nales inciderem, eosque cursum, ac, velut aliud agerem, inspicere coepissem. Postea abeuntem rogabat, ut apud Anglos de bibliotheca magnifice dicerem, quasi eum iam omissae humanitatis poeniteret. Verum, cum Angli de ea mecum sermonem haberent, non potui non fateri, copia MSS. et bonitate codicum Vaticanae, Pariensi, Monachienfi, Augustanae cedere, reperiri tamen in ea varia et antiqua, quae permultum conferant ad historiam Germanicam, imprimis Saxoniam et Guelficam locupletandam. Lambecii, qui desperanti similis obiit, mortem fere omnes dolore prosequuntur. Isaacum Vossium, V. C. et Frisia gloria dignum memoremque aestimatorem, Vindoboni reperi, qui Illustrissimi Fratris Henrici, iam coelo recepti, obitum grauiter ferebat, atque, in eo maximum patriae Senatorem cecidisse, vix sine lacrimis affirmabat, meque vel eius, vel tua causa, beneuole admittebat, et prope quinque horas mecum diserebat de studiis linguae Latinae et Graecae, ac omnium elegantiorum litterarum, recte instituendis. Galliam, politi moris magistram, et belli Europae eruditricem, talem inueni et vidi, ut iudicare potuerim, si Regis maximi res, quo coeperunt, cursu, procedant, longiusque producantur et crescant, Germaniae salu-

G

tem

tem fore desperatam, quando Austriae pariter conuersionem, et Imperii finem, quod detestamur, exspectat. Illud vero foedum omem DEus in hostes vertat, Germaniamque respiciat, et Saxoniam, cuius permagna apud eos designatio est, iuxta cum tua Illustrissima gente, quae nullam conficiendae salutaris rei occasionem praetermisit, benigne atque constanter seruet ac defendat. Vitemb. apud Saxones, XIV. Calendas Iunias, A. clō lōCXXCI.

Ludolphus per me interpretem tibi, Domine, offert donoque dat Historiam Habessinam. Ego illustrissimae filiae mitto leue ac per incuriam in itinere mutilatum, *Ville dieu*, idque Gallico nitore confectum opusculum, ac extremo Illustrissimae Henricae Catharinae patrocinio me permitto, tuisque auspiciis dotes ipsius, exterorum fermone celebratas, reuerenter colo admirorque, sed in primis, thermas felices fortunatasque esse vobis omnibus, cupio, et diligenter precor.

LX.

ADAMO CHRISTOPHORO IACOBI,
IC. Dresdensi et Consiliario.

ET si superiorum temporum fortuna me, studiorum causa absentem, vehementer perturbauit, tamen subinde collegi animum,
cum

cum ex diuersis litteris intelligerem, te bene valere, et ornare honestissimis laboribus eum locum, quem huc vsque semper magna cum laude tenuisti, ac mihi, etiam apud externos agenti, non iniquus fuisti. Quibus rebus sicut ad superiora beneficia nouum, idque maximum, adiunxisti, ita apud me repetitam obsequentissimi honoris necessitudinem obtinuisti, vt vel tibi in primis laborum itinerumque meorum ratio debeat constare. Groninge neminem, praeter Oeselum, reperi, cui nostrae Musae tam familiares essent, vt vel in aliquo loco haberentur. Franequerae Nicolaum Blancardum in arce Sicardaea salutavi, cuius doctrina permultum mihi profuit, et in edendo Thucydide, prudentissimo totius Graeciae scriptore, operam mea sententia laudabilem collocavit. Vir est profecto Graece doctissimus et in omni sermone affabilis, nec reipublicae prorsus ignarus, propterea, quod Henrico Casimiro, Principi Nassouio, in capiendo literarum cultu plurimum attulit, atque ad capeffendam rempublicam publica senatus voce excitauit, sed, more gentis, Auriaco infensior, quod ille populus quoque in laude sua ponit, et libertatem interpretatur. Lugduni Batauorum iuniorem Gronouium, Patre, Ioanne Friderico, doctrina haud imparem

filium adii, quem, ex Italia redeuntem, profectus fuerat usque in Batauos Antonius Magliabechius, Vir nostra memoria dignus, et perquam curiosus. Traiectum quod ad Rhenum est, transeunti festinatum tempus salutandi Graeuii eripuit mihi. Cum enim de magno Regis *Christianissimi* itinere in Belgium audirem, comparatis licet sarcinis, Valencenas proficisci apud me statui, ut viderem Principem Europae maximum, in quem totus prope orbis intuetur. Nec me spes fefellit, et occurrere sic coepi totius Belgii Foederati, partem, et Hispanici Gallicique accurate perquirendi. Magno enim desiderio tenebam propius inspicendi locum, ubi quondam Childericus, Francorum Rex, conditus esset, cuius ornamenta sepulcralia, et ferro et balteo, Entremam post transportata sunt, quam Tornaci reperta fuerunt, non donoque Leopoldi, *Archiducis*, cum Gallico cesserunt. Louanii rude sonant. Doctores magno numero inueni, litteras fere neminem, etiam, qui hoc nomine nantur. Leodii aduocatos plerosque, et cetera et vii egregios, pariterque in antiquitate versatissimos, et inter eos Tornacensem praestantissimum, totiusque Belgii in moris gnarissimum, sem allocutus. In Gandavi cum Patribus non leuiter con-

tis sermones habui, qui vetera iuxta, et recentia, multum et diligenter explicarunt. Cetera proxima epistola, et sic deinceps, perscribam. Nunc cum nobilissima familia saluere te reuerenter volo et cupio, qui, donec viuam, tuarum in omni genere laudum ero praedicator, et cliens. De Linkio nil defugiam, quicquid praecipere voles. Adriani Valesii opera, et Emerici Bigotii fragmenta, aliaque attuli, de quibus in posterum plura. XII. Cal. Iun A clo lb CXXCI.

LXI.

ANDREAE SCHVLZIO,

IC. Hamburgensi.

CUM itinere confecto meam tibi probare volo obseruantiam, tum beneficii tui, in me collati, tempestiue recordor, et non habendae modo, sed etiam referendae, gratiae occasionem diligenter sane, pro eo, ac par est, quaero. Vnum vero doleo in primis, et grauitur fero, quod sentio, satis vrgeri Austriam, in cuius salute vsque huc multum Germaniae positum fuit. Nihil enim tam sanctum abditumque est, quod non rescuerit Gallia, quae nihil iam modicum cupit, atque ex fortuna temporum consilia sumit, et callide metitur. Praeterquam enim, quod pax Nouiomagensis vel pactio seruitutis, facta est, etiam frigide et

te nimis omnia nostra conficiuntur. Quando ego, his rebus fore, ut demum uersa et deteriora eamus, et rempublica superiori et arcta officiorum necessitudine coniunctam posthac in partes et studia uisam, prorsusque talem, habeamus, ut quisque rationibus separatis, res suas administraret, qualis ante Carolum M. Germaniae status fuit, ac etiamnum cernitur apud bellos, ac foedere iniquo, quod inaequale cant, hand inani opera studioque conseruatur. Proludunt huic conversioni mentes nostri, et scriptores quoque noui spei applaudunt, ac heris suis, quorum causetur, belle blandiuntur. Patres autem a Seruatore Iesu nomen sibi adscerunt, gnauiter Gallici dominatus negotium tractant, ut sensim prouehant in maius et regnant, Austriamque, pietate sua securam fore recipiant, omniaque eius consilia fulis entuncient, ut hoc tam formidabile praepotente adiutore utantur, ad opes bellicos, quos vocant, *Protestantes*. Quod autem fateri necesse habeo, multos in reipublicae gnaros expertosque homines me inuenisse, praesertim hoc, quem proferendi regni cupiditas incitauit, quemque fortuna in maximis conatibus raro et memorabili exemplo adiunxit, propterea huic fastigio impositus videatur.

fic muniuit, vt aditum exitumque liberum habeat, contra nobis itinera praepedita sint et clausa. Quo fiet in posterum, vt bellum pro libitu in patriae viscera transferat, et vires nostras prius conficiat, quam armis experiamur. Ita, cum rem spemque perisse vident Hispani, expilant sui iuris Belgas, atque hoc tam strenue agunt, vt nullum pessimi instituti modum teneant, ac fortunis clam palamue insidientur. Parum adest, quin Antuerpiam in Antuerpia requiramus, quam vexant insigniter Hispanici quæstiores, et prorsus exhauriunt, daturi tandem Gallis in praedam, si res conclamatae fuerint, vt deinceps seruari non possit ille vrbium ocellus, vnde commercia veluti per coloniam ad vos migrarunt. Anglia, quae Europae rationibus melius consulere debuit, operam perdidit sane, et perdet in posterum magis, et sibi ipsi exitii causa erit. De Vngaria opinor, si vel maxime vulnera sanentur, cicatrices nihilominus esse mansuras. Transyluaniae res et motus, auctore Beledi coeptos, explicabit Gabriel Ritterus, Transylvanus, qui ad Batauos excurret, vt videat mores et instituta externae gentis: *Numophylacii Luderiani* exemplum petit Excellentissimus Gersdorius, praecipuus in sanctiori consilio Senator, cui Torgauiae per hebdomadam adfui, si quidem id idonea

occasione transmitti posset. Eundem Luderum et Vagelium salute, quaeso, impartiaris. Dassouius noster, valetudinis causa, ad thermas Carolinas in Boiemiam discessit. Orthii lis, quem exitum habitura sit, animi pendeo, quamuis ille, ut solet, spe se consolatur, moestitiamque vino mitigat ac lenit, vir profecto optimus, sed meliori fortuna dignus. Viros in antiquitate et elegantiori litteratura maximos reperi, If. Vossium Vindsorii, et, qui tunc Parisiis agebat, Emericum Bigotium, quo nemo priuatus in Gallia vel meliorem, vel ampliorem bibliothecam habet. Henricus Valesius, Vir sine controuersia maximus, iam ante aditum meum e vita discesserat. Quod superest, voueo, ut cum Magnifico fratre Consule, et filio haud vulgaris expectationis, diu floreas et super sis, meque veteri amore complectaris, cuius profecto insigne documentum abs te datum mihi fuit, cum Hamburgi essem, ubi cum prolixè me accepisti, tum omni comitatis officiique genere prosecutus es, liberaliterque ornasti, et perpetuum adeo grati animi monumentum apud me reliquisti, praesertim, cum tot elegantibus et festiuis sermonibus epulas condires, ut vel iucundissima eius conuictus recordatio mihi esse debeat, quoad viuam. Vale. Cal. Iun. A. cl. l. CXXCI.

LXII.

CHRISTIANO SIGISMUNDO.

VVOLFIO,

Doctori Theologo.

PAucis abhinc diebus ex Anglia Gallia-
que redux literas tuas gaudii plenas re-
peri, illud vero prorsus atque omnino do-
leo, occasionem gratulandi per itineris oc-
cupationes mihi ereptam fuisse. Adhuc te
nihilominus diligo, et merita dotesque tuas
veneror et colo, tum quoque, pro mea in te
voluntate, cupio, atque in spem venio, fore,
vt summis illis honoribus, quam diutissime
fruaris, ac de re in primis sacra summa et
sempiterna cum laude merearis. Eget enim
Viris doctrina et vsu præditi Dei coetus,
in quorum prudentiam et mores vel maxi-
me omnes intuentur, et inde exempla pe-
tunt, vnde caritas amorque promulgantur.
Nam, qui doceat tantum nec frugi sit, vitam-
que emendet, is parum merebitur de regno
Christi, nec proteret hostes, qui insidian-
tur animæ, sed alliciet magis ac fouebit.
Proinde in eo genere opera tua permagna
est, quod faciendo doces, quæ alii docendo
non faciunt, et rectissimis sane exemplis
muneris tui dignitatem ornas, vt non aliter
summa tua eruditio, ac gemma quædam in
annulo, exsplendescat in opere et illustre-

G s tur

tur in dies , ac rebus factisque declaretur. Quem laborem tuum ne sinat Deus esse inanem ac irritum, sed fortunet omnia, quae agis, vt nihil aggrediaris, quin feliciter atque ex vfu rei sacrae perficias et absoluas. Ita voueo , vt bene valeas , et patrocinio tuo me deinceps ornes, qui cupio omnia tibi bene euenire. Vitemb. Saxonum Cal. Iun. A. clb lCXXCI.

LXIII.

RVDOLPHO CAPELLO,

Doct. Theol. et Histor. P. P.

NOndum mihi ex animo excidit comitas illa tua haud vulgaris, et cum primis honorifica, quam mihi, ad inuisendum venienti, prolixè libenterque exhibuisti, et vel hoc ipso etiam cumulum quendam ad superiora officia accedere voluisti, quod me, tua commendatione ornatum, ad venerandum Schelhammerum vsque in Batavos beneuole ac liberaliter dimisisti. Is enim prout sensus atque cogitationes eius intelligere potui, te valde diligit, gratumque sibi accidere iudicat nuncium, qui de bello ac florenti rerum tuarum statu perferatur. Prudentiam eius viri cum senii veneratione coniunctam, et sententiam quoque, ac insigne de rebus sacris iudicium, non facile obliuiscar. Nam, quae vellem, accurate

te

te mihi enarrauit omnia, et causas rationesque superiorum temporum pulchre aperuit, ut nihil non illi debere velim, si occasio sic ferat, ut de eo bene mereri possim. De Numophylacio tuo ago habeoque gratias, petoque, ut Illustrissimo Gerfsdorfio, exemplum eius habere cupienti, ne refrageris. Scripsi eandem ob causam consultissimo Andreæ Schulzio, qui Luderum habet familiarem, et honori commodisque eius vna tecum fauet. Da hoc mihi, propter patronum maximum, qui praecipuus in sanctiore consilio Senator est, et de vniuersa Saxonia optime meretur, et studia conatusque nostros insigniter adiuuat actuetur. Alioqui nolim te celare, magnam numorum in Gallia esse copiam, pluresque ibi reperiri, qui in eruendis explicandisque operam infumant, quam apud Anglos et Belgas, nec paucos mecum attuli, et plerosque etiam Graecos nactus sum, et in spem venio, fore, ut insignes aliquot medii aevi Imperatorum numos accipiam, qui siue lucem aliquam, siue ornamentum, ad res Germanicas adferent, ut vel sic quoque Gallorum ambitioni, dubium, an curiositati, satisfaciamus. Illud etiam te rogo magnopere, ut bibliopolam Schulzium, cuius praenomen non succurrit, conciliare mihi ne graueris, a quo libros Anglicos, praesertim Zosimum editiones Anglicae, et

Schmidium de statu Graeciae, aliosque codices, redimere statutum habeo, si eo more agere et pacisci mecum velit, quo egit pactusque est antehac cum Schneidero et Greenio. Pecuniam per mercatorem huius loci repraesentandam curabo, nihil dubitans, quin aequum iustumque pretium semper constituat, et Lambecii Syntagma rerum Germanicarum transmittat, cuius et habendi, et legendi desiderio me teneri, fateor, prorsusque amoris tuo confido, ut tuae fidei haec committi cupiam, si non graue fuerit laborem hunc suscipere, mea et litterarum causa. Iuuenis, qui hanc epistolam fert, Transylvanus est, ex quo de illius regionis statu multa et obseruatu digna cognoscere queas. Hamburgo iter faciet ad Batauos, ubi si quid nomine tuo expediendum sit instructus paratusque erit ad has partes, quas obseruantia postulat, suscipiendas. Vitemb. Saxonum, A. cl. 15CXXCI. Non. Iun

LXIV.

ADAMO CHRISTOPH. IACOBI,
IC. Dresd.

AMplius tibi insigne obseruantiae munus praestabo, et, quale deinceps iter fecerim, strictim, ac prout id iucunditatem quandam habet, enarrabo. Cum Gandavi
niti-

nitidam urbem, et natalem Caroli V. locum, quem in arce ibidem, ruinas fere, nec sine omine, minante, inscriptio demonstrat, oculis collustrassem, Teneramundam adii, quam docte et eleganter descriptam reliquit David Lindanus, et situm profecto vliginosum, ac praestanti aquarum claustro operibusque munitum oppidum, conspexi, quod priori in Belgium expeditioni destinabat Gallus, Antuerpiam occupaturus, si eo quidem potiri potuisset. Patres illic superstitiosos atque indoctos inueni, nec dignum iudicaui locum, vbi diu subsisterem, et tempus inutili fallerem sumtu. Igitur Antuerpiam, ocellum illum urbium, sed commerciis prope vacuum, videre cupiebam, perque Scaldim inuectus, cum Anglis, religionis Romanae causa exsulibus, in conuictu eram. Mox in consuetudinem Patrum veni, et eorum in primis familiaritate delectatus sum, qui a Iesu societatis nomen sibi adsciuerunt, quorum bibliothecam, illustre fanum accurate vidi, postea ad castellum ab Albano structum accessi, quod laceri, nec adeo multi, milites cum praesidio firmabant, vallum circumuiui, et munitiones, operaque spectavi, quae haud aequanda duxerim arci Dunkerkanae, qua in toto Belgio firmiorem nullam potui obseruare. Res autem Hispanicae in dies labuntur, postquam morbi

bi Austriae sic iam Gallis cogniti sunt, atque a Patribus Ignatianis vatro studio detecti, ut credam ibi in posterum omnia ad Regis Gallorum sententiam constitutum iri. Hinc Mechlinium, vbi magnus Regis *Catholici* Senatus est, secundo Scaldi peruectus. Iam prope meae profectionis Belgiae finem statueram, cum mox omnium Belgii regionum accurate videndarum cupido me incessebat. Forte enim in Patrem Brabantiae haud indoctum incidi, qui, ex me sciscitatus, quas vidissem in Belgio *Ecclesias*, responsum sane promptum tulit, cumque audiuisset, Vicognium non peruenisse, vbi Bullionius nunc Praesul est, ingenue dixit, Vicognium non vidisti, nihil vidisti. Itaque iter huc non inani labore direxi, et multas ibi antiquitates, structuram profecto admirabilem, contemplatus, non ad spectu modo, sed doctissimis etiam sermonibus, animum, diuturna molestia fatigatum, refeci, mox ipsum, qui commodum eo venerat, Bullionium conspicatus sum, patres certe omni liberalitate et benignitate me complectebantur. Plura in posterum perscribam, tuaeque beneuolentiae res meas ultro libenterque permittam. Vale, summe Vir, cum amplissima familia atque necessitudinibus tuis. VI. Id. Iun. A. clb CXXCI.

LXV.

ILLVSTRI CVIDAM VIRO.

Simul ac Vitembergam reuerti, omnem
adhibui curam, vt intelligerem reque ipsa
experirer, quantum filius iis in studiis, quae
ex eius vsu esse possunt, et societati homi-
num vitaeque seruiunt, profecisset. Nec
id moleste tulit, et vltro mandatis, quorum
interpretas atque internuncius eram, paruit,
ac erectum se minimeque perturbatum
ostendit, atque totum hoc Tibi institutum,
Illustrissime Domine, reuerenter probauit.
Illud vero non sine dolore suo mihi affir-
mauit, Misenaë parum diligenter secum fu-
isse actum, vbi moderatores studiorum mul-
ta quidem ediscenda proposuerint, vsum
autem atque exercitationem neglexerint,
in quibus tamen omne stili fingendi mo-
mentum debuerint collocare. Nunc vero
non posse, quin stomachetur, si illius tem-
poris, inutiliter per sex annos collocati, in
mentem sibi veniat, nec repugnare, quo mi-
nus ommissa ferme studia repetat, tantum
spem ad summa enitendi sibi ereptam, nunc
reputare, Viro in republica versaturo, ex-
quisitae eruditionis suppellectilem non ita
esse necessariam, vt sine ea virtus in actu
rerum et bello exsplendescere non possit.
Interim pro viribus operam dare velle, vt
pa-

paternae expectationi satisfaciatur, et palam
 aibi quaerat et ferat. Huius rei non in
 diocres subsidium fore, si eo, quo coepit
 more palaestram frequentaret, et corpus
 decorum animi componeret atque exerce-
 ret, ceterum ab inertia et turpitudine
 tae, ac perdita luxuria, omnino se abhorrere,
 tum nihil permittere sibi in volu-
 bus, et recta monentibus obtemperare.
 haec non leuitatis, sed valetudinis ac
 decambulare, atque in hoc etiam modum
 nere, vt temporis et impensae rationem
 beat, ac rebus suis male non vtatur. Cui
 re et amplecti, quae se deceant, et in
 diorum cura non possit plane defigere
 num, ne fatiscens fatigatusque deprimatur
 aliquando et succumbat. Petere de
 vt iratus animus ille Tuus demulceretur.
 Facile vero perspexi, litteras proximae
 eum vehementer perturbasse, et odisse
 certe religionem animo per se excusasse
 tulisse. Iam tum enim pleraque, quae
 displicere possunt, mutauit, et promissa
 bus confirmauit. Priuatim docentem
 diligentiam satis comprobauit, sed eo
 mine indignor, quod his magistris videretur
 qui nihil operae ad sermonem. Laus non
 pedite intelligendum, aut prompte
 opus est habendum, magna et nullum
 excusationem habente culpa, atque

Nam, siue enarrandum, siue explanandum aliquid sit, patrio dictionis genere vti necesse habeo, vt penitus, quae dico doceoue, assequatur. Error autem est maximus, cum quis instituitur ad memoriam excolendam, spreto imitandi et loquendi vsu, in quo insignis inest vis ad stilum expoliendum, cum dicta praeceptaue sterilia sint, nisi exercitatione vigeant, atque cum exemplis coniungantur. Conatum tamen, quem adhuc prae se fert, iure probo, ac de ceteris eius actionibus bene spero, neque dubito, quin sponte sua generosissima indoles excitet se atque erigat, et tot inclutorum sane maiorum, in primisque tuis, Domine, vestigiis insistat, rectisque et insignibus factis gloriam Illustrissimae gentis alat digne, augeatque, id volo, pariterque submisit voueo, qui pro Illustrissimo tuo nomine Numen aeternum, qua decet pietate, deprecor, meque iure ac merito clientem profiteor. V. Idus Iunias, A. clb CXXCI.

LXVI.

NICOLAO L. B. A. GERSDORF.

Libellus, quem Gallia quidam profugus et exsul scripsit, in vernaculum sermonem conuersus, et priusquam de argumento constaret, Lipsiae venditus, multas Gallorum artes aperit, quibus Austriam super-
H / riori

riori bello circumuenerunt. Auctorem capitis anquirit, *Christianissimus* Rex, dedique eum sibi postulat, aliorum criminum esse reum. Accepi Rebenacium comitem, ac diu legatione functum hoc egisse nuper, ut sibi traderetur in Galliam mittendus. Non schedas, quas etiamsi contumeliosas, ridet et aspernatur, sed scelus vlciscetur. Nam res transactas, licet cum vitio coniunctas, hodierno more non morantur Galli, et solertiam interpretantur. Futura tegunt, callide dissimulant, moresque nostros et studia ac partes acriter disputantium inspiciunt, et quod dolendum est, decreta imperii, cum adhuc deliberatur, norunt. Principatum Bipontinum, qui lege beneficiaria spectat ad Sueconum Regem, Birckenfeldio attribuit, donoque dedit. Ille contra ius esse, opem a Caesare petit, quod an serio fiat, multi subdubitant, occasionem vero quaeri Caesaris nouo bello implicandi. Et fateor, hoc agunt plerique et student, ut domum Austriam, quam norunt posthac regnatricem, iure imperandi priuent. Rex Galliae sane omnes eius morbos peraccurate cognitos habet, pro libitu omnia facit et molitur, Ordini Equestri Alsatie, omnibusque eius regionis incolis ius prouocationum iuridicarum in monte Bresaco constituit, Argentoratenses Professores ad tribunal, ibi institutum

tum per litteras ac praecones citat, nec paucas Palatinatus praefecturas eodem loco habet, et contendit adhuc plures cis Rhenum tractus ad se pertinere. Interim Obrecl-
tus prodromum historiae Alfaticae euulgauit alieno, opinor, tempore, nec alio euentu, quam vt Rex praepotens magis magisque irritetur. Anhaltinus Seruestanus ob leueram nouas cum Dano experitur difficultates. Vereor ad vltimum, ne Emdae negotium vicinis periculum, vrbi exitium accelleret. De Vngaria enim nihil addo, vbi consilia post res afferuntur, et vulnera aegre coeunt, cicatrices certe manent. Interim tua sanctissima consilia omnium sermone celebrata fortunet Deus immortalis. IV. Id. Iun. A. cl. l. CXXCI.

De Historia Erfurtenfi priuatim succisuis horis laboro, eamque ad rem Nicolai Serarii res Moguntinas, quas Moguntiae reperire non potui, mihi comparauit: de summo Imperii iure pariter disquiram, et si quid dignum aspectu tuo, Domine, reperiam, obsequentissime indicabo. Generosissimus Kanizius, Brandeus Administer et Praefectus honorificum heri sui iudicium, de meritis tuis ingenue hic retulit, et multa alia praeclare dixit, Domine, quae nunc silenda sunt, vt alibi copiosius dicantur.

LXVII.

PATRONO CVIDAM.

Non possum non tibi significare meum ex Gallia reditum, et breuiter stricteque aliquid de meo itinere commemorare. Eruditos equidem in Gallia florentes, sed ita paucos reperi, vt facile mirarer, quid esset, quod tanta et tam subita rerum, ingeniorumque conuersio extitisset. Petauio, Sirmondos, Sammarthanos, Puteanos, Valesios nemo iam aequat, nisi quod Bigotius Rothomagi litteris pariter atque doctrinae subsidiis abundat, et vnus omnium, maxime in Graecis excellere mihi videtur. Augustinus Lubinus, sacri ordinis Vir, et Regis *Christianissimi* historiographus non obscure affirmabat, Regem hoc tempore stipendia non doctis, sed militibus dare. Nam ex quo Germania tot proditores habuit, Austriaque ipsa a sacris emissariis circumuenta est, occasione vtitur, parumque abest, quin occupandum Europae Imperium sibi destinet, limitemque vltra Mosam et Rhenum proferat, quod in tot Germaniae dissidiis, aemulationibusque haud quaquam difficile foret. De Magliabechio vellem me scribere posse litteras, qui te aestimat valde ac salutat. Iosephus studio nimis lento Oxonii accuratur, sed vetus et mendosa paraphra-

phrasim retinetur, quod statim mihi displicuit, cum viderem. Auctor huius instituti fuit Bigotius, quem tamen posthac fere consilii poenituit, atque id ultro passus est, cum conueniendi sui locum daret. In Anglia sane Isaacus Vossius prorsus mihi satisfecit in omni doctrinae genere, Vindsorii praefulem agit, et amplissima bibliotheca utitur, selectissimos, eosque MSS. codices magno numero habet, et si de externa testifera loquendum est, inter *Hierarchicos* regis causam agentes non est postremus. Nunc tandem valere te volo, et cupio, rogoque, ut amplissimus D. Ferberus, et iunior etiam, qui hic mecum in conuictu fuit, reuerenter, officioseque salutetur. M. Iacobaeus migravit in saeculum, et se ad aliud, quam coeperat, studium, mira sane propositi commutatione, vix autem te assentiente, applicauit. IV. Non. Iun. A. clō 1691.

LXII.

ALTERIVS NOMINE.

PRaeter opinionem meam accidit, quod cum proximo tempore litteras ad te destinarem, tabellarius propterea abiret, occasionemque scribendi eriperet, ac spem meam omnino frustraretur. Nunc vero pietatis et officii filium decentis, memor, in recta sententia persisto, et pro captu studia

H 3

exco-

excolo, occupationesque superuacuas recido. Illud vero in primis facio, vt pro recta valetudine tua, prosperaque rerum et consiliorum omnium fortuna, Deo vota nuncupem, ac sperem, tua ope et praesidio omnia mea incepta felicem exitum esse habitura. Quo nomine rationes vitae et studiorum bene diligenterque constituo, nullus dubitans, quin id mihi ex animi sententia succedat, ac me adeo huius instituti minime poenitere possit. In hac cogitatione defixus repeto votum, et omnia felicia ac fausta tibi saepe ac iterum precor. IV. Non. Iun. A. clb lCXXCI.

LXIX.
VIRO ILLVSTRI.

Superiori tempore binas litteras ad te perscripsi, quae, non dubito, quin redditae fuerint, quarum alterae rationem instituti nostri aperuerunt. Ego partes meas ago diligenter, et priuatim moneo hortorque, si quid facto opus est, neque haec alieno animo accipit, facilemque se filius praebet. Scribenti epistolae omnino adiutor fui, quod haud feres grauitus, cum in eo multa filii utilitas versetur, vt vim rationemque imitandi vsu magis expoliat, viresque ingenii deinceps experiatur. Hoc tempore Nepotem et Caesarem, scitissimae latinitatis scripto-

scriptores, legit, morum capita, et insigniores imperiorum euentus a meridie audit. Bene spero, si occasio sodalitatum constanti sententia praecidatur, sub vesperam domo egredi, ac diutius abesse, quidam mihi affirmavit, quod vitari, cum honoris, tum securitatis, quam nox euntibus saepe eripit, magnopere interest. Cum de his aliisque rebus interrogarem, simulque ab incepto haud decoro ipsum dehortarer, pernegavit hoc abs se factum. Mea tamen sententia, haud erit superuacuum, si admonitionis tuae grauitas, Domine, accedat, indolemque, pro aetatis conditione variam, nec satis firmam, ad recta, constanterque tenenda exempla conuertat, atque sic in iis defigat, ut ea quodam gentilitio suo iure aequare videatur. Quod ut Deus euenire iubeat, mentemque eius in dies ad gloriae tuae, quae iam toto orbe effulget, aemulationem accendat, ac non mediocri hoc gaudio te familiamque tuam vniuersam perfundat, opto. Vitemb. Saxonum, III. Eid. Iunias, A. cl. l. CXXCI.

LXX.

PATRONO CVIDAM.

Reflexo itinere, Bruxellas, magnificam palatiis urbem, et ab incolis *Paradisum Brabantiae* dictam, adii, atque insigniores

urbis regiones ac domos, in quibus prae-
 que illustrium familiarum origines praesent
 erant, oculis v'surpavi, in primis Egmone
 qui a Francorum regibus duxit genus
 caesis ad fanum S. Quintini Gallis, terro-
 rem Galliae terrorem, quam quisquam a
 nostro aevo intulit. Locus, ubi Albae
 cum capite mulctavit, etiamnum ostendit
 tur, quo tempore non mitius cum Fla-
 minio Comite actum fuit. Itaque Hilde-
 res tunc saevitia, nunc perfidia admi-
 rum, evertit. In aula, ubi pro duce
 bat Villa de Hermola, nihil splendidi-
 dum insolens, videbam, pecuniae con-
 rendae una cura erat, nec aliud, quam
 felas et calamitates populi, audiebam
 pauci de Auriaco, tanquam de praesent
 Hispanorum, loquebantur. Iurisperiti
 qui in Curia Brabantina ibidem exerce-
 tur, erudite de variis rebus, ac in praesent
 iurisdictionis finibus et beneficiis, *et*
dis, inde pendentibus, mecum dis-
 ac eo quidem tempore, cum VValtherus
 ob aliquot clientelas a Florentio Cate-
 gico ad eum devolutas, in ius vocatus
 Patres neque libenter latere, neque
 tum supra domestica et quotidiana
 bantur. Ultra igitur progrediendi
 rus, per Flandriam tendere ad mare
 lecto, quod inter Calatanam Dover-

que vrbes est, freto, magnam sane operam
adhibui, vt vetus illud Albion, quod alti col-
les modice assurgentes, passim circumdant
et muniunt, contemplarer. Reputaui apud
animum iter et Traiectum Caesaris, qui pri-
mus Romanorum inhospitales Britannos
adiit, posteaquam ex portu Iccio apud Ca-
letum soluerat. Cantuariæ, cuius antiqui-
tates nemo ex monumentis Parkero melius
eruit, Romani moris vestigia, haud profecto
obscura, deprehendi. *Archiepiscopus*, idem-
que totius Angliæ *Primus*, nunquam a Re-
gis societate discedit. Vir non est medio-
cri doctrina præditus, et plerosque insi-
gnes ac veteres codices habet, in primis
Herodoti luculentum, in quo antiquam, de
regni Assyriorum diuturnitate, lectionem
inueni. Attamen eam doctissimus Angliæ
Eques, Marshamus, multis, nec inanibus,
mihique tantum non displicentibus, con-
iecturis emendauit. Quid vero deinceps
Londini et Oxonii acceperim, viderim et
legerim, proximæ litteræ significabunt.
Ego sicut nunc ita in posterum, vt bene con-
stanterque valeas, iuxtaque cum nobilissima
familia floreas, omni studio et pietate, præ-
cibus votisque a Deo contendam. IV. Eid.
Iunias, A, clō lōCXXCI.

LXXI.

CHRISTIANO SIGISMUNDO
VVOLFFIO.*Doctori Theologo.*

MUltum fiduciae mihi facit beneuolentia tua, quae cum mihi nota satis et explorata sit, tum magnopere rogo, ut Zimmermanno eam ne deneges. Homo probus est, et in pio honestoque genere vitae versatur, quem iure huc usque et complector, nec dubito, quin eius honori fauere velis. Hic aliquandiu in convictu Calouii fuit, ac aetate optime usus est, et litteris pariter, ac bonis moribus, omnes nostri ordinis homines sibi conciliauit. Iter ad Batavos destinat, de quo si vel consilio bene mereris, omnem, crede, gratiae referendae occasionem quaeret XIV. Calend. Quintil. A. clb l^o CLXXXI.

LXXII.

IOANNI SCHELHAMMERO,

Theol. Hagae Comitum Augustano.

MUltae et satis graues mihi causae sunt, cur mei officii ratio constare tibi debeat. Nam vel hoc vno beneuolentiae argumento me tibi deuinxisti, quod de statu Belgii Foederati, rebusque sacris, praeclare me commonuisti, et, quibus modis agantur omnia et fiant, ultro edisseruisti. Calouius

Iulius noster multum te amat, cui pluribus enarraui, quae abs te accepi. Neque eo secius excellentissimus senator Gersdorfius placere sibi ostendebat, quae, abs te communicata, eandem in sententiam dixi. Nostrae res impense iam florent, et summo consilio omnia aguntur, ut vires ac nervos habeant, et ad omnem fortunam parati, instructique simus. Vnum te rogo quaesoque, ut Zimmermanno religionem nostram amplexo faueas, et in constituendis fortunae rationibus operam, consiliumque praebeas. Ita te Deus, cum optima coniuge, patriamque seruet, ut res sacra et profana simul incrementum capere queat. XIV, Cal. Quintil. A. clo lo CXXCI.

LXXIII.

NOMINE ALTERIVS.

Quam a me requiris diligentiam vitaeque cultum, studebo, ut exemplo et usu probare possim. Ac quidem domi assidue me continebo, ut consulam saluti meae, quam nox eripere permultis solet. Pericula, quae in Nepotis et Caesaris imitatione subinde facio, testari possunt, me tempus bene collocare. Rationes nondum perfecit ephorus, et moram nonnullam concedi sibi eam ad rem, petit. Quod reliquum est, id unice
spe-

spectabo et agam, quod tuae ac matris litterae volunt ac iubent, Deumque venerabor, ut te perpetuo seruet reipublicae, et mihi in primis ac familiae vniuersae. VII. Cal. Quinct. A. cl. l. CXXCI.

LXXIV.

SACERDOTI CVIDAM.

Vix dubito, quin tibi displiceat mea tarditas, ac prope accuso negligentiam superioris temporis, quod, dum saepe multumque scribere cogitaui, sero tamen id tandem perfeci consilium, ut vel qualitercunque de vitae meae rationibus constare posset. Transii varia ac diuersa regna, virosque eruditos passim salutaui, paucos autem reperi, qui satisfacerent expectationi meae, iamque sensim apud Batauos exolefcit pristina laus ac deficit, splendorque doctrinae nimia quaeftus cupiditate tantum non obscuratur. Apud Anglos mea opinione litterae Graecae magis florent, et plura rei litterariae subsidia sunt, nisi quod turbida gentis ingenia, optimos conatus interdum remorantur. Vereor, quorsum euadat Anglica res, quae nunquam peiori loco fuit, ac nostra quidem memoria esse coepit. Rex omnem in moderanda Galli potentia operam perdidit, quum Fratri Iacobo nimium, nec sine periculo suo, indulget. Interim
ma.

magnum *Europae Christianae* imperium molitur Ludouicus, cum, senescentibus Germaniae rebus, Austria suis vrgetur fatis, et Hispania vix ipsa se seruare potest. Omnes patriae morbos iam cognitos habet, quod pluris est, quam si iusta acie Germanos vicisset. Nihil, praeter Dei vltionem, ad frangendam eius regis potentiam reliquum est, quod iam patres Loiolitae in votis habent, cupiuntque Regem, qui sacra et libertatem, multo sanguine a maioribus partam, eripere nobis queat. Ita sortem nostram, futurorum incerti, exspectamus Germani, qui antehac non Galliae modo, sed orbi etiam, dare poteramus leges. De cetero pacti inter nos conuenti fidem, ea qua decet ratione, seruabo, nihilque defugiam, quod eiusmodi sit, vt vel ad merita tua recte aestimanda, vel ad laudes digne ornandas, referatur. VI. Cal. Quinct. A. cl. l. CXXCI.

LXXV.

NICOLAO L.B. A GERSDORF.

IVs natus maximorum, quod *primogeniturae* nominant in *Electoratibus*, qui iure saeculi continentur, fundatum sane firmatumque est, nec solum Caroli IV sanctione, quam Aurea Bullae nomine celebravit, sed etiam Venceslai ac Sigismundi tabulis, egregie roboratur, illud autem ad ceteros
saec.

saeculi Principatus porrigere vix liceat eo
 quod Carolina constitutio stricti iuris sit,
 solosque *Electores*, et eorum iura ac succe-
 dendi rationes complectatur. Ex quo se-
 quitur, vt Br. - - Hassorumque *Primoge-
 nitura* aliunde praesidium perat, quippe
 quae hanc ob causam in pacis VVestpha-
 liae tabulas relata est satis vtiliter et circum-
 specte. Haud vero impedit, quin rationis
paritate vtamur, et more institutoque iuri-
 dico has omnino partes agamus. Nam no-
 stras ille Saxonicus *Electoratus*, postquam in
 gentis Saxo-VVettinensis patrimonium ad-
 dictus est, robur pristinum, quod, deminutis
 Ascaniorum rebus, amiserat, ex instituto Imp.
 Sigismundi recipere debuit, vt non minus
 Imperii quam Boemiae, firmamentum esset.
 Ex hoc fonte pactum *unionis*, quod inter Re-
 ges Boemiae et *Electores* Saxoniae est, quod-
 que ad mutuam defensionem spectat, dima-
 nauit. Cumque ita ad suscipiendum Saxo-
 niae *Electorum* circumspiceretur idoneus
 et habilis Princeps, nemo vel situ commo-
 dior, vel viribus instructior, occurrebat,
 quam *Marchio* Misniae Fridericus, quem
 cognomine bellicosi posteritas insigniuit.
 Itaque, cum *Electorum* conferret in tam
 inclutam et praepotentem in limite Boie-
 miae stirpem, pro fundamento etiam non
 leui habuit coniunctionem potentiae, quam
 augeri, vel stabiliri, expediat, vt dignitas Im-
 pe-

perii et robur, in *Electoris*, tanquam columnis, innitantur. Ea vero ratione noluit, ut *lineae regentes* multiplicarentur, viresque adeo frequenti diuisione exhaurirentur. Sed, quia hoc longius petitum videri potest, Domine, certe argumentum magis validum, ad asserendum *primogeniturae* ius, a continuata inde ab Alberto Animo successione repetamus. Namque is voluit, ac supremis tabulis cauit, ut in propagine atque *linea sua regenti*, ius penes vnum, eumque *primogenitum*, aut, si hic naturae vitio ad regendum prorsus inutilis foret, penes fratrem aetate proximum esset, atque haec ratio succedendi deinceps seruaretur. Extincto cum heredibus Georgio, vsu euenit, et ab Henrici filiis pariter approbatum est, valuitque hoc succedendi ius ex capite *primogeniturae* semper, in iure primi instituentis nondum valere desit, cum diuisio alienationi similis sit, quam omnino praecauere voluit Albertus, ut *lineae* suae, cui superior transactio cum Ernesto fraudi fuerat, in tempore consuleret, viresque adeo prouinciarum florentes, et coniunctae permanerent, nec vlla posthac noua diuisione minuerentur. Haec ratio induxit Albertum, omnesque eius posteriores, ut hereditatem *primogenitus* quisque indiuiduo iure cerneret ac retine-

ret.

ret, nec ambigi debet, quin, contemplatione huius *primogeniturae* constanter seruatae, Diuus Ioannes Georgius l. ius pacis et belli, id est, potestatem iure *suprematus* competentem, Ioanni Georgio II. veluti *primogenito* et *Electoratus* heredi, reseruarit. Quod enim iure transferre non potuit, iure *primogeniturae* relinquere debuit, adeo, vt in eius potestate non fuerit mutare vel alienare hanc *suprematus* praerogatiuam. Quae ratio pro *suprematu*, eadem pro iure indiuiso ex *primogenitura* competente ualeat. Tu uero, Domine, tanquam ab oraculo sumfisti haec, tamque euidenter demonstrasti, vt ineptire et caecutire videar, si uel uerbum addam. Cal. Quinct. A. clō 10 CXXCI.

LXXVI,

IO. GEORGIO GRAEVIO.

Tendenti ad vos Mayo, bibliopolae, non potui non litteras ad te dare, qui uir apud nos inter praecipuos est, et externos libros summo studio colligit, et perquirat, tuamque operam et auctoritatem eam quoque ad rem sibi pollicetur. Ex instanti auctione Elzeuiriana peto magnopere, vt quidam libri, quorum adfert indicem, mihi seponantur, et codices in primis Graeci, quorum apud nos sane inopia est,
maior

maiori cura perferantur, quin et te, pro eo, ac par est, rogo, vt, si quid abs te editum est, id eo auctore mittas in nostras oras, quae absenti permultum quoque debent. Proxime fui Torgauiae, et Excellentissimum Gersdorfium inuisi, qui multos et honorificos de te sermones habuit, iussitque, vt quamprimum te salutarem. Neque eo secius Zieglerus, secundum viduus, cuius conuictu et consuetudine iucundissima vtor, cuius et liber de Imperii ciuilibus, quod maiestatis vocant, iuribus, non ita pridem est emissus, in quo magno post se interuallo reliquit vulgares iuridicos viros, qui profecto Iureconsultorum nomen nullo suo merito sibi sumunt. De reliquo veniam dabis superioris anni festinationi, cum Belgium vestrum transirem, et tui alloquendi occasionem enixe quaererem, sed, nescio quo vrgente iniquo fato, non obtinerem. Interim, si ita tibi placeat, litterae inter nos commeabunt, vt vel eo nomine intelligas, me cum officii, tum obseruantiae, tibi multis modis testandae, longe cupidissimum esse. Peto enixe, si occasio detur, litteras has vt ne graueris Antuerpiam curare, vnde perferantur in Italiam, nostroque amico, Magliabechio, reddantur. Eid. Quintil. A. cl. l. CXXCI.

LXXVII.

ANTONIO MAGLIABECHIO.

Magni Erruriae Ducis Confiliario, et Bibliothecae Praefecto.

Litterae tuae multo suauissimae recte mihi redditae sunt, nec verbis exprimere possum illud gaudium, quod illae admirabiles tuae elegantiae, et, si proprio nomine appello, Gratiae Italicae, attulerunt. Sine furo loquor, et scribo et Assyrio Chaldaeorum primordia mitto, quin immo censurae tuae submitto, ut intelligas, quanti tibi fiat, quod abs te scribitur et iudicatur. Superiore anno, cum transirem festinanter Belarum, librosque perquirem ignoratus, crebris et honorificis saepe tui muneribus facta est, et his rebus veluti quidam cunulus ad alias, etque magnas laudes accessit. Redux factum veni Torgauiam, ab Excellentissimo Gersdorffio, qui in senatu sanctiore princeps est, accitus, benigneque habitus, qui mater conuictum et frequenter, et praeclare de summa industria tua memorauit, mox Kennizius, qui Serenissimo Electori Brandenburgico aseruitus est, me accersendum curauit, ac incredibilem doctrinam solertiamque mirifice commendauit. Vir est antiquae gentis, et imaginibus maiorum suisque meritis pariter, fulget. Ita conspiciamus

tuam laudem Germani, et gratulamur concordiam, et praedicamus benignam illam sortem qua nobiscum communicas, quae decora ingenia meditantur ac edunt. Si qua est occasio, Bibliothecam Volantem Cinelli, quaeso, ad me cures. Nos alioquin hic, procul morbis pestilentibus et contagiosis, belle habemus, et floremus. Prid. Eid. Quinct. A. cl. lo CXXCI.

LXXVIII.

ADAMO CHRISTOPH. IACOBI,

IC. Dresd.

VEniam superiori negligentiae dabis, atque de Anglia cognosces, multa et decora ibi esse ingenia, quae, si melior fortuna e tumultu et bello civili eripiat, maximum et sibi et litteris ornamentum afferant, et Graeca cum primis studia illustrent. Londini crebro cum Thoma Galeo, Paulinae Scholae moderatore, collocutus sum, qui pleraque Photii, nec dum edita, monimenta possidet, et *Archiepiscopi* Londinensis familiaritate intima utitur, et subsidiis praecipue MSS. abundat. Huius doctrinae fundamenta iecit Cantabrigiae, et Bosbeii ac Duporti sedulus auditor fuit, tantamque deinceps laudem sibi comparavit, ut suffragiis popularium Graece doctissimus habeatur. Nec puto, nostra memoria quenquam fore,

qui Hesychium aequè castigare ac restituere nobis possit, ac Galeus, quem nullae difficultates impediunt, quo minus hoc digne et feliciter assequatur. Decoxit enim spei Schreuelius, et promissa non perfecit, Suerus autem iam diu hoc pollicitus est quod anxie fatis expectamus. Vtinam vero Lexicon Photii MS. emitteret, quod habet, et multas Patrum orationes, quas in scriniis asseruat, iuxta cum poetarum monumentis, quae lucem nondum viderunt. Nunc in Iamblichò industriam atque studium ponit, cuius omnia, quae inueniri possunt, conquisiuit, ac nihil solertiae, eo quidem in doctrinae genere, omisit. Medicos et Mathematicos, Londini florentes, non enarrabo, quorum magnus ibi numerus, et diligentia singularis est, qui omni honore me ornarunt. Oxonii Bernardum salutaui, qui in edendo Iosepho multus est, et Samuelis Petiti *à véx-dora* nactus est, ac varia Bosii eam ad rem adhibet, quamvis tanto par operi vix mihi videatur. Nam, quod tibi scribo, non responderet ingenio, nec opes copiasque tantas, quae instituto sufficiant, comparauit Emericus Bigotius, Vir in Gallia doctissimus, ipsi auctor fuit, ad laborem hunc suscipiendum, sed, quod ipse vix aegreque diffiteri poterat, iam minus de eo sperat, me tamen omnibus modis dilexit, et profecutus saepe euntem est, saepeque me

me in tali opere adiutorem optauit, ratus, me in nulla statione esse collocatum, quando ignoratus explorare doctorum virorum sententias volebam. Io. Fellus, *Episcopus Oxoniensis*, Cyprianum magna cum cura emendat, quem breui, opinor, litterati adspicient, et auctoris operam, impensamque, pro eo, ac decet, collaudabunt. Eid. Quinct. A. cl. l. CXXI.

LXXIX.

NICOLAO L. B. A. GERSDORF.

Interest reipublicae, et antiqui iuris est, vt non modo principatus non diuidantur, sed ne bona quidem et possessiones separentur, vt cum saluti imperiorum, tum familiarum dignitati consulatur. Hinc diuisio res Francorum veterum euertit, et Hugonem deinceps Capetum admonuit, vt afflictæ superiorum temporum fortunæ remedium prudenter adhiberet, regnumque diuisum adhuc et collapsum vniret, quod regno bene vertit, nec mediocriter potentiam firmavit, atque in tantum fastigium prouexit, vt regnorum, quotquot in Christiano orbe sunt, iure suo florentissimum habeatur. Neque dubito, quin Carolus M. ad generale orbis Christiani imperium, quod in scholis atque vsu rerum *Monarchia vniuersalis* dicitur, contendere potuisset, si, pro

eo, ac decebat, cautior fuisset, et intempe-
 stiva diuisione abstinuisset. Non meliori
 fortuna vrebantur Merouei regis posteri et
 successores, propterea, quod regni diuisio-
 nem, qui regni robur confectum est, non
 euitarunt, neque gloriæ suæ, nec utilitati
 publicæ seruierunt, cum quod coniunctum
 stare poterat, regnum, in partes tributum,
 amitteret vires, et vix nomen tueretur.
 Longum foret, reputare errores diuiden-
 tium, et adferre exempla, quæ moneant,
 non floruisse, sed periisse respublicas, quæ
 diuisionis instituto vrentur. Quamobrem
 Constantinus et Theodosius, Magni Imper-
 ratores, nulla re minus satisfecerunt sapi-
 entibus, et nulla re magis sibi ac Imperio
 fraudi fuerunt, quam, quod diuisionem ap-
 probarent. Gentes populi que Asiae
 ciores erant, et vel hac vna ratione regna
 sua quam diutissime tuebantur, ne man-
 sborebant Macedones, quoad ab vno regē-
 bantur. Prudenter Sueones regni bonas et
 possessiones abalienatas repetunt, et Fran-
 corum siue legem, siue mores, legis vni ha-
 bentes imitantur, et prouentus emolumenta
 itaque regia eodem loco et numero, quo in
 dominium habent. Est enim respublica po-
 pilli instar, ac in omnibus damni accepti
 casibus restitutione indiget, ad eum scilicet
 sequentis modum, qui iure prætorio con-

tinetur. Namque, ea redituum portio, quae *apanagium* nominatur, ius *proprietatis* et summam potestatem non transfert, atque adeo a diuisione rationes seiunctas habet, et regum, atque principum consuetudine et exemplo, vel in ipsa Gallia, vtilissime seruatur. Quicquid extra hanc aut vltra est, perniciem adfert, et imperiorum principatumque saluti obest, nec in Germania contra primi instituentis voluntatem, contraque consuetudinem, recipi ac probari debet, praesertim, quum Fridericus III. Imp. alienationem pariter, atque diuisionem, principatum beneficiariorum, prohibuit, quod more maiorum Saxones diligenter obseruarunt, nec alii, quam *primogenito*, successionem addixerunt, idque eo magis in propagine Alberti Animosi locum habet, quoniam hanc filiis successoribusque legem dixit, vt *primogenitus* ius successionis habeat, a quo instituto primi *lineae* conditoris recedere non licet. Etenim, quod suo iure fecit et sanxit Albertus, et diuturna consuetudine non aliter ac lege firmatum est, id nullus descendantium iure mutare potest, etsi forte persuasus mutare velit, propterea, quod facta non valent, vbi ius et primi instituentis sanctio aestimatur. Verum haec et tui arbitrii et iudicii sunt, Domine, in quo patriae et mihi omnia sita sunt, nec quicquam

quam rellat, quam ut pietati meae satifficem, et rem spemque tuam votis ac precibus Deo Immortali et Benignissimo, commendem, XVI. Cal. Sextil. A. d. 16 CXXC.

LXXX.

PHILIPPO IACOBO SPENERO,

Doctori Theologo.

Cilius equidem de statu meo perferbere debui, sed, quoties id sane volui, toties profecto consilii mei rationes mutatae sunt, nec potui resistere occupationibus, quae me ab incepto dimoverunt. Illustrissimus Gersdorsius honori tuo in primis fauet, et impense laudat volumen Insignium Illustrum, nec quisquam in aula desentit, praesertim quod iuris et utilitatis Saxonicae rationes, magno cum nostratum applausu, confectas dedisti. Calore pro ingenio animo, bene tibi cupit, et gratiae referendae occasionem quaerit, cui de modo et ratione institutae abs te scholae pietatis, maium diligenterque commemoravi. Nescio tamen, quae nobis Scherzerusa te alienior sit. Siue enim ingenio suo indulget, siue, morum emendationem non arduam, putet, non aliquid tamen satis, quid ipsi non in genere displicere possit. Utinam plerique tui educti, si legerent Chrysostomi homiliae, quibus vitam moresque instituit, aliter opinarentur.

1. *Caluicium* est, reprimere co-
 2. *opud* opud, more hominum, qui in mi-
 3. *plurimum* plurimum par est, furiosi, ac prope
 4. *esse* esse volunt, in magnis autem negli-
 5. *gunt* gunt, nec provident errores, nedum
 6. *offendunt* offendunt. Parum abest quin aliqui, pieta-
 7. *tem* tem *supernacuum* esse, censeant, rati,
 8. *disponendi* disponendi praesidiis muniti Theolo-
 9. *gum* gum. Hinc vocabula captant, et aliorum
 10. *conferantur* conferantur, mox se in praelia accingunt,
 11. *quoquam* quoquam de bello consultant, discer-
 12. *unt* unt, ac intempestive tumultuan-
 13. *ter* ter. Unde Calovius, vt Tunzelius le-
 14. *geat* geat Musaei locum *furrogeat*, contra illic
 15. *theologum* theologum duntur, et, ex usu suo esse pu-
 16. *ant* ant, si quisquam Musaeo obnoxius succe-
 17. *dat* dat. Inter ea Stengerus scriptum, conuiciis
 18. *plurimum* plurimum emittit, nec mediocriter Calovium
 19. *et* et *Wixum* Wixum et Hartnaccium. De altero ho-
 20. *minem* minem dixisse Pufendorfium, qui curae
 21. *moderatur* moderatur, hominem
 22. *esse* esse quoniam, quod, ambiguum est, de
 23. *an* an de iudicio, intellectum voluerit.
 24. *dedicationem* dedicationem continuati Mi-
 25. *syntagmatis* syntagmatis tam indigne tulit, vt
 26. *conueniam* conueniam illi dixerit, nec rescripse-
 27. *potui* potui. Causam non inuestigare potui, nisi
 28. *Scherzerus* Scherzerus non vult immisceri, eius
 29. *profecto* profecto be-
 30. *loquitur* loquitur, et, quod maxi-

mum est, Calouio non vult postponi, minusque putat, nominari se Nazianzenum, quam Augustinum. Atque is tamen Budisfinensem in superiori Lusatia praesulatum nactus est, quod didicit inferuire tempori, et, si opus est, cedere fortunae, aulicos et demereri. Quo nomine Fellerus singulari epistola, quam ad Calouium scripsit, conquestus est, ut iam intelligam, nos nihilo fieri meliores, et aemulationem contentionemque in consuetudinem nostram vertere, nec falli me, si credam, isto temporum statu domum certe ruinam minari. Aula in constituendas belli rationes incumbit, atque ea de causa a bibliothecis emendis alienior est, Illustrissimusque Vir ille, quem tu nosti, etiam ab hoc instituto abhorret, quoniam filius animum ad belli artes conuertit, neque ex instituto litterarum studia persequetur. Hinc in aulam Brandenburgicam perscripsi, placeretne consilium, quod de Iungiana Bibliotheca proposui? sed Kanizius, cum quo rem communicaui, nihildum respondit. Hoc circiter tempore Amstelodami insignis erit auctio, cuius exitum sollicite exspecto. Historia vestratis Ludolphi a me curata est, quam sanctiores Consiliarii, praecipue illustrissimus Carolus Frisius, et Nicolaus Gersdorius, summa laude ornarunt, ac ille etiam velut itineris comitem

ad

ad thermas vsque Carolinas secum sumfit, et, vt per internuncios accepi, familiariter legit saepeque in conuictu et sermone commendauit. Imagines, ab incluto viro promissas, quoque expetunt, atque omnem illi beneuolentiam promittunt, magnopereque confirmant. Non displiceret Proceribus, si morborum late grassantium periculum non obstaret, accessus Viri, de antiquitate Habessina immortaliter merentis. Contagio Oschazium miserum et finitimos pagos denuo infestauit, nec tamen meliores euadere solemus. Pauci nunc corrigi se sinunt, quibus poena imminens sensum rationemque eripit, nec studiosi nostri iuuenes, etiam, qui ad sacra se comparant, vitam in melius fingunt, plerique perpotant et rixantur, alii irritum ingenii acumen, paucissimi pietatem, exercent. Inter optimos et mihi amicissimos ad te venit Difenbachius, iuuenis probus, ac modestus pariter, et doctus, quem tibi, quo decet, modo diligenter commendo. Res Imperii quotidie magis ad perniciem inclinant. Domum Austriam fatalis sane casus, Germaniam nouum, idque terribilius, bellum exspectat. Hinc Galli, illinc Turcae, aquilas prement, ac depilabunt. Nobis vna in contemptu mundi fiducia superest, qui, omnia consilia conuerti in perniciem exitiumque, videamus. Ita te
Deus

Deus seruet, et ab omni temporum iniuria
benigne ac constanter defendat. VI. Eid.
Sextil. A. clō b CXXCI.

LXXXI.

AMICO CVIDAM.

Reditum tuum laetus intelligo, et im-
pense gratulor, ac voueo, vt fratri o-
ptimo eadem felicitas eueniat, et difficilis
la atque impedita iuris controuersia e-
dem bene ac optato finiatur. Nae Senato-
res illi praemiis se conduci patiuntur,
pollicendo faciunt, vt nihil perficiant, in-
tesque aut non expediant, aut statim re-
pente mutent ac impedianr, si donis con-
ciliantur. Cum adessem, facile olfecit o-
mnia, et pleraque vidi haud optima, nec me
isthaec opinio fefellit. Ipse tu experie-
ris, promissa ipsorum specie, quam viu, ne-
tiora esse. Iam simulant, iam tergiver-
santur, quibus rebus permolestam moram co-
cunt, quam eo minus iniustam putant, quia
virescent. Vix Volterus, Caledo-
porum infitor, venerat illuc et iniustitiam
quam omnia bona consilia protinus con-
uertit. Nec pauci a parente tuo alieniores
facti sunt, quod non eadem, aut non aequa-
lia, dona acceperunt. Haec scena abi in-
struitur, et auctore Stahlto adornatur. Fi-
ne, vt pareas in senatu ne fiat nimis po-

tens, populi que studio ne extollatur. Itaque crede mihi, huius rei exitum tam esse ancipitem, quam tardum eius initium fuit, nec scio, an senatus vestri auctoritate moueantur illi ipsi Patres, qui nihil posthac possunt, quam premere magistratus urbium. Potentiores non admodum teneri volunt, horumque plerique plane liberi sunt atque immunes a sententiis illorum hominum, atque adeo parum de commodis ipsorum laborant, quorum opera non utuntur. Priuatos etiam deludunt, et, quem ostentant promptum cupidumque iuuandi animum, contrario odio callide fatis occultant, quod Rumsferus usu et exemplo suo cognouit. Haec saeculi prudentia est, fallere incautos et iuuare eos, unde utilitas ostenditur, a quo deprauato more longissime absunt cordati homines, praesertim amici ingenui, quales erimus, nec esse desinemus. V. Id. Sextil. A. c. d. l. c. c. x. x. c. l.

LXXXII.

AMICO CVIDAM.

Vide, ut quamprimum recipias libellum, hominis negligentia amissum, et, quantum potes pretio, licitare. Soluam protinus, atque hunc sane fructum amicitiae nostrae maximum putabo. Parum abfuit, quin domum remitterem ignarum et immemorem, sed

sed **condonandum** id pro necessitudine fuit.
 Libelli auctor **est** Valentinus Andreae, si be-
 ne memini, **nec** alio pertinet consilium
 quam, vt **viri nobilissimi** honori seruiatur.
 Abs te peto, vt **CL. Fabro, Gymnasti Col-**
legae, renuncies ac dicas, si velit sex numis
 vncialibus **Chronicon VVirtembergense**
MSS. venum mihi dare, promptum me, pa-
 ratumque emptorem fore. Cum primo
 autem **cupio** rogoque, vt **Masseii historiam**
a Zetznero emendam perferendamque ad
 me **cures**. Summa erit, secundum mem-
 bras **confeci**, rationes, octo numi vncia-
 les, siue, vt vulgo putant, octo Imperiales,
 quos soluet Orthius, quam pecuniam **Vi-**
tembergae rependam, vbi filius eius contra-
 xit aes alienum, quod dissoluendum fuit
 piam, si haec quidem conditio **ipsi** placeat.
 Alioqui cum Schumachero **agam**, vt im-
 mora promissos numos **repraesentet**, V. Id.
 Sextil. A. cdo bC **XXCI.**

LXXXII.

CHRISTOPHORO ARNOLDO.

V. C.

Transeunti **urbem** vestram Glererio in-
 teras dare volui, vt rationem superio-
 ris amicitiae ducerem, reditumque in Sa-
 xoniam sic tandem tibi significarem. **U-**
trum quibz aduersione numeros me

et impediebant, tamen
non minus, neque ea res male mihi eue-
nit, praesertim, quum patrono studiorum
et domo utar, qui omnibus modis studia
conseruat, patriae cum primis sollicitum a-
mum praestat. Dicere non satis possum,
ut epistolae modus recipit, quantum in eo
res publica habeat, quippe qui omnia
consilia ad instaurandas belli et aerarii ra-
tiones confert, nec valetudini suae parcit.
Cum eo Torgaviae fui, ubi
ab eo didici, quam multis mensibus
eo eodem Marte, praesertim in recondi-
tis negotiorum rationibus, discere potuissem.
Itaque conamur in spem omnes, hoc aucto-
re et duce rem nostram non modo saluam,
sed etiam longe meliorem fore, eo in pri-
mo tempore, quo Germaniae ad Rhenum
sedens, ab occidente impendet, nec vlla
spes reliqua est, nisi Germania vel Saxo-
rum veterum, vel Italorum, instituta sibi
sequenda proponat, ac deinceps iniquo so-
cedere coniungat, ut exterius iste domi-
nans saltem intra Rheni fines coerceatur,
nec Germaniae nostrae Transrhenanae
incubat. Augustam domum sui, nec satis
deploranda, fata urgent, nec Vngariae ex-
ilis melior est futurus ac fuit adhuc, quum
nulla ratio expediendae ipsorum salutis
interfuerit. Constarunt hoc malum Patres

Ignas

Ignatiani, dum optant, vt vna ruina omnes Respublicae prosteruantur, quae ipsorum placitis obtemperare nolunt. Iam vero intelligit Anglia, se operam perdidisse, et errores suos agnoscunt Bataui. De Germanis erumpens indignatio prohibet, quo minus verbum addam. Vtinam vero falsus augur sim, nec deterior rerum nostrarum conditio sequatur. Vtunque autem eueniat, nos totos in litteras abdamus, nec de consuetudine nostra abduci patiamur, qui priuatum et innoxium vitae genus humanitati et Musis dicatum, retineamus. In Anglia cetero quin multus et honorificus de te sermo erat, quum ego et Hackius, ille optimus et officiosissimus, de doctis Germaniae Viris inter nos colloqueremur. Vindforii magnam Vossii polymathiam iure aestimare debui, etsi ego non aliter, ac transfuga, idemque ignoratus, ipsum inuisi, et multa humanitatis eius argumenta perspexi. Nec tamen vitio mihi ac dedecori sit, a viro doctissimo interdum recedere, ac, salua amicitia, dissidere. Cuius indicium sit disputatio, quam tibi transmitto, et magnopere peto, vt quemadmodum olim ita deinceps, fauere mihi pergas IV. Eid. Sextil. A. clo 16 CXXCI.

Epistolam quam scripsi ad Magliabechium, velim, cures. Is enim hoc genere officii

ficii bis me anteuertit. Filium tuum doctissimum saluere meo nomine cupio.

LXXXIV.

ANTONIO MAGLIABECHIO.

Non dubito, quin doctissimus Graeuus vel sponsor sit, vel curator officii, quod proxime tua causa vel maxime suscepi, quoniam ipsi litteras dedi Traiecto Antuerpiam perferendas. Commodum enim quidam bibliopola noster tendebat in Belgium, ut auctioni Elzeuirianae praesto esset, qui spondebat mihi, futurum, ut inuiseret apud Graeuum, Virum nostri amantem, qui has partes eo minus recusabit, quod tua res in eo negotio versatur. Antuerpiae autem non defutura sane est occasio, ut in Italiam usque sine impedimento nostrae litterae commeare possint. Dauius magnopere clarissimum nomen tuum aestimat ac veneratur, sed, veluti excusatione aetatis, priuilegium languentis industriae postulat, qui tamen mea sententia de contentione animi et diligentia pristina nihil remittit. In Dufresnii *Glossario* iuxta mecum multa desiderat, neque spes est fore, ut vnus homo tali, et tam immenso labore fungatur. De *Vitricis Ecclesiae* nihil ille auctor attulit, nec tamen in superioribus Saxo-Ascaniorum MSS. tabulis vlla dictio frequentior extat

K

ac

ac reperitur. Vt de sexcentis aliis nihil dicam, quae priuatae cuiusque industriae referuantur. Proxime in aula nostra iterum fui, cum de prolixo tuo in bonos litteratosque animo multa, et tibi honorifica, passim in conuictu doctissimorum hominum dicerentur. Vitemb. apud Saxones III. Eid. Sextil. A. clb lb. CXXCl.

LXXXV.

IO. FRIDER. REINHARDO.

IC. Dresd.

Non recusavi, quod imposuisti, munus, vt vel hic conatus meae pietatis atque obseruantiae erga socerum tuum pignus sit, maneatque sempiternum, non in aere magis, quam in animis hominum, duret, qui aequo animo iudicant, et suis quemque meritis distinguunt. Ego, dum has partes executus sum, nimiam sane industriam non adhibui, delegi autem apta, et, quae cum antiquitati tum grauitati, conueniant, verba, siquidem ea fastidium lectori pariunt, quae inflata et tumentia sunt, ac potius ex ingenio, quam ex inscriptionibus veterum, accersuntur. Vulgus quidem, nescio quam calamistratam orationem expetit et affectat, nouaque subinde commiscitur, pulchraque haec iactat, quae cordati sane et humanitatis periti omnes vitant ac merito aspernantur.

tur. De reliquo admirator Veckii ero, et, si quid possum, ad eius laudem conferam, ac venerabor nomen, fastisque inferam. Quamquam non satis assequor omnes viri laudes, quas inter secreta consilia, et arduas reipublicae curas, expromere consuevit. Illustrissimus Gerisdorfius, Iuris consultissimus Iacobaeus, et vtrorumque applausor Zieglerus, ingenium, labores, iudicii vim atque usum rerum, pro merito aestimant, quibus me adiungo, non, ut mea conspiratione et assensu pondus accedat summorum procedum auctoritati, quae per se maxima est, suaque et nativa luce effulget, sed, ut clientis locum tenere mihi liceat, cui satis est, in sententia virorum in republica maximorum conquirere, ac ab eorum praeconis petere materiam vberioris laudis. Ita bene agere te volo, et cupio, ut omnia laeta tibi et vniuersae Veckiorum familiae eueniant, et cuncta denique incepta et consilia tua fortunentur. XV. Cal. Sept. A. clō lō CXXCI.

LXXXVI.

ILLVSTRI KANIZIO.

Primum ac perpetuum mihi votum est, ut incluta Kaniziorum familia sub tutela Principis Europae maximi floreat, ac suis ipsa praesidiis nitatur et crescat, atque hoc

et proprio iure habeat, vt nemini gloria et meritorum amplitudine, concedat Nam, etsi multa et egregia maiorum tuorum decora in fastis sunt, passimque celebrantur, tamen ibi non consistunt, sed longius se diffundunt, ac tuae praecipuae laudis accessione in dies augentur, praesertim eo in loco, vbi velut orbis theatrum atque compendium est, et exemplorum in toga belloque optima sedes ac officina explendescit, cuius instituta egregia et sancta nulla aetas ignorabit, aut obliuiscetur. Multi quidem tantas aulae vestrae laudes non assequuntur, neque is ego sum, qui ex asse aestimet res tota Europa maximas, quas et cogitauit et confecit Martius ille *Electior*, quem Rex nostra memoria maximus suo merito celebrat, militemque appellat. Nihil dabo auribus, nec popularium et Germanorum, sed hostium, sermones repetam, quos neque gentis suae amor, neque Principum indigenarum auctoritas, deterruit ac impediuit, quominus tantae fortitudinis ornandae cupidos se praeberent. Mirabitur omnia et seponet grata posteritas, et mansuris atque sempiternis monumentis consecrabit merita, nullo orationis genere aequanda, quorum ea est ratio, vt sibi ipsis pretium sint, nullaque obliuione deleantur. Itaque in eum Principem Gallia in primis intuetur, eius.

eiusque amicitiam sibi spondet, dum in fatalem et formidolosum Europae dominatum incumbit, quando Austriam sua fata urgent, ac in praesentissimum discrimen vocant. Quod reliquum est, summis peto a Deo precibus, ut cum vires tibi integras seruet, tum res consiliaque tua fortunet, et familiam pariter illustrem, ac necessarios inclutos, quam diutissime florentes praestet. Vitembergae apud Saxones, XIV. Calend. Sept. A. clc lxxxi.

LXXXVII.

N. HVBNERO.

Consilium pariter, atque desideria tua multo honestissima, intellexi quorum ut fructum capias, sane pro auctoritate muneris efficiam, prorsusque enitar, ut locus sacri ordinis dignitati congruens, meo et collegarum suffragio, tibi decernatur. Summi, celeberrimique Doctoris Theologi, Alberti, testimonium, quo ornatus es, tantum apud nos omnes momentum habuit, ut tuo absentis honori faueamus, ac vno studio et voluntate petitioni tuae assentiamur. Tantum monendus es de faciendo sumtu, qui triginta numum, quos *thaleros* dicimus, pretio constabit. Quos si persolvas, a reliquis impensis plane immunis ac liber es, et expeditam adeo facilemque ad summos ma-

gistri honores viam habes. Quid igitur factu opus sit, in tempore aestimabis, vir perreuerende, ac de me polliceberis, animum dignitatis tuae amantissimum, vt nemini vel in te amplectendo, vel ornando, concedere posthac velim. Summum Virum, ac de sacris profanisque litteris egregie ac immortaliter merentem, D. Alberti, diuigenter ac perofficiose saluta, neque eo secius reliquos Professores, qui me norunt, ac studia mea amant. Vitembergae XIII. Calend. Octobr. A. cllo CXXCI.

LXXXVIII.

IEREMIAE HAHNEVALDIO.

ACcepi, rationes muneris atque studia tua iam diu mereri honores et ornamenta publica, nec mediocri gaudio affectus sum, postquam intellexi consilium hoc egregium, et doctrina vigiliisque tuis dignum, cuius perficiendi iam prompta et luculenta occasio tibi datur. Nam de me et collegis, quibus data examinis prouincia est, spondeo tibi propensam voluntatem, quam re ipsa, nec obscuris signis, sed certis apertisque indiciis cognosces, si res tuae ita ferant, vt nomen inter candidatos profitearis. Age igitur, capias tandem tot laborum vigiliarumque tuarum mercedem, et praemia atque testimonia laudis expetas, quo-

quorum facile impetrandorum nunc sane tibi est facultas. Ego ultro libenterque cum te, tum virtutes tuas, amplectar et ornabo, Deumque venerabor, ut inceptum, honoresque benigne et constanter fortunet.

XIII. Cal. Oct. A. clv b CXXCI.

LXXXIX.

IO. FRIDER. REINHARDO,

IC. Dresd.

ET si tuae sponsio benevolentiae satisfaccere mihi potuit, nec praeter eam aliquid desiderare volui, quod Veckianae necessitudines, quibus virtus et fortuna te inseruit, plus sane debeo, et omni deinceps occasione testatum facere cupio, quanti eae a me fiant. Tamen insigne luculentumque beneficium tam propensae in me voluntati addendum censuisti, neque obnitor, quoniam sic placuit, ne videar non aestimare donum per se eximium, praesertim ab ea familia, cuius in omni genere decus enituit, cuiusque in rempublicam merita sunt multo pulcherrima, et in omnium ore animisque versantur. Atque optimus ille focer tuas inter has patriae curas, a quibus nunquam ei licebat esse vacuo, Academiae nostratis negotia haud neglexit, et commodam procuravit enixe ac diligenter, illud etiam magno et sapienti consilio effecit, ut, quum

superiori tempore salus eius, nescio per quas turbas, in discrimen adducta esset, ipsius ac tuo singulari fauore nostris omnium rationibus bene ac tempestiue consuleretur. Itaque huius eruditissimae societatis ego velut internuncius ac interpres hoc elogio talem, tantumque virum fraudare non debui, vt intelligeret posteritas, qualem consilii administrum curia sanctior, qualemue Patronum Academia nostra amiserit. Ego, quoties aeternum historiae Dresdensis monumentum animo reputo, toties in eo Varronem, quo viro nihil maius Roma habuit, contemplari mihi videor, defixusque adeo in laude eius acquiesco. Sed nunc denuo tibi ac necessitudinibus amplissimis pro dono tam insigni gratias ago habeoque maximas, Deumque precor, vt familia perpetuo floreat, maioraque incrementa capiat in dies splendoremque solidae nec fucatae laudis teneat ac tueatur sempiternum. XIII. Cal. Sept. A. clō lō CXXCI.

XC.

NICOLAO L.B. A GERSDORF.

TVum principisque reditum in urbem felicem fuisse ac prosperum, varii ac diuersi nuncii attulerunt, quem deinceps fortunet Deus, ac sinat, vt non modo nunc eum faustis acclamationibus prosequamur, sed

sed in posterum quoque sacrum semper, et solemnem habeamus. Vota igitur concipienda et nuncupanda sunt, ut res nostras benigne reficiat, pristinisque beneficiis frui concedat, rectamque aeris et firmam temperationem largiatur, ne sinat, ut dura initia, quibus usi sumus, diutius durent, poenaeque in nos continuatae exemplum statuatur, cuius finem modumque poscimus, ut cum opes, tum commercia, inuiso et noxi morbo intercepta, sic tandem restituantur. De Italia non parvus metus omnium mentes animosque incescit, videntque iam Heluetii, cesso Burgundiae *comitatu*, cui patrocinium praestare debuerant, magnam securitatis partem sibi ademptam fuisse. Neque eo secius periculum Imperatori impendet, si quidem causam communem, et officium domini beneficiarii deferere non velit. Sane, Casali intercepta, non tantum Mediolanensis Ducatus in praesenti discrimine est, sed etiam tota Italia proxime abest a iugo, nec satis praesidii habet aduersus omnes belli casus. Magnus Florentiae Dux non absurde aestimat periculum, quum filiam Caesaris nurum sibi destinat, atque eo connubio amicitiam ac necessitudinem prudenter firmat. In Vngaria res quidem valde turbatae ancipitesque sunt, sed vereor, ne posthac Poloniae deterior conditio sit.

Eo minus de Germania superiori dubitandum est, quin Galli arbitria et leges sequatur. Nam ille perstat in sententia vindicandi accessiones, siue, vt vocant *dependentias*, quas, ait, sibi competere ex capite sacerdotiorum, vulgo dioecesium, Metensis, Tullensis et Virodunensis, pariter propter Alsati-
am, unde multos nec ignobiles terrarum tractus repetit, ac iuri ditionique suae adscribit. Longi equidem temporis possessio inter gentes valet, atque huic ambitioni obsistit, sed regi ius in armis ferenti non potest obtendi, cui fortuna temporum et occasio sane dant repetendi titulum acrobur. Quae res Deo committenda est, qui saepe, non cogitantibus nobis, expedit, quae non sperabamus posse fieri, ac in tempore adest, et oppressis affert auxilium, et miseros laborantesque seruat, neque eo secius imperia ruentia sistit, ac principatus per se inualidos defendit et firmat, fluxamque et fragilem potentiam sua vi et consilio tuetur. At enim tu patriae consule, Domine, et commoda publica diligenter procura, conatusque Principis optimos adiuua, ac de nobis omnibus sic merere, vt inter multas alias laudes hanc certe maximam posteris recolendam, pariterque imitandam relinquas.

Vitembergae XVI. Calend. Octobr. A. clo lo
LXXXI.

XCI.

ADAMO CHRISTOPHORO IACOBI

IC. Dresd.

QUod hucusque intermisi nunc breuiter expediam munus, et quid in Gallia acciderit, summam ac velut per extremas lineas indicabo. Adultus erat mensis Augustus, quum nauem conscendere cogitauimus, sed Anglorum erga Gallos inuidia eam, quam conduxeramus, nescio quid suspicata, detinuit, quo fiebat, vt quarto die Septembris ex portu Londinensi solueremus. Lentum ac difficile iter nos merito sollicitos anxiosque habuit, ac saepe etiam nauis nostra in periculum venit, parumque abfuit, quin apud littora Picardiae puluinis illideretur. Vicesimus erat dies Septembris cum ad fanum S. Valarici exponeremur in terram, et, obliti molestias, certa iam visendae Lutetiae spe duceremur. Igitur, conspecto *Abbatis* fano, ad oppidum, quod *Abbatis Villa* dicitur, recta contendimus, et, adito Mariae templo, in patres non admodum doctos incidimus, atque hinc in Ambianos mouimus, et urbem Ambianensem intrauimus, ibique *Ecclesiam* Petro, *Apostolorum* Principi, dicatam, et splendore et cultu egregiam, perlustrauius. Res urbis et originem *Ecclesiae* ex instituto descripsit

Mo-

Morlierius, Vir minime spernendus. *Episcopi* munere fungebatur Franciscus Vaur, ubi Picardiae moris et linguae imaginem velut in compendio videbamus. *Canonicos*, quos vocant, humanitas magis, quam doctrina commendabat. Urbi arx adiacet, quae cum praesidio tenebatur. Exinde Bellovacum, ubi Picardia incipit esse cultior, profecti, *Ecclesiae* monumenta et inscriptiones pariter atque Ambiani contemplati sumus. *Episcopus* eo tempore legati partes obibat, et apud Polonos versabatur, ut gentis eius animos in amicitiam necessitudinemque Gallicam inclinaret. Dici non potest, quantopere conspectu illius terrae laetatus fuerim, in qua Caius Caesar castra habuit, et arma virosque exercuit, atque per eam oram ad Belgas descendit. Nam apud Bellomontium veteris Romanorum militiae operumque non pauca, nec fallentia extant vestigia et signa. Cumque hic aliquandiu constitissem, cepit me amor visendi S. Dionysii fani, cuius origo multo est antiquissima, et magno Dagoberto, Franciae regi, accepta fertur. Monumenta, tumuli, gaza *Ecclesiae*, et cimeliorum apparatus, tanta ibi cernuntur, quanta, qui non viderit, certe non credat. Dionysii nomen a Dionysio Areopagita tulit, quia Clemente, huius nominis primo, eodemque

que Romae *Episcopo*, in Galliam missus, laeto animo has suscepit partes, nullumque, Dei causa, periculum refugiens, coelestia oracula promulgauit, ac tandem, praefecto Galliae Fescennio Sisinio, *Martyr* ad posteritatis famam insignis decessit. Commodum aderam, cum memoriae et honori Ludouici XIII. sacrum anniuersarium institueretur, rituque solemniter perageretur. Postea me in viam dedi, et Parisiorum urbem, omni nitore et cultu, ac nihilo secius maximis ingeniis florentem, accessi, et, vix ingressus, de Emmerici Bigotii praesentia audiui, quem adii, et merito veneratus sum, ac pleraque eius Chrysostomi MSS. vidi et legi, quem vnum apud Gallos aestimabat Vindorii Vossius, ac post Valesios seruare veterem eruditionis gloriam affirmabat. In extremo tibi commendo, Patrone Magnifice, Christophorum Adolphum Durerum; Liebenverda Saxonem, qui, quantis potest precibus, stipendium petit, ac profecto meretur. Vitembergae XII. Calend. Octobr. A. clb l^oCLXXXI.

XCII.
EIDEM.

DEditio Argentorati fidae Imperio vrbis, omnes Germaniae rationes conturbauit, aditumque ad regiones Rheno Moenoque

que adiacentes patefecit, in qua vna vrbe plurium sane vrbum, imo et prouinciarum, iacturam fecimus. Rex, cum adhuc in Gallia esset, occupationi diem dixit, vt fortunam non modo habere benignam ac prosperam, sed etiam regere arbitrio suo videatur. Post voti compos, arcem, qua ciues in officio contineat, aedificare constituit, tormenta iam eripuit et auexit, templum Germaniae maximum augustissimumque ritu Pontificio inaugurandum curauit, in quo omnia Alfatiae templa, et praedia possessionesque sacerdotiorum, amisimus. Iam Lotharingia non limes, sed Galliae pars est, Rhenusque victoris imperio ac ditione continetur, et munitissimus Bresaci mons, huius accessione castrum auctus, maiorem finitimis metum infert, Regisque potentiam exquisitius firmat. Iam fere circumsepti sunt Heluetii, ante hac focii, ac deinceps aut clientes, aut serui, Gallorum futuri. Rex siue serio, siue simulato, per Rebenacium deditiois inuidiam iuris praetextu purgauit rogauitque Brandenburgicum, vt suas, aequasque et iustas rationes Caesari approbaret, ad Moenum nolle tendere, aut quicquam ultra turbare, de Philippoburgo cupere, vt solo aequetur. Ita Rex ille illudic nobis, et arbitrato suo agit cum Germanis, et pacem vel rumpit impune, vel ex utili-

tate sua interpretatur. Iura, leges, omnibus scribit, alios cogit, alios terret, plurimis minatur. Iam ducit in Hispanicos Belgas, et vrbes occupat, iam Italis metum incutit, armaque ostendit, iam Rheni oram subigit, vicinosque frenat. Accepi, Brandenburgicum futuri prouidum et cautum perlato deditiois Argentoratensis nuncio, aliquot noctes prope insomnes duxisse. Vitembergae, prid. Id. Octobr. A. clc l^o CLXXXI.

XCIII.
EIDEM.

PARISIIS varios magnarumque rerum scientes viros passim salutaui, et bibliothecas prorsus egregias codicesque manuscriptos vidi et perquisiui. Baluzium in aedibus Colbertianis litteris et bibliothecae pulvere abditum deprehendi, sed ingenio acrisane et prompto, qui plerasque Carolinae antiquitatis membranas mihi ostendit, et de multis atque incidentibus rebus verum accuratumque iudicium tulit. De Bigotio, Menagio, Bullialdo, et per pluribus aliis nihil addo, quorum monimenta, quae reliquerunt, de vbertate ingenii atque iudicii praestantia testari possunt. Reliquum tempus in perlegendas describendasque inscriptiones, quae in portis columnisque incisae erant, impendi; eae enim admonere pos-

possunt, quid Galli de Germanis, ac superioribus eorum foederatis existiment, quorum Reges et Principes fracti, dissipati, et victi, quasque iam precaria imperia tenentes, non obscuris imaginibus et simulacris ibi adumbrantur. Legato Caesaris, Mansfeldio Comiti, illudebant sapientiores, cum priuatim inter se colloquerentur, illum petere et obtestari, Regem facere, quae vellet. Absurdam esse austriae pro Lotharingo intercessionem, qui, cum a Rege Franciae fiduciarium Ducatum recipere noluisset, iam omni sua spe excidisse, quod euentus comprobauit, cum inter concordiae pacisque meditationes pax Neomagensis rupta, et ianua claustrumque Germaniae Argentoratum, maximo cum patriae damno, ereptum fuit. Vix Campaniam, Verodunum, et Mediomatrices transieram, cum, Argentoratum delatus, homines nostri ordinis plerosque securos inueni. Obrechtus, in prodromo, quem vocant, Alsatie, elaborabat, sed eo tempore, quo non rationes, sed arma, sumi oportebat. Hoc est infaustum seruitutis Germanicae initium, nec minus iam libertas, quam religio, in discrimen vocatur, quando in vna vrbe omnes Rheno finitimas regiones, atque in vno vrbis templo omnia Alsatie templa sacra et sacerdotia, amisimus, iamque recogito illud, quod
pa-

Patres subinde mihi dixerunt, adduci se in spem Germaniae in vnum Christi ouile colligendae. Illi etiam, qui sodalitati suae nomen Iesu praescribunt, non poterant diffiteri, Regis eam voluntatem sententiamque esse, vt vna lege et religione Europa Christiana, pro cuius arbitro se gerit, deinceps vtatur. Austris imminere fatum, impendere orbitatem fatalem, solem ab occidente venturum, qui *haereticos* dissipaturus sit, omnia in posterum eo loco fore, vt in vnum Franco-Gallicum nomen conflentur. Nam, quod Germani de instaurando Austrasiae regno tradunt, id tale est, vt inepte sibi blandiantur. Sub Franciae nomine copulari vult prouincias, adeo vt quicquid ad Francos quoquomodo vnquam pertinuit, aut eo vel antiqui, vel noui iuris specie referri vlla ratione potest, nomine ditioneque Francica coniungere cupiat, quo pacto neque Thuringia et Hassia, neque vlla Germaniae regio, tuta erit et salua, praesertim, quum patientia Germanorum in iocum Gallorum transierit, et victoria victoriam hosti pepererit, vnoque die Argentoratum Germaniae, et Casalim Italiae, intrauerit, nec minora in Belgio Hispanico moliatur, vt intelligamus, quid Reipublicae et Ecclesiae magni et formidolosi isti conatus ferant. Ad vltimum, Patrone maxime,

L

Bar:

Barthelium, Mariamontanum, tibi commendo, si qua de eo in petendo sacerdotii vel alio muneris honore, bene mereri possis, ut tu vnus omnium maxime potes. Vitembergae, XIII. Cal. Nou. clō lōCLXXXI.

XCIV.

M. ABRAAMO FLIESBACHIO

Sacerdoti.

Fixum mihi deliberatum est, gratulari tibi praemia summosque honores, quos petiisti, ac merito tuo impetrasti. Res ea omnibus visa est memorabilis, quod pater et filius, eodem tempore, eandem dignitatem, pari et, aequo iure, susceperunt. Ego id, pro eo, ac par est, meoque doctoris historici, muneri sane convenit, in ordinis nostri commentarios referre volui ac debui, ut posteritas de exemplo tam laudabili nunquam apud nos, quod ego quidem sciam, edito cognosceret, idque secum recogitaret. De impensarum rationibus iam ita mihi satis factum est, ut gratiae referendae locum occasionemque quaeram. In primis Deum veneror, ut res consiliaque tua fortunet, et sacerdotium tuum laboresque in vniuersum felices esse iubeat, ut hoc tempore, quo Gallicus Hannibal nihil non ad perdendam polluendamque sacram pariter et ciuilem rem molitur, difficili fortunae resi-

resistas, et pietate atque constantia partes tuas obeas, teneasque hoc multo sanctissimum institutum, quod hostibus placere non potest. Sed dimicent illi de vita et fortunis, eripiant templa et vrbes, laceessant nos et persequantur, pietate, velut scuto, nos armabimus, et hanc vnam vincendi rationem putabimus, fore, vt Deus, fallendi nescius, non destituat peculium ab se dilectum, exitumque rei ferme conclamatae expediat, *Ecclesiam* tueatur et propugnet. Sed, cur haec scribo, qui honores tuos gaudio et gratulatione celebrandos suscepi? Itaque vota nuncupo, Deumque obtestor, vt patriae, familiae ac tibi, annuat, et plura maioraque incrementa, cum nouis, iisque recte partis honoribus tribuat ac perpetuo largiatur. Vitemb. apud Saxones XII. Cal. Nou. A. C. clb l^oCLXXXI.

XCV.

SACERDOTI CVIDAM.

Non opinor, feres grauius, quod filium tuum, modestia in primis ac diligentia mihi conciliatum ad capiendos Magistrum honores inuitavi, velleo non contemnendo persuasionis argumento, quod minori, ac alias, impensa conficere rationes posset. Me enim annitente, aditus ipsi ad beneficium patuit, quod, ob frequentem

L 2

Can-

Candidatorum numerum, tunc erat vacuum, cuius impertiendi occasionem ut arriperet, sane ipse auctor fui. Eam ad rem consequendam inter nos conuenit, ut duodeviginti numos, quos vnciales, siue Ioachimicos nominant, aerario nostro inferendos, soluat. Cumque inter nos diu collo cuti effemus, placebat tandem conditio, si quidem tibi hoc institutum commendarem. Et si autem cupiebat in primis, tuam interponi auctoritatem et consensum, tamen res tempusque non ferebat moram, nec erat, cur de assensu tuo dubitarem, in causa praesertim honesta, et ad ornanda pariter, ac amplificanda studia pertinente. Rogo igitur magnopere, ut, si quid nimis maturatum est, id non filio, modesto et obediēti iuueni, sed mihi, tribuas, atque, ex re eius fore existimes, quod cum laude doctrinae et commodo filii est coniunctum. Incitandi enim iuuenum animi praemiisque alendi sunt, ut nostra et *Ecclesiae* expectatione dignos se exhibeant, ac incitati virtute sua altius enitantur, deque republica sacra magis ac melius mereantur. De me ipsi amicum adiutoremque ad ingredienda antiquitatum sacrarum studia spondeo, nec ignoro, in reliquis doctrinae partibus eum magna industriae contentione ingenium exerce-

facere. Ita DEUS Immortalis, omnia filii
 recepta prosperet, ac tuo et familiae hono-
 ri solatioque eum adolescere porro iubeat,
 hoc noui decoris monumentum ei com-
 moda afferat, vitamque longam pariter et
 gloriam, perennemque famam, praecedat at-
 que comitetur. Nos, pro ea, qua decet,
 agnoscere venerabimur aeternum Numen,
 a pericula ab Ecclesia et republica l'teraria,
 aere, assu et molitionibus Pontificiorum
 liberantur, benigne auertat, Regemque
 solium, nihil non hostile molientem, et sa-
 lutemque imperii insidiantem, re-
 sollet et confundat. Vitembergae A. cl.
 MDLXXI. V. Cal. Nou.

XCVI.

NICOLAO L. B. A. GERSDORF.

Vne tandem eius controuersiae, quae,
 de stirpe et iure Anhaltinorum annis
 iam decem moueri coepit, rationem
 diligenter nobiscum considerauius, ac e-
 uendae eius rei studium laboremque hoc
 magis collocauius, quod Potentissimi
 Principis EL. dignitas pariter, atque utili-
 tas eo in negotio certe maximo, versan-
 ti subsidia iuris et historiae, quantum fie-
 re possunt, ego et Consultissimus Zieglerus
 inter nos contulimus, et plura mihi restant,

L. 1

in posterum latine perscribam, et sigillatim exsequar accurateque explicabo. Etsi enim scriptores editi fere omnes, quos quidem sciam, Anhaltinos ex Bernardi Ducis Saxoniae sanguine deriuant, nec ignoro, Conringium istud Anhaltinorum A. cl^o CCCCLXXI euulgatum scriptum causae eorum palladium censuisse, tamen, opinor, ea res sic iam confecta est, ut credam, hunc velut Aiacis clypeum deinceps non amplius obtendi posse. Nam ut accepi, omnes prope Luneburgici Principes et finitimi Dynastae eam in sententiam adducti sunt, ut putent, cum Anhaltinis saltem iniquissime agi, si de praesidio obtinendi Ducatus Lauenburgici, qui iure sanguinis ad eos tanquam agnatos spectet, deiciantur. Nec posse ipsis fraudi esse in vniuersum, quod *simultaneam*, quae in foro dicitur *inuestituram* neglexissent: morem Imperii et subtilitates iuris a Saxonum consuetudine arcessitas, non posse delere iura sanguinis et necessitudinum, ampliusque constat, iis hac in parte Brandenburgicum et Luneburgicos tacite patrocinari. Quanquam id apertum manifestumque est, sanguinis iura, quantum ad ciuiles effectus, utpote successionis, facto quodam interueniente, intercepti posse ac tolli, tamen hic cauto opus est, ac in tempore rationem iniri expedit, ut si

ut si quid Duci Lauenburgico Iulio Francisco humanitus accidat, ope auxilioque Daniae Regis eius Ducatus possessio obtineatur. Optandum est sane his miseris propeque conclamatis temporibus, ut Saxoniae nostrae accessio perantiqua fiat, et consilia hominum Germanos ad vnum Christi ouile reduci cupientium, dissipentur, viresque patriae nouo et auspicato exemplo firmentur, quae non potest esse tuta, si obtentu iuris *dependentiarum* et *reunionis* cum Regno Francorum omnia et vsucapionum et dominiorum iura conuellantur. Primo enim Thuringiae metropoli metuo, et vereor, ne in ea, si res iratiore fato sic prolabantur penitus, alteram Germaniae Troiam habeamus. Omnino enim Franco-Gallus ex capite praedicti et speciosi iuris, atque ex persona Francorum Regum Clodouaei, Dagoberti et sequiorum vult atque cupit in ius nomenque Francorum omnia et singula conflare. Hoc ipsum apud Gallos ex Patribus et Aduocatis audiui: haec sane alea luditur, haec scena iam ab An. cis 13c LXVII. instruitur et astute paratur. Lacrimis temperare non possum, quum recogito in vnico illo Argentorato non modo totam Alsatiam, sed etiam totam superiorem Germaniam amissam, aut profecto praesentissimum periculum ac discrimen

adductum fuisse. Agitur religio, agitur dignitas Principum, et salus omnium, ut nisi Germania conspiratione consiliorum, et consensu aduersus tam horribiles conatus se armauerit, non secus, ac quondam Graecia, perire teneatur. Detestor omen, et comitia, quae nunc habentur, et omnia consilia tua, Domine, bene feliciterque euenire volo, Deumque precor, ut immortale gloriae tuae lumen nunquam extingui nobis patiatur. Mens. Nou. A. clb l**CXXCI**.

XCVII.

PETRO HOMFELDIO, IC.

Calamitas Germaniae et iactura Argentorati omnes nos conturbauit, nec fere numerum inire possum malorum communium, quae nos circumstant. Imminet occasioni iste Hannibal, et spem longius proferret, et iura accessionum, siue *dependentiarum*, quotidie cumulat, specioseque adornat. Quo pacto sancta, nec quondam in dubium vocata, longaue temporis possessione, et a multis inde saeculis firmata iura conuellentur, omniaque tandem in Franco-Galliae nomen ditionemque conflabuntur. Nec tutiori loco Bataui, Belgae et Frisii, posthac erunt, si repetendi iste nouus ac periculosus adeo praetextus valebit, ac deinceps in immensum usque relinquatur.

Nam

Nam diu est, quod toti Belgio inhiat, et coniungi denuo omnes prouincias cupit, quas nunc *deuolutionis*, nunc *dependentiae* et *reunionis*, vt loquuntur, titulo facile destinabit. Tantum, more suo, occasionem exspectat. De Cadouio nostro addo, eum, me hortante Magistri honores suscepisse, beneque stetisse, et vitam probe gnauiterque emendasse, vt praeclare de eo deinceps sperem. Ordini nostro XXX. numos vn- ciales, nomine impensarum, soluere, neces- se habet. Honori atque indoli et neces- situdini id tribuendum duxi, vt excitaretur magis, atque a vulgo studiosorum virtute praemiisque distingueretur. Ita valere te cupio et saluere. Prid. Cal. Decembr. A. clo l^o CXXCI.

XCVIII.

CHRISTIANO SCHVZIO,

Consil. Weisenfels.

MUltae quidem, nec ignotae, tibi causae sunt, cur de meliori temporum fortuna vel parum, vel nihil, sperare debeamus. Vix tempero mihi, quin dicam, cum antiquis moribus pristinam temporum felicitatem esse mutatam, quando ea nos omnia destituunt, quorum rationes expeditissimas haberi, oportebat. Profecto vrgemur fatis, et patiundo ignauiam, resistendo imbecillita-

tem, ostendimus hosti. Nihil autem perinde doleo, ac Argentorati iacturam, in qua vrbe robur et praesidium insignioris Germaniae partis amissum est, neque modo gloria, sed etiam salus nostra, iam in periculo versatur, et, quod caput est, religio quoque nouo telo petitur, et inauspicato repetendi titulo omne diuinum humanumque ius conuellitur et conturbatur. Nunquam enim modus finisque erit vindicandi armis aliena, si tandem ista ab accessionibus, et, vt vocant, *dependentiis*, sumpta ratio sufficiat, vt nouum gentium nationumque ius conficiatur. Et tamen veterno suo indulget Europa Christiana, trepidatque Belgium, et circumspecte diffidit Anglorum Regi, Germaniaque prorsus exterrita et exhausta, et voluntatibus studiisque diuisa, ac nuper admodum sic denudata est, vt resistendo esse nequeat. Italia ipsa iam sero agnoscit, quam periculosum sibi fuerit consilium recepti in Italiam Gallici sanguinis, qui in Niuernensibus domicilium, non animum, mutauit. Forsan tamen Europa barbara excitabitur in vltionem, et distinebit maximas vires, neque permittet, clientes, suos regulos, in maritima Africae ora tam impune vexari, multo minus imperium Archipelagi eripi sibi patietur. Cum legato Gallico iam tum indignissime actum est, nec dubito, quin haec distra-

distrahendarum, virium occasio sit futura. Sed nos neque consilia tempestiua asserimus, neque subsidia et neruos belli in promptu habemus, et patientia discordiaque sinimus perdi polluique rempublicam. Sed, cum huius fortis me, sane bonum ciuem, miseret, tum vulnus, quod in Serenissimo Duce Mauritio accepimus, fatis deflere non possum, in quo pietas, constantia, et propensa in litteras voluntas, certe nostra memoria familiam ducebant. Miseros nos, qui tanti Herois funus non digne deplorare possumus, cuius virtutes per se lucent posteris, quarum lumen Saxoniae ademptum nunc maxime desideramus. Sed stabimus fidenter, et fortunam expectabimus, Deoque permittemus rerum exitum, et caducas humanasque res spernendo vincemus. Ceterum Vngariae pax, nuper confecta, Caesari animum addit, propterea, quod Turcae inducias prorogarunt, turbidaque ingenia fouere ac stimulare desierunt. Sensim quoque Poloni et Sueones a Gallis redduntur alieniores, et, quorsum tanti regis consilia euasura sint, cum animis cogitant, nec tam facile, vt antehac, credunt. Genesius, qui scripsit βασιλειων libros est in mea manu, et libenter eius copiam tibi faciam. Illustri Procancelario me commenda, cuius summae virtutes aeternum in animo meo, moni-

nimentum reliquerunt. Prid. Iduum Decembr. A. clb lb CXXCI.

XCIX.

GVIL. ERNESTO TENZELIO.

SPero, fore, vt breui inter nos de loco illo Clementis Romani colloquamur, ac nihil quidem attinet dubitare, quin de veteri et moribus aeui Apostolici recepta Ecclesiae disciplina capiatur. Sed, quantuscunque etiam fuit ille rigor, omnino a iurisdictione ciuili abfuit, quippe qui tantum intra fines ecclesiae mansit, ac nihil adeo cum legislatione et coactione externa commune habuit, adeo, vt Christiani omni magistratu et honore gerendae reipublicae arcerentur. Ius tamen coercendi et prohibendi communione sua lapsos permissum est, neque alio ex fonte arcani disciplina manauit. Sed Patris ipsiusmet inspiciendi otium mihi non fuit, propterea, quod aliae quaedam, et non spernendae, occupationes ab ea cura me disiunxerunt. Tantum tibi et summe reuerendo Parenti tuo, et vniuersae familiae, felicem anni coepti cursum, felicissimumque in Saxoniam aduentum pro eo, ac par est, affectu sane prolixissimo, precor. Prid. Id. Dec. A. clb lb CXXCI,

C.

NOBILI CUIDAM

Fides promissi et ratio obseruantiae meae
exigit, vt de filii vita, moribus et studiis,
perscribam. Etsi autem speraui, fore, vt ipse
partes suas recte agat, tamen res aliter, ac
putaui, cecidit, et ab officio immane quan-
tum recessit. Ignosce mihi, liberius scri-
benti, Patrone maxime, quod scio, iussis
tuis in primis esse obtemperandum.
Nam, in scio et inconsulto me, et pa-
trono mensae vix appellato, hinc abiit, plu-
resque hebdomadas Halis traduxit, reuer-
susque sodalitati cuidam, furtiuos amores
captanti, se addicere voluit, et non modo
iuris, sed etiam humanitatis studia prorsus
neglexit. Monitus quidem, modeste se ge-
rit, et obsequium sponder, ac inter coenan-
dum nihil illiberale facit aut loquitur, sed,
vbi surreximus, domo exit, et tempus inuti-
liter consumit. Tuae auctoritatis est, resi-
stere licentiae, et conatus haudquaquam
laudabiles seueriori quadam comminatione
deinceps inhibere. Mihi alioquin omnis
diligentiae ratio in eo posita est, vt bene ei
cupiam et consulam, si quidem velit esse au-
diens, et vitam instituire pro eo, ac par est,
familiaeque illustris splendor requirit. In-
terea me summo patrocinio tuo commen-
do, Deumque, quantis possum, precibus vo-
tis,

tisque, rogo, vt Te Domine, cum incluta gente et necessitudinibus, quam diutissime conferuet. Vitemb. Sax. IV. Ian. A. clclo CXXCII.

CI.

ADAMO CHRISTOPH. IACOBI,

IC. Dresd.

NON ignoro, summam rerum consilio-
rumque tuorum dignitatem cum salute
omnium esse coniunctam, et scio fateorque,
neminem perinde esse de studiis nostris me-
ritum, ac te, virum omnino his litteris et
ornandis et fouendis, benigno quodam si-
dere genitum concessumque. Nam hoc
coelestis cuiusdam auspicii est, et ad glo-
riam tuam in primis pertinet, ac vota pre-
cesque nobis exprimit, vt hanc tibi felici-
tatem fane perpetuam esse cupiamus. Ita-
que volo, Deumque oro, vt omnes vitae mu-
nerisque tui partes fortunet, et valetudi-
nem prosperam esse iubeat, omniaque labo-
rum taedia et curas leniat, suauiterque tem-
peret, ut quae tua merita praesens aetas non
assequitur, posterius celebrent, atque in bene-
ficii parte ponant. Illud in primis expeto,
vt filius natus maximus laudis tuae retinen-
dae pariter, et propagandae, materiam quae-
rat, et recte agendi constantiam seruet, at-
que adeo in spem successionemque pater-
nae gloriae feliciter veniat, ac viribus deni-
que

que omnibus, ad augendum hoc tam illustre et nullis saeculis periturum decus, auspiciatissime annitatur. Reliquis tantundem precor, et opto, ut nobilissima Iacobaeorum gens nunquam male agat, ac nulla fortunae tempestate deflectat in praeceps, nulloque inuidiae impetu moueatur. Vitemb. II. X. Id. Ianuar. A. cl. l. CXXCII.

CII.

NICOLAO L. B. A. GERSDORF,

Praesto sum inter clientes fidei tuae deditos, et felix faustumque omen fero, vota etiam pio accomposito animo, ut par est, soluo, Deumque veneror, ut omnia consilia laboresque fortunati sint, et res secundae nulla deinceps acerbitate perturbentur. Nam, quis nostra memoria Gersdorfum, ab ingenio, ab arte et usu instructum, aequauerit, quem non fortuna, sed meritum gloria, euexit; ut in summo splendoris fastigio stantem nemo citra admirationem contueri, ac digne satis venerari, queat. Pauci, et in pari felicitatis gradu positi, huc anniti, vix unus et alter assequi, nemo certe aequali dexteritate id contingere potest. Ingenue dico, tua vnus laude omnes saeculi laudes contineri, in quibus non familiam, sed agmen ducis, et capacem vbique animum, et omni negotio

tiorum moli sufficientem, ostendis et usu probas. Igitur, quantis possum, peto a Numine aeterno precibus, ut felicitas haec, longe maxima, nec finem, neque modum, habeat, et valetudo prospera perpetuaque sit, et Gersdorsiae atque Frisiae necessitudines, nulla temporum calamitate frangantur et pereant, contraque aduersa nitantur et vigeant, atque arduis pro republica certaminibus ipsam temporum iniuriam vincant, ac ea denique auctoribus praemia rependant, in quae rerum aeternitas assidue et sancta cum veneratione intueatur. Id quod nunc tibi, coniugi tuae, omnes lautes supergressae, focero, necessariis vniuersis, ea, qua decet, pietate, feliciter euenire opto, cupio et precor. VII. Id. Ian. A. clo
bCXXCII.

CIII.

ANTONIO MAGLIABECHIO,

Consiliario, et Bibliothecae Florentinae Praefecto.

Ambrosium, nomini tuo nuncupatum, vidi libenterque legi, et cum primis stili elegantiam in viro sacri ordinis miratus sum, nec dicere satis quaeo, quam gratum id munus mihi fuerit, quo tam multae, tamque insignes, res continentur. Nam pulchre et diligenter omnia commemorat, pariter

riterque delectat, et scite instruit, exemplif-
que docet, neque modo Eugenii Pontifi-
cis, acuum illustrat, sed etiam ad Mediceas
Venetasque res peropportune digreditur,
et prudentiam vsumque rerum haud vulga-
rem ostendit. Tuum ergo beneficium, et
Nicolai Bartholini, Viri certe doctissimi, la-
bor, iure meritoque commendantur, et
apud me plurimum valent, laetusque fruor
his deliciis, quae animum explent sine fa-
tietate ac demulcent. Pergite in hoc lau-
dis curriculo, et vindicate ab obliuione fa-
mam meritissimorum hominum, et date hoc
nobis et posteris, vt in abditis ingenii mo-
nimentis effigiem sanctissimorum praesu-
lum et antistitum deinceps frequentius in-
tueamur. Nihil est, quod reddam tibi, nisi
leue et ludicrum, spondeoque, data occasio-
ne, aliquid de Medis et Persis, quod iam
operas distinet, breuique in lucem veniet,
ac gratiam abs te inibit, id quod peto, et
tempestiue admoneo, bis me nuper ad te
scripsisse literas cum fasciculo, quas non du-
bito perlatas esse. Nostri te salutant, et be-
neuolentiam laudant, optantque mecum,
nunquam te mori, quem virtus ipsa quo-
que iam diu reddidit immortalem. Ipsis id.
lan. A. clō lōCXXCII.

M

CIV.

CIV.

GEORGIO FRIDERICO MAGNO,

Gymnasii Augustani Rectori.

HAbendae pariter et referendae, tibi gratiae occasionem nactus sum, nec mihi excidit amor tuus, speroque, ut Spizelio deinceps amico utar, cuius et eruditio et humanitas, iam dudum erudito sane orbi est perspecta. Tantum veneror Deum, ut rem Romanam, iniuria temporum prolapsam, fortunet in posterum, Germaniamque in antiqua sede sistat, et gaudium hoc nobis perpetuum esse iubeat, et praecipue sacra, quae nuper periculum adierunt, seruet benigneque tueatur. Simul ab utroque vestrum peto, ut, si quid sit, quod ad me Florentia curatum velit Magliabechius, id libenter ad me destinatis, deque me, ut amico vero, et tu etiam, ut veteri et explorato, sentiat. Vitembergae, festinantissime. XIX. Cal. Febr. A. clc l^oCLXXXII.

CV.

AD PATREM NOMINE ALTERIVS.

OMnem curam in obsequium et venerationem tuam intendo, et quia conceprae de me expectationi satisfacere non possum, vel in secundis tertiisque consistere conabor, et faciam ut non omnino male col-

collocasse operam videar, tum studebo pietate et diligentia res meas ornare, ac tibi in primis obseruantiam animique cultum filio morigero dignum, approbare. Praeterquam autem quod scio et fateor, omnem meam felicitatem cum salute tua esse coniunctam, cupio quoque testatam facere pietatem, praesertim quum temporis ratio me admonet, vt vota mea cum ceteris clientibus tuis coniungam, Deoque supplicans quanta possum religione contendam, vt rebus prosperis semper vti fruique possis III. Non. Febr. A. clō lōCLXXXII.

CVI.

PETRO HOMFELDIO, IC.

Discessus Cadouii me admonet, vt de aere alieno, quod hic contraxit, perscribam, cum primis, quia id Academiae interest, quae, etsi detinendi eius consilium inibat, tamen, me deprecatore, factum est, vt dimitteretur. Honori quidem familiae, et existimationi iuuenis consulendum est, nec dubito, quin pro auctoritate tua hoc efficiendum suscipias, omnemque diligentiam adhibeas, vt nomina, quae M. Cadouius fecit, quantocyus dissoluantur. Ordo sapientum, cuius magistratum gessi adhuc, in vniuersum duos et triginta imperiales poscit, in quos consensit, fidemque dedit

sine tergiuerfatione soluturum. Hambur-
gi opinor, subsistet aliquandiu, et parcius
viuet, ac honesta in primis ratione sumptus
vitabit. Academia te salutat, et petit ma-
gnopere, vt eius causam ne deferas, quippe
quae cupit leuari interpellantium molestiis,
et tuae dexteritati prudentiaeque confidit.
Si autem moram interponat, tempusque
Saxonice legibus receptum ac praestitu-
tum negligat, in ius vocabitur, non passu-
ris creditoribus, vt spem expectationemque
suam frustretur. Alioqui res Germanicae,
praesertim conuentus Francofurtensis, o-
mnium animos suspendunt. Caesar, emen-
dato Vngariae statu, ad nouum idque ne-
cessarium bellum se comparat. Copiis eius
cum summo imperio praeerit Lotharingus,
Imperator militiae acris, sed non satis ma-
turus. Rident Galli lentos apparatus, et
sciunt, Germanos aut trahere aut caupo-
nari bellum, quod superiori tempore nau-
ter fecerunt cohortes quaedam, magnam-
que apud Germaniae Principes inuidiam
sibi concitarunt. Saxo noster Golzium ad
summam belli praefecturam inuitauit, et nu-
per adsciuit, magnoque sumptu milites iam
conscribit. Alius pacis studio vtilitatem
metitur et numos Ludouisios libenter acci-
pit, sarcitque superius damnum. Valde au-
tem

tem vereor, vt Argentoratum, in quo tota superioris Germaniae salus sita est, consiliis copiisque nostris recipiatur. Interim ferendum est malum, quod communi patriae impendet, nec alia ratio constare sapienti potest, quam contemptus vicissitudinum, quas mutari et corrigi, non est humanae opis. Ceterum Deo supplico, vt seruet Frisones, auertatque pericula et bella, ac tibi, et egregiae familiae tuae, omnia prospera et felicia largiatur. Prid. Non. Febr. A. clb l^oCLXXXII.

CVII.

IOANNI IACOBO STVBELIO.

PEto abs te, pro veteri inter nos amicitia, commodo meo seruias, operamque sumas, atque in auctione publica partes licitantis meo nomine agas, Fuhrmannumque adeas, eique mea desideria exponas. Cupio emere Adrichomii Theatrum terrae sanctae, et codicem Athanasii in Psalmos Graecos, siquidem potiundi vtriusque occasio nondum amissa sit, quod facile perquires. Pecuniam statim curabo, si de pretio certum me reddas, et prima quaque occasione perscribas. Vicissim annitar, vt de te bene mereri possim, ac, mea quidem culpa, nihil omittam, quod eiusmodi sit, vt cum honori, tum vtilitati

M 3

tuae

tuae, consulatur. Quin cumulabis superiora beneficia, quae nondum animo exciderunt, et subinde memoriam librorum abs te donatorum refricant, totumque in aere tuo esse iubent. Quid lunghansius noster agat, quid moliatur, quaeso, facias, ut sciam. Volhardus antiquum obtinet, et, fidei oblitus, extra patriam errat, nimiumque sibi indulget. IV. Id. Febr. A. cl. bCLXXXII.

CVIII.

AMICO CVIDAM.

PERit tempus, quod paci impenditur, quum pacis nomine Germanis illuditur, nec vlla spes, nisi in armis, superest, postquam de animo Regis, nihil reddere cupientis, constat. Omnes Germaniae morbi Gallis explorati sunt, et tota rerum nostrarum salus in defensione tempestiua versatur, quanquam ludo vincit Ludouicus, et eluuiis, quae aliis damnum, ipsi commodum attulit, ut materiam et lapides commodius adueheret, et novas munitiones eo diligentius celeriusque adornaret. Belgium contra ex maris fluminumque inundatione, magnum detrimentum cepit, parumque abfuit, quin tota Seelandorum regio submergeretur. Rupti passim aggeres sunt, quos ingenti sumptu reparari interest. Plus amissum esse, fama attulit, quam hostis deprae-
dari

dari potuisset. Apud nos omnia fere consilia ad bellum spectant, sine quo libertas posthac retineri non potest. Quid Francofurti agatur, ipse tu optime nosti. Gallorum blanditiae venenum tegunt, nociturae magis, si negligenter agamus. Iam diu habent, quod videant, quum meminerunt, deliberationes Germanorum esse frigidas, et subsidia belli exigua nimisque tarda. Quanquam occasio resistendi iam opportuna esset, si Brandenburgicus armorum societate se coniungeret Saxoni, pariterque Luneburgici reciperentur in foedus, conatusque nostros adiuuarent, quorum alter a tergo sane tutus est, postquam ipsi Sueones bona et salutaria consilia amplectuntur: alteri, situ, et viris viribusque validi, amorem patriae firmis et constantibus animis, seruant. Saxoni difficile tempus et diuturna contagio multum aduersatur, Lipsiamque impedit, quo minus cursores, more iam recepto expediat, nec dum commercia florent libereque exercentur, propterea quod aditus plerique adhuc interclusi sunt, et Luneburgici cupiunt Brunsvigam, aere alieno oppressam, erigi, Batauorumque commercia eo transferri, quae huc dum Lipsiam opibus auxerunt. Finitimi nostri animus passim cernitur, quanquam id non prohibet, quin consilia eius publice placeant,

praefertim, quum de bello agitur, quod suadet nobis, dum pacis studium praefert. Ipse, opinor, occasionem exspectat gerendi belli, neque patriae salutem deferet, si nullo Sueonis metu impediri se sentiat, atque ceteros etiam paratos videat, et societate consilii armorumque coniunctos. Nuper tamen in comitiis, circuli nomine, Lipsiae habitis iudicari potuit, nondum inter eum et Sueones oblitteratam esse superioris temporis offensam, quando, ob Pomeraniam vltiorem, Meindersius et Hartmannus subtili ratione vetera et vltro citroque illata damna mutuo sibi exprobrarunt. Quid Bauarus agat et moliatur, omnes nunc sollicitis animis exspectant. Nam Argentorato intercepto, fines eius aperti sunt, Galloque patent, et Francia, Sueuiaque et Boioaria, in pari atque eodem discrimine versantur. Sumit iste Rex sibi pacis bellicae in Europa arbitrium, et rerum ad se non pertinentium rationes exquirat, et, quid sibi velint Germanorum apparatus delectusque militares, ambitiose interrogat, non aliter, atque si pro auctoritate dictatoria impedire aut vlcisci vellet. Ipse contra pro lubitu facit, moderaturque omnia, pacem frangit, quum, seruare se, ait, accessiones dependentes, nemine obnitente, amplificat et speciose instruit, ludoque vincit. Conniuet Anglus,

glus, pacis sponfor inutilis aut subdolus, et vicinorum iniurias negligit, ac nihil non ambitioni Gallicae indulget. Et si autem res miserae afflictæque sunt, tamen Lipsienses in erudita societate, quam nuper inierunt, perseverant, et libros ab A. clō lō CLXXXI. editos, diligenter recensent, sed iudicio et elogiis consulto abstinent, indicesque et summam librorum non inscite complectuntur. In quibus si Photii limam requiras, sæculi moribus, qui censuram non ferunt, ad scribendum putaverim. Acta stilo non semper æquabili, et nitido, sed plano tamen satisque apto, describunt, sumptusque non inutiles faciunt, et iam tum viros horum temporum præstantissimos, artificesque non inglorios, Heuelium, Titeium, ac rei librariæ peritissimum Leibnizium, adsciuerunt. Vale XVI. Calend. Mart. A. clō lō CLXXXII.

CIX.

OTTONI MENCKENIO,

P. P. Lipsiensi.

INstitutum societatis vestrae egregium est, idque libenter probo, cum, quia ad æui huius laudem pertinet, tum quia vel præcipue diligentiam commendat exteris, et prodest pariter ac delectat. Eo minus dubito, quin auctoribus rependat insigne de-

M 5

cus,

cus, quorum consilio et labore hoc agitur, ut respublica litteraria incrementum capiat, magisque deinceps floreat, et exemplis elogiisque, pulchrum modum seruantibus, ornata impensius illustretur. Amplius tibi gratulabor, qui feliciter agis has partes, et Germanos in certamen ingenii vocas, et diligenter excitas ad aemulationem externae laudis. Nihil posthac nostri concedent Gallis, Italisque et Anglis, et decora gentis suae nomina, haud minus in togae studiis, quam in belli artibus, ostendent. Ac tamen si quidem illi saepe declamant in multitudinem Germaniae eruditorum, et requirendos nunc potius esse milites, non obscure innuunt, tamen inuiti intelligent neutrum in nostrate Saxonia omitti, ingeniorumque delectum haberi. Nec gentis, sed discordiae vitium est, si aduersa fortuna patriam vrgeat, ut tantam nuper potentiae iacturam fecerit, quantam alias nunquam. Patientia, fateor, tandem in contemptum vertetur, quum non quidem fortitudo, sed patriae caritas, friget, quumque Germania, distracta in partes, mauult periculum expectare, quam praecauere. Id vero nos, quorum studia ab hac culpa prorsus remota sunt, haud quaquam deterreat, animosque contra fortuita muniamus, et, quantum in nobis est, squalorem barbariemque immin-

nen.

nentium temporum a nostris temporibus, omni studio contentioneque mentis, arceamus. Deus vero, reipublicae huius praefes et arbiter, fortunet societatis vestrae laudabile inceptum, prouehatque conatus et prosperet, ut salui sospitesque diu et multum laboribus perfungi, ac de aeuo in primis nostro bene mereri, queatis. Exemplum, quod voluisti, Illustrissimo Gersdorfio obtuli, qui hoc dono mirifice laetatur, et per me interpretem, magnas agit habetque gratias, et enixe cupit, occasionem dari beneuolentiae vobis comprobandae. Pro me ipso loquor, et nihil, praeter duas, easque non aequantes beneficium tuum, disputationes addo, magnopere opto, ut iuxta cum societate diutissime valeas, spemque et expectationem rei tam pulchrae firmiter sustineas, et virtute tua constantissime fruaris. Vitembergae Saxonum, XV. Cal. Mart. A. clo lo CLXXXII.

P. S. Zieglerus mecum honorifice sentit et loquitur de instituto hoc vestro, fortunatunque esse iubet.

CX.

ADAMO CHRISTOPHORO IACOBI,
IC. Dresd.

Non modo non libens, sed quoque inuitus, negotia tua, multo grauissima, inter-

terpello, nec recuso, quo minus iuste abs te reprehendar, et confido tamen summae tuae passimque celebratae beneuolentiae, qua concilias tibi et foues eos omnes, quotquot litteris se tradunt. Fidem excedit, nec tacebit grata posteritas, quantum ordini liberalium hominum tribuas, quantumque horum aequissimis petitionibus concedas. Igitur, sicut me adhuc, non merentem, nec ulla oratione tua beneficia aequantem, benigne complexus es, ita rogo et obtestor, ut pari et eodem beneficii genere fratrem meum ornandum tuendumque suscipias, proque tua auctoritate efficias, ut honesto deinceps stipendio subleuetur. Patre dudum orbatus, quem amisit quadrimus, ipse sibi ferre opem nullam potest. In matre, quod destinat, praesidium non inuenit, nec habet. Mihi quoque, rerum mearum satagenti, non licet meis opibus adolescentem, discendi cupidum, leuare, propterea, quod te non fugit difficultas horum temporum, praecipue autem rationum Academicarum, quae tam perturbatae sunt, quam miserum est aerarium ipsum. Tota haec fortuna nostra ex te pendet, Patrone maxime, nec speramus, sed plane confidimus, te ea in re non esse petitioni nostrae defuturum. Existimaui autem prius de hoc instituto ad te perscribendum esse, quam frater Illustrissimo Senatui vestro

stro eam in sententiam supplicaret. Aliquis Ephorum parvam quidem spem fecit, ratus, externum esse hominem, qui petat. Fateor, sed mea, clientis, causa tuetur audaciam, et, velut indigena postulat, optimamque spem tenet. Recordor hic superiorum temporum, quibus Ephori beneficium mihi promissum alieniore animo praeripuerunt. Vix enim extraordinariam docendi provinciam cepi, quum id Senatus vester decernebat, et, ut primo quoque tempore fruendum numero adscriberer, per epistolam mandabat. Sed nihil inde ad me pervenit, quoniam, ipsorum arbitratu, forte alius multo dignior censebatur. Tuli, pertuli, indignationem timui, neque ad Illustrissimum Senatum retuli, vitamque honestis et continuis laboribus toleravi. Nunc demum spero, fore, ut, quod siue invidia, siue odio, tunc ademptum est, in fratrem meum clementissime conferatur. Hac spe erigit et solatur se adolescens musteus, et pro tua, ac illustrissimorum summorumque Patrum salute, mecum semper et religiose deprecatur. Ita Deus te et familiam longè nobilissimam asserat ab iniuria temporum, et a casibus fortunæ, atque ab omni noxa, defendat, Iacobiosque perpetuos bono publico largiatur, continuetque decus in filiis, honoremque deriuet in feros nepotes ac poster-

stros, vt nomen honosque tuus nullo vnquam tempore oblitterentur. Vitembergae. VI. Cal. Mart. A. clō 15CLXXXII.

P. S. Luneburgo ad me perscriptum est, fuisse ibi Consiliarios Guelficos, qui de me ad Academiam Iuliam inuitando inter se collocuti essent, modo de voluntate mea scirent: de lauto salario rem expeditam fore, si quidem de animo abundi constaret. Sed nihildum respondeo, et tacendo consilium manendi ostendo, nec dubito de gratia patrociniisque Senatus vestri constanti. Bielckius Mirandulae et Holsteinii epistolas Ienensi praelo recudendas curabit. Wagenfeilius in numis euulgandis operam ponet. Ambrosii Moralis hodoeporicon, si placet, ad te curabo.

CXI.

EIDEM.

DE animo in me fratremque meum tam propenso, quantas possum, ago habeoque gratias, et spondemus vicissim vterque cultum et parem obseruantiam, votaue concipiemus certatim, vt longi felicisque æui fructum feras, et tot benignitatis exempla ad seros posteros transmittas. Hodoeporicon Ambrosii benigno animo accipias, peto, vnde pleraque ad quinti decimi sæculi historiam pertinentia, desumere liceat, quae,

quae, vel ob digressiones satis nitidas, placeant, vel ob res Italicas, et congruentes temporum rationes, vsui esse possint. Aelredi insigne et perantiquum monumentum est, multaque prodit, quae historiam Anglo-Saxonum vel praecipue illustrant. De cetero consilium tuum probo et veneror, planeque ad nutum tuum me fingo, optoque, vt in merita tua recte aestimanda non oculos magis conuertant omnes, quotquot virtutem per se ac sine fuce considerant, aptique sunt, vt hoc tam iusto, et tibi honorifico officio, perfungantur. V. Non. Mart. A. clō lō CXXCII.

CXII.

NOMINE ALTERIVS.

Felicitate tua merito gaudeo, et, diuturnum atque constantem hunc votorum meorum fructum esse, cupio, Deumque pie et reuerenter oro, laetitia haec mihi assidue contingat, stabilisque permaneat et fixa. In studiis quantum assequi possum, pergo, et Ciceroni Caesarique geographicas tabulas adiungo, quas Doctor meus iuxta cum vtiliori nouaque historia, diligenter explicat atque illustrat. In hac mediocri rerum mearum fortuna obseruanter peto, vt, cum decori causa, tum ob conuentus, praesertim publicos et sacros, et faciendam, et mittendam,

dam, mihi tunicam holosericam cures. Ego nihil dubitabo, quin omni pietate et obsequio prosequar hoc beneficium, Numenque venerabor, ut te, vna cum matre, protegat diutissime et conseruet. III. Id. Mart. A. clb l̄CXXCII.

CXIII.

NOMINE EIVSDEM.

Iterum se dat occasio declarandae meae pietatis, gratiasque habeo pro voluntate in me propensissima et paterna, quam non ita pridem noua et insigni benignitate ornasti, pecuniamque curasti, ut impensae, in mensam factae, recte soluerentur. Conabor deinceps pro virili agere meas partes, et tueri vitae studiorumque decus, nec de industria committere, ut quidquam dispereat, quod in me confertur. De aui valetudine angor, quae afflicta esse dicitur, metumque et curam mihi pariter, atque amicis, auget. Ceterum te rogo, ut causam meae petitionis diligenter commendes patri, ego, quod mei muneris est, facio, Deumque inuoco, ut te diu, feliciterque propitius tueatur. III. Eid. Mart. A. clb l̄CXXCII.

CXIV.

PATRONO CVIDAM.

Dvum ratio meae pietatis flagitat, ut de filii studiis perscribam, quae non
pror-

sus quidem remissa sunt, sed cetera eius nihil minus placent. Etenim cum militibus nimium familiariter est, et captat occasionem coenandi cum ipsis, quae vita sicut mihi probari non potest, ita facile degenerat in licentiam, et leues ac lepidos sermones, moresque eius dignitati haud quaquam consentaneos, quibus istud hominum genus impense delectatur. Tum fallacibus fucatisque horum blandimentis captus quasi atque irretitus mihi et Stempelio dehortantibus non dat locum, atque eam viuendi rationem in honore positam, iuuenili credulitate deceptus, putat. Igitur pro humilima pietate quaesumus vterque, id summa benignitas tua concedat nobis, ut a via, quam ingressus est, praecipiti, ad rectam et periculo vacuum, revocetur. Francofurti res friget, in pace dedecus damnumque, in bello periculum metusque animis tractantium occurrunt. Et tamen pacis consilia praefert, cuius specie Germanis illudi putat hostis: bellum interim incruentum secure gerit, dum repetit, et vindicat, quae libido suggerit. Anglus cunctando, simulandoque spem fallit. In Tekelium Vngariae Camillum percussor immissus dicitur, more Hispanorum artes has usurpantium, quum aliter redintegrandae tranquillitatis ratio iniri non potest. In extremo Deum rogo,

N

tua

tuae prudentiae meritorumque lumen his terris aut nunquam, aut ferissime eripi, nulla autem factorum acerbitate extinguere unquam patiatur. Propriid. Id. Mart. A. clō
bCXXCII.

CXV.

IOANNI VVALTERO,

Senatui Luneburgensi a Secretis.

INter varias rerum temporumque horum molestias, permagnam mihi voluptatem litterae tuae attulerunt, et, quam propenso in me animo esses, satis dilucide significarunt. Iactura quidem Conringii, Viri summi, vehementer affectus sum, in quo non Iulia modo, magnum ingenii lumen, sed etiam Germania immortale decus, amisit. Sed nunquam animis hominum, qui litteras amant aut aestimant, excidet viri gloria, quae omnibus, in doctrinae partibus tam exquisita erat, ut unum praecipue eum haberent exteri, quem mirarentur. Isaacus Vossius, quo, mea quidem sententia, vix doctiorem nunc Anglia complectitur, sic praedicabat, merito suo, Conringium, ut infra eum reliquos omnes haberet, sapienterque sic censor ingeniorum maximus iudicaret. Lutetiae Parisiorum effuse gaudebat Stephanus Baluzius, cum, saluum esse, ex me intelligeret, quin dixit et fassus est,
nemi-

neminem perinde ab se aestimari, ac Iulium hunc doctorem. Alibi eum Socraticum, non minori sane praeconio, appellabant, quippe in quo industria et iudicium paria facere viderentur. Pars gloriae est, succedere tali Viro, sed, eum exprimere et imitari, est inusitatae laudis, aequare, difficilimum, vincere, ne hominis quidem. Gratulor autem mihi, non deesse fautores, qui efficere cupiant, ut vacuum ab eo relictam provinciam capebam. Sed nunc mihi gerendus Academiae magistratus, restantque alia, quibus ante semestre defungi non possum. Tum non constat de salario, quod hic modicum est, etsi non semper tempestivum. Id vero in deterius mutari, nolim, praesertim, cum ad professionem meam facta sit accessio, quam benignitati Pr. EL. singulari acceptam fero. Constare ergo oportet de modo stipendii, et rerum nervo, de professionis ordine, totaque ratione, quae institutis Academiae continentur. Adhaec, quam late pateant illius muneris fines, porrigantur, ne pari et aequo iure ad res *Ecclesiasticas* et civiles, an beneficio singulari sit opus, ad obtinendum id, quod Conringio sine ulla dubitatione licebat. Hic enim velut in acie semper mihi standum fuit, ob tot et tam multas aemulationes hominum, studiis malevolentium, ut meminisse etiam graue

videatur. Sed ita res humanae sunt, ut externi hominis fortuna nunquam non aegre introspiciatur. Quod si quisquam, ego certe meo exemplo didici, parumque abfuit, quin tribus quatuorue annis abhinc de statione mea decessissem, nisi Coelo receptus Conringius, idonea et grauitatis plena epistola, me erexisset. In hac tam difficili rerum conditione semper cauendum duxi, ne libertati meae vincula iniicerentur. Mansi ergo hucusque coelebs, futuri anxius et prouidus simul, omnesque opes et copias in bonos exquisitosque codices emendos praesenti animo impendi, censuique id utilius, quam seruituti superbientis Helenae totum me mancipare. Nam res spesque hic ita misera est, ut mora prae inconsulto impetu mihi probetur. Ne de aliis dicam impedimentis, quae subinde se offerunt, nec paruum ad mutandas res momentum habent. Has aliasque curas tuo saepe consilio leuarem, si propiori esse liceret. Nunc autem meae mihi sollicitudines molestiaeque priuatim mussandae, quasque deuorandae sunt, ut aemuli ac inuidi nihil eorum, quae destino, resciscant. Quo circa Dassouio, collegae meo, iam Hamburgum tendenti, epistolam apertius, liberiusque, et sane tibi, scriptam tradidi, ut certo perferret. Aliam quandam, sed, obscure de industria

stria exaratam, iam diu ante misi, ratus, hanc sane tutissimam occasionem esse expectandam. Vnum te rogo enixissime, vt libellum de vita Buvvinkhausii, Luneburgi praelo excusum, et a Theologo Io. Valent. Andreae, si recte memini, editum, ad me quam primum cures, Nobilissimumque Laffertium, patricii ordinis virum, multo obseruantissime salutes. Prid. Id. Mart. A. cl^o bCXXCII.

CXVI.

IOANNI SCHEDIO,

Sacerdoti Staricensi in Misnia.

Permagni aestimo tuam amicitiam, sineque fūco te complector, et diligo, ac probo etiam singularem industriam, quam in antiquitate elegantiori, magna cum laude, hucdum collocasti. Illud autem te fugere non potest, dissidere Ebraeorum magistros subinde, et, more suo, nugari, quum sermonem animantibus, rationis expertibus, vindicant, idque serpentis, Heuam, primam illam et communem nostram matrem, allocuti, indicio probare cupiunt, vehementerque contendunt. Princeps auctorque huius sententiae est Aben Esra, Iudaeus aliqui non indoctus, et magnae inter ciues suos atque socios, existimationis. Sed fallitur, et absurde iudicat, nec dignus est, cui

hac in re assentiamur. Proinde R. Saadias ad eum refellendum aggressus est, et, sermonem rationis esse comitem, recte tradidit atque confirmavit. Verus quidem et naturalis serpens fuit, qui Euam alloquebatur, sed causa altius perquirenda est, ut modus loquendi intelligatur, recteque distinguatur. Absit enim, existimemus, serpentem sua et insita vi fuisse locutum, nam, qui loquitur, intelligit et ratione utitur. Dabat igitur sine mente sonos, quum diabolus fraudis pariter, sermonisque huius architectus erat, sinente quidem, sed non approbante, aeterno ac iusto numine, quod Heuae ambitionem et erga se diffidentiam prouidebat, nec multo post, non obsequentem suae legi, puniebat. Non leue peccatum fuit, cum vel dubitaret de veritate Dei immutabilis et immortalis, grande autem et capitale crimen admisit, quum serpenti, id est, diabolo, per serpentem loquenti, indulgeret, persuasionumque illecebras audiret pariter et assensu exciperet; legemque Dei veram et iustam praefracte violaret, neque sola peccaret, sed Adamum quoque in eam sententiam falsa persuasionem induceret, sibi et posteris culpa sua accerferet mortem. Apposite Theologi dicunt, *verum quidem, sed non merum*, fuisse serpentem, qui tam callide fallaciterque fermocinaretur.

tur. Christiani quod sciam, non ita delirarunt, ut putarent, bestias fuisse locutas, alienumque est, quod de magno religionis nostrae interprete et instauratore, Luthe-ro, affertur, qui non de sermone, sed de incessu, serpentis tradit. Psittaci, picae et corui, non loquuntur proprie, sed figura quadam imitantur loquentes, quum reddunt species, usu et assuefacientium instituto, easque, non menti, qua carent, sed memoriae, impressas, sine iudicio promunt, quas deinceps ope phantasiae, non rationis auxilio, sibi reuocant, nec proprie loquuntur, nec intelligunt, quod loqui videntur. Exempla ergo adducta non fraudi sunt nobis, et facile diluuntur, quippe quae ad artes praestigiasque daemonum certe pertinent, probantque, esse malos genios, qui spectra exhibeant, et simulacra, fallendi terrendique causa, adornent, callideque moliantur. Asina Balaami etiam per se nihil locuta est, sed motor magisterque loquendi Deus fuit, vocemque modo, naturae vim excedente, elicuit, ut Balaami stupor vel sic tandem castigaretur. Hic disputauit quidam Hilligerus, Chemnicensis, de Asina Balaami, nec absurde de plerisque, absurdis Hebraeorum commentis, sententiam dixit, cuius deinde copiam tibi faciam, si facias, ut intelligam, tibi placere.

Etiam Kunadus de serpente , Heuam allocuto, aliquid commentatus est, si recte memini, de quo in posterum perscribam. Aben Esrae verba in Latinum conuersa, haec sunt: *Mihi rectissimum videtur, textum hunc accipere secundum litteram suam, ita, ut purus serpens sit haec locutus, idemque ante illam poenam incesserit erecto corpore, et, qui posuit intellectum in homine, etiam in serpente potuit tale quid ponere, et hanc meam expositionem comprobat textus, dum dicitur fuisse astutior, siue callidior, prae omnibus agri bestiis.* Nunc demum opto, vt belle valeas feliciterque agas. Vitembergae, Id. Mart. A. clb bCLXXXII.

CXVII.

AMICO CVIDAM.

Pvlchra et magna, atque, quod praecipue aestimo. continua sunt beneficia tua, quibus et me ornas, et, quanto potes studio rem litterariam auges. Liber itinerum Ambrosii, *Abbatis*, mihi fuit multo acceptissimus, nec aliter, quam thesaurus elegantiae sapientiaeque, aestimari debet. Et profecto mihi se commendat illa, quam transmisisti, P. Fassei docta et luculenta dissertatio, quae non somniis ac simulacris fallentibus, sed veris et euidentibus argumentis, conficit rationes temporum, vt non modo certus
ba.

baptismi diui Augustini annus nunc plane intelligatur, sed accurato etiam quodam charactere definiatur. Modus scribendi placet vtrique, cum ob nitorem stili, quem amant hae litterae, iureque sibi vindicant, tum etiam ob variam lectionem. Habitant apud vos Musae, et natiuam habent seruantque elegantiam, nec amant stribliginem et sordes, quas multi, nescio qua subtilitatis scholasticae affectatione, consecretantur. Pleraque exempla mihi Dresenam, et consiliariis, quorum in me extant merita, statim reddenda curavi, vt haberent, quo leuarent molestias, quibus tunc patriae causa, distinebantur. Nihil opinor, praeter voluntatem tuam feci, et Sennerto pariter, quod velles, approbaui. Hekelius prope inops et exspes agit, quod res eius cum patrono quodam insigniter conuersae sunt, ac nondum apparet ratio, qua conuenienter et recte deinceps emergat. Lipsienses nostri, honesta quadam externae industriae aemulatione, nuper Acta Eruditorum ab A. cl. cl. CLXXXII. auspicati sunt, sed in sententiis dicendis perparci sunt et abstinentes, et disparis quoque notae sunt libri et scripta, quae ibi tractant et expendunt. Aula tota est in explicandis belli consiliis, quae res ipsa postulat, et summa exprimit, necessitas, neque alia constat ratio depellendae seruitutis

tutis, quae nunc quidem Germaniae impendat, nisi armis se expediat, gloriamque maiorum et fines tueatur. Inter hos strepitus turbasque nihilominus litterae diligenter commeabunt, et pacem otiumque retinebunt studia et artes, si vel maxime Reges Principesque collidantur et pugnent. Ita bene agere te volo, et decus tuum aeternum esse opto, quod Dresdenae ac Berolini, inter summos maximosque reipublicae proceres, celebratur. Vitembergae apud Saxones, Id. Mart. A. clc l^o CLXXXII.

CXVIII.

E I D E M.

Romanae curiae odium tibi gratulor, quod virtute conflatum est, nec frangere te potest, sed iure erigere debet, ut nihilo remissior sis, quam antehac fuisti. Dabis hoc reipublicae et nobis, ac provinciam hanc laudis deinde trades filio, cuius itinera et labores praeclaram mihi spem faciunt, et hortantur, ut credam, tibi non dissimilem fore. Apud nos de Theologo ad partes Professoris capessendas multum diligenterque deliberatur. Aula, quantum perspicere possum, de Bebelio bene sperat, et praefulis vna munus in templo arcis, quod hic est, spondet atque affert. Patres etiam votis expetunt viri aduentum, et suffragiis.

no-

nominarunt, Principique commendarunt. Helmstadii e vitae gloriaeque theatro excessit ille summus Conringius, cuius obitum non mediocriter doleo, nec scio, quem successorem habiturus sit Vir nullis saeculis tacendus. Annotatis, quae in librum de Finibus Imperii Germanici moliebatur, gloriose immortalus, nec sine omine sinistro, quum prope finis, aut tristis luctuosaque seruitus, imperio iam impendat. Itaque e republica visum est belli consilium, quod summa industria perficit Serenissimus Princeps EL., militesque conscribit, et supplet cohortes, delectusque habet, quae una et necessaria libertatis seruandae ratio est. Iniqui enim in nos posterosque simus, si patiamur ignavi obsolescere prorsus et interciedere maiorum gloriam, sanguine bellisque partam, et diu, semperque strenue, defensam. Agitur praeterea religionis causa, et sacra, ob templa passim intercepta, periculum ad-eunt, et pari atque eodem iure accessionum censentur. Pontifex ab Austriis non quidem alienior est, sed Patres, qui se a sodalitate Iesu nuncupant, suasores impulsoresque sunt ad has tristes formidolosaeque res conficiendas, non aliter, ac si effoeta iam Austria nec sibi sufficere, neque consiliis resistere, in posterum posset. Primus credo, impetus in Sueviam effundetur, cui et vicinis

regionibus vincula iniecta sunt, ut tuto libereque de libertate sua non audeat consultare. Sero tamen et prudenter sapit Br. Sueonesque nunc malo intelligunt suo. Deus nos respiciat, et consilia ambigua dissipet. Vereor enim vel bellum triste et luctuosum, vel pacem quoque bello deteriores. Ita valere te volo, celeberrime Vir, quem iure amo venerorque. Vitembergae IIX. Cal. Apr. A. clo lo CLXXXII.

CXIX.

PHILIPPO IACOBO SPENERO,
DOCT. THEOL.

Res nostrae in veteri statu sunt, nisi quod Meisnerus vacuum reliquit provinciam, nouo deinceps successor capessendam. Pro te, quantum in nobis fuit, multi ac in te propensi sententiam diximus, sed Theologi, nescio, an consulto, ne verbo quidem tui mentionem faciebant. Suspicio, quosdam abs te esse alieniores, quanquam Calouius afferenti librum tuum omnia amicitiae officia significabat atque confirmabat. Ex aula mihi affertur, de Bebelio ad nos inuitando, deliberari, quod consilium fortunet Deus, ac postea te nobis exhibeat, benigneque impertiatur. Praesulis in templo arcis munus sine dubio, cum accessione Professionis Theologicae, in eum

eum conferetur, tum, si decesserit Calouius, Antistitis generalis dignitas nouum successe-
forem exspectat, quam tibi cedere, beneque
euenire, cupio, si Bebelius te, virtutis me-
ritorumque consensu, huc inuitet ac trahat,
quo nihil prius mihi, nihil felicius Acade-
miæ accideret vnquam. Rogo te magno-
pere, vt in litteris, ad VVittsteinium perfe-
rendis, me de mora rescribendi ad Illustris-
simum Comitem, Georgium Fridericum,
purses, cui prima occasione scribam. Con-
sulatus Academiae, quem Rectoratum vo-
cant, mihi, ad conficiendum Historiæ Wal-
deccensis negotium, Arolsam profecturo,
velut vincula iniicit. Quomodo me expe-
diam, ignoro. Si recuso, odio non vacat, si
accipio iter ad semestre differetur. Orthii
vestri res, vt audio, nondum meliori loco
sunt. De Illustrissimo Gersdorfio consili-
um non succedet, quoniam, vt nunc sae-
culum est, belli artes pretium habent,
quæ tam sunt necessariae, quam amor est
libertatis. Satis diu veterno indormit Ger-
mania, et malo suo laborat, discorsque est
ad vltimam vsque perniciem, et, nimis spe-
ciose falli se, patitur, ac sero damna sua in-
telligit et aestimat. Vtcunque res cadat,
aut bellum geritur anceps, atque luctuosum,
aut, pace decepti, paciscemus foediorum
seruitutem. Quid agamus priuati homi-
nes?

nes? Inter temporum miserias pietate nos firmabimus, et pacem quietemque studiis tuebimur, et votis, quasi armis, in acie stabimus, quibus modis in spem venio, fore, ut hostis praeualidus et insolens desinat infestare rempublicam, et, fato metuque confusus, iustas vel sic poenas, non aliter, atque olim Nabuchodonosor, pendat, fabulamque in communi hoc rerum humanarum theatro, exitu tragico et infelici, claudat absoluatque. Ita te Deus cum nobilissima familia seruet, protegat, tueatur. *XL. Cal. Apr. A. clō lōCXXCII.*

CXX.

IOANNI GEORGIO ORTHIO.

Patricio Francofurtensi.

BEne tibi cupio et sincere volo, ut res tuae meliori loco sint, et in primis paternae florent, quod omnes prope in Saxonia mecum optant. Illustrissimus Vir, quem nosti, missa faciet litterarum studia, totumque se belli artibus tradet. Nec male, sibi Procerum filii consulunt, quum Principem *El.* propenso in milites animo vident, cogitantque, hanc opportunam facilemque esse emergendi viam. Aut enim Graecos imitabimur et seruiemus, aut bellum gerendum est, ut seruitus depellatur. Tu vero serua animum, et proposito insta
et

ac fac, vt redeas ad nos, et mecum sis, vnaque domo et mensa vtaris, nisi mauis, vt prius ad vos veniam, quod credo futurum, si, itinere Arolsam confecto, idonea expeditaque occasio detur. Inuitat enim me, et, iure quodam suo, iubet, Illustrissimus VValdecciae Comes, ad se vt veniam, et rationes historiae Valdeccensis perficiam, annuit Saxo meus, et magni aestimat prudentissimum, fortissimumque hunc bellatorem. Sed vix licebit, priusquam consulatu Academiae decedam, etsi adhuc dubius incertusque sum, onus mihi tam molestum imponi patiar, nec ne? Librum actorum itineris compingendum curauit, et reliqua ad meum iter sigillatim pertinentia, collegi et conglutinaui, quae simul omnia libere vsurpabis, et non magno negotio describes. Ignosce huic postulato, vt mea opinio est, non iniquo, quod si nolis probare, seiungam rursus, et te non frustrabor. Vale, ac patrem, fratrem, necessariosque, saluere meo nomine iube. Id. XI. Cal. Apr. A. cl. bCXXCII.

CXXI.

CORNELIO DE LVKOVVIN,

In suprema prouocat Curia Sax. EL. Senatori.

Difficile adhuc et varium filii ingenium sensim fingitur ad constantiam probi moris,

moris, et, quantum diuinare possum, litterae illae feueriores, quas Dresda misisti, permagnum habent momentum. Pflugii, optimi ac diligentissimi iuuenis, consuetudo multum ei proudest, qui praeterquam quod laudis exemplum praebet, cohortando quoque instat. Vitae morumque praefectum, nescio, an patiatur eius indoles, quae paullatim comiterque flecti potest, sed reprehensionem durisque verbis obnititur ac resistit. Quanquam per se utilis foret haec ratio, et moderationi rerum omnium conducirer magis. In scholis luridicis L. Pompeii omnem adhuc operam ponit, sed amoeniora studia humanitatis ac historiarum remissius tractat, ratus, suo se Marte proficere in his posse. Sed longe alia mens est Pflugio, qui pari diligentia coniungit necessaria et iucunda, agitque sedulo has partes, et recte putat, ornamenta haec non esse negligenda, praesertim iuueni Equestris Ordinis, qui his praecipue se distinguit a vulgo, atque ad fastigium reipublicae contendit. Hospes D. Zieglerus in reliquis vitae partibus modestiam et decora colloquia spectat, et seria interdum iocis temperat, excitatque conuictores et recreat, cuius latus apud mensam claudit. Tantum rogo te, Domine, et obtestor, interdicas ipsi nocturnis deambulationibus, quas, in scio hospite,

insti-

instituit, et, me ex aedibus egresso aliorum dilabitur, sodalesque quaerit. Haud dubito, quin, semel iterumque grauiter monitus, tandem lubrico incepto desistat, et omnes vitae studiorumque partes ad voluntatem et iussa tua conformet. Id quod ego vehementer cupio et opto, atque te cum incluta gente, felicem fortunatumque esse, omnibus votis precibusque a Deo immortali contendo. V. Cal. Apr. A. clō lō CXXCII.

CXXII.

BENEDICTO KRESSIO,

Aerarii EL. Sax. praefecto.

GRatulor tibi partes in curando principali aerario susceptas, et, qua ducor religione animi, vota facio, ut diu et feliciter munus hoc geras, meque in primis tuae beneuolentiae commendatum habeas, ac de me ita sentias, ut fama te fert et aestimat ab animo in eruditos propenso. Hac fiducia fretus, qua decet, peto obseruantia, ut salarium auspiciis *Serenissimi* dudum mihi attributum, et huc usque perceptum, quo per annum iam careo, pro summa in litteras voluntate et amore singulari, maturare ne graueris. Annitar pro virili rependere hoc beneficium, et, quia nihil est, quod a me in tua merita extare possit, dabo operam, ut in filiis tuis, si quando huc venient, instruendis

O

dis

dis nemini concedam. In extremo Deum veneror, vt nobilissimae familiae, et, Misennensi reipublicae, et patriae, ac sigillatim Academiae nostrae, quae nouum benefactorem sibi expetit, et non vano omine expectat, felicem sospitemque te seruet. Prid. Cal. Aprilis A. clō b CXXCII.

CXXIII.

SAMVELI HEMSDORFFIO.

Solemnia ordinis creandis Philosophiae artiumque Magistris sacra instant, et te socium honoris expetunt, ac, me interprete, nunc perquam comiter inuitant. Da ergo hoc meis precibus, et profitere nomen inter candidatos. Mihi prima cura erit et iuuare te, et commendare Decano, et omni studio efficere, vt honestissimo loco orneris. De pretio ita conueniet, vt XXV. numis vncialibus omnes impensarum rationes conficere queas. Opinor, hoc te non defugere, et spero Patronum ab ea sententia non esse alienum, et sumptus non grauato suppeditare. Vale V. Eid. Apr. A. clō b CXXCII.

CXXIV.

CHRISTOPHORO ARNOLDO.

Illo ipso temporis articulo, quo tuae multo suauissimae litterae cum fasciculo perlatae sunt, Io. Christoph. Langius, e vestigio

gio abiturus, mihi indicauit, se Norimbergam esse transiturum. Igitur non potui, quin aliquid tibi mitterem, quod nullo quidem, nisi grati animi, indicio aestimabis. Rara, et prope inusitata, filii tui felicitas magnopere mihi placet. Recte enim prudenterque facit, quum occasione utitur, et virum tota Europa doctissimum demeretur. Non pigebit te impensae, nec temporis poenitebit filium, quod nunquam, mea opinione, vtilius sane collocare potuisset. Magliabechius Italiae suae lumen est, et radios ingenii sui iam diu mittit trans Alpes, Germanosque et Belgas collustrat. In posterum ei et tibi, de Imperii Carolini diuisione, veniet aliquod animi propensi pignus, quod testetur, quam praeclare de vtroque sentiam. *Decima prosa* transmissi ex Italia opusculi ingenium prudentiamque ostendit, et apprime placet, ac singulare nouumque, et his temporibus aptum sane argumentum complectitur, et quaedam non vulgo obuia rerum ciuiliu capita declarat. De *Patriarcha* apud Gallos constituendo suaue commentum est, quod, non dubito, quin per se intelligat, quisquis consilia istius regis, et acta in parte regiminis *Ecclesiastici*, et *regalium* siue, vt vocant, *regaliarum*, nouit. Neque id non officit prudentiae et securitati regis, et exemplis superiorum regum aduer-

satur, quae ad Pontifices in ordinem redigendos, pertinuerunt, vel intra minas saltem manserunt. Franci enim Romanae sedis defensores et vindices fuerunt semper, et, fuisse, gloriati sunt, et extorres eos tuendos susceperunt, non autem *Ecclesias* ab iis se iungendas eximendasque, censuerunt. Nam, subducere se Romanae sedi, et adsciscere *Patriarcham*, non intelligitur, qui vult et cupit, ut regimine saltem moderato fungatur quod Galliarum libertati minime fraudi sit, quodque cum superioribus et antiquis earum priuilegiis non pugnet. Id. April. A. clo lo CXXCII.

CXXV.

PETRO HOMFELDIO.

Seueritati Patrum intercessi, causamque Cladouii quanta potui, diligentia in senatu egi, et plerisque renitentibus, effeci, ut poena *relegationis* ei ne irrogaretur. Nam, existimationi familiae id dandum esse, cum primis censui, ut eum gnauiter tuendum susceperem, in quem publica doctrinae praemia contulissem. Peto autem magnopere, non meo solum, sed praecipue totius ordinis nostri, nomine, ut pecunia, quam debet in solidum, soluatur. Versatur in eo dignitas Cadouiani nominis, et meae fides, quam dedi Academiae, fore, ut creditoribus satisficiat,
prae-

praesertim Ordini, qui sumptu suo cum adiuvit, benigneque ornauit. Ego, quoad possum, enitar, vt sentias, me nullo non tempore et auctoritatis, et officii tui, rationem esse habiturum, uenerorque DEum, vt florentem te saluumque patriae tuae seruet, et pericula impendentia clementer auertat. De rege Daniae huc fama affertur, quae metum iniicit noui belli, habentque Sueones, cur a vicino et affine sibi timeant, quem Gallus sibi deuinctum habet. Francofurti postulata quidem mitiorem in partem adornantur, sed fucus est. Incauti sumus, vereorque, ne, blandis speciosisque promissis decipi nos, patiamur. Ideas Platonicas, in apparatu et effectu consiliorum Germanicorum, quis prudens non intelligat? Male agitur cum patria communi, quae diu deliberat, et tandem exsequitur nihil. Prid. Non. Iun. A. clb b CXXII.

CXXVI.

AMICO CVIDAM.

Postulas a me, vt rescribam, quid mihi de Simonis historia critica videatur, quod non admodum difficile est, quando ex rebus ipsis deprehendi, scriptorem hunc sibi nimis indulgere, et mouere veteres terminos, Hebraeiue codicis veritatem vocare in dubium, et corruptelas obiicere plurimas,

mas, Latinamque veterem versionem nimis ornare ptaeconiis, et primo etiam diuinoque anteponere instrumento. Res haec ingenium scriptoris ostendit, et nititur coniecturis, certisque monimentis probari non potest, et viam munit ad Scepticismum, in sacris valde periculofum, neque a cordato Critico ferri, nedum laudari, debet. Miror autem, Theologum quendam apud Batauos eximium, discessisse fere in eius sententiam, et, vel eo nomine, multum de fama opinio- neque sua detraxisse. *Hugonotti* in Gallia, et ceteri *reformatarum* partium, prope de- testantur nouum criticum, et deplorant audaciam hominis maximam atque inauditam, quippe qua et sanctae linguae, et veritatis coelestis, firma et vera fundamenta subruuntur. Sed agam de eo alibi, et, quid de Mabillonio Lipsienses sentiant, referam, strictimque explicabo. Non. Iun. A. clc ló CXXCII.

CXXVII.

OTTONI MENKENIO,

Prof. Publ. Lips.

ADhuc strenue defudas, et superiora in-
cepta diligentissime persequeris, et ma-
gnum felicemque eruditorum prouentum
tempestiua sedulitate ostendis, saeculumque
hoc tibi grauitur deuincis. Etsi enim per-
pau-

pauci sunt, quos Socratici ingenii gloria commendat, tamen non plane negligendi sunt, quorum doctrina modica et utilis est, quos aliquo saltem loco esse patiamur. Et in his saepe aliquid reperimus, quod alibi legisse non meminerimus, neque id non variae eruditioni expedit, quam tot tamque diuersos, et instituto successuque disparēs, scriptores in vna veluti tabula, cum iudiciis congruentibus, intuemur. In quo negotio et boni, et docti, iure tibi suffragantur, et, ex re litterarum esse, per se intelligunt, ac ultro confitentur. Vnum doleo, quod, cum multa bonitati tuae accepta referam, tum in praesens non habeam, quod tibi reddam. Sed impeditae ac permolestae consularis Academici rationes omne prope tempus, quod studia sibi vindicant, vel inuito mihi eripiunt, ut nihil ad specimina publica relinquantur. Interim vale, et amorem, quem, pro eo, ac par est, magni facio, constanter in posterum serua. Idib. Iun. A. cl. l. CXXCII.

CXXVIII.

NICOLAO L. B. A. GERSDORF.

Non deserui, sed intermisi, hucusque partes meas, quas agere diligentius cupio, et iure debeo, si molestiae cessauerint, quibus subinde impediō, et ab incepto retra-

hor, cuius perficiendi desiderium toties animum meum incessit, quoties de infinitis tuis in Academiam, atque in me ipsum, extantibus plurimis maximisque meritis, cogito, quae nostris venturisque aetatibus et saeculis omnino et digne praedicabuntur. Salui-
uanum, diu expetitur, Illustrissimae Coniugi mitto, libenterque dono, cuius comparandi difficultas me de mora purgabit. Ipse enim meo exemplo carere non possum, ubi varia ad oram annotavi ac emendaui, quae priuatim seponi, et mihi seruari, oportebat. Pars in eo inest historiae Burgundionum, Illustrissimo nomini tuo a me inscriptae. Qui vim rationemque diuinæ prouidentiae pie sapienterque explicauit, et alienas improbasque *paganorum* sententias docte et gnauiter confutauit. Inclinata Imperii Romani fortuna, et, conuersis populi Martii rebus, multi et velut ad desperationem reducti homines affirmabant, non esse Numen prouidum et regens, quippe quod, omnia perturbari et ad peius recidere, patiatur. Id vero culpaе religionis *Christianae* datum est, cum qua felicitas Imperii senescere coeperit, ut friuole audacterque *pagani* calumniabantur. Quod praeclare refellit venerandus ille *Presbyter*, et in mutatum Christianorum vitam inuehitur, grauiusque per omnes partes tractat hoc insigne argumentum.

tum. Ne vero Saluiani tempora nobis redeant, orandus est Deus, quando impietas fere regnum tenet, et petulantia in Academicis nimia grassatur. De sunt Saluiani, postquam ex Theologia ars facta est, pietasque ab hominibus pietatem profitentibus tantum non contemptim habetur. Itaque non potui, quin delatum ad me Academiae Consultatum, iusta seueritate temperarem, vomica a corpore rescisa. Nam, vbi patientia augetur malum, leges expromendae sunt, vt aequi honestique disciplina conferuetur. Hanc in rem edidi exemplum, et Silesium Equitem, de sententia Patrum, relegauimus, qui nihil non tentabat, vt siue lites sereret, siue ciues contumeliose tractaret. Patrimonium fere profudit, propeque ad incitas reductus est, cuius exitus vtinam homini potius, quam ferae, conueniat, salutisque suae consulat, ac tandem melior fiat. Interea pro incolumitate Illustrissimae tuae Gentis, et pro gloria fortunaque tua, vota facio supplex, vt bonitate tua semper fruar. XVI. Cal. Sextil. A. cl. l. CXXCII.

CXXIX.

PETRO HOMFELDIO, IC.

Summa aeris alieni, quod conflauit Cado-
uius, continetur hac scheda, quam vna
mitto, quia creditores omnes cum syngra-

O 5

phis

phis apparuerunt, et rationes perspicuas manifestasque mihi fecerunt. Triginta numos vnciales, quos ad Heberum curasti, repraesentandos, iam certo accepi, ad quos illi quatuor pertinent, quos sub titulo ordinis Philosophici designatos vides. Non enim in meo arbitrio positum est, de pecunia, decreto Patrum constituta, quicquam remittere, nec te fugit, quam accurate exigant Patres, quod iure ad eos spectat. Impensae, quas facere me oportuit, sexcentis aureis constant. Praeter has aerarium Academiae, censores studiorum, quos *examinatores* vocant, ministri Academiae, homines mercenarii, et ad apparandas epulas publicas conducti, petunt postulantque bonam partem. Vnum solatium est, quod hi sumptus honestae laudis causa facti sunt, quibus sensim paulatimque se liberabit, et, nihil amissum esse sentiet, quod in talium expensarum codicem refertur. Interim reipublicae nostrae administrandae ratio fere deperit, et miseriae publicae nondum finis modusque est. Ciues quotidianis vectigalibus exhauriuntur, militesque ad onus potius, quam ad defensionem, conscribuntur. Controversia restitutionis Francofurti haeret, caputque firmandae pacis VVestphalicae et Neomagensis commouet animos, non componit. Erit tandem haec Germaniae ratio, ut,

ut, si ipsa deinceps sic agat, vel male affecta concidat, vel iugum infelix perferat et patiat. Nisi forte Deus nos respiciat, et pericula ac probra in hostem, sua felicitate insolentem, vertat, remque publicam labentem fulciat, et benigne tueatur. d. v. id, Aug A. c. 15, 15 CXXCII.

CXXX.

IO. GEORGIO ORTHIO

Patricio Francofurtensi.

VIx dies abit, quin de te cogitem, quin optem et voueam, ut quamprimum inter nos colloquamur. Volo enim, cupio que facere tibi satis, et stare promissis, ac prouehere tua studia altius, et spectare meliorem tuam fortunam. Nunquam amor familiae tuae animo meo excidet, si ferat occasio, ut ostendam rebus voluntatem in te propensissimam. Tempora quidem, nunc ancipitia et calamitosa, multos conatus impediunt, sed te, laudi et commodis reipublicae natum, non frangant, nedum prosternant. Spes vtrumque teneat cumulandae fortunae, quae nondum ita benignam se praebet, ut arcta officiorum necessitudine et aspectu mutuo fruamur. Scio constantiam tuam, et vim excitam meritis, quae dudum a vulgo te distinxit. Vide, ut hanc serues, ne langueat industria tua, cuius fructum

Etum abs te sperant boni, aequique omnes. Zieglerus saepe de te loquitur honorifice, et, quid agas, quaerit, et, ubi nobilissimus frater sit, sciscitatur. Cui pro dignitate familiae tuae respondi, rationemque reddidi, quae tibi praesertim et fratri non minus decora videbatur. Tantum de lite Spirensis fac, ut certiora sciam, cuius, exitum precor optimum fortunatissimumque. Est in eo negotio situm gentis tuae decus, et quid non? Ego, si laeta prosperaque fata resciscam, nisi venias, positis fascibus, ipse te visam et anteuertam. Destino enim iter in Batauiam, Celsissimi Principis VValdecciae gratia, cuius vitam suscepi scribendam, si institutum ex animi sententia succedat. Cal. Sept. A. clō lōCXXCII.

CXXXI.

OTTONI MENKENIO.

Prof. Publ. Lipsiensis.

NVnc me iterum mihi vindico, postquam magistratu abii, atque ad litterarum studia, quod praefiscine dixerim, me referre coepi. Tanto frequentius deinceps ad te commeabunt epistolae, quanto liberior sum, ex quo me reuocaui ad pristinos labores, quorum pars quoque mutuo litterarum commercio continetur. Nulla enim, opinor, excusatione opus est, praeser-

fertim apud te, quem, scio, esse aequissimum, et condonare superioribus molestiis grauem, et probe liberalem moram. Quod de Kunckelio voluisti, libenter et ultro facturus eram, si praesens cum illo conferre potuissem. Non autem nescio, promptum fore, si, vlla in re probare studium queat. Multa enim et eximia habet adiumenta, quorum aliqua apud nos, Annaeburgi et Dresenae, sibi comparauit, et argumenta operarum Augusti tractauit et perquisiuit, quarum ratio, iudice Vulcano, ipsi constat. Intuentur in eum Angli, et artis exempla aestimant, in qua opinione nuper admodum Pragestus, ex Italia redux, me confirmauit, qui, Berolinum transiturus, apud Kunckelium inuisset, propiusque eius res explorabit, et deinde Hamburgo in Angliam traiciet, ad societatem relaturus. Nam et ipse huic arti plurimum indulget deditusque est, et in aula Lichtensteinii Principis experimentum fecit, Romaeque acceptus fuit, ac Regina etiam Christina de ipso retinendo cogitauit, si ab eo sane impetrare potuisset, vt ritui Romano nomen daret. Libros quoque raros et nouos, praesertim in Italia et Anglia editos, in numero habuit, et magnopere mihi satisfecit, ac de eruditorum in me studio plura dixit et asseuerauit, librosque optimos ad me curatu-

turum se, recepit. Nunc mihi, de reddenda tibi vice deliberanti, nihil suppetit et in promptu est, praeter dissertationem de Diuisione Imperii Carolini, quam beneuole ut capias, enixe rogo. L. B. Gersdorus, iunior, pariter te salutat, et, deuinctum se tibi magnopere, fatetur. d. 11 X. Cal. Nov. A. clo 16 CXXCII.

CXXXII.

IOACHIMO FELLERO,

P. P. Lips.

NON me continere potui, quin subiderem, postquam bellam facetamque tuam de Hercule comparisonem legi. Vide autem, quomodo te expedias, cum de regula similitudinis nimium deflexeris, Herculi que cothurnum aptaris. Sed bene res habet, et scio, te salibus delectari, iocisque etiam seria prudenter temperare. Ego vero iam gratulationis tuae fructum capio, et litteris, a quibus me negotia strepitusque litium seiunxerant, me totum vindico et trado, saepeque opto tecum esse et confabulari. Interim per epistolam inter nos colloquamur, et animos, temporum miseria prope modum fatiscentes, erigamus. Demum accipe disputationes, et benigne inter tuas reponere, et collegas tuos diligenter saluta, in primis Albertium, Virum in curandis suis

is ad me, supra quam dicere possum, liberalem
XII X Cal. Ian. A. clo bCXXCII.

CXXXIII.

MATTHIAE ZIMMERMANNO,

Doct. Theologo et Antistiti Misen.

Magni sunt mihi litterae tuae, et, repetita vice, benevolentiam significant atque confirmant, nisi quod ego negligentiae et tarditatis culpam deprecari debeo, quam tamen mihi, hucusque impeditissimo, crimini non dabis. Postquam enim magistratu Academiae abii, multae, ut fieri solet, molestiae me exceperunt, praesertim tales, quae ad conficiendas rationes gesti muneris pertinent, quibus operam tempusque impendi. Nunc, ubi liberior factus, quasi-que in libertatem vindicatus, studiis me reddo paulatim, commerciaque litterarum cum eruditis rursus instituo, ac tibi, quod debeo, murtus do, largiorque exiguum, et accessione auctum libenter transmitto. Opus tuum cupio videre, et opto, ut quamprimum edatur, petoque, ut ad Schumacherum de eo perscribas, qui, etsi temporum difficultates conqueritur, et obtendit, tamen ad ultimum, vinci se, patietur, et petitioni meae concedet. In primis autem Inscriptiones et Graecae lectiones veterum, corrigentis operam requirunt, ac de me polliceor omnem dili-

diligentiam, quantam quidem eo in genere nauare tibi possum. Sine dubio autem Graeciam Latiumque priscum illustrabis, et antiquitates thermarum balneorumque egregie ac erudite explanabis. Ex numis quoque multa colliges, et imagines ut, fieri par est, designabis, totumque hoc laudis et industriae plenum inceptum perficies, pluraque literato orbi, diligentiae tuae testi et suffragatori, feliciter dabis. Ita bene agere te volo, meque tibi commendo, qui sum et honoris tui cupidus, et laboris tui aequissimus aestimator. A. cio 15 CXXCII, XII. Cal. Ian.

CXXXIV.

IOANNI CHRISTOPHORO
BECMANNO,

Prof. Publ. Francofurt.

EVnti ad vos Philoni litteras dare volui, ut propensae tuae in me voluntatis memoriam renouarent, quas tibi non displicere confido. Nectamen hucusque te oblitus sum, sed iuvenes, ab vrbe vestra profectos, semper de rebus tuis interrogavi, et, cum, florentes esse, intelligerem, ingens sincerumque ex eo nuncio gaudium cepi. Disputationem de Diuisione Imperii Carolini, Meyero ad te perferendam tradidi, et iam Thiloni Iustinianum Ortho-

Orthodoxum addidi comitem, vt, amorem
tui nominis penitus mihi insitum esse, co-
gnoscas sentiasque. Is, tibi commendari, ge-
ssit et petit, nec patrocinio indignus est,
rogoque, vt eum beneuolentia tua com-
plectaris, et aditum ad Nobilissimi Strykii
amicitiam aperias, ac, quantum in te est,
benigne consulas, et opituleris. Pater ipsi-
us, Consul, dignitate Syndici hic fungitur,
et iureconsultus est, sed, vt durissima iam
nostratis reipublicae tempora sunt, et vecti-
galia tributaque frequentius exiguntur, ra-
tiones vitae tenere arctius et circumscribere
necesse habet. In Graecis Latinisque
mediocriter versatus est, et historiae melio-
risque philosophiae rudimenta sic di-
dicit, vt iam in scholis iureconsultorum
stare cum laude possit. De republica com-
muni incerta alioqui spes est, recuperatio
Argentorati difficilis, aut nulla erit. Om-
nia prope Germanis desunt, concordia diu
periit, fines hosti aperti sunt, consilia et
morbi aularum patent. Quid agamus? fa-
tum nos vrget et ira Numinis, dolendum-
que litteratis est periculum sacrorum. Prin-
cipes de libertate videant, qui nullo loco
in Gallia sunt, et passim ridentur. Caesari
ipsi non parcitur, resque eo redit, vt ferme
nos supputere debeat, incidisse in ea tem-
pora, dum Germani Gallorum ludus iocul-

P

que

que sunt, dum vnus omnibus dictatoria auctoritate praescribere regulas, et definire pactorum tempora, contra libertatem gentium audet. Legati enim Regis, omnia pronutu agentis et ordinantis, conuentum, pacis gratia Francofurti institutum, dissoluerunt, quod classicum noui belli est, nisi Ratisbonae tractandae pacis ratio suscipiatur. Sed priuatis haec mussanda sunt, et rerum consiliorumque exitus Deo permittendus, tibi vero nihil non precandum optandumue est, quod cum famae, tum familiae tuae, conducat, neque dubito, quin Thilo noster tuam beneuolentiam sibi colligat et conciliet, conciliatamque seruet, gratus, pro modo facultatum, futurus. X. Cal. Ian. A. clbCXXCII,

CXXXV.

OTTONI MENCKENIO,

P. P. Lips.

SVpplementum actorum liberalitati tuae acceptum fero, voloque, existimes, libenter et iucunde legi, praesertim contemplationum naturalium coelestiumque arcana, quibus nemo offenditur aut laeditur, atque eo magis placent, quia securius adornantur. Germani quidem plerique has delicias non magnopere aestimant, et in munere quaestioso versari malunt, ipsasque etiam litteras,

ras, quibus continetur humanitas, averfantur. Quod etsi nos, hac temporum difficultate, impedire quodammodo ac retardare potest, non tamen franget deprimetque animos, in doctrina rerum optimarum defixos. Prægestus Londini agit, laboremque sumit in collegio operarum chymicarum, a quo libros et litteras exspecto, quæ simul ac perferentur, faciam, ut copiose omnia scias. Me inuitavit, ut altera vice transirem in Beatorum Insulam, si quidem id a Principe et studiorum rationibus impetrare possem. De Tschirnhausio, equite, iam diu ante audiui, et luculentam conditionem illi gratulor, dubito autem, an exemplum hoc nostros accendat, qui, laudem, doctrinis Mathematicis partam, ad Scholasticos pertinere, dicent, et gradum potentiae dignitatisque aulicae, et, ut nunc tempora sunt, bellicae, tenere cupient magis. Non multos Maecenates Virosque munificos Germania habet, et vix splendori domestico sufficit, subsidiisque caret, quibus exteri plane abundant. Sed conabimur tamen, quantum in nobis est, operam studiumque conferre, et id regnum nostrum existimabimus, quod interior eruditio nos a vulgo seiungit. Nisi quod rerum domesticarum cura tangit eruditos, ne communem cum Platina et Caselio fortunam habeant,

beant, quos ob inopiam tenuiter vixisse, et ab imperitis, sed diuitibus, propemodum derisos fuisse, constat. Incertae temporum vices, impeditaeque commerciorum rationes, tributa immodica, nouique metus belli, et tot ante oculos positae calamitates, exiguam, aut nullam, spem melioris reipublicae faciunt, et fata ipsa communem certe patriam vrgent. Stabimus tamen et feremus, partesque impositas tuebimur, innixi in scuto diuinioris prouidentiae, quod non finet, hoc nostrum decus nobis eripi, elegantiamque situ et barbarie confundi. De libris ex Gallia volo, vt Sammarthanorum opera meo sumptu cures. Faciam, vt, quod eo nomine impendes, ex assè tibi soluatur. Deus te seruet, et, bene te agere, diuque vitam producere in longum tempus, velit.

VII. Cal. Jan. A. clò l^cCXXCII,

CXXXVI.

NICOLAO L. B. A. GERSDORF.

Non magis consuetudine, quam pietate, moueor, vt quicquid incolumitati et consiliis tuis felix fortunatumque esse potest euenire tuo nomini meritisque cupiam, cum id tuae curae, quae ad salutem omnium spectant, a me postulent, pluraque exigant, quam mea conditio recipit, quae infra tuam magnitudinem est, et in votis adeo

con-

conquiescit. Sed maxime honori tuo gratulor, quod in generoso filio moderandae indolis notae appareant, quae lumen familiae afferunt, atque eum omnibus nobis sic commendant, ut iam ipse se regere posse videatur. At vero Stamplicius morum praefectus quotidie mutatur in peius, et dignitate illustris filii abutitur, ac libidinis suae modum non tenet, litesque ferit, et nulla legum ratione habita, gladio ultore decedit. Quin et seruum concitat ad inuadendos tenuis fortunae ciues, et tot impotentiae specimina dat assidue, ut tandem ea reticere non possim. Sermones eruditos ferre non potest, doctosque conuictos odio habet, nec modo ingenii cultum, sed moris honestatem, spernit, ac per itinera urbis discurret, effringit ianuas et quaerit, quos stricto ense persequatur. Amoribus quoque indulget, et omni labe se inquinat, ut pudor me prohibeat, quo minus referam, quae agit et molitur. Nudius tertius malitiae mensuram impleuit, nec Ziegleri auctoritati pepercit, noctemque illi miseram reddidit ac insomnem. Artes et astus, calumniasque singulas, quibus me et innoxios, atque in veneratione et cultu tuo, curaque optimi filii, defixos, petere consuevit, vel inuitus praetereo, et tibi, Domine, supplico, hominem, eruditionis et honestae di-

sciplinae osorem, auctoritate tua coerceas, ut vel sic in se descendat, et tempestiua poenitentia mutetur. Ego vero Deum immortalem oro, generoso filio; hanc mentem, digne se in virtutis tramite explicantem, seruet, et illustrissimae tuae genti, coniugi omnibusque, qui te necessitudine contingunt, meritaque pariter aestimant, ac venerantur, fortunam prosperam, salutem propitiam, gloriamque in terris illibatam et sempiternam, concedat atque largiatur. Non Ianuar. A. clō lōCXXCIII.

CXXXVII.

ADAMO CHRISTOPH. IACOBI,

IC. Dresd.

Proximis Calendis votum solui, sacrumque pro te feci, quod bene euenit, auspiciatumque omen datum est, cum Musae nostrae applauderent, laetisque ~~verbis~~ omnia prospera adiutori sane et vindici Iacobao suo praecarentur. Nihil enim tam insignis pretiosumque est, quin tibi offerre cupiant, quem inter ornamenta ac praesidia sua habent, atque id, me interprete, petunt, quantis possunt, a DEo precibus, ut omnia feliciter agas, belleque valeas, et, more tuo, cum de Academia, tum de patria quoque, sic deinceps merearis, et nomen memoriamque his rebus posteritati commendes,

des, quam nulla vnquam obliuio delere possit. Neque vero sinat propitium Numen, vt vlla te calamitas tangat, aut turbet, quo perenne propriumque gaudium ex te respublica nostra capiat, quam tot meritis ornasti, vt vberius non posset alius quisquam. Ergo ab vna tua virtute ductuque pendet maxima spes nostra, et ipsa etiam litterarum salus, quam circumspecte et iuste moderaris et seruas, nec valetudini tuae parcis, quum se dat iuuandi occasio, quam non omittis, sed quaeris, nec seiungis auctoritatem a propensa in nos voluntate, cuius et plurima et periucunda exempla semper oculis animoque meo obuersantur. Itaque, in eo genere desinit pietas, vnde coepit, et hoc agit expetitque, vt sine languore et valetudinis infirmitate floreas, teporque, vt sic dicam, vernus aetatis tuae idem maneat, familiaeque tuae multo nobilissimae vernantes pariter arbores ferat, gloriamque paribus et felicibus incrementis propaget. Hoc vult, hoc vouet, et omni studio contendit, cliens.

XIV. Cal. Febr. A. clō IōCXXCIII.

CXXXVIII.

NICOLAO L. B. A GERSDORF.

Quod diu speraui ominatusque sum, id adeo me non fefellit, vt quoque mihi

P 4 gratu-

gratuler, haud vanam fuisse sententiam, quam laetus felixque euentus confirmauit. Academia etiam honori suo ducit, quod filium tibi saluum atque incolumen remittat, quin immo reipublicae transmittat, cui se is praeparauit, et multas quidem naturae munere consecutus est dotes, sed, eas virtute et industria augendas, putauit, nec minus docere corpus, quam ingenium, hic exercuit, et apte digneque finxit. Quo fiet, vt illa diuina et admirabilis stirps tua, et illud tot tantisque meritis auctum ornatumque genus Gersdorfium, floribus nunquam marcentibus, et contra turbinem tempestatemque firmis, simile sit, radicibusque alte defixis perftet immotum, ac, ducto semper ab integra vigenteque radice succo, colorem odoremque non mutatum retineat; et diffundat ex magna tua arbore in omnes descendentes Gersdorfios, Frisiosque furculos, et constanter adeo ac perpetuo se felicissimis auctibus propaget. XIII. Cal. Febr. A. clb l^o CXXCIII,

CXXXIX.

AMICO CVIDAM.

TErruit me rumor de morte Nicolai Heinsii, cuius ingenii elegantiam saepe miratus sum, sed luctum minuit spes de Graeuio, qui iusta et graui oratione vindidi-

dicabit eius memoriam ab ingrata saeculi obliuione. Vauaffloris iacturam nemo satis defleat, qui tam bene merebatur de literis, vt optarem, eum nunquam mori. Sed Lutetiae Menagius floret, farcitque damnum, et melioribus studiis quotidie enitescit, atque horum gloriam in iurisprudentiam infert. Carmen, Michaeli Amelot, *Christianissimi* Regis Oratori apud Venetos, scriptum, legi, quod in arguta suauitate ostendit grauitatem, et natalis Delphini aeternam memoriam feruat, laetumque omen dat Franciae, quae iam nouo insistit munimento, nec metuit deinceps sibi ab orbitate. Vna haec reliqua erat, futura hostis maximi Regis, nisi eam benigno Numinis auspicio vicisset. Haec est uero non illa Romanorum, sed Francorum, AVGVSTA IVNO, quae in ore omnium est, et faustis passim auguriis celebratur. Priuatim abs te peto Nubiensis Geographiam, Aristidis Orationes a Guil. Cantero editas, Medicos Scriptores Graecos Stephani, quos Reinesius omni studio versauit, Melchioris Goldasti seniores, item opera doctissimorum fratrum Sammarthanorum. Si occasio ferat, vt emi conquirique possint, non dubito, quin id amicitiae et desiderio meo concedas. IX. Cal. Febr. A. clō Io CXXCIII.

CXL.

GVILIELMO ERNESTO TEN-
ZELIO.

QVod de meo in te studio persuades tibi, non falleris, propterea, quod rationibus tuis libenter consulo, voloque, ut id certissime de me credas. De Nuranienſi, caue, exiſtines, eo denotari Noram Cappadociae, quae ab hoc instituto prorsus aliena est. Sine dubio dynaſtarum ſcriptor Noram Sardiniae intellexit, quae et Nura ſcribitur, in Itinerario Antonini. Hinc oritur gentile Noranus, ſive Nuranus, quod Abul Pharauius flexione diduxit, et Nuranienſis extulit, et apte conuenienterque appellauit. Nora Cappadociae non Nura, ſed Nereaffus quoque, dicta eſt, quam Strabo Geograph. XII. memorauit. Sed Noram, ſive Nuram Sardiniae V. Geograph. conſulto praeteriit, eamque plurimum Sardiniae urbium appellatione intellexit, duas tantum praecipuas eius inſulae urbes nominaffe contentus, quas iam diu uerſtas oblitterauit. Nec fugere te poteſt, Nuram iacere in ruinis, et multis abhinc ſaeculis fuiſſe deletam, ut fata urbium ſunt, et ſaepe a fundamentis euertuntur. Quod de ſcriptione reſtat, certum habeas, in omnibus antiquis codicibus, et ipſo etiam Medi-

diceo, quo usus est Isaacus Vossius, legi Ignatium, et ab Eusebio, Euagrio, aliisque constanter retineri. Neque tamen ignoro, eas litteras interdum commutari, facilisque hic est librarium lapsus, qui veterem veramque scribendi rationem mutare non potest. Valde autem amplector et probo, quod existimas, Abul Pharaum Ignatii patriam tradere voluisse. Id enim more Arabum confirmare licet, qui, cum illustrium hominum nominibus, patriam fere exprimere solent, ratioque expedita est, quamobrem non dubitem, quin locus iste, de patria Ignatii capiatur. Omnino autem coniectura tua probari potest, nec ratio falsa est, quam a more Arabum petiisti, etsi auctore veteri opus erat, quo fidem faceret iste alioqui fabulis indulgens Arabs. VI. Calend. Febr. A c b b CXXCIII.

CXLI.

IO. GEORGIO L.B. A GERSDORF.

Singulari tuam industriam magnopere probo, et spero planeque confido, fore, ut in posterum patria te in oculis ferat, maximi in toga herois filium, et propria virtute ad summa quaeque nitentem. Adhuc videre mihi videor, vitae tuae sanctimoniam, qua non tantum aequales tuos, sed etiam multos sapientes superasti. Prudent.

dentiae incrementa cumulosque peregrinatio tibi spondet, quam praecipue usus confirmat et auget, ut non vulgaris sit, sed Socratica plane habeatur. In hoc genere Maluezzi, Caimi, Parutae, scripta valent et eminent, quorum tibi nunc copia est, et talia adiumenta afferunt, quae animum in omni fortuna sibi similem, et prorsus egregium, praestant. Historiam veterem duntaxat tibi degustandam esse, memineris, nova autem illa, et a Maximiliano I. ducta, atque hinc continuata, quasque rebus praesentis aevi coniuncta, tuam praecipue ac reipublicae utilem diligentiam exspectat. Similiter Geographiam recentiore, prout in Gallia excolitur, vehementer commendando, neque dubito, quin, si huius interpretem magistrumque habeas, breui sis maior iis futurus, qui ex instituto apud Germanos docent. In his et aliis recte ordinandis salubre et tempestivum consilium capies ab ephoro tuo, viro et elegante, et erudito, qui nihil eorum ignorat, quae ad huius muneris partes requiruntur. Ego vero nunc et deinceps absens pro te vota faciam, et hoc agam atque experiar precationibus meis, ut omnia consilia atque res tuae bene et recte vertant, neque vlla unquam adversa valetudo conatus optimos impediat, aut frangat. Ita vero cum Illustrissima Gente,

cum

cum Excellentissimo Patre, et incluta matre, et vniuersa domo vestra, sospes sis maneatque, et feliciter habeas, ac felicissime reuertaris. Cal. Februar. A. cō Iō CXXCIII.

CXLII.

IO. GEORGIO ORTHIO.

Patrit. Francof.

DE incepto conatuque tuo iam diu nihil audiui, nec tamen non bona spes me erigit, vt credam, tecum non male agi, qui cupiam primo quoque tempore te ad nos venire. Illud autem me in primis sollicitum habuit, quod de consulatu Nobilissimi Patris res aliter cecidit, atque mea opinio fuit. Ex eo, opinor, pendet *Scabinatus* ampla et perpetua dignitas, quam et familiae vestrae conditio, et merita pariter, requirunt. Dum ita angor et perturbor, DEO approbante, euenit, quod saepe multumque volui, et iam ab aliquot annis mecum cogitavi. Praefectus Gersdorfio muneris rationes solutiore vita mutauit, et loco motus est, eamque prouinciam meliori sane successori reliquit. Non dubito, quin fratri tuo iam patefactus sit aditus ad eximios honores, et intelligo, senatus sanctioris principi omnia eius instituta, morisque elegantiam probari. Opto, vt nutu consilioque diuino, pari nec irrita successu tibi
pro

provideatur, virtusque tua excitatio-
 cunda fortuna quamprimum confirmetur.
 In publico statu rationes adhuc impeditae
 sunt, et Gallus facile obtinebit, ut postulatis
 eius detur locus. Argentoratum habui-
 mus, non recuperaturi, quamvis arma cape-
 famus. Pax nihilo tutior erit, maiori-
 que periculo nostro frangetur, si deinceps ini-
 qua facta et vim iure pactionis perpurget.
 Mox enim bello ardebit Italia, magnoque
 impetu Genua laceffietur, quo fiet, ut aut
 Caesar iterum in eum moueat, aut omnem
 prorsus in Italia auctoritatem suam exole-
 scere patiatur. Data hac occasione Gallus
 novos repetendi titulos adornabit, pactum-
 que cessionis regnandi libidine molietur,
 neque se continebit, quin trans Rhenum
 Moenumque progrediatur. Francofur-
 tum ad componendam pacem non auspica-
 to delectum est, et saepe alias spe pacis fru-
 strari consuevit, ut superiora tempora te-
 stantur. At vero benignum Numen auer-
 tat hanc tempestatem respiciatque patriam,
 et nobis omnibus benigne opituetur. Kal.
 Mart. A. clb lxxciii.

CXLIII.
 PASERINO, IC.

Binae tuae litterae, cum dissertationibus
 luculentis, mihi redditae sunt, ac tuum
 in

in me studium non indicarunt primum, sed clarius confirmarunt. At enim controuersia illa, antiquitatis *ecclesiasticae*, quae Theologos tangit, dudum confecta est, nec potui non mirari naenias auctoris, qui carpit, quos non assequitur, et in eo genere tantum non sibi placet. Libido rixandi cum imperitia sane coniuncta est, neque dubito, quin is se vindicet, qui nimis audacter, et disparibus quoque armis est oppugnatus. Modestiores sunt Angli, et parcius talia obiciunt, cursimque et sine insecutione attingunt, propiusque ad nos accedunt, in primis *hierarchici* viri cordati, et nostris gladiatoribus doctrina et prudentia superiores. Interim, per me licet, otia abutantur, qui eo abundant, nos partes nostras tranquille agamus, et amicitiam veteri lege animorumque coniunctione seruemus. Consultissimi D. Schulzii institutum laudis plenum, operamque eximiam et diligentiam probo, et iuuentuti gratulor, de viro, iuris pariter, et antiquitatis iuridicae, perito. Contracta inter nos est amicitia conciliatore Pabstio, et recordor auspiciatissimi temporis, quo inter nos collocuti, sermones habuimus, et in vesperam usque traximus. Eum, si graue non est, diligenter saluta, et obseruantiam nuncia, prolixissimumque animum confirma. In consiliis

patriae communis dubiam periculosamque, et tantum non paciscendae seruituti, pacem expectamus. Miseret me Germaniae, dum fortuna melior cum omni prope instrumento suo in Galliam migravit. De Turca non est, quod metuamus, et latet forsitan aliquid diu cogitatum, quod breui sed vti-
nam feliciter, erumpat. Sed vrgent fata Austriam, nec minus premunt Germaniam, iamque Italiae instant, et mirandam pariter, atque miserabilem, rerum temporumque conuersionem moliantur. Cal. Mart. A. clō lōCXXCIII.

CXLIV.

BENEDICTO KRESSIO,

EL. Aerarii Misen. Praefecto.

ALiquot hebdomadae sunt, quum abs te petii, vt attributa mihi pensio aliquanto ocius soluatur. Interpellant enim me librarii, qui multos pertiososque codices ex Gallia, armorum et elegantiae parente ac magistra, ad me curarunt. Fac ergo, patrone optime vt acipiam, quod beneficio Saxonis mihi ad studiorum sumptus constitutum est, vnde dissoluendi aeris alieni subsidia petam. Pro viribus annitar, vt honori pariter, et vtilitati tuae seruiam, neque vllam de filiis bene merendi occasionem negligam, quando prima mihi cura est, vt ratio

tio officii et obseruantiae meae tibi probe-
tur. Non dubito, quin, pro voluntate tua in
me propensissima, hoc mihi tribuas, et Hani-
schio nostro negotium des, vt ea quidem, et
valde opportuna occasione, pecunia ad me
perferatur. In publicis speramus pacem, non
honorificam, sed necessariam, quam rerum
temporumque fortuna postulat, cum Lu-
douicus eo loco sit, vt pacis faciendae et
interpretandae arbitrium, vix quoquam re-
pugnante, sibi sumat. Morbi Germaniae,
quos parit discordia, et afflictæ aerariorum
res, vetant, quo minus Germania tam prae-
potenti, et omnibus belli neruis abundan-
ti Regi, deinceps resistat. Spes nostra in
DEo sita est, qui non sinet inultam istam re-
gnandi libidinem, patriamque nutantem
fulciet, ac praesidio suo defendet. Te ve-
ro cum familia et sobole Deus benigne ser-
uet, et nutu consilioque suo omnes vitae
munerisque tui rationes benigne modere-
tur. III. Non. Mart. A. clō Io CXXCIII.

CXLV.

SACERDOTI CVIDAM.

DVdum mihi grata est beneuolentia illa,
quam non merenti conciliauit tuus,
quem iure amo, et gaudeo cum esse, qui
stirpis suae vestigia referat, et vera ingenii
laude cum omnibus certet. Modestus est,

Q nec

nec minus ipsum commendat probitas, digna studiis virtus, atque eo gratior, quod cum moribus compositis coniuncta est, et iuuenem egregie institutum decet ornataque. Disputauit nuper, stetitque fortiter, et de rebus obiectis eximie diligenterque respondit, et auditoribus, praesertim intelligentibus, et Professoribus abunde satisfecit. Nihil dabo auribus tuis, et has dotes consecuto tantum optabo precaborque firmam valetudinem, quae sufficiat laboribus, quibus ingenium sine languore, ac sine intermissione, exercet. Inter haec gaudia expectationemque de filio tuo maximam, occasio causaque publici doloris se offert, praesertim ob libertatis et religionis discrimen, quod sensim adit patria, et nisi me fallit coniectura, in perniciem seruitutemque Germaniae omnia sane iratiora fata conspirant. De pace inter Caesarem Gallumque coalescente vix dubito, sed ea magis necessaria, quam tuta utilisque, erit. Cum Argentorato periit finium securitas, et gloria Germanici nominis, quam iacturam nulla forsan posteritas sarciet, et mirabitur discordiam socordiamque maiorum. Non quidem nolo putare, nos inuidia temporum fatoque vrgeri, quod concordiae fructum eripiat, et insidiis hostium obiciat, qui aperto Rheni aditu nihil non moliri possunt.

Iam

Iam fero vident Sueones, quorsum spectent consilia, quae diu multumque, ratione quadam ciuili, fouenda susceperunt, nunc vero ne cum sociis quidem foederis dissipare simul possunt. Bebelio, librum de ritu *missae* edituro, interdictum est luculento artis specimine, quod rationes afflictæ *ecclesiae* non ferunt. In Silesia et Vngaria adhuc sibi indulgent, qui specie religionis pacem pactaque conuellunt Ignatiani, quorum ferre consilia in eo sita sunt, vt religionem vi et armis moderentur, suasque opes et auctoritatem firment. Sed quorsum haec refero? nota haec sunt vulnera, et a te in specula sacra cernuntur, praesertim sub Principe magnanimo et pio, qui, quantum in ipso est, nihil omisit, nullique operae perpercit, quam sciret ad decus et libertatem patriae esse vtilem, et laudi suae conuenientem. Veneror Deum, hanc gloriam optimo Principi seruet, vt sub eius tutela, et procerum sanctiorum prouidentia atque consilio, omnes perpetuo floreatis. Vnum abs te peto, Venerande Vir, vt tua et senatus *ecclesiastici* ope et auctoritate, Georgius V Vilhelmus Ditericus redigatur in ordinem, et vt pecuniam mihi ordinique nostro debitam soluat, eo modo et honesta ratione, qua sancte et stipulant *Decano* promisit. Videbo vt hanc operam omnibus

prudenter diffidis ingenio , et praecipitas nihil, si quid statuendum est semel, quod recte cogitatum esse oportet. Locus Iosephi, me iudice, a Suida, Graeculo, multis saeculorum interuallis ab illius aetate disuncto, confictus est, neque in vlllo codice, quem ego quidem viderim, extat, neque in ipso veteri et probo Basileensi reperitur. Deceptus est credulitate rhapsodus , nec sibi constitit, cum id scriberet, atque deinceps aliis errandi occasionem dedit. V. Id. Mart. A. cId Io CXXCIII.

CXLVII.

IOACHIMO FELLERO,

P. P. Lips.

DIu quidem nihil abs te accepi litterarum, idque, existimaui, tuis occupationibus, quas scio esse maximas, tribui oportere. Nam, quin belle valeas, non dubito, quod fera Poetarum fata esse debent, vt diu suauiterque, more tuo, canant, et in primis Cygnei illi veterumque similes, etiam viui gloria sua perfruantur. De Daumio, quid agat, quid moliatur, dudum nihil audiui. Rumor enim falsus, et initio mihi acerbus, superiori mense de obitu eius afferebatur. At enim vero, Heinsium, Danielis filium, literis ereptum deflemus, cuius vitam cum recogito, imago rerum humanarum, dissimili-

miliū semperque fluxarum, animo meo occurrit. Sed gloriam nomini aeternam auguror, nec de ingenii laude unquam invidia detrahet, etsi inter eum et plerosque alios virtutis sane aemulatio fuit. Dignus laudum praedicator erit Graevius, et vitam, opinor, scribendam sumet, ac posteris saeculi tradet commendabitque. Vix dum omisi dolorem, quem ex tanti tamque incomparabilis viri morte cepi, quum alia, nec minor, dolendi causa se offert, propeque stupor me incessit, quando iam intelligo, Michaelē Ethmullerum, rei medicae decus et lumen, non modo Academiae et suo ordini, sed etiam societati vestrae, et quod caput rei est, toti reipublicae litterariae esse subtractum. Cuius amicitiam mihi saepe multumque testatam, et beneficia in Io. Antonium, fratrem meum, praemature defunctum, in cuius ore is semper erat, cumulate libenterque collata, nunquam obliuisci possum. Iratum, credo, Numen est, quod votis placabimus, ut ibi tandem sistat, unde coepit, vosque omnes diu florentes seruet. IV. Id. Mart. A. clō Io CXXCIII.

CXLVIII.

ADAMO CHRISTOPH. IACOBI,

IC. Dresd.

QUam superiori anno testatam fecisti propensissimam in me voluntatem, et rebus factisque etiam comprobasti saepius atque confirmasti, eam peto, nec aliter tua consuetudo postulat, latius patere sinas, fratremque meum Henricum Leonardum, pariter admittas, et clientibus tuis adscribas. In quo paulatim se explicat vis ingenii, et, superato, cum quo diu conflictatus est, morbo, sensim se colligit, modicisque spatiis in doctrinae curriculo pergit, et quod caput rei est, piam castamque mentem ad studia affert, atque in hac vitae ratione sibi constat, scholasque suas diligentissime obit. Da itaque adolescenti vel mea causa, ut alumnorum fruentium numero sit, animumque tuo beneficio erigat, magisque enitatur. Vix bimus Patrem amisit, qui suprema voce eum mihi, studiorum causa absenti, commendauit, atque eo minus ipsum destituere potui, memor curae, quam, parente auctore, suscepi. Nec minus vidua mater eum fidei meae credidit, totumque litteris consecrandum duxit, ne vltima patris verba non reuereri forte videretur. Non deerant, qui inuitarent ad genus vitae quae-

stuosum, mercaturamque offerrent, sed ei ratio bene sapienterque viuendi prae arte ditescendi placebat, vincebatque, vt in sententia perstaret, non repugnante filio, cuius vtilitas agebatur. Ego quidem temporum difficultates non ignoro, et subinde aestimo studiorum nervos, et cupio, me seiunctum esse a molestiis, quarum pars redundat, ad Patronos, quos fratris nomine interpello. Tota vero huius rei ratio in te posita erit, capiamque ex euentu consilium, propterea, quod circumspicienda sunt fortunae adiumenta, si quidem volo, vt ad solidam eruditionem contendat, et meas res copiasque, et libros codicesque omnes in posterum nanciscatur. Erit ille memor patrocinii, et assecutus, quod sperat, beneficium in animo infixum seruabit, et in tuo nomine colendo pariter mecum certabit, neque in parte referendae gratiae cuiquam concedet, et pietate, plurimos etiam clientes tuos, superabit. Ita bene agas, et nutu consilioque diuino sospes agas, firmusque sis contra inuidiam temporum, atque omnes saeculi calamitates, quae te nunquam tangant, multo minus obruant, vt in ore famae omnium posterorum tua benignitas versetur, VII, Cal. April. A. clō Io CXXCIII.

CXLIX.

OTTONI MENCKENIO,

Prof. Publ. Lips.

QVem mihi grauitèr commendasti patruelem, eum libenter admitto, et eius parenti talem filium impense gratulor, qui cum dotibus ingenii, tum elegantia morum iam pridem effecit, ut digne abs te laudari posset. De pretio facile, licet, inter nos conueniamus, modo sciam, in quo doctrinae genere opera mea requiratur, temporisque spatium labori deinceps suscipiendo constituatur. De me, si quid possum, polliceor humaniores litteras, historiam civilem et Grotianam belli pacisque philosophiam. Hinc transituro expedit audire veram solidamque iuris prudentiam, quam, mea sententia, auspicabitur duce Hebero, qui multum diligenterque in arte sua elaborat, et quod caput rei est, facilitate docendi magnopere se commendat. Quod reliquum est, iussa Maecenatis exspecto, et nihil recuso, quod eiusmodi sit, ut de eius tam magnae spei filio bene mereri quaeam. Domus, quam conduxì, ipsi patet, eligat, quod libet, hypocaustum. De coniectu nihil possum ego constituere, nisi quod eum suadeo, ad quem propiori itinere veniat, ne cum viae molestiis, praesertim hiberno

Q5

tem-

tempore, conflictetur. Vtunque sit, assentior et pareo, voloque, vt Patrono de obseruantia curaue, meo nomine, spondeas, et obsequium cultumque diligenter confirmes. Prid. Cal. April. A. clō lōCXXCIII.

CL.

THEODOSIO LEHMANNŌ,

IC. et Consiliar. Merseb.

OMnes, quos ego quidem nouerim, imprimis tibi dant laudi, quod litteratos benigne accipias, honoribusque augeas, ac nullum erga eos officium praetermittas. Cuius tam propensae voluntatis saepe interpretes fuit Clarissimus Stolbergius, et perinde mihi confirmauit humanissimus Blechschmidius, cum a me peteret dissertationes, quas aliquo in pretio haberi, valde laetor gaudeoque. Nunc paulum me ab historia contineo, et in Henrici Frisii laudatione elaboro, quam simulac effectam reddidi, curabo vt ad te perferatur. Vnum quaeso concedas mihi vt Buchnerus, Augusti nostratis filius, tuo praesidio muniatur, in causa difficili et ardua, ex qua tota eius spes vitae fortunarumque pendet. Ego pari studio et obseruantia te venerabor et colam, Deumque orabo, vt te quam diu-

diutissime sospitem, florentemque seruet.
III. Id. Apr. A. clō lōCXXCIII.

CLI.

PATRONO CVIDAM.

SEptem abhinc diebus litterae tuae prae-
senti mihi redditae sunt, quod scribere
debeo, ut intelligas, quid causae fuerit,
quod non statim responderim, rationesque
consilii mei significarim. De conuictu
Ziegleri habeas, ad eum patere aditum, si
quidem singulis hebdomadibus triginta as-
ses Saxonici persoluantur. Stolbergii qua-
tuor et viginti assibus, nec pluribus mensa
praefecti quaesturae, Hahnii, constat. Igi-
tur pro arbitratu statuat per illustris Maece-
nas, et quid factum velit, renunciari mihi
iubeat, ut omnia apte ac tempestive curen-
tur. Illud autem consilium valde probo,
quod Graecis quoque litteris operam naua-
bit ille tantae expectationis patruelis tuus,
in quo doctrinae genere Stolbergius nihil
in se desiderari patietur, nec ego commit-
tam, ut huius instituti utilitatem in imitan-
dis Latinis concionibus pari fide, atque dili-
gentia, ostendam. Prid. Cal. Maias, A. clō
lōCXXCIII,

CLII.

IOSIAE A. VELTHEM

Equiti Saxonico.

CONfido summae tuae beneuolentiae, nec erubescō scribere amici causa, quem valde diligo, et, quoad possum, magnopere commendo. Non, quia id mihi fumo, vt, vllō meo merito hanc gratiam inire me posse, existimen, sed, quoniam honesti iuuenis gratia hoc officium suscipio, qui tuum sane clientem se profitetur. Is est Transdorffius, ciuis Academiae nostratis, iam pridem mihi cognitus, et doctus idem modestusque homo, ac, suafore Dassouio, et studiorum sapientiae moderatore, insignibus Magistri auctus. Petit autem, quantis potest, precibus abs tua liberalitate, vt stipendium sibi decernatur, quod maiores tui munimentum suae pietatis et munificentiae esse voluerunt. Nec minus sperat, fore, vt confectis studiorum rationibus, consilio beneficioque tuo honestum aliquod munus capiat, sacerdotiumque consequatur. Totum eius studium in re diuina positum est, vt nunc sunt iuuenum ingenia, recta ad metam proficisci volentium, et difficilia tempora sumptusque reputantium, qui, cum subsidia sibi constituta non habent, tum facile, et in ipso etiam doctrinae quasi aditu, deter-

deterrentur. Ipsi Professores, qui in parandis doctrinae instrumentis omnes prope fortunas nostras consumpsimus, id quotidie videmus, nec sine dolore experimur. Saeculum anceps et miserum, distractaque Principum consilia et belli discrimen, metusque ingens, erectos animos ferme deprimunt atque confundunt. Quare comitas tua mihi spem fiduciamque facit, ut audacior sim, et pro affine studium iuris ingressuro, experiri cupiam, reuerenterque petam, ut tuo quoque auspicio tanti, tamque insignis, beneficii compos fiat. Simul atque hoc intellexero, in aere et clientibus tuis erit, et Academiae Iuliae, quam semper colui, ciuem dabit, si quidem tua sententia fuerit, ut ad capiendum ampliorem animi cultum eo discedat. Nullus dubito, quin Illustris Tua Generositas temporum calamitati, et hominis amori, et meae etiam in summum nomen tuum obseruantiae, concedat, aut saltem audaciae meae, quam necessitas exprimit, ignoscat. Ego pietate, et obsequii religione affinis, eniti studebimus, ut intelligas, nos non ore solum, sed etiam publicis monumentis, hoc tale, si assequamur, patrocinium benignitatemque esse celebraturos. Ita Deus aeternus perillustrem tuam familiam sobolemque

que inclutam et necessitudines egregias feruet. Cal. Maiis A. clb Io CXXCIII.

CLIII.

IO. GEORGIO GRAEVIO.

Litteris tuis valde confirmatus sum, non improbari tibi desiderium, quo teneor, ut per epistolam ratio officii et observantiae tuo praecipue nomini reddatur. Reputo saepe comitatem, nec animo excidunt merita, quibus ornasti rempublicam, quatenus litteratorum ambitu continetur. Iam Nicolai Heinsii panegyricum abs te expeto, et, nisi iniquus sum, plane exspecto, ut summi viri doctrina laudesque per te illustrentur magis atque explendescant. Ego, quantum surripere occupationibus possum, tantum confero ad Henricum Frisium digne ornandum. De Philostrato scias, eius mihi copiam esse factam, cuius omnia mihi placent, et ratio dicendi elegans, et character sophistam decens, nitidusque. Codices manu exaratos quaero, quibus tu abundas, et librorum bonitate cum omnibus aevi doctissimis facile certas. Neque tibi inuideo sane gloriam, cupioque extare plura ingenii tui monimenta, atque in spem venio, fore, ut tandem aliquando inter nos colloquamur. Hic belli Turcici, et, quod magis curam patriae intendit, Gallici, ex-
spe-

spectatione omnium animi suspensi sunt, Principumque consilia tantum ad arma et aerarium spectant. Lipsienses tamen nostri perquam seduli sunt, et non inutilem laborem sumunt, multosque ad notitiam librorum excitant et instruunt, ac de mediocriter doctis optime merentur. Modeste iudiciis parcant, et varios atque externos scriptores conquirunt, et faciunt, ut nostra iuuentus ab altercationibus Theologorum ad solidam eruditionem reuocetur. Non dissentio et probo conatus, optoque, ut, distractis bello regibus, litteratis inter se conveniat, quoniam, ut ille ait, nullum est regnum sine regno litterarum. Ita valere te volo, et florere familiam, semperque belle habere. Non. Maii A. clc lo CXXCIII.

CLIV.

ADAMO CHRISTOPH. IACOBI,

IC. Dresd.

Non libenter scribo, quae tibi displicent molestaque sunt, nec tamen recusare possum, quin amicorum preces ad te perferam, eorumque causam modeste tuendam suscipiam, nec minus aliis commendatam esse velim. Habeo quidem ipse, quod agam, nec scio fatis, quemadmodum propinquo studium iuris ingressuro, consulam, dum prospicio sumptus in doctrinam,

nam, tam amplam, tamque insignem, facien-
dos, quorum ratio in eo posita est, ut publi-
co beneficio ornetur, aut cito desistat in-
cepto, cuius exitus difficilis est ac longus.
Qui magnam abs te iniret gratiam, si auctor
esses, ut tandem cooptaretur in societatem
alumnorum fruuentium, aut stipendium ob-
tineret iuridicum, quale, opinor, breui hic
vacabit. Alioqui consilium cepi, eum able-
gandi ad Iuliam, ubi spes mihi facta est poti-
undi stipendii, et, si eo se conferat, non diffi-
culter impetrandi. Princeps eius volun-
tatem in iuuanda eius studia perbenigne mi-
hi significauit, sed volo, eligat domum suis
opibus validam, et plerosque maiorum me-
orum complexam, nec a nostra familia alie-
norem. Quare, si mea petitio forsan irrita
fuerit, pro indigena, Io. Theodoreto Flies-
bachio, apud te intercedere visum est, cum
quo iam diu amicitiam contraxi. Iuuenis
est modestus ac sedulus, et vita studiisque
consentiens, qui in examine sapientum be-
ne stetit, sineque nota hic ciuem egit. Da-
bis hoc mihi, et bene mereberis de homine
optimo, ac secundum Deum omne fortu-
nae honorisque praesidium in tua summa
auctoritate ponenti. Faciam ego, et me-
cum Fliesbachius, vterque cliens tuus, ut ex
rerum tuarum successibus intelligas, vota
et voluntates nostras in supplicationibus,
pro

pro vita et omni felicitate tua faciendis,
sincere ac serio conspirasse. XIV. Cal. Iun.
A. clō bCXXCIII,

CLV.

SALOMONI FRIDERICO LINCKIO, IC.

Consiliar. Saxon.

Saepe mihi gratulatus sum, quod filium
tuum iussu tuo ornandum suscepi, in quo
omnia mihi probantur et placent, et doctrina
pariter atque vita consentiunt, ingeniumque
et mores, arcto et indissolubili quodam
foedere, conspirant. Tantum de valetudine
eius angor, quae interdum vigori ipsius
non respondet, ac infirma est, et forsitan
nimis laboribus frangitur, quorum modum
habere in posterum debet. Plus ab eo
expectat patria; quam ut vires tam repente
consumat, credoque, per te stare, quominus
tam acri contentione pergat. Dandum
est animis aliquid, ut magis excitati
surgant, corporeque non affecto utantur,
quod, temperando industriam, obtinebunt.
Auctor itaque et suavor sum, paternam
auctoritatem interponas, et moderandi
laboris rationem filio tuo praescribas. Alioquin
in omnibus eius vitae partibus acquiesco,
et probo conatum ad summa nitentis,
qui elegantes quoque litteras et ornamenta
varia ad iuris prudentiam affert, ac spon-

R

det.

det reip. virum idoneum et integrum, se-
iungitque se ab eruditorum vulgo, et com-
parat instrumenta, quae in luce versaturo
expediant atque conducant. Habenda
enim est ratio talium ingeniorum cum pri-
mis, quae spem nostram ex aſſe aequant,
tantumque non vincunt, et ſingulari erudi-
ditione ſe ab aliis diſtinguunt, nec mutan-
tur in peſtes ac degenerant, ſed vnam, eam-
que non confragoſam viam tenent, atque
in hoc inſtituto laudis pleniffimo perfeue-
rant. Inter hos praecipuo numero eſt fili-
us tuus, et, verbis meis commendari, recu-
ſat, dum rebus factiſque praestat vl-
tro, quod multi ſaepe commoniti non
ſolent. Nihil do auribus tuis, Patrone,
Deumque veneror, vt ſub eius tutela in di-
es nouis acceſſionibus haec filii tui ſtudia
augeantur, et tua quoque conſilia, ac o-
mnes nobiliſſimae familiae rationes, perpe-
tuo fortunentur. XII. Calend. Junii A. clō
lōCXXCIII.

CLVI.

IOANNI GEORGIO GRAEVIO,

PRomiſſi nuper panegyrici exemplum
mitto, petoque, beneuole accipias, at-
que exiſtumes, non experiendi ingenii, ſed
teſtandae pietatis meae cauſa, ſcriptum fu-
iſſe. Nam praeter voluntatem meam acci-
dit,

dit, quod rhetori nostro haud datum id negotium sit, qui expedite praestat has operas, et opinione celerius absoluit, tarditatemque in vitio ponit. Sed, qui meus animus est, moram saepe interpono etiam non arduis negotiis, et lente ago has partes, quas saepe inuito mihi imponi patior, ut tot, tamque repetitis obsecrationibus causam occasionemque praecidam. Forte etiam pietatis laudem habet conatus, qui eo pertinet, ut non viri modo, sed etiam mortui, in primis bene meriti, atque in litteratos propensi, ultimis sane officiis colantur. Nam, ut mea opinio est, in Henrico Frisio doctissimum totius patriae senatorem amisimus, et fateor ego libens, me permulta ab eo didicisse in omni humanitatis genere, et variis reconditisque doctrinis. In prosae latinae cultu, ciuilique elegantia, et omnium saeculorum antiquitate, nemini impar, et adamussim expolitus erat, ac te ipsum eo loco habebat, ut, nisi verecundiae tuae memor essem, litteris adscriberem tuis. Sed nihil auribus tuis dabo, neque teste opus est, ubi rerum testimonia epistolaeque supersunt, quibus multas atque eximias tibi defert laudes. Albertus quoque, Doctor Lipsiensis, sed aequae, ac ego, ab Henrico Frisio iuniori interpellatus, cupidus sane fuit ipsius ornandi. Stilum exercet, et amoenitate

non parum delectat, cuius laudationis nondum mihi facta est copia, nec dubito, quin Lipsia ad te perferatur, si finem exitumque habitura sit, pro eo, ac spero. Per me licet, diligentiae nostrae existimator sis, ac me eorum numero esse sinas, qui te amant pariter, et colunt. Io. Conradus Cnauthius, patria Misnicus, et historiae Saxonicae non languidus cultor, ad vos transibit, atque inde in Angliam traiciet, qui aliquot hebdomadas hic exegit, nec prius abire voluit, quin pignus meae suaeque obseruantiae simul afferret. Eum tibi commendo, ob necessitudines et studii dignitatem, ut reuersus in aula gloriari possit, tua humanitate et doctrina plurimum se profecisse, et varios eruditosque scriptores, quos percontatur, cognouisse. Ita Deus te seruet, et nobilissimam familiam fortunet. Vitemb. apud Sax. X. Cal. Iun.. A. clō IoCXXCIII.

CLVII.

EDOARDO BERNHARDI,

Profess. Oxoniensi.

Semel iterumque amicos in Angliam profectos monui, irent Oxonium, industriamque tuam in curando Iosepho accenderent, nec minus studium, obseruantiamque meam tibi confirmarent. Crede, mihi, multum debituos tibi esse Germanos, si facias,

cias, vt maturetur. Expectat abs te saeculum luculentam sane hanc operam, et pollicetur magnum antiquitatæ ornamentum, nec dubitat, quin de communi eruditione et vniuersa litteratorum societate bene merearis. Parcas tamen valetudini, ne corpus, in quo residet diuinus ille animus, laborum taediis morbisque affligatur. Vtinam vero tam felici esse mihi liceret, vt vel te coram, vel expressam ingenii tui imaginem, videre possem. Sed vacationem a Principe non ausim petere, ne clementia eius abuti videar, multo minus coniectura assequor, quando operis tui finis, quem votis poscimus, sit futurus. Fellus Cyprianum emisit, aeuumque hoc sibi deuinxit et accuratissima pariter, castigatissimaque, editione se commendauit, cuius Lactantium, nisi fallor, etiam videbit nostra aetas, gratiasque auctori persoluet. Ego iam nihil fere habeo, praeter exemplum panegyrici, quem Illustrissimo *Baroni* Frisio iussu publico dixi, cuius lator Ioannes Conradus Cnauthius, patria Misnicus, hanc a te gratiam, me intercessore, inibit, vt et eruditos tuos sermones audiat, et exquisitos libros videat ac percontetur. Fauent conatui iuuenis plerique et egregii aulae Saxonicae Proceres, qui cupiunt, vt in patria, et in nostrati antiquitate, collectis hinc inde subsidiis vi-

res aliquando experiatur. Ita vero Deus res consiliaque tua fortunet, et te nobis rei-que publicae eruditorum seruet. Vitemb. Sax. VI, Cal. Iunius A. clō IoCXXCIII.

CLVIII.

IACOBO GRONOVIO.

Polyhistori Eximio.

ET si nondum inter nos ea est notitia, quae ad contrahendam amicitiam valet, tamen audaciae, aut potius meo in te studio, concedes, ut litterae breues, et ab amico, ad vos transeunte, prope inuito mihi expressae, ad te perferantur. Nam et amo te, iuxtaque aestimo, ob doctrinam et opes ingenii non vulgares, et vereor, ne, si intempestive scribam, rationes tuas, in litterarum dignitate positas, conturbem. Cepi tamen, aut quodammodo collegi animum, a Ioanne Conrado Cnauthio submonitus, qui, me sponse, obseruantiae abs te hanc ini-re vult gratiam, ut sermonem sententiam-que tuam de vno atque altero historiae argumento audiat, atque vel ex eo insignem laudis materiam quaerat. Facies, opinor, iuueni, mihi, et quibusdam aulae Proceribus charo amatoque, hanc tui conuenien-di potestatem, et humanitate incitabis diligenti-
am eius singularem. Nolui autem va-
cuum venire in tuum conspectum, sed arbi-
turo

turo panegyrici, Illustrissimo, Frisio dicti, exemplum tradidi, quod cum dissertatione, a me habita, reddet, et, quo in te sim animo, commemorabit. Monumenta ingenii tui et reconditae Graecorum litterae, et tot gloriae tuae pignora, in meis et eruditorum manibus versantur, et paternam abs te famam non modo aequari, sed etiam superari, plus satis confirmant. Quaeso te, si non grauaris rescribere, studiumque hac benevolentia accendere, Cnauthium diligas, qui me hac dulcedine permulceat, et saltem lineolas aliquot si litteras exspectare non auisim, velut in Saxoniam comites, ferat. Ita te Deus Bataviae, litteris, aevo nostro, feruet, et sospitem florentemque praestet. Vitemb. Sax. Cal. Iun. A. clō IōCXXCIII.

CLIX.

ISAACO VOSSIO,

*Praefuli Vindsoriensi, et Polyhistori
Celeberrimo.*

SVperiori anno obseruantiam tibi meam professus sum, de qua nihil detractum esse volo, neque dubito; quin me et vix mediocria studia veteri nec immutata benevolentia complectaris. Etenim doctrinae regnum tenes, et apte prudenterque moderaris, saeculumque ornas et de omni sapientia egregie mereris. Multa de Nilo re-

condita quidem vni tibi debemus, et iudicium industriamque omnibus numeris perfectam certatim ac merito admiramur. Musset vulgus, et more suo inuideat, ringatur et saeuat, non mouebit tamen, vt non optime nobis tecum conueniat, cuius merita in omni genere maxima sunt, passimque doctissimorum sermonibus et litteris celebrantur. Ego sane, pro meo in te incredibili studio, nihil committam, nihil fieri patiar, quod famae tuae fraudi sit, atque auctoritati tuae non respondeat. In quam sententiam panegyricus, Illustrissimo Henrico Frisio dictus, tibi se commendat, et a tuo patrisque tui doctissimi nomine laudem doctrinae mutuatur, vt Saxonia intelligat, quo loco numeroque is haberi debeat, quem Vossiorum par amauit. Ingenue fateor, Henricum, dum viueret, saepe de te, et honorifice, vt par erat, ac suauiter, vt sine exemplo solebat, locutum fuisse. Nec animo excidet, et me auctore, neque, vt opinor, te repugnante, in Saxonis aulam perlatum, omnis profecto cultus humanitatisque plenum verbum, cum mihi, Vindsorium profecto, diceres, magnum patriae meae virum esse mortuum, qui sermo ad Henricum spectabat, et monumentis Saxonum mandabitur, et in animis hominum vigebit. Plura tibi de nostris, et statu aulae, et ap-

apparatu belli, et de studiorum rationibus doctrinisque nostris, narrabit Ioannes Conradus Cnauthius, iuuenis modestus, et patria Misnicus, quem plerique aulae nostrae Proceres tuendum susceperunt. Gestit venire in tuum conspectum, et sermonem doctrinamque vel semel audire, ut vel una hac re deinceps gloriari queat. Is, quanto potest, studio conquirat scriptores medii aevi, et trahitur voluptate historiae gentis Misnensium, et Saxonum ac modeste reuerenterque has partes agit. Alioquin fines nostri cum magno bellorum periculo coniuncti sunt, Luneburgici Germanos animos, et Germanam fidem iuxta, atque herus meus, Saxo, tuentur. Caesar in foedere Polonorum, et connubio Boioariae reguli, magnum labentis potentiae praesidium ponit. Fulmen belli, Sobieskium, Turcae formidant, et cladis, apud Chocimum acceptae, non sine perturbatione recordantur. Argentorati iactura totius Germaniae odium conflavit Gallorum Regi, et plerosque, nihil aufuros, excitauit ad arma, foedusque parandum. Libera gens, et iugi non patiens, vix domesticos Reges fert, multo minus, externo arbitrio se regi, patietur. Ut in conuentu Francofurtensi ad Moenum res acta fuerit, te non fugiet: admissus mea opinione error est, quod

Galli putarent, intercepto Argentorato fractos perculsosque Germanos statim ad nutum Galliae se inclinaturos, et iure in Argentoratum cessuros. Sed aliud euentus docuit, et obfirmatos Principum animos satis superque ostendit. Habet versatque saxum diu Austria, et lenta consilia instruit, vt fortius quasi in neruum erumpant. Plura non audeo, neque opus est, cum tibi in luce aulae versanti nihil possit esse obscurum. Mirantur tamen Principes nostri, quid sit, quod Augustissimus Carolus vester, interposita auctoritate, tot tantisque funestis Europae dissidiis causam non praecidat, et aequabilem Regum potentiam reddat, quasque pondere exacto libret. Indulge libertati, vir summe, et in patriam amor. De cetero non odi Gallos, et elegantiam ingeniorum aestimo, sed Petauios Valesiosque desidero, *Abbati* autem doctissimo, Emerico Bigotio, plurimum tribuo, et inter Gallos in eruditione Graeca principatum. Nostrates in recensendis libris operam ponunt, sed ex praefationibus et summariis pleraque elogia decerpunt, ceterum non attingunt, et mediocriter doctis prodesse volunt. De Simonis historia critica, et aliis, saepe non dextre iudicant, neminem tamen offendere cupiunt, atque in conatu acquiescunt, ignaros autem plerosque et inertes ad librorum notitiam exemplo suo incitant, et libros argu-

gumenti! grauis a proletariis interdum non separant, neque delectum habent, sed omnino de Saxonia et Germania, litibus Theologorum alioquin obnoxiiis, forique studio nimium deditis, et nunc in arma ruentibus, bene merentur. Multa tacitus praetereo, quae tu vel coniectura assequeris, vel, me non monente, perspecta habes. Ita te Deus feruet et vires firmet, et consilia fortunet. Vitemb. Sax. Cal. Iun. A. clo lo CXXCIII.

CLX.

N. PRAGESTO,

Societ. Regiae Angl. Socio.

TRaiecit, meo consilio, in Angliam Iohannes Conradus Cnauthius, Misnicus, qui tuam sibi spondet amicitiam, et sperat, aditum patere ad doctissimos quosque Londini Viros. Simul affert tibi panegyricum, quem Illustrissimo Henrico Frisio dixi. Quaeso, eum beneuole accipias, et honori meo faueas, et librum Seldeni, et, si quid aliud in promptu habes, non grauato mihi transmittas, et, constituta pretii ratione, Cnauthio tradas. Vicissim, quam possum, tibi nauabo operam nullumque tua causa officium negligam, sed immo totum me tuae et Anglorum laudi dabo, neque in te amando, neque in his colendis, vlli hominum, saltem eruditorum et merita aestimantium,

con-

concedam. Vale, et partes membraque societatis nomine meo reuerenter et prolixè saluta. Vitemb. Saxon. III. Cal. Iun. A. clo lo CXXCIII.

CLXI.

THEODORO HAAKIO,

Societ. Reg. Angl. Socio.

Industria tua, in excipiendis atque ornandis exteris, passim nota celebrataque est, atque spem mihi non ambiguum facit, et alios crebro inuitat, meque iam admonet, vt Ioannem Conradum Cnauthium maximopere tibi commendem. Iuueuis est recti animi, et proceribus plerisque aulae carus, et, nisi fallor, Principis Saxonis bibliothecae imponendus. Schedulas illas, fac, vt accipiat, quae ad linguae Graecae, velut per coloniam ex Anglia transmissae, dignitatem spectabant, et liberaliter abs te, cum Londini essem, communicabantur. Multum mihi in eius antiquitatis parte situm est, et laudi nationis ducitur, et in tempore ac loco a me commemorabitur, si, altera vice rogatus, tandem ipse copiam facias, et me tibi sic maxime etiam obstringas. De meo in te animo, de studio et obseruantia in eruditissimos Anglos, Pragestus, Ludolphus iunior, ciues Academiae, et litterati omnes, quibuscum mihi consuetudo est, affirmabunt
ac

ac testabuntur. Vnum id, atque inter vota mea potissimum est, vt omnibus fortunae beneficiis, et doctrinae ornamentis quoque deinceps in Anglia, fortunatorum sane insula, abundetis, et artes machinasque Pontificiorum satellitum, fide et officiis inter nos coniuncti, superetis. Boylaci mors non Angliae modo, sed etiam Saxoniae, immo litterato orbi, luctuosa fuit. Bechererus, vt audio, decessit tempestiue, et vel sic vt-cunque famae suae consuluit, qui multos Germaniae Principes spe delusit, alios promissis inanibus exhaustit, solos autem, opinor, Anglos decipere non potuit, et virtutes malis artibus sane mixtas habuit, et persaepe ex fulgore fumum dedit. Sed mortuo quietem, ne manes irritentur. Ad extremum, tibi laeta, prosperaque omnia esse, cupio, vires praecipue integras, valetudinemque firmam precor. Crounium, Galeum, Detl. Cluuerum, Cl. viros, reuerenter saluta, quorum saluti plurimum libo, et praedico humanitatem. Hookius, Celeberrimus Mathematicus, semper, vtinam, floreat, ac de saeculo bene mereatur. Praestantissimus Lipsiae medicus Etmullerus, linguae vestrae, et librorum apud vos editorum, insigniter peritus, decessit, quem viri docti multo dolore prosequuntur. Heidelbergae nihil dum accepi. In te solo posita est ratio con-

sequendi eius, quod peto. Vale, et inusitata comitate de me et aduena Cnauthio merere. Cal. Iun. A. clb lb CXXCIII.

CLXII.

OTTONI MENCKENIO,

P. P. Lips.

IN reddendis hucusque litteris tardior fui, non mea, sed Pragesti, culpa, cuius responsionem auide exspecto. Bis scripsi in Angliam, sed nihildum ab eo accepi. Certiora mihi spondet Cnauthius, qui paucis ab hinc diebus secundo Albi Hamburgum, atque hinc in Angliam, me consilii auctore, nauigabit. Si quid eius liberalitate consequar, faciam, ut te non fugiat, pro nostra officiorum necessitudine, quae studiorum similitudine, animorumque consensu, alitur et fouetur. Memor etiam crebro tuae benignitatis sum, et supputet me conditionis aut fortunae potius, iniquioris, quod nihil habuerim, unde intelligeres, me referendae gratiae cupidum esse. Accipe tandem panegyricum, Illustrissimo Frisio sacrum, in quo si quid infra tuam expectationem reperiās, veniam auctori dabis, qui studium conatumque, aut certe pietatem uam, probare voluit, cum sua meritorum gloria Frisius ab interitu vindicetur, repetamque animo voces externorum hominum, qui,

qui, audita eius morte, dicebant, magnum patriae nostrae virum fuisse extinctum. Me sane ut clientem semper complexus est, nec unquam cogitarem de sede in Saxonia figenda, nisi tanti Senatoris praesidio fultus fuisset. Didici ab eo multa, quae ab alio nullo audiui, et in elegantia litterarum omnes nos, etiam professores, vicit. Neque id negavit Isaacus Vossius, et summo iudicio gravitateque de illius profunda et interiori eruditione commemoravit. De ceteris parum, aut ita modice, ut uni Henrico omnem doctrinae principatum tribuere videretur. Non alia fuit sententia Conringii, quem unum iste aestimabat potissimum VindSORII Praeful, atque haec de ipso opinio litteris sermonibusque celebrata est, ut iam vel carendo intelligamus, qualem habuerimus virum, id est, eruditione, moris elegantia, consiliis, industria, iudicio, prudentia maximum, suisque adeo meritis immortalem. Sed eo me pietas abripuit, ut fere epistolae modum excedam, quod aequo feres animo qui videas, quam ubique partes meae pietatis tueri velim. Tu vero hoc praeconis laudum munere defungi potes melius, iamque id egregie, suaviterque et argute, praestitit Albertius. Vale, et res tuas feliciter age, et societatem meritis orna, et valetudinem quoque tuam, de qua
nu-

nuper aduersi aliquid allatum est, diligenter cura. VI. Eid. Iun. A. clō lōCXXCIII.

CLXIII.

AMICO CVIDAM.

ALios rumor, alios odium, in eam mentem impulit, vt Diuo Iustiniano obtreclarent, et, licentia saeculi, temporumque iniuria, nimis sane multum sibi iudulgerent. Facundus, *Episcopus* Hermianensis, quem Sirmondus edidit, in pietate Imperatoris nihil desiderat, et doctrinae ac definitionibus Concilii Chalcedonensis per omnia capita applausisse, grauis auctor, et incerta Nicetii interpretatione melior est, neque sibi constat, qui Patres VI. Synodi Imp. aequales falsi accusare audet. Fuit Nicetius apud Treuiros constitutus, et ab iis seductus, qui tria capitula propugnarunt, pro animo in Iustinianum iniquo, cuius multa indicia profecto nimis luculenta extant. Versio inepta, et contra illius saeculi stilum, prodit riuulos impuros, etsi de sententia Nicetii non dubito, fuisse a nostrate alienam. Chronici Alexandrini sequioris, et ex multis laciniis a Graeculo contexti, nulla fides est, cum non possit te fugere, quanta sit Synodici et publici testimonii auctoritas, quae vel sola in lucem honoremque vindicat Iustinianum. De Maruana haud falleris, quod

quod post aetatem mediam a sordidis circumcellionibus, in re per sacros institores exercita, adhiberi coepit, atque eam ob causam in glossariis omitti solet. Plura non addo, et de Meisneri, in collegium adscriptorum cooptati, benigniore fortuna te per occasionem commoneo, tibi proxima spes iterum data confirmataque est. Heroldus prouinciam Rectoris Reualiensis cepit, nec honorem deinceps prensat. Fuit sententiarum diuortium, et, me tandem annitente, negotium est confectum. Tu, quæso, nihil secius spera, et summe reuerendum Patrem, quo decet cultu, saluta, quem e discrimine morbi ereptum, gratulor, et diu florere, et ad nos etiam venire, opto. d. XIV. Cal. Quint., A, clæ
 1639. III.

CLXIV.

IOANNI FRIDERICO HEKELIO.

Scholæ Reichensbacensis Rector.

MUltum apud me valet amicitia tua, et recordatio consuetudinis tuæ mihi longe iucundissima est, nec abnuo litterarum commercium, si tuæ rationes id ferant, occasionesque non desint. Nuptiis tuis tacite precatus sum quæuis prospera, cum per consulatus Academici occupationes non liceret aliquid extundere, quod te

S

di-

doctrinam testari, possit. Sanctitate animi, industria, officiisque honestis, cum optimo quoque certauit, tempusque care habuit, ac bene vtiliterque collocauit. Nunc, al-
laturus vigiliarum fructus, tota spes in vobis posita est, vt quem ei aperuistis aditum, deinceps ne intercludatis, clientemque hunc vestrum omni beneuolentiae genere, tuendum suscipiatis. Saepe quidem, dum laudamus, falli possumus, sed de Valtero promitto sponsorque sumeum et muneri et fidei satisfacturum. Non difficilis, non rixosus est, sed quod plerique negligunt, eruditionem elegantia vitae, et moribus praecipue pulchris, cohonestauit. Recte enim existimat, litteras humaniores disciplinasque liberales expolire simul et mitigare animum, et firmum tranquillumque praestare. Longe aliter, quam vulgus, statuit, et, errore deceptum, credit, sufficere studiis, si tantum in acumine exercendo, et inutilibus contro-
uersiis defigantur. Diuersa et melior mens est Valtero, quem similitudine morum, et societate studiorum, et, quod caput est, laudabili pietatis aemulatione, coniunctum sibi habuit reuerendus Bandecouius vester, cuius vitae virtutumque recordatio omnibus iucunda est, laudesque in animis nostris vigent. Mihi vero, Patres Amplissimi, causam optimi iuuenis agenti, id date, vt

stro patrocinio defendatur et floreat, incitatusque hac beneuolentia, tanto alacrius de spe vrbis vestrae, de flore familiarum, mereatur. Deus tandem aeternus omnia vestra consilia, sub auspiciis et tutela magni Brandenburgensium Principis *Electoris*, benigne prouehat atque moderetur. Non. Sextil. A. clō lōCXXCIII.

CLXVI.

ANTONIO MAGLIABECHIO.

Magni Etruriae Ducis Consiliario et Praefecto.

NON possum satis aestimare eximiam in me beneuolentiam, et singularem pariter liberalitatem tuam, cuius ego saepe fructus capio, et quamuis magno locorum interuallo disiunctus, effigiem ingenii atque iudicii clarissimū perspicio, laetorque, te iis et animi et fortunae donis abundare, quibus tota iam Italia illustratur. Nec minus tuum est beneficium, quod doctissimus Cinellus, cuius amicitia mihi magni est, et doctrina a vulgo remotissima, aliquod laudis testimonium mihi tribuere voluerit, summamque adeo humanitatem, quam vires meae non capiunt, testatam fecerit. Gratulor mihi, vobis auctoribus eo me loco esse, quo docti sunt, nec tamen id mihi sumo, vt, aequare iam me posse vestram
exspe-

expectationem, putem. Sed hoc saltem existimabo, vestro tam accurato sententio-
soque scribendi genere me excitari, ut ali-
quid spe vestra dignum moliar, totumque
me ita fingam, ut ad aequissimam gentis ve-
strae voluntatem studia mea conformentur.
Iam diu ante me Ioannes Caselius, Socra-
tici vir iudicii, et de vicina Iulia litterisque
praeclare meritis, idem Victorio et Sigonio,
Clarissimis Viris, debere se, fassus est, quod
vobis omnino debeo, qui, tot tantisque mo-
nimentis, ex caligine Germanica in lucem
Italici coeli me producere voluistis. Non
equidem hanc facultatem consecutus sum,
quam de me expectatis, efficiam tamen, ut,
homini non degeneri, nec ingrato, offici-
um honoremque vos exhibuisse, sentiat.
Praeconia vestra exquisita, neruosa, non
longe petita, elimata, et prorsus Socratico
sale perfusa sunt, quod vel vnum Mabillo-
nii vestri, et vero iudicio incomparabile
opus, apertissime confirmat. Multi nostra-
rum redundant in superuacuis, et non ne-
cessaria afferunt, et, vagantes per abrupta,
lectionis aliquid, iudicii nihil, ostendunt.
Vos paucis multa et solida, reconditaque
omnia, complectimini, et non alienam, sed
viam, cuiusque ingenii speciem redditis, id-
que pari industria et dexteritate praestatis.
Profecto statim frangitis corticem, nucle-

umque expromitis, si quis in eo delitescit, et vno missu omnes opes copiasque exhibetis, inutilemque et fastidii plenum apparatus scito prudenterque vitatis. Verbo dicam, non verbis sed monimentis cuncta ponderatis, et, in quibus summa rerum posita est, statuitis ac pronunciatis. Nihil do auribus vestris, et sine studio, quid sentiam, aperio, iamque vobis panegyricum, Illustrissimo Henrico Frisio, et gentis et societatis vestrae, dum viueret, amantissimo, dictum, inscribo, petoque, non tam mea, quam togati herois, et, si addere licet principis *El. Sax.* causa, cui a seruitio et consilio fuit, aestimandum et recognoscendum libenter suscipiatis. Ego pro gente, pro patria ornamentis vestris, Deo immortalis supplicabo, ut aeterna sint, diuque floreant, nec metu minisque barbarorum, qui Austriae limitem ruperunt, vnquam percellantur, rabiesque et furor, placata Dei ira, desinant, tandemque compescantur. Ita te Stator rerum cum illustri Societate hominum longe eruditissimorum, seruet, atque a saeculi iniuriis defendat. Cal. Septembr. A. clc
lCXXCIII.

CLXVII.

PHILIPPO IACOBO SPENERO.

Doct. Theolog.

Proximis tuis citius respondere volui, sed finitimus Austriae limes metu nos omnes perculit, quod barbari, in eum effusi, igni ferroque saeuierunt, sedem Augustam occupaturi, nisi Dux Lothariensis, paucis ante horis, praesidium viribus validum vrbi immisisset. Res, proditione Serinii tentata, Deo prohibente non successit, nec ambigitur, quin Galli consilia fouerint, quorum consilia in eo posita sunt, vt per exitum Austriae ad Germaniae dominatum grassentur. Conducti sunt Turcae et inuitati, pensionibusque et pecuniis sollicitati, vt vim faciant, Caesaremque distrahant, Gallo interim paces legis dicturo, si nemo resistere possit, turbatis Germaniae rebus. Adhuc Regem pungit, neque id dissimulat, quod Caesar Belgico bello occupatum se distinuisset, vnde suis consiliis remorae, difficultates, et alia ex aliis impedimenta, obiciantur. Periisset, fateor, cum Belgio non Germaniae modo, sed Europae Christianae, libertas. Nunc, rebus ibi instauratis, Hispaniae res vtcunque sustentantur, et Austria sensum se colligit, ac Vienna se strenue defendit. Effeminatus Rex est Ma-

hometes IV. qui sola multitudine non vincet, nec metu minisque robur nostrum franget. Sexaginta millia Turcarum in acie stare possunt, ceteri imbelles, turba potius, quam exercitus, sunt. Scythae ad populandum apti, non ad pugnandum. Praetorianorum flos, in obsidione consumptus, admonet, ut de secunda proelii fortuna bene speremus. Ex his aduersis rebus felix patriae initium auguror, si Turcae, clade accepta, pacem fecerint. Bella diuturna sane cum Europaeis non gerunt, nec gerere aequis viribus possunt. Interim robur Brandenburgici integrum est, Luneburgici cum Dano reconciliati, Saxo cum instructo et exercitato milite reuersurus, Boioariae Princeps a Gallo alienior, et libertatis amans. Videt Ludovicus, causae diffidit, pacem iniquis conditionibus, aut *armistitium* paci non dispar, extorquet, et artes Turcicas egregie exercet. In parte *regalium* Pontifici Innocentio XI. crucem figit, et, quod ius Imperatores per foecordiam discordiamque amiserunt, tuetur ac retinet, deinceps fulmina Romae aspernatus. Nostra, quae ad Academiam spectant, incerta, iamque in D. Bebelium rursus aliqui nostratium eriguntur. Quid futurum sit, nescimus, et animo suspensi sollicitique eventum expectamus. Ita vale
cum

cum nobilissima familia tua, et me, vt folles, beneuolentia complectere. Vitembergae Saxonum. Cal. Sept. A. R. & G. clō lō CXXCIII.

CLXVIII.

THEOPH. SPIZELIO,

Theol. et Philol. Augustano.

PEto quantis possum precibus, panegyricum Illustrissimo Frisio dictum, Magliabechio transmittas, operamque et officium pro aequissimo in me animo probes. Faciam, vt prima quauis occasione cum studia, tum obseruantia mea tibi constare possit. Deo immortalī demum supplicabo, vt te coetui fidelium, et reipublicae litterariae quam diutissime seruet. Vitembergae Saxonum. Cal. Sept. A. clō lō CXXCIII.

CLXIX.

IOANNI GEORGIO ORTHIO.

Patricio Francof. ad Moenum.

PRoxime omnes consternati sumus, cum barbari ad oras usque nostras grassarentur. Nunc recipimus sensim animos, & de Viennae defensione bene speramus. Saxo cum exercitu ad Caesarem perrexit, Brandenburgicus moram trahit, iamque id agit, vt Luneburgici cum Dano in gratiam re-

deant, quod Germaniae rationibus conducit, et futurum omnes sperant. Funesta Gallorum consilia sensim perlucet et in fumos abeunt, ac vento meliore dissipantur. Danus, in perniciem armatus, conquiescit, Suedi metu et periculo liberantur, Vngari, a Gallo impulsu, aestuant, Tekelius ultione ardet, pecuniis promissisque incitatus. Turcae furorem effundunt, auctore *Christianissimo*, ad perdendam Austriam inflammati: sed, Vienna servata, omnes Caesaris res tuto loco erunt. Damna, direptiones, incendia, caedes, captiuitasque et seruitus tot innocentium hominum aequo placitoque animo ferenda sunt, quorum poenam expetet in barbaros ultor Deus. Quid cum Patre tuo agatur, qui litis tam diuturnae exitus speretur, quibus adiutoribus eam moueat, urgeat, impellat, scire cupio vehementer. Librarii nostri praeter meam expectationem abierunt, ut nihil temporis fuerit ad panegyricum transmittendum. Eratris eximia fortunataque conditio mihi perplacet, et honorem ipsi amplissimum spondet. Tu, quaeso, effice, ut omnia ex te intelligam, neque prius belle habere possim, quam accurate de his singulis perscribas. Non. Sept. A. clō bCXXCIII.

CLXX.

CLXX.

SACERDOTI CVIDAM.

Magni facio propensam in me voluntatem tuam, quam aperte satis perspexi, quod in causa Dieterichiana nullum mei iuuandi locum praetermiseris, atque, vel hoc argumento, rursus ad obseruantiam gratumque officium me excitaris. Syngrapham bona fide misi, ut cognosceres, me nihil petere, nisi quod mihi debetur. Artes malas, consilium fallendi, avaritiam, procul habeo, tantum repeto, quod omni iure ad me spectat. Non dubito, quin, tua et illustris Senatus auctoritate, homo diu tergiuersans in ordinem redigatur. Aegre quidem adducor, ut duos nummos vnciales de summa remittam, nisi, te soluendi reliquos sponfore, id fiat. Filius tuus breui iterum specimen dabit, cuius in antiquitate et temporum exemplis studium cum laude coniunctum est, nec minus ingenio industria respondet. Spero, dignum fore, qui doceat historiam, si deinceps sic eo conferat operam, ut hucusque solet. Quare optimorum ciuium loco eum habeo, et, te, opinor, non repugnante, hortor, ut in hoc tam egregio proposito persistat. De reliquo temporum conditio melior est, postquam barbari, ab

Au-

Augusta Vrbe reiecti, inclinantis sane Imperii indicium prae buerunt. Ego non diffiteor, Polonis Germanisque, Saxonibus pariter, et Francis vestratibus, victoriae tam insignis fructum ferri acceptum. Metu solutus, de foedere Polonico, quod innocentius XI. conciliauerat, bene speravi, quod feliciter euenit, cum vsu et arte bel-landi contra Turcas vnus ille Ioannes Sobieskius omnes Europae Reges antecedit. Barbari incaute et confuse belli obsidionisque munia obierunt. Saxo noster Mauritium imitatus, non minori animo, quam cura, per aditus Calenbergicos, ab hoste neglectos, contendit, faustumque pugnandi initium fecit. Quae expeditio Gallum, ex occasione consilia captantem, confudit ac perturbauit, vt magis comiter agat cum Germanis, quibus iam leges pacis cum iactura libertatis daturus videbatur. Is auctor et impulsor scelerati belli non vane creditur, poenam ambitionis tandem pari exitu pendat, qui societate consilii Turcas sibi coniunxit. Sed respiciat Deus Vngariam, qua sacra emendata amplectitur, quae libertas mea quidem opinione conuelleretur. In Silesia nostrates affliguntur, non cessantibus *sacrificulis*, vbi *ecclesiae* propagandae occasio se ostendit. V. Non. Oct. A. clo l^cCXXCIII.

CLXXI.

ALBERTO FRIDERICO SYBVRGIO.

IC. et Consuli Magdeburgensi.

Litteras tuas , superioris recordatione
amicitiae iucundissimas, sed non sub-
scriptas , indicio sigilli facile agnoui et
recte accepi. Commendatus ille iuuenis
nondum me adiit , cuius gratia nullum,
quod a me quidem exspectari potest, offici-
um recusabo. Neque animo excidit,
quod in causa aeris alieni , a Hausherio
contracti, auctoritatem, pro eo, ac par erat,
interposuisti. Vellem, id porro meis pre-
cibus dares, vt consilio iussuque tuo ad per-
soluendum, quod eo nomine reliquum est,
moueatur. Ego vicissim honori et utilita-
ti tuae seruiam, et, pro veteri amicitia ac
dignitate tua, partes officii tuebor. Tan-
tum abs te peto, vt memoriae tuae moni-
mentum Rixneri librum , de *torneamentis*
inscriptum, bibliothecae meae inferas, id-
que audaciae humanitate tua fretae conce-
das. Opus iuridicum, vel quod tibi placet
cunque aliud redditurum me polliceor, at-
que huius promissi fide epistolam et ani-
mum honori tuo addictissimum obsigno
confirmoque, Id. Oct. A. clb l^o CXXCIII,
CLXXII,

CLXXII

BENEDICTO KRESSIO,

Quaesturae Misenenfis EL. Praefecto.

SEro quidem, at sine dolo, apocham, manu sigilloque meo firmatam, summa cum grati animi significatione tibi mitto, petoque, ut moram voluntati in me propensissimae condones. Simul atque enim ex filio tuo, morato et bono iuvene, intellexi, nobilissimum Iauchium, capessendi summi honoris causa, ad nos venire constituisse, rem eo usque differendam putavi, ut iste simul interpretres meae erga te observantiae, et non vacuus aliquot pagellarum lator rediret. Munus, fateor, tuae expectationi impar, sed, quod, in aere tuo me esse, testetur. Filius tuus recta consilia sequitur, et studia sapientiae doctrinarumque naviter excolit, et vitam moresque ad praecepta pariter, et honesta exempla, conformat. Alumnus idem Ziegleri, qui meus auditor sedulus, elegantiam litterarum, et artes humanitatis, ac monimenta in omni genere eximia, versat, luxum, aleam, ignaviam, vitat. Quare de eo bene spero, et tibi patriaeque de idoneo filio gratulor, quem praestantissimus ingeniorum existimator, hospes meus, diligit, commendatumque habet. Tantum oro, vene-

venerorque Deum, vt iuxta cum tali et tam rectae indolis gnato, diu superfis, et saluus incolumisque florentem eius olim fortunam, etiam Metello felicior, intuearis. VII. Cal. Nou. A. clō lōCXXCIII.

CLXXIII.

HENRICO IVNIORI L. B. A. FRISEN.

GRatulari, an gratias agere, Illustrissimo Nomini Tuo debeam, incertus sum, sed, dum me colligo, vtrumque fieri, par est, etsi forte serius ago has partes, et, vel reditus proximi tui causa, scio, esse mihi gratulandum. Non filebit posteritas, et patria, vehementer gaudebit illa tua fortitudine, quam Saxoni, Caesareae expeditionis socio, vltro ac praesenti animo in castris aduersus barbaros, atque in primo periculi aditu, solo gloriae auctoramento, et, quod rei caput est, voluntarius miles, demonstraſti. Vulgus quidem togam a belli artibus seiungit, neque capit fastigium, in quod virtute tua prouectus es, temporumque praesentium fortunam statumque reputas, et, bellum paci anteponendum esse, censēs. Fata Graeciae imitabitur Germania, et decus libertatemque, armis partam, cum tristi seruitute tandem commutabit, si, vt Graeciae Principes, arma negligat, et languore fatali, sola pacis
non

non firmæ et iniquæ spe, in exitium incauta ruat. Quam patientiam maiores tui ignauiam interpretati sunt, atque, ex rerum temporumque occasione, pacis bellique studia simul reip. probarunt. Per eorum vestigia incedis, et comitem Principi manu consilioque exhibes, quod nunquam magis, ac nuper in tam dubio anticipique armorum periculo, perspectum est, cum, fide in Saxonem, et amore in Cæsarem, versus Danubium tenderes, atque ad libertatem Christiani orbis tuendam, omnia consilia referres. Quod inceptum, gloriæ immortalis plenum, fortunatus pariter tanti laboris exitus consecutus est, cuius fama vigeat in animis hominum, donec Austriae nomen durabit. Nec vero mihi non perfungendum est munere obsequentis et grati clientis, quem redux magno et inusitato beneficio affecti, ac sane præter meritum ornasti, pudoremque simul, et metum incussisti, quod mea fors non fert, ut gratiæ reddendæ locum mihi promittere aliquando auserim. Quare votis precibusque annitar, ut secunda valetudine et prospero rerum successu gloriam nominis gentisque augeas, et, Diui illius Patris in hereditate laudis successor, solidam ac æternam famam in altissimo reipublicæ gradu serues, et illibatam,

tam, nihil obnitente inuidia, in posteros, felicitate admirabili, semper propages. Cal.
Dec. A. clb l^oCXXCIII.

CLXXIV.

IOANNI VVALTERO,

Senatui Luneburgensi a secretis.

Magno metu liberati sumus, postquam barbari in fugam acti, caputque rerum in Danubii limite, magno cum orbis Christiani gaudio, nuper est defensum. Erigit denuo se gentis nostrae virtus, et successu prospero magis excitatur, quum Principes, non sedendo, sed pugnando, fata Graeciae auerti posse intelligunt, et sese ad resistendum comparant, ac libertatem tuentur. Saxo noster castra sua cum Caesaris coniunxit, atque inter primos ordines dimicauit, specimenque dedit auitae virtutis. Nec minus Guelfi vestrates patriae claustra firmarunt, bellumque ciuile, iam gliscens, velut in initiis suis restinxerunt, Gallorumque foeda et perniciofa consilia, immortalis cum prudentiae fortitudinisque laude, dissiparunt. Non tacebit posteritas, nec mirari desinet hanc animi praesentiam, quam in tot tamque multis et difficilimis patriae rebus, identidem et vltro demonstrarunt. Quare, vt fieri par est, exoptamus, vt benignum Numen porro

T

haec

haec consilia fortunet, gloriamque victri-
cis et Martiae domus asserat, ac maioribus
in dies praesidiis firmet. Quod ad meas ratio-
nes priuatim attinet, nihil perinde cupio,
quam vt tibi studia officiaque honestissima
semper probare possim. Propinquum me-
um tuo deinceps patrocínio traditum com-
mendatumque volo, qui iurisprudentiae se
consecrauit. Ego pro virili illum iuuo, et
Iuliae verstrae eum destino, speroque, fore,
vt, si aliquando ad te veniat, auctoritate tua
efficias, quo vitae moribusque cuiusdam iu-
uenis nobilis praeficiatur. Nam, confectis
studii Academici rationibus, iter in Galli-
am facere, hoc tali muneris auctoramento,
constituit, si quidem occasio apud vos se
daret. Nostri homines plerumque lubrico
aetatis a via aberrant, et illecebras potius
externas, quam virtutem sectantur. Ita
vero te bene agere volo, optoque, vt Iuno-
ne propitia, nouam nuptam felici fortuna-
toque foedere tibi adiungas. Ita, inquam,
bene agere te cupio et belle habere. Non.
Decembr. A. clo l^o CXXCIII.

CLXXV.

IOANNI CNAVTHIO,

Rerum Sacr. Dippelidsvald. Praefecto.

SAepe, nec sine gaudio, consuetudinis
tuae recordor, et iudicio tuo permultum
tribuo,

tribuo, quod in vario doctrinae genere explicatum reddidisti. Nam doctrinae condimentum prudentia est, quam multi negligunt, et affectibus potius, quam vtilitati publicae, seruiunt, ac intempestiuis contentionibus forte etiam gloriam quaerunt. Morbus hic eruditorum est, qui late serpit, et multorum animos incessit, ut omnem in eo laudem ponant, si strenue possint rixari. Longe melius de studiorum dignitate existimat Samuel tuus, et infra se ducit hunc illiberalem morem. Scriptores veteres legit diligenter, et scite imitatur, iamque eo peruenit, ut stilum effingat ad optimam dicendi formam. Aditus illi ad me semper patet, et tempus bene collocat, ac re atque exemplo constantem se praebet. Rationes imitandi selectiores illi et fratri meo tradam, si dies erunt longiores. Iam enim vespertino tempore inter nos colloquimur, et proficimus, mutuoque excitamus. Ioannis Conradi, egregii atque eruditissimi iuuenis, reditum auide exspecto, et valde opto, ut laetus incolumisque ex Britonibus Batauisque reuertatur. Munus tuum insigne, et meritis meis maius, animo meo nunquam excidet, et, quantum familiae tuae debeam, commonebit. De cetero belle valeas, et reipublicae sacrae magna commoda afferas decusque partum in filiis, stirpe sua dignis-

simis, semper conferues. Idib. Dec. A. cl
bCXXCIII.

CLXXVI.

SACERDOTI CVIDAM.

Filius tuus, omni officio a me cultus, iam repetit patriam, et, nisi me coniectura fallit, Academiae nuncium remittit. Malebat quidem cum sodalitate nostra copulari, diutiusque coniungi, sed iussis tuis obniti non potuit, et obsequii pietatem vltro testatam fecit. Vnum quidem abs te petit, vt itineris sibi ad externos faciendi potestatem concedas, quod non dissuadere ausim, si rationes tuae ferant. Nam haud illiberaliter existimat, se vsu et ope peregrinationum doctrinae cumulum facile additurum, quam spem fixam locatamque habet, in Principis vestri gratia, speratque fore, vt suae aetatis ratio habeatur, aut digno certe in loco, qui meritis eius congruat, collocetur. Altera vice egregie instructus praeparatusque hic disputauit. Adfui audiui, et probaui omnia, quae dixit, et in graui antiquitatis argumento expedite decidit, a dubitantibus ex asse, vt antehac, et apte satisfecit. Itaque virtus ipsi praemia decernit, quae fortunata esse ipsi cupio, vt senium tuum honestis eius laboribus in posterum fulciatur. Stemus erecti et firmi, atque Euro-
pae

pac imminentes conuerfiones Deo moderandas mutandasue committamus Sane Principes, dum cauent, ne metuant, efficiunt profecto vt metuantur. Duo Emerici Austriae fatales, confilia de Buda et Belgrado intercipiendo impedita, et effectu ardua, et nisi Veneti in barbaros se arment, vix facultatem habitura. Hispanus, Gallo impar, estimationis tuendae cupidus, bello aperto potius quam pace dubia et probrofa, reliquias Belgii amittere cupit, vt Bataui vel sic a veterno excitentur, qui superiori tempore ingrati erga socios extiterunt. Deus interim optimum Principem vestrum, patriamque, et tuam sigillatim sub tutela laetiori familiam, tueatur. X. Cal. Ian. A. clalCXXCIII.

CLXXVII.

ADAMO CHRISTOPH. IACOBI,

IC. Dresdensi et Consiliario Elect.

SAepe multumque opto, liceat mihi esse tam felici, vt omnes officii numeros absolvere, votique mei fructum capere queam, vt saluum te semper florentemque audiam, et tuis praecipue consiliis respublica fulciatur. Nam pauci sunt, et vix vnus atque alter nominari potest, qui plus ad communem Saxoniae elegantioris vtilitatem afferre valeat, quique tot annos ita se gerat, vt

nulla difficultate a curatione amplissimi muneris sese abstrahi, patiat. Omnes sciunt et sine assentatione summam laudem tibi tribuunt, ac hoc etiam mirantur, quod nihil te retardare consulentem in publicum, multo minus negotiis defessum auocare queat. Multorum sane animi facile languescunt, et labore obtunduntur, sed tuus ille diuinior semper in luce est, et in rerum varietate vires sumit, magisque se erigit, atque ex hoc reficitur, vnde alii remollescunt, et franguntur. Quam animi vim vigoremque perpetuum habeas, et aetate similiter firma valetudineque prospera, quam nulla calamitas inclinet, constantissime vtaris. Temporum aduersa, quae instant, tuo consilio saltem lenientur, minusque tangent studiis deditos, qui sub tutela tua, quasi vmbone quodam, conquiescunt. Nemo non praeuidet rerum Germanicarum ancipitem fortunam, dum, qui cauent, ne metuant, vltro efficiunt, vt metuantur. Omnia lenta, ambigua, et tristibus laetisque mentibus varianda, se offerunt, quae ne grauius noceant, permultum in te positum est, qui vsu rerum, et summa prudentia, ante alios polles, et amore in litteras nemini concedis. Austria quidem frangendi barbarorum dominatus spem facit, Budaeque recuperandae desiderio tenetur, atque, oc-
casio-

casione[m] hanc sibi datam esse, intelligit, si quidem id molitiones Galliae non prohibeant, quae, nisi fatum intercesserit, impro- uisum et ingens periculum Germaniae con- stabunt. At enim non sinet Deus perire patriam, et meliore loco res nostras con- stituet, si Caesari non desint officia Principum, bellique artes valeant, quibus aequae legibus, magna imperia continentur. Itaque dignam aeuo nostro personam sustinet Saxo noster, et, auctoribus consilii optimis, hanc praecipuam regiminis sui curam existimat, ut patriam, fortunaeque ciuium et imperii dignitatem tueatur. Cuius specimen fortitudinis superiori anno datum est, cum, Caesari ad extrema redacto, auxilium ferret, ac diu noctuque in pelli- bus ageret, et inter primas cohortes staret, acriterque pugnaret. Non capit laudes haec pagina, et iam toto orbe peruulgatae sunt, novumque et aeternum decus princi- pi, virtute sua maximo, rependunt. Quem feruet Numen, et res cogitationesque eius fortunet, ac, nihil eorum, quae agit et des- tinat, in deterius mutari patiatur. Illud vero, Patrone Summe, omni cura videas, ut inter negotia ardua, quibus semper distri- ctus es, valetudini tuae parcas, quod magis tibi, quam reipublicae, quae nunc maxime tuis consiliis eget, tribui par est, idque ego

cum primis abs te peto, et iure quodam clientis postulo, atque omnia laeta et prospera tibi et familiae tuae longe nobilissimae precor. Pro pridie *Epiphaniorum*, A. clo
bCXXCIII.

CLXXVIII.

NICOLAO L. B. A. GERSDORF.

SAepe consilia et curae tuae longe grauiissimae animo meo obuersantur, quibus propitium intersit Numen, et ancipites temporum euentus, te omnium deliberationum principe, coelesti et benigna prouidentia moderetur. Totus enim prope orbis ad bellum spectat, motusque Gallorum denuo Belgium perturbat, et vix tuendae libertati Germania sufficit, Caesare belli Turcici cogitatione distracto, et rebus tantum non vbique afflictis, et fere conclamatis. Iusta tamen causa, et tua incomparabilis indefessaque diligentia nos, de omni spe deiectos, erigit, et frangit solaturque dolores, quando malis publicis, quae nunc prorsus vitari non possunt, leniendis operam adhibes, atque hac animi solertia, omnes in admirationem tuam conuertis. Multa, a Diuo Henrico inchoata, feliciter perfecisti, quaedam etiam, tunc nondum coepta, suscepisti, et impedita quaeuis negotia tibi explicanda seruasti, et plurima
etiam

etiam, quae alii abiicienda censebant, perfecta reliquisti. Cetera, quae formidolosum hunc annum reddunt, Deus expediet, et curas conatusque arduos adiuuabit, nec sinet perire laboris tui fructum, et vitam valetudinemque prosperam confirmabit. In hoc vertit salus reipublicae, et Principis El. dignitas, et fortuna omnium, quae, hoc tam misero conturbatoque saeculo, tua vnius opera et consilio, nituntur. Itaque cupio, et, ut par est, coelestibus supplico, ut difficultates temporum, tuo praesertim ductu, corrigantur, minimumque, si auerti non possunt, temperentur, et Saxonica libertas, legesque et litterae, laetis auspiciis fundatae firmataeque, nunquam conuellantur. Hoc abs tua regendi arte, et prudentia omnibus numeris absoluta, exspectat haec aetas, et, me voti interprete, ut quam diutissime consilii clauum teneas, et, cum illustrissima coniuge ac gente natisque omnibus, perpetuo et constanter floreas, precor. Id. Ian. A. clō lōCXXCIII.

CLXXIX

IOANNI FRIDERICO HEIGIO,

IC. et EL. Sax. Consiliario.

Postridie *Epiphaniorum* redditae mihi sunt litterae, quas Ludolphus iunior ex Anglia perscripsit. Nescio causam quamobrem

T s

brem.

brem ferius curatae fuerint. Vix autem dubito, per incuriam mercatorum negligentius habitas, aliquandiu jacuisse. Simul atque vero ad me perlatae sunt, munere meo perfunctus, statim et sine mora mittendas, censui. Homo scitus est, et rerum, quae publice aguntur, haud ignarus, antiquitatis etiam et notitiae librorum perquam studiosus, et in locorum mensuris ac Geographia non mediocriter versatus. Quem, hac transeuntem, eruditio selectior, et familiaritas cum Anglis contracta, mihi facile conciliant, et paulo ante eum Pragestus mihi adfuit, cui negotium dedi, rariores plerosque libros illic coemendi. Non paucos ipse apportavi, et singularem Anglorum Londini et Oxonii benevolentiam expertus sum, ac saepe audiui eos Saxonum cognitione et consensu libenter gloriari. *Hierarchici* id sane agunt, ut nobis accedere propius, et rationes doctrinae similimas tueri, velint. Valde amo illud regnum, ob litteras, et summam doctrinam sapientissimorum hominum, dum modo motuum semina non tam crebro ibi spargerentur. Ego vero Deum oro, ut annum hunc, pericula maxima imperio minantem, benigne moderari, et Saxoniae cum primis ac tibi utilem, et in explicandis quoque arduis pa-

is patriae consiliis felicem et salutarem esse velit. Idib. Ian. A. clō lōCXXCIII.

CLXXX.

HENRICO HAXTHVSIO,

IC. *Serenissimi Hassorum Principis Cancellario.*

SAepe mihi in mentem venit magnae comitatus tuae, quam, ex Gallia redux, Aroldesiae perspexi, eo praesertim tempore, quo velut in voluntario exilio versari mihi videbar. Etsi vero tunc sustinebas personam publicam, tamen nescio qua facilitate me appellabas, et benigne humaniterque etiam Cassellas usque inuitabas. Fidem, fateor, dedi itineris eo faciendi, et optavi, euenire mihi hoc fortunae beneficium, atque id omni studio egi conatusque sum, ut vel in transitu apud te inuiserem, obseruantiamque approbarem. Sed litterae e Saxonia missae, et abeundi celeritas, et cum primis nuncius de incendio in vicinia aedium mearum oborto allatus, ita me conturbarunt, ut mihi ipsi non constarem. Quare festinandum duxi, et, quantis potui, itineribus, Francofurtum contendendi, ubi schedas et libros reliqueram, ex Anglia Galliaque asportatos. Mox ad Moenum profecto, bibliopolae Saxonici renunciarunt res meas, et sumptuosam praecipue

pue bibliothecam, esse saluas, ignemque non paruo discrimine restinctum. Ita demum collegi animum, et Castellæ cogitaui, quarum imago identidem occurrebat, sed, cum de Saxonico itinere maturando interpellarer, necessitati cedendum duxi, et, corpore seiunctus, in conatu pietatis conquieui. Ex eo tempore varios Academiae magistratus gessi, et priuatim bene habui, nisi quod superiori anno barbari, Gallicis artibus concitati, ad fines vsque nostros grassaturi timebantur. At enim hoc metu iam liberati sumus, et Ioanni III, Regi inuicto et Martio; permultum debemus quod vrbs Augusta seruata est, et fusi fugatique hostes procul Germaniae limite retrocesserunt. Actum de communi patria erat, si Turcis coniuratisque impia et ambitiosa consilia ex animi sententia successissent. Interim quasi in sinu gaudere Gallus, et per Bethunium Silesiae adipiscendae spem facere Polono coeperat, nec occasio deerat, si rex ille sibi indulgere, et rem Christianam negligere voluisset. Quem Pont. Max. Innocentius XI. ea, qua decebat, cura, partibus Austriis conciliauit, futuri prouidus, Gallumque formidans, quippe quem ex Austriae ruinis crescere nollet in Italiae perniciem, regnumque trans Alpes moliri. Vellem, pari exemplo Germa-

ma-

mania sibi consulisset, Regisque potentiam a Rheni finibus auertisset, quae nunc eo progressa est, ut vix sisti, multo minus frangi, possit. Argentoratum, dignam Rheni Imperio Urbem, et ultimis Francorum temporibus ditione reipublicae coniunctam, sub imagine pacis interceptit, domum Palatinam attriuit, cum Bipontino Principatu, velut peculio suo egit, finitimos Comites sacramento adegit, et, pro lubitu, quae voluit, nullo armis obnitente, imperauit. Inter alios, ad resistendum, validos, dissidia alit, quosdam pensionum auctoramento deuinctos habet. Hispania, ad incitas redacta, vix regni sui molem sustinet, Caesar rerum suarum satagit, et periculo domestico ad suam ipsius defensionem auocatur. Interim Bataua, erga superiores socios ingrata, more suo tergiversatur, brevis morae, ut auguror, datura poenas, si, vicinum Hispanicae ditionis Belgium prorsus sic occupari patiatur. Iam proxime a periculo abest Luxemburgum, nec tutiori loco sunt mons Hannoniae et Namurcum, si Hispani, per se impares, destituantur. Angliae Rex, Galliae obaeratus, et Anglis ipsis inuisus, multum de Henrici VII. et IIX, et Elisabethae consilio deflexit, nec praestat Europae, quod Nouiomagi sponndit. Heluetii, non minus ir-

titi

titi laqueis, tragoediam securi adspiciunt, atque in Septentrione Regibus in se concitandis, noui stimuli adhibentur. Quanto generosius constantiusque Optimus Hassorum Princeps, tuo et senatorum aulicorum consilio, in tuendam patriae libertatem incumbit, et necessariis saeculo nostro belli artibus Germaniae ostendit, vnam et dignitatis, et libertatis propugnandae spem in armis esse sitam. Sane tota aula nostra personat Principis vestri laudibus, et curam operamque praedicat, quam ad publicam patriae defensionem, insigni et laudabili exemplo, confert. Ego, in epistolae extremo, Principi Optimo vitam diuturnam et gloriam perpetuam, tibi autem et nobilissimae familiae valetudinem firmam, et fortunam secundam, res denique omnes florentes, precor. IV. Eid. Febr. A. clc l^o CXXCIV.

CLXXXI.

HENRICO GVILIELMO LVDOLFO,
IOBI F.

Magnis et illustribus Viris abundat Anglia, quorum monimenta vehementer expeto, et, si quid edatur, scire aueo, praesertim, si ab Isaaco Vossio, Bernardo et Gale, et hominibus antiquitatum peritis, expoliatur. Ex Italia luculenta opuscula ad me cura-

curauit Magliabechius, humanitate plenus. Lipsienses in recensendo bellum laborem fumunt, et a veterno excitant semidoctos, et doctis inferuire student, dum libros in notitiam perferunt, quos multi ignorant, plures negligunt, et, ad se non pertinere, existimant. Saxonia vero nunc schola belli est, et Saxo cohortium, quas in Austriam duxit, supplementa scribit. Aestas erit difficilis, utinam, non Germaniae funesta et luctuosa. Ita vero Deus Angliam, beatorum insulam, et litterarum parentem a motu et turbis integram florentemque seruet. Id. Febr. A. clb lb CXXCIV.

CLXXXII.

N. PRAGESTO,

Societatis Angl. Reg. Socio.

Ingenium dotisque tuas, et magistram doctrinae experientiam valde probo et aestimo, litterasque tuas, nondum redditas, auidissime exspecto. Ornamenta Angliae, et in litteras merita, omnino maxima et immortalia, veneror, cupioque, ut crebro perscribas, qui rei litterariae status sit, quales libri apud vos edantur. Palmam habet Anglia, beatorum insula, et Medicis, Mathematicis, Philologis, abundat. De Theologis nil dixerim, nisi quantum de antiquitate merentur. Horum et
mul-

multos, et egregios esse, scio, et monimenta laudo, et in recensendo fidem, atque in commentando iudicium, admiror. Floreat per me diues, fortunataque insula, et regnum sapientiae teneat, et, procul motu metuque antiquam laudem tueatur. Ita te Deus et urbem, rerum dominam, et studiorum parentem, et te, nuper adscriptum ciuem alumnumque, seruet. Idib. Febr. A. clō b CXXCIV.

CLXXXIII.

AMICO CVIDAM.

ANceps de instanti bello spes et ambigua fama, multis et metuendi, et sinistra credendi, materiam praebet, litterisque, pace florentibus tristitia obnunciat, et inertiam ingeniis, vulnera imperio, minatur. Gallia tamen inter belli artes se erigit, et certamine gloriae aduersus omnes contendit, inuidiamque Anglis excitat, quos alioquin et ingenio valere, et doctrinae subsidiis abundare scio. Thomas Galeus in Graecis defudat, et multa ac luculenta, castigatiusque edenda, promittit, Thucydidis, Dionysii Halicarnassensis, Diodori Siculi, Luciani, Philostrati opera diligenter recenset. Scholae Londinensi praefectus est, quam non vulgari, nec protritito docendi genere illustravit. Cum ei praesens essem,
omni

omni amore et officio me profecutus est, et de quibusvis scriptoribus, praesertim Graecis, pulchre differuit, inter Germanos Reinesium maxime, Gudiumque in Cimbris, collaudavit. Additamenta Clodii in Synopsin Criticorum Poli non auide exspecto, propterea, quod minora sunt expectatione mea, hominis quippe ultra Hebraeorum litteras non multum progressi. Henrici Norisii epistola consularis breui ex Italia ad me perferetur. *Abbas* Fabrettus, qui antiquitates Romanas multa suauitate perfudit, et de aquis atque aquae ductibus vrbis aliquid politum et elegans emisit, observationes sane luculentas et raras de Columna Traiana Romae edet. Graevius Theseum Meursii, ac *Paralipomena* libri de populis Atticis, et epistolas ad Atticum, nouo industriae specimine curabit. Stephanus le Mayne aliquot Patrum fragmenta illustranda suscepit, sed promissum de Iosepho non exsoluit. Langueti epistolae quaedam non editae, et lectu vtilis, et ad Thuani, superiorisque saeculi historiam pertinentes, prodibunt. Lutheri famam et merita vindicabit Seckendorffius, ac multa ex Gothano tabulario depromet, quibus vera actorum capita constituentur. Quod reliquum est, si studia mea, quamuis exigua aut modica, vel vsui, vel ornamento tibi esse possunt,

recipio, me omnia facturum, in quibus operam industriamque meam flagitare possis. XVI. Gal. Mart. A. clō lōCXXCIII.

CLXXXIV.

PETRO HOMFELDIO, IC.

IVre te amo atque in oculis fero, sed patriae tuae vicem doleo, quam repentina Dani arma perterrefaciunt ac perturbant et, interepta leuera, vix aegreque conquiescunt. De Germania crede mihi, actum fuisset, si Vienna Austriae periisset, ex qua Galli et focii alii, consilia suspendebant, omnia pro lubitu ausuri, si barbari Urbem Augustam expugnassent. At enim benignius fatum omnes hostium molitiones conuertit, nec dum Germania lacerata et conturbata, nec Hispania eversa est, ac, Sueo vtriusque labantis adiutor, firmo animo rerum Danicarum euentus expectat. In Polonia Ioannes III, Stephani Bathorii similis, et barbarorum terror, omni ope se comparat ad expeditionem, adulto vere rursus suscipiendam. Iamque exitium Turcae imminet, et Cosaci vsque ad ultimos hostium fines peruadunt, et Barbaros fugant ac fundunt. Res prospere eueniet, nisi Bethuni-
us, in Poloniam redux, nouas inter regem remque publicam discordias moliatur. For-
san etiam Germani difficiles erunt, non re-
latae

latae gratiae, nec persoluti praemii, hucusque sibi conscii, nisi odium, et inuidia laudis, pro praemiis habeantur. Herus meus, Saxo, suarum imperator cohortium, id est expertus. Plura enim scribere non audeo. Amstelodamenses, vicini vestri, tricantur interim et tergiuersantur. Miror, quorsum res sit euasura. Principi diffidunt, cuius potentiam occasione belli nimiam reddi putant. In extremo a te peto, Cadouium de numis, pro me et Academia persoluedis, admoneas, quod reliquum debet, Schepelero, patriam repetenti, commendavi. Deus vero te, familiamque tuam seruet. XV. Cal. Mart. A. clō lōCXXCIII.

CLXXXV.

ANTONIO MAGLIABECHIO:

Magni Etruriae Ducis Consiliario et Bibliothecae Praefecto.

Summa tua beneuolentia vincit expectationem meam, nec dandi modum habet, et tot, tamque multis, ac nullo sane pretio aestimandis muneribus efficit, ut ingenuè fatear, me praeter cultum atque obseruantiam nihil reddere tibi, vicissimque largiri. Litterae tuae nectare Etrusco stillant, et suauitatem plane incredibilem effundunt, ut melle et mulso non imbuere solum, sed etiam irrigare animum videantur.

tur. Germanus sum, sincere loquor et sentio, et tuo vnius iudicio plus tribuo, quam mille aliis, quorum studia odiaque a vita et ingenio meo abhorrent. Norisii, patris elimatissimi, epistolam auide expeto, cuius magnam doctrinae copiam, et eximiam iudicandi facultatem, mirifice aestimo ac probo. Scripsi ad Arnoldum, qui pro sumptibus spondebit. Nullis enim profecto impensis parcam, dum modo in curando facilem se praebeat Arnoldus, amicus communis, et multo officii genere de me meritis bene. Frisii panegyricum Spizelio tradidi, iam Arnoldo Meisneri vltima submisi, Theologi quidem nostratis, sed mitis, cordati et lenis, circumspecti item, pacisque et facienda concordiae cupidi, ac nulla certe malevolentia suffusi. Quare, ab Academia et defuncti familia inuitatus, supremum illud officium prorsus non potui recusare. Nam et Dissertatio funebris a me elucubrata, et oratio pariter habita est, vt scripto et voce congruerent inter se laudes. Lites, dissidia, factiones imperitorum hominum summo studio declinauit, pacique consuluit, et faciendo docuit, Theologiam non tam arte, quam religione contineri. Morungensis historia certo consilio suppressa est, nec placet Principi *Et Martio* vetus ista et procax rixandi libido

bido. Rationes horum temporum non ferunt tam inutiles perniciosasque dissensiones, ne his contentionibus Principum animi in contrarias partes distrahantur. Quid Theologum deceat, multis verisque indiciis patefecit Ioannes Bona, purpuratus, cuius testamentum, abs te editum, aut potius edendi causa, ex bibliotheca vestra expromptum, facile doceat rixosos, plus in vita, quam in vitiligationibus esse situm. Interim Pont. Max. prudentiam, solitudinem et curam miramur Saxones, qui spem compositionis *Ecclesiasticae* nondum abiecit, et pro re Christiana sedulo annititur, consiliisque aduigilat suis. Iam alia me admonent, ut epistolae finem faciam, tuasque res fortunatas esse cupiam, ut qui me profitear obseruantissimum tui. V. Id. Mart. A. clb l^cCXXCIII.

CLXXXVI.

IANO CHYTRAE.

IAm diu te amo, et aequum tuum in me animum satis exploratum habeo, voloque ut intelligas, me tuae utilitatis esse cupidum, et honestissimae etiam petitioni locum dare. Sed nondum se occasio offert, et conditiones scire exspecto, quibus inuitari cupias, cum, non omnibus idem aliquid probari, nouerim, ut studia hominum diuersa sunt,

quae vna lege non metiaris. Opto, vt inter nos colloqui possimus, quod non erit difficile, ac tibi aliquando opportunum, praesertim, cum tanto locorum interuallo non disiungamur, vt spes cogitatioque haec abiicienda mihi videatur. De me non labores, quaeso, charum caput, nec mea causa te in discrimen offeras, inuidiamque subeas, quae fraudi tuis conatibus sit, damnumque afferat sero poenitendum. Ego id mihi non fumo, vt nolim infitiri me esse hominem, qui vel modicis doctrinae praesidiis causam suam tueatur. Hoc tamen scio, partes me agere pro eo, ac decet humanitatis et historiarum doctorem. Codices, artis subsidia, mihi in numerato sunt, et multa in omni genere affecta habeo, quae sensim expolio, paulatimque elimo. In Grotium, eruditorum principem, iam pridem aliquid commentatus sum, quod magni quidam aulae Proceres expectant. Sed premo, nec praecipito incepti huius rationes, et Consultissimi Rhetii institutiones Iuris Publici ad fontes et capita historiae ciuilis reuoco, ciuibusque nostris vltro et libenter soleo inferuire. Non me deterret inuidia, et recte agendo tutum, opinor, perfugium apud bonos habeo, iniquis et malis placere non volo, propterea quod rationes instituti egregias pietate et constan-

stantia tueri decet. Ita Deuste feruet, animumque firmum et vires integras praestet, ac patriae communi tempora multo benigniora impertiatur. Vitembergae festinanter, XVII. Cal. Apr. A. clb lb CXXCIII.

CLXXXVII.

CHRISTOPHORO ARNOLDO,

Polyhistori Norico.

QVae mihi toties nauasti officia, ea non modo versantur mihi ante oculos, sed prope efficiunt, ut erubescam. Itaque tecum constituenda est ratio, ut propter litteras, a Clarissimo Magliabechio transmissas, libellosque ad me plus simplici vice curatos, tibi satisfaciam. Iniquus sum, si numos pro labore et vectura non soluam, tantum de pretii modo certum me reddas, superioribusque officiis cumulum addas. Aliquandiu molestias leuare tuas volui, et opera Spizelii, egregii et beneuoli viri, quaedam ex Vindelicis accepi. Nunc ignosce audaciae, Noricos iterum pulso, et te in iis, praecipuum Italicae elegantiae conciliatorem, veneror, rogoque, ut animum, iuandi voluntate promptum, ne immutes. Anglorum in Graeca studia, et in antiquitate Ecclesiastica sincere tractanda industriam et fidem, iure aestimo, multaque ab iis exspecto. Nuper Ludolfus, iunior, et Pragensis,

Londino ad me scripserunt. Zieglerus noster aliquid de Clerico renitente composuit, et, pro auctoritate sua, neglectas muneris rationes, disiectamque acerbitate rem *ecclesiasticam* notauit, vehementerque perstrinxit. Nunc tertium sponsus est, teque humaniter salutat. Prid. Cal. April. A. cl**o** CXXCIII.

CLXXXIIX.

SAMVELI VERCHIO,

Gedanensi, ordinis sacri Candidato.

EX quo te in amicorum numero duxi, non mea quidem opinione deceptus sum, et vitam indolemque tuam diligenter exploravi, et mores rectos, ac veram solidamque doctrinam, vel praecipue in te aestimaui, cum simulatam semper et fictam, vel ineptam et ridiculam a te quam longissime abesse putares. Nec male cecidit consilium, quod melior effinxit animus, ut mox industria et opera a vulgo te distingueres, et hominum in vrbe nostra doctissimorum voluntates studiaque tibi praeter ceteros conciliares. Adhuc tui similis es, et litteras, quae humanos et elegantes reddunt, priuatim doces, speique iuuenis admotus, partes bene agis, optimamque sobolem praeceptis fingis, nec de vno adolescente, sed de patria, quae virum sibi spondet, bene me-

mereris. Qui labor tibi, certis gradibus ad sacras dignitates ascendere cupienti, non potest esse fraudi, cum, me non monente, intelligas, quantum praesidii haec studia adferant, quae melioribus litteris et antiquitatibus continentur. Rixari, turbare incautos, impellere imperitos, omnia sursum deorsum mouere, nemini placeat rerum intelligenti. Moderatos et sapientes studia nostra praestant, et pietati decus rependunt, ne, pietatis obtentu, muneris doctrinaeque rationes praecipitentur. Morbus est scholarum, ubi iuvenes de acumine potius, quam de cura animi, laborant, atque, in hoc dignitatem suam verti existimant, si laqueis *sophistarum* se irretire possint. Longe alia tibi ratio semper ac merito probata est, neque eius diligentiae te poenituit, cum iucunde meminisses. Nunc, opinor, ad sacerdotium adspiras, et recta ad illud via niteris, et pietate ac doctrina prenas, nec frustra speras. Ego, quibus possum, votis officiisque te prosequor, et inceptum bene euenire cupio, veteremque amicitiam tibi confirmo. Zieglerus tertium sponsus, Boerneriam virginem breui domum ducet. Ego tam sancto instituto obnunciare non ausum, ipse tamen his legibus vitam nondum circumscribere volui, aliarum mores me deterrent, aliarum exempla ante oculos sunt.

sunt, quae animum auertunt. Puella, quae se ipsam non regat, pudoremque pro nihilo ducat, tantumque ineptiis indulgeat, et rem familiarem profundat, nervosque studiorum incidat, facile in deliciis non sit sapienti. Accipe quales sint conatus mei. In Rhetii Institutiones Iuris publici commentor, et Taciti Germaniam de integro nunc adorno, Zosimum quoque illustro, et in omnes fere scriptores aliquid destino expolioque. Sed tempora nunc difficilia, et hic in primis misera sunt, melioremque fortunam, arbitro rerum Saxonicarum Io. Georgio III. expectant. Limes imperii magno sane periculo expositus est, et, nisi Deus sub foedere Polonico Vngariam tuetur, magni funestique casus Caesaris fortunam conuertent. Gallus per Bethunium in Polonia, perque alios alibi, pessima, et in ultimam Germaniae perniciem eruptura, machinatur. Interim Deus remp. vestram florentem seruet, et pericula insidiasque depellat, proceresque vestros, et saeculi nostri Ptolemaeum, Heuclium, benigne respiciat, semperque tueatur. Cal. April. A. cl. lxxcxiij.

CLXXXIX.

CHRISTIANO *am* ENDE,*Scholae Calbensis ad Albim Rectori.*

NAuabo tibi operam, et, quoad possum, rationibus tuis consulam, praesertim
in

in eo doctrinae genere, quod amplum diffusumque est, et plurima industriae adiumenta desiderat, nec, nisi a paucis, recte excolitur, ac digne ornatur. In constituendis temporum rationibus per vestigia Dionysii Petauii incedas, nec, opinione tua deceptum te, putes, si Lucam Osiandrum, Ioannemque Laetum, coniungas. Alter vero horum multa non vidit, quae ad Graecae *Ecclesiae* monimenta pertinent, alter decus historiae non exquisite seruat. Rerum momenta et causas vix attingit, nec idoneis auctoribus nititur, si quaedam sententiarum diuortia sunt, id quod saepe hic vsu venit. Boxhornii historia vniuersalis opportune mihi in mentem venit, quae, mea quidem opinione, digna est, in qua neruos contendas tuos. Annales et fasti rerum singulares ingentem bibliothecam postulant, de quibus alias inter nos commentari licet. Concilia, opinor, Labbeana in conciliis versaturo expediunt, aut, si horum copia non est, Gralliana Biniana, commodiori forsitan occasione afferentur. Non te spes frustrabitur, si Iustelli Canones, Cotelerii monimenta, et Sirmondi Bossuetique opera, ad huius accessionem studii adiungas. His rationibus tempestiue subductis, et animo lectione confirmato, quid profeceris, rescribas. Ego, si forte deinceps adiacere queo

queo cumulum, nihil in me desiderari patiar, et efficiam, ut intelligas, me et honoris et laudis tuae semper studiosissimum fore. V. Cal. Maias, A. clō lō CXXCIV.

CXC.

IOANNI ERNESTO BAHNIO,

Iuris Candidato.

SI tua quidem opera fieri potest, ut nanciscar libros plerosque designatos, veterem, crede, amicitiam noui accessione officii confirmabis. De patrono Dresenensi nihil dubites, velim, cuius ad nos aditum omnes nuper certatim expetebamus. Sed fefellit opinio, quando per negotia factum est, ut ab aula retineretur. Peto abs te, ut mihi copiam facias Gregorii Nysseni, a Frontone Ducaeō editi, et Dauidis Lindani, qui Teneramundam edidit, et Eustratii, cuius in Aristotelis *Ethica* commentarii extant. Bonifacii Martyris epistolas habere gestio, quas commodā occasione curabis. Neque cura fubeat animum de pretio, spondebit enim tabellarius, et primo quoque tempore pecuniam adferet, tu vero accuratas esse nosti promissorum meorum rationes. Gleditschium meo nomine appellabis, et quaeres, an Cotelerii Monumenta possideat, quae Francofurto perlaturum se recepit. Menckenio epistolam exhibeas, cum

cum disputatione. Vale. Proprid. Cal. Maias
A. clb lb CXXCIV.

CXCI.

BENEDICTO KRESSIO.

Quaesturae Misenensis EL. Praefecto.

Iam pridem cogito, quemadmodum tuis
in me beneficiis respondeam, sed nihil
inuenio, quod eiusmodi sit, vt, acceptum ha-
beri, mereatur. Pensionem, a Saxone mihi
attributam, opinione citius persoluisti, et,
quod alii differunt ac morose trahunt, an-
ticipandum, benigne censuisti. Magno ti-
bi aere obstrictus sum, quod si non dissol-
uam, pro tuo in me amore, velut solutum
in accepti tabulas referes, meque in loco et
numero clientium tuorum habebis. Filius
tuus, Godofredus Benedictus, excitato per-
spicacique ingenio passim se commendat,
et diligit amplectiturque eum Zieglerus.
De vita eleganti, moribus compositis et re-
ctis, superuacuum est scribere, quando nihil
causae est, quamobrem assentari velim. Tan-
tum abs te peto, vt ingenii publice experi-
undi copiam ipsi facias, atque his conati-
bus eum magis magisque accendas. Aca-
demia nunc ornamentum sibi ab equestri
exercitio pollicetur, si Principis sumptu,
sine quo nihil in hoc genere fiet, adiuuetur.
De pace in vtraque Saxonia bene spero, et,
hoc

hoc misero rerum statu, *armistitium* Germanis aequae, ac Hispanis, probandum esse iudico, atque in hanc sententiam Caesar ab *Electorum* Senatu deuoto rogatur et admonetur. Ita vero te Numen propitium custodiat, florentemque familiam praestet. V. Cal. Maias A. cdo l^o CXXCIV.

CXCII.

IO. CONRADO CNAVTHIO,

Iuris Candidato.

FORTE poenam diuturni silentii a me repetes, quam si commereri tibi videar, pro tuo amore, occupationibus priuatique molestiis condonabis. Mercurio, an Aesculapio, sacrificium rite soluendum debes, si licet hoc dare fabulis, ut in seria reditus gratulatione ad fungendum amici officium assumere auserim. Deus te patriae redditum litteris seruet, et honoribus dignis auctum florere iubeat, ut cum de litteris, tum historia Misenensi sigillatim, bene merearis. De Pragesto, ad quem bis scripsi, miror, non curatum esse fasciculum, facietque sane ut cum eo exoptulem de mora. Ituro in Angliam Comiti Vrangelio prouinciam exquirendi et vrgendi tradere habui necesse. Frater tuus Samuel, fere in litteras se abdidit, quem subinde hortor, in lucem prodeat, diligentiaeque habeat modum. Vale, et
Hun-

Hundio, Patrono, obseruantiam meam sponde atque confirma. Id. Maii, A. clb 19
CXXCIV.

CXCIII.

IOANNI GEORGIO BOERNERO,

IC. et Sax. EL. Consiliario.

ET si, te diutius hic retineri, cupiebam, tamen voti mei compos fieri non potui, sed immo citius opinione mea discessisti, neque sic vero a cogitatione mea te disiunxisti. Haeret in animo meo tua humanitas, et, quod iam pridem in te aestimaui plurimum, id nunc prope admirationem efficit, et laudem conciliat immortalem. Tum vero te absente soror in patris affinisque disciplina sanctissime educata, pietate et prudentia regendae domus praestat omnibus, et noua atque moderandi ratione omnium in se animos conuertit. D. Mayerus altera vice rediit, atque in ordinem Patrum receptus est, quanto ciuium gaudio dicere fatis non possum. Qui facem nobis ad pietatem praefert, et ore exemploque nos docet, ne prauis affectibus obsequamur. Consuluit tandem Deus, et respexit Academiam, et pro sua benignitate et sapientia virum egregium et sancto coetui idoneum oratorem dedit. Confluunt magno numero homines, et desiderium noui Doctoris
fer,

ferre non possunt. Vale cum nobilissima vxore, et sobole suauissima. Eid. Maii, A. clb lb CXXCIV.

CXCIV.

OTTONI MENCKENIO,

P.P. Lips.

IVre mihi dicam negligentiae scribas, quod, abs te prouocatus, me continuerim, et respondendo tardior fuerim. Plerumque enim hora illa, qua stilum fumo, velut ex insidiis molestiae subeunt, nec opinantem ab incepto auertunt. Amorem ceteroquin tuum, pro eo, ac par est, magni facio, et voluntati tuae libenter obsequor, et facile intelligo, non esse tantas meas occupationes, ut cum tuis longe grauissimis aequari conferrique possint. Stolbergius noster, Graecae delictum elegantiae, sensim vires colligit, ac iam de eo bene sperat Sennertus noster, cuius iudicio permultum tribuo, ac desino esse in metu. Superiori hebdomade tandem Pragestus ex Anglia Ianum Seldeni ad me curauit, et alia pererudita opuscula, sed lingua eius gentis scripta. Malleim Latine edita legere, sed Angli sibi indulgent, et vernaculam frequentius adhibent, taedio linguae peregrinae, et multo studio laboreque comparandae. Paucos vidi Anglos, qui Latine sciant, qui pure scri-

scribant, qui scite componant, sed Graecam linguam exacte callent, et rationes formasque omnes exquisite norunt. Vsu meo didici, et miratus sum morem, ab ingeniis multo limatissimis abhorrentem. Ludolfus, iunior, de repertis nouis quaedam perscripsit, Boyliique historiam sanguinis promisit, quem decessisse, falsus rumor tulit. De Richardo Haines aliquid attexuit, sed, eius simile aliquid. Vidua Augusti, Administratoris, conficere gnara, Damae, in finitimo nobis oppido, commoratur. Ceterum Europae mala Deus corrigat, et vtramque Saxoniam concordia muniat, vt ne ex vnius imperio ac libidine omnia gerantur, et studia atque leges pace foueantur. XIV. Calend. Quint. A. clb l^o CXXCIV.

CXCv

IOANNI CHRISTIANO AB ARNIMB,

Dynastae Pretschenae, Consil. Saxonico,

et Curiae El. Iudici

summo.

FEci imperata, et inscriptionem contraxi ad pauciores lineas, quas columna sepulchralis capit, si recte assequor modum abs te definitum. Cetera, nisi me fallit animus, ex sententia mutauit, atque in spem veni, fore, vt omnia bene congruant, apteque incidi possint. De homine, qui par-

tes praeceptoris demandari sibi passus est, iussa tua exspectat. Affirmo, probum esse et eruditum, laborisque patientem. Animi cultus bonique mores eum commendant satis. Fortunae bona sperat, et honorem non ambitiose quaerit, nec fructus industriae recusat. Spondeo certe frugi hominem, cuius appetitus rationi seruit, et doctrinae exemplo comprobatur. Sed de eo nihil ultra ausim, ne modum laudandi exceedam. Res Europae adhuc variae sunt, Luxemburgum hosti fortiter restitit, sed ad ultima redactum cessit. Genua, reiectis ab ora maritima Gallis, strenue se defendit: In Catalaunia, Gerunda et Rhoda impetum sustinent, animosque capiunt Hispani, et tot tamque ambitiosis postulatis obnituntur, armorum facturi periculum, quum papacis imagine deludi se vident. Germani, opinor, tandem cum finitimis Batavis expergiscentur, et formidolosae potentiae se obiiicient, sed Luxemburgo laboranti forte auxilium non ferent. Omnis culpa in Rege Angliae residet, qui, accepta rursus ingenti pecunia, indormiit, partesque sponsoris ita agit, ut nunquam peius agere potuisset. Sed de his facile me iudicium fallit, de quibus tu, Vir Generose, optime pronuncias, et consilia deliberationesque publicas accurate perspicis, et melioresque, studiis

diis deditos, longo post te interuallo relin-
quis. Ego demum in pietate expressam
obsequii imaginem offero, Deumque oro,
vt te, cum per illustri stirpe, coniuge, sobo-
le, et necessariis omnibus diutissime seruet.
VII. Cal. Quinct. A. clā lōCXXCIV,

CXCVI

ADAMO CHRISTOPH. IACOBI,

IC. Dresdensi Saxonis EL. Consiliario.

Partes mihi demandatas suscepi, et inge-
nium doctrinamque filii, altero ab ad-
uentu eius die, protinus exploraui, et, ali-
qua in Latinis Graecisque litteris spatia fe-
cisse, summa cum voluptate intellexi. In-
doles excitata et docilitas non vulgaris in
eo apparet, stilus deinde maiori cura fin-
gendus est, quem Velleius scitis passim for-
mulis expolit, et suauitate acuminum Cur-
tius distinguit. Vterque ad condiendam
sane orationem apte potest adhiberi, sed
orationis formam habitumque Cicero, Cae-
sar et Nepos, suppeditant et copiose largi-
untur. Aequabilis dicendi ratio altius pe-
tenda est, quam ab aeuo Traiani, quo vixit
floruitque Rufus, qui non semper optima,
nec tamen pessimae notae, vocabula, vsur-
pat, elegans alioqui tersus et suavis. Dein
vero, regnante Vespasiano, scripsisse Curti-
um nihil id meliorem scriptoris aetatem

facit, quia Cicero et aequales praestant. Illud quoque, pace tua, probare non potui, quod ad ingrediendum Graecae linguae studium ducem accipit Graecum Eutropii interpretem, cuius diligentiam etsi non reprehendo, tamen inter eruditos conuenit, in parte linguae discendae fontes ipsos esse aperiendos. Ego quidem, assentiente consultissimo hospite, legendum ei commendavi Herodianum, qui Atticos veteres, eosque optimos, diligenter secutus est, et pari industria expressit. In philosophia, praesertim rationali et morali, alios consulat, nec tamen ipsi deero, si cumulum forte adiciere possim. Multi enim ad inanem scientiae opinionem rationes studii referunt, sed ad veram solidamque eruditionem, vitio saeculi, non connituntur. Ac enim, te, prudenti ingeniorum existimatore, eae cogitationes suscipiendae sunt filio, quarum fructus cum vtilitate publica coniunctus sit, et nomini ac stirpi tuae decus atque immortalitatem paret. Ita Deus, meo quidem voto, efficiat, ac litteras nostras, sub tua in primis tutela, nobis florentissimas seruet, ac demum prohibeat, ne vnus libidine et arbitrio Europae negotia dubilis difficilibusque bellis distrahantur. Inter hanc spem metumque temporum te colimus, te amplectimur, tua consilia sequimur
et

et admiramur, tua suffragia excipimus, tuo arbitrio stamus. V. Cal. Quinct. A. clb CXXCIV.

CXCVII,
E I D E M.

IN labore, quem iussu tuo sumsi, nihil desiderari, patiar, tantum abs te peto, ut conatus filii egregios auctoritate tua defendas, monitisque grauioribus confirmes. Multi enim, per causam nescio cuius libertatis, nimium sibi indulgent, et facile ab incepto reuocantur, nec scio, an tibi placeat equos exercendi studium, quo filius delectari videtur. Dandum aliquid animo esse, intelligo, sed ita, ut casus prolapsioque viteatur. Idcirco hunc ardorem temperauit dehortatio consultissimi hospitis, qui ipsum in filii modum diligit, et munus suum diligenter explet. Eximia quoque ingenia inanium specie capiuntur, quae non tam acerbitate, quam comitate, flectenda sunt, ut monentibus obtemperent, partesque suas agant. Omnia maxima de filio spondeo, si, quod ab studiis conceditur otii, id lubrica et mobili aetate non praecepitetur. Tenerae mollesque plantae caute et molliter tractandae sunt, priusquam in fastigium arboris crescant, et sensim durentur. Commodum aduenit D. Mayerus, qui corruptos

mores , deprauatamque disciplinam pro concione perstringit, et omnes *ecclesiastici* oratoris numeros implet, Chrysostomumque Saxonicum refert. Non dubito, quin vociferantium libido eius concionibus refrenetur, qui , cum non sibi solis peccent, tum maxime coarguendi sunt, ne bonos facti licentia in exitium praecipites trahant. Ex Vngaria laetum aliquid, de parta iterum victoria, nunciatur. In Anglia motus gliscit, cuius exitum subuereor tristem ac funestum. Luxemburgum, in conspectu exercitus Bataui, occupatum, aditum in Treuiros patefecit. Moenia Urbis Treuirensis diruta sunt, nec reperitur, qui obsistat. Bataui inducias, opinor, fatales et perniciosas pepigerunt. Principi diffidunt, Anglum subtiment, qui sponsoris partes non bene agit. Tota Italia diras imprecatur Gallis, ob Genuam, nullo quidem bello denunciato, tormentis foedatam, eo praesertim tempore, quo vrbs triremes aduersus barbaros instruere, Venetorum exemplo, cupiebat. Ita Gallus omnia pro lubitu moderatur, et, quos Austria amicos, eosdem ipse hostes, habet, et ad imperium Europae paulatim contendit. Genua tamen et Gerunda in Catalaunis strenue fortiterque restiterunt. Nunc vero admodum metuo Coloniae Agrippinae, Confluentiae, immo et arci Her-

Hermansteiniae, quibus iam pridem insidiatur. Deus coerceat dominatum, et rei Christianae consulat, ac hostes pertinaces euertat, tuas autem deliberationes faustas esse velit, et familiam multo splendidissimam contra omnes casus, saeculique iniurias, firmet. IV. Non. Quintil. A. clb b CXXCIV.

CXCVIII
EIDEM.

FAcimus, quod fieri par est, et argumentis ad incitandum idoneis utimur, et exempla ad sequendum prodita intuemur, cuius disciplinae fructus erit, ut alumni atque auditores nostri cum institutione doctiores, tum vitae ratione meliores firmioresque, euadant. Ante ita spectata dignitate hospes, et suadendi prudentiam grauitate pariter, et comitate, temperat, et vel ad spectu suo mouet, atque inuitat, iamque sensim, deferuescente impetu, rectam viam tenet filius, et, de hospitis sententia, Philosophiae rationalis tirocinium ponit, offerente libenter operam Academiae consule, quatenus ei a republica otium datur. In percipiendo promptus et acris est, et perceptorum rationes optime reddit, atque omnibus in partibus ingenii felicitatem testatur aperte et probat. Cum nuper, admonitus, par-

De fodalitate ita moderatur res suas, vt ne
odisse fodalitatem videatur. Vnus est, qui
in conuictu nostro aetati suae aliquid in-
dulget, cum quo vitae consuetudinem par-
ce et sapienter iungit, et, dum expedit, oc-
cupationes tempestiue recidit. De cor-
pore Imperii male affecto et aemulationi-
bus, contrariisque studiis dissidente, quis
bene speret? *Foederati* Belgae Spartanorum
Ephoros sequuntur, qui reges suos sibi ob-
noxios habuerunt, et, quodcumque opus
erat, in ordinem redegerunt. Non aliter
illi cum Auriaco agunt, ditescendi, quam
bellandi, cupidiores, quod ferri poterat, nisi
veterum simul beneficiorum obliuisceren-
tur. Hispani satis cauti sunt, sed viribus
destituuntur, malunt tamen iacturam face-
re aliquot Belgii vrbium, quam vel vni-
us vici in Catalaunia et Italia, vbi periculum
imminet e propinquo. Luneburgici in-
terim opes exhauriunt, et ad omnem im-
petum propulsandum intenti et expediti
sunt, quos Gallus, cum vi non possit, artibus
suis sensim frangit, ac, veteri Tissaphernis
instituto, simul et fociorum, et hostium, vi-
res labefactat. Nuper in numo inciden-
dam curauerunt quidam illius gentis sen-
tentiam toti Europae haud negligendam
Quod libet, licet. Profunda haec ambitio:
quorsum euasura sit, non mihi, priuato ho-
mi-

mini, praefagire licet. Quare hic finem facio, et, tua ad bene et tranquille viuendum instructa consilia, diuinitus fortunari, cupio, vt cum laboris fructum immortalem capias, tum aeternum in familia et filiis deus inspicias, et omni atque sincero gaudio perfundaris. Id. Quinctil. A. cl. l. CXXCIV.

CXCIX.

E I D E M.

Litterae tuae non mediocre gaudium mihi afferunt, et instruunt pariter, ac delectant, et de optimis quibusque scriptoribus sententiam meam confirmant, et insitum cognoscendi desiderium excitant mirifice atque augent. Illud in primis legentem magna voluptate tenuit, quod Ioannis Imperialis Museum historicum, ob quaedam singularia, quae alibi non legimus, commendandum putasti. Non tamen infitior, saepe elogiorum scriptores discrepare ab accuratis rationibus, laudisque modum excedere, et nimium amoris dare. Meursium digne euehit, sed quotusquisque est nostra memoria, qui vel partem eruditionis Meursianae vindicare sibi iure possit. Omnes scire volunt Graece, ego vix vnum et alterum noui, qui *technicam*, vt loquimur, Graecorum intelligat, ac de ea recte intel-
ligen-

ligenda laboret. Omnes Critici, omnes antiquarii, esse cupiunt, qui ex artis lege nihil existimare possunt, et tamen id sibi sumunt, ut laceffere alios velint. Qui nuper de Polycarpo commentatus est, nihil expedire potuit, cum diem, in fastos relatum, eumque Martyris supremum, inuestigaret. Mox de natalibus Episcoporum simulacra venditat, si pauca excipio, et multis atque intempestivis digressionibus scientiae opinionem praebet, et audendo, quam perficiendo promptiorem se ostendit. Utinam vero id ex animi sententia agere potuisset, et γενεσια ac γενεθλια distincte explanasset, dictionesque γενεθλια εχειν, et γενεθλια αγειν, et Gregorii Nazianzeni εις τα γενεθλια euoluisset. Colligere ex novis, et ab aliis observata pro suis ducere, atque in his doctrinae laudem ponere, hominis est otio non bene utentis. Miseret me hominum, qui ita se in litteras abdunt, ut litterarum initia causasque ignorent. Contra quorum conatus munienda est sapientiae sedes, ratione et consilio ducibus, sine quibus nihil expectatione dignum agamus. Aliam filio viam praeimus et commonstramus, atque cum eo vel vnam horam libentius ponimus, quam cum sciolis, latina et Graeca spernentibus, vnum horae quadrantem. Hortamur, certatim, ego et hospes optimus,
nec

nec omittit partes suas D. Mayerus. Pensa interdum citius, et id praecipitantis aetatis vitium est, absoluit. Ad historias et exempla, et philosophiam illam non simulatam et ciuilem, sensim paulatimque est, inuitandus, vt pluribus distineatur animus, prudenti comitate flectendus. Vngariae res adhuc prosperae sunt, et Budae deditionem pollicentur. Induciae nec serio conuen-tae, nec firmae stabilesque iudicantur, ita omnia cum Alcibiadis animo statuuntur et geruntur. Cal. Sextil. A. clo lo CXXCIV.

CC.
EIDEM.

GRatulor tibi, Patrone, noua illa et luculenta bibliothecae tuae incrementa, quorum magnopere me desiderium tenet, nec dubito, quin magnam a posteritate gratiam ineas, et fausta omnium acclamatione plausuque excipiaris. Thomasini Elogia, multis sane luminibus distincta, satis mihi probantur, sed nihilominus elogia sunt, et enumeratione singularium Imperialis Museo concedunt. Riccio seu fidem, seu varietatem rerum, spectes, antefero Victorium Syri, modo facie Latina prodiret, atque novo hoc cultu inter Latinos locum obtineret. Epistolas et codicillos Actorum miscet, nec dici potest, quantopere instruat ac
de-

ac delectet. Holstenii notas videre cupio, qui et Graiisimi peritia interiori valuit, et cum diligentia iudicium adhibuit summum. Nostri plerumque nimis *Θεολογῶσι*, nec veteres Graecos excutiunt satis. Petrum Petritum, audio, elegantis litteraturae esse medicum, neque argumentum mihi displicet, si ex instituti dignitate tractauit. Nam id inopia non laborat, et multa eam in remipse olim poeta obseruauit, quorum usus tunc mihi erit, quum in scriptores rei poeticae aliquando commentabor. Nemo sine poetis intelligat Tertulliani plerasque dictiones, quod tam apertum est, quam quod apertissimum. De statu Imperii bonam spem faciunt litterae a Danubio et Albi allatae, et sane temporum necessitas, rei que aduersus barbaros gerendae opportunitas cessationem armorum versus Rhenum postulare videntur. Danus iam in eo est, ut plerasque cohortes abs se dimittat, qui precarium belli imperium a Gallis habiturus videri poterat, nisi de induciis conuentum fuisset. Hamburgum et Lubeca extra discriminis aleam sunt. Luneburgici tandem negotium anceps diu et incertum confecerunt, et Fridericum, *Electorem* Brandenburgici heredem, auspicata connubii necessitudine, partibus suis deuinxerunt. Rabenacius ex aula secedere iussus, quem plerique

rique alii comitantur. Filio tuo, ob incomparabile ingenium, summa quoque polliceor, sed reprimi debet cupiditas equitandi et ludendi, quae in ista tam lubrica aetate plurimum potest. Paucis abhinc diebus certamini se immiscere voluit, et aegre retractus est, donec serio admonitus aestus animi deferuisset. Deus vero tibi semper et in consiliis et rebus maximis indulgeat, filiosque crescere iubeat in gloriam suae stirpis. Non, Sextil. A. clō lōCXXCIV.

CCI.
EIDEM.

TAm pridem opto mihi euenire, vt, quodiu carui, tandem fruar adspectu tuo, et audiam sermones mihi iucundissimos, et, quod votorum caput est, libros copia et varietate instructissimos peruoluam. Nihil te fugit rarissimorum ingenii operum et solida eruditio tibi ante alios curae est, nec minus eruditos patrociniū ornas, et propensa voluntate, consilio atque opera, iuuas. Velim, hac conditione tam laeta semper utamur, et florentem nihilo peiori valetudine adspiciamus, et veneremur. Nicius, de quo accurate doces, cultu, et nitore linguae se commendat, atque in libro, qui *Pinacotheca* inscribitur, multa aperit, quibus varia eruditorum ingenia, et rationes vitae studio-

diorumque diuersae, quin et controuersiae, artes atque actiones singulares, continentur. Vir enim fuit prudens, et in aula Romana haud peregrinus, multa vidit, et multa obseruauit, quae alii, quasi ad se non pertinentia, neglexerunt. Reinesius eum pungit, et epistolas, ab eo scriptas, nullo numero habet. Sed ut hoc nihil de Nicii laude detrahit, sic Reinesio, epistolas duntaxat criticas aestimanti, potest condonari. Non idem Rosso erat consilium, nec ideo in hoc scribendi genere quod ab instituto Reinesii discrepat, reprehendi debebat. Facile tamen concesserim, eum Graiorum litteras non habuisse cognititas, sine quibus criticum, seu ut veteres loquuntur, Grammaticum, acumen nihili putandum est, in quo ceteroquin Reinesii industria eminebat. Venit hic mihi in mentem editionis Epiphanii, apud nos instauratae, sed ita multis scatet mendis, ut me eius taedeat pigeatque. De Fello Oxonii Antistite, accepi, in Iustino Martyre nunc edendo, elaborare. Meiero, bibliopolae, ab incepto desistat suasi, qui de eo rursus excudendo cogitabat. Budae expugnatio per litteras, Praga et Berolino missas, indicata, immo confirmata est. Adhuc animi pendeo, nec facile possum assentiri. Venio tamen in spem castrum illud potiundi. Regulus Boioariae, et Sueui

ui Francique Germani, subsidio ibunt. Artes Bethunii se prodant, Rege paulum cunctante, et tantum non tergiuersante. Pontifex monitione et pecunia incitat, et spem animumque addit. Ita vero Numini supplico, bene agas, et belle valeas, et omnia ex animi sententia absolvas. Id, Sextil, A. cl. bCXXCIV.

CCII.

EIDEM.

Graecifimos passim esse fusos per Latiorum monimenta, tanquam riuos ab Graeciae fontibus ductos, praeclare cognitum habes. Omitto Ciceronem, in quo plures sunt, quos si assequeretur vulgus, melius saepe Latiniusque loqueretur. Ex Tacito sumam, quod Histor. V, 5, 7 extat, quando Ebraeorum ritus scribere exorsus ait: *Corpora condere, quam cremare, e more Aegyptio.* Expressum Graecifimi vestigium haud quisquam peritus abnuat, si reddenda est sensus ratio, quae eo spectat, ut memoriae tradat, Ebraeos potius sepelire, quam comburere, cadauera suorum. Particula *potius ἐλλειπει*. Nam quaedam, et profecto facinorosorum, corpora in vallem Hinnon proiecta, exurebantur. Interdum vero *πλεονάζει*, quod durius quidem est, nec usu Tullii probatur, Plautus tamen, Virgilius, Flo-

Florus, Iustinus, huiusmodi *pleonasmos* vsurparunt, et *magis* ac *minus* cum gradu comparandi iunxerunt. Nihil hic addam de discrimine condendi et componendi, quod plerique negligunt, ex Tertulliano admonendi, quanto haec spatium distent. Sed non ausim his te quisquiliis obtundere, quem totum respublica sibi vindicat, ac demeretur. Buda adhuc resistit, et Ebraei in busto urbis, iuxta, atque barbari, pertinaciter pugnant. Eam si occupari contingat, perinde, ac spero, magni cognomine ornabitur Leopoldus, et versus orientem Augusti auspicia ostendit, ringente ad occidentem aemulo, qui nihil minus optat. Ceterum, quod res tempusque postulabat, inducias Caesar fecit, ut auxilia ab Imperio quantocyus mittantur. Veneti in Chio, maris Aegei insula, magnum aliquid moluntur. Deus rei Christianae propitius sit, et benigne in posterum opituletur, tibi autem omni, nec desinente, felicitatis genere vitam longissimam, laboris pro republica et nostrati Academia praemium, largiatur.

XV. Cal. Sept. A. cl. l. CXXCIV.

CCIII.

OTTONI MENCKENIO,

P P. Lips.

Vincor tuis beneficiis, nec habeo, unde iustam debitamque gratiam tibi referam,

Y

git grauis ista valetudo, quae tandem vires visceraque confumer, si nullum ab arte mendendi praesidium est sperandum. Multi quidem sunt, qui, dignos se fore successores, putant, sed qui Graecas litteras ne a limine quidem salutarunt. Non Grammatica sufficit, sed linguae indoles tenenda est, ratioque esse debet constituta Dialectorum, Glossariorum, Etymologicorum et Scholiastrarum, de quibus imperitum vulgus audiuit, sed non didicit, neque euoluit. Ernestus quidem in spem potiundi muneris venit, sed huius doctrinae, vel ipso faciente Stolbergio expers est, quod congressus nostri, et colloquia subinde patefecerunt, ut mihi, scientiam exploranti, nihil redderet expectatione dignum. Scriptores antiqui et puri, ii que in fontibus et scholiis perquirendi sunt, non carptim ex nouis et Graeculis scriptoribus ducendi veniunt, ut noster faciebat, cum belle valeret. Qui secus facit, non Graecum se proficitur, sed pictam, ut iocari soleo, eruditionem praefert. De Morelli conatu iam pridem ad me perlatum est, maxime ab iis, qui e Gallia reuersi, ipsum salutarunt. Multa desidero in numis Graecis, et Germanicis aevo medio procusis, in quibus nemo hucusque erudito orbi ab omni parte satis fecit. De aliis in posterum perscribam, et, quibus possum,

Y 2

sum,

sum , votis, pro honore et constanti valetudine tua annitar. Vitembergae, V. Cal. Oct.
clb b CLXXXIV.

CCIV.

OTTONI FRIDERICO BRANDIO,

Londinum.

Magni aestimo conatus tuos, multumque gaudeo, te appulisse in Angliam, infulam commerciis pariter et ingeniis felicem, et in omni doctrinae genere summum decus consecutam. Miror saepe tot inuenta, quibus illud regnum se commendat, et artes scientiasque expolit ac mirifice exornat. Rarum quoque et omnibus saeculis ignotum Fitzgeraldii experimentum miratur orbis, de quo multa audiui, sed tu, misso tam scito libello, certiore fecisti. Tuam vero in rimandis quibusque rebus industriam probo, cuius te non poenitebit, si viros doctrina vsuque rerum maximos tibi conciliare pergas. Opportuna, crede mihi, nunc proficiendi occasio est, quam arripere te velle arbitror, nunc maxime, quum Londini versaris, id est, in ea vrbe, quam iure dixeris gentium scholam. Boyleum non Angliae, sed Europae lumen, tot naturae arcana aperuit, vt nemo sit, qui eius merita assequi posse videatur. Nihil Croonio elegantius, nihil Hookio subtilius,

us, nihil Detleuo Cluuerio, populari tuo, humanius, qui omnes ope et consilio te iuuant. Ingenuus et intemerata fide Haakius omnes externos, atque inter hos maxime Germanos, quibus potest officiis, demeretur. Nemini concedit beneuolentia venerandus sacerdos Martens, cui nihil tam prosperum eueniat, quod non ex animo velim. Auctoritas, sapientia, et humanitas in eo sane certant. Pragestus et Ludolfus, iunior, nihil in se desiderari patientur. Apud nos Stolbergius octo prope menses aduersa utitur valetudine, nec medici bene augurantur de tumore, qui totum eius corpus infestauit ac oppressit. Induciae inter Caesarem Gallumque conuentae, Caesari Budae occupandae spem faciunt, quam si recuperaueris, regnum diu a barbaris interceptum, vindicabit, sed res *Protestantium* cum ibi, tum in Silesia, deteriori loco erunt. Compositio pacis Itzehoensis vtinam Holsatiae fausta contigisset. Ego sane et patriae, et tibi tranquillitatem fortunamque optimam precor. Vitembergae, Id. Octobr. clb l^cXXXCIV.

CCV.

IOANNI CONRADI,

Mechlenburgio.

R Edditus mihi liber est, quem tot votis expetitur, tua sane diligentissimi homi-

minis opera, tandem recepi. Vere affirmo, ab illustrissimo Heroe Frisio permagni esse aestimatum : parum quippe abest, quin VVolfio praeferam, cuius tamen commentarii omnium eruditorum consensione approbantur. Vnum in eo requiro, quod fontes Graeciae dispari cura perquisiuerit, vnde omnes eius doctrinae riuuli sunt ducendi. Ego si quid reliquum praetermisit, resarciam, et quibus par est modis, ornamenta conquiram. De Suida scias, Hubnerum esse appellandum. Duo quidem exempla nactus sum, sed Porti recentior editio a me desideratur. Multa in eo reperi, et ante me alii, quae vel castiganda, vel in stauranda et supplenda erunt. Stolbergius fatis concessit, hic neminem scio, qui Graecam linguam ita animo teneat, ut Graece in posterum docere possit. Vale, et Patronum tuum Raschkium saluta. XVI. Cal., Nouembr. clc l^cCLXXXIV.

CCVI.

ADAMO CHRISTOPHORO IACOBI, IC.

Saxonis EL. Consiliario.

MAgnum animo gaudium cepi, simul ac mihi significatum est, te collocasse Doctori Bergero filiam, indole et animi ornamentis, nobilissimam virginem generis per-
in-

inde, ac fortunae dignitate, nulli aequali-
um secundam. Quod consilium tibi pari-
ter, et genero fortunatum esse cupio, vt fa-
miliae tuae splendor magis se diffundat in
posteror, nec finiatur vnquam felicitas,
quae virtutis pretium in tuarum honore
necessitudinum ponit. Nam, qui filias be-
ne moratas, viris bene merentibus, nuptum
dant, honesto quidem et recto consilio ni-
tuntur, sed in primis de vniuersa republica,
summa quadam vtilitatis ratione, merentur.
Quo maiori laetitia afficior, postquam con-
siliu diuinitus perfectum est, vt Bergerus
Iurisprudentiam in theatro sapientiae et
legum, Anna Sophia Bergeri familiam in
domicilio castissimae virtutis, ornaret. Lac-
tor et plaudo, ac, bene cum vtrisque actum
esse, affirmo, optoque, vt mente semper
placida inter se colant et diligant, et suauiter
sinceroque gaudio, sine taediis ac pertur-
batione, penitus fruantur. Illud maxime
volo, vt hac aetate tua semper deliciarum
talium sementem ac materiam habeas, tui-
que similes generos adsciscas, qui nullam
non reipublicae partem attingant, et lau-
dum tuarum exempla certatim sequantur.
Ego sic nihil insuaue et acerbum mihi pol-
liceor, qui sciam, quantum mihi in te prae-
sidium sit, quod, non dubito, quin in tuis
affinitatibus et necessitudinibus mihi relin-

quatur. Plura non addo, quia verba me deficiunt, quibus summum et incredibile gaudium, quo exultat animus, in praesens exponam. Illud tantum dico, illud precor et enixe contendo, Deus te feruet, et filiae nuptias fortunet, omnibus gaudiis, omnibus Gratiis perfundat! Vitembergae V. Cal. Nov. clo b CLXXXIV.

CCVII.

E I D E M.

PRaeter religionem obsequii, quod semper tibi constare debet, etiam hoc significari, par est, quod profitear meum studium ad ornandas Graiorum litteras, praesertim hoc temporum statu, quo omnes, quos sciam, Candidati Graecae litteraturae peritiam prae se ferunt. Subsidia librorum, et adiumenta doctrinae, et praesidia artis mihi constituta sunt, habentque eae litterae maximam cum historia cognationem, et Lipsiae, Giesae, atque apud exteros, saepissime sunt coniunctae. Multum certe interest inter Graecam Grammaticam, et Graecas litteras, quarum prior exiguis finibus continetur, si Criticam demas, altera autem per omne doctrinae veteris genus patet, spatiumque sibi amplissimum in historicis Graecis designat. Ipsa Latina lingua sibi constare non potest, nisi opes copiasque

que a Graecia petat. His fontibus Cicero rigauit hortulos suos, et honorem Graecis habuit, ut Graecos per omnia imitaretur. Vfu meo hoc didici, et a summis eruditissimisque viris alias audiui, non scire Latine, qui Graece non sciat. Hoc vulgus ludimagistrorum ignorat, et eam ob causam passim litterae hanc calamitatem ceperunt, ut, inter tot Graecos, Graece doctum quaeramus. Ne vnum quidem noui, qui interpretes Graecos, et scholiastas Thucydidis, Demosthenis, Euripidis, Sophoclis, et ante omnes Homeri, legere et interpretari possit. Nullus vero eorum Latine expositus in lucem exiuit, quorum ope tamen maxime nitendum est, quum origines et propriae tralataeque vocabulorum significationes perquiruntur. Lexica non sufficiunt, falluntque saepe suos auctores, nec praebent omnia, quae promittunt. Veni itaque in spem, fore, ut Illustrissimo Senatui vestro non ingrata, nedum impudens, haec petitio mea videatur, maxime, quod ante me plerique diuersas, et interdum dissimiles, doctrinae partes opera et labore coniunctas habuerunt. Erasmus Schmidius magna cum laude mathematicas pariter, et Graecas litteras docuit, quarum non est tanta cognatio, quanta artis Graecae et historiarum. Sed Illustrissimo Senatui vestro

;Y 5

stro

stro iudicii gloria, mihi obsequii necessitas, relicta est, de te autem, Magnifice Vir, spondeo praesidium causae, propterea, quod summa tuae mentis acies, et aequissima voluntas est, quae ab honesta et demissa clientis petitione non abhorret. Ceterum approbet Numen, quod in eam rem confulis et destinās, et vigorem animi perpetuum, valetudinemque corporis non inclinātam, ac praemia laboribus maximis immortalia, quae supra invidiam sint, imperiatur. Vitembergae, Id. Nov. A. cl. l. CXXCIV.

P. S. Galli factis in viginti annos induciis, sic agunt, et res suas ordinant, limitemque muniunt, ac annonam comparant, horreaque exstruunt, quasi instanti anno bellum conflaturi sint. Forte ab Vngaria, ubi alea male cecidit, belli moles ad Rhenum transferetur: Heluetii diffidunt et timent, Itali perculsi sunt, Bataui rixantur et dissident, Rheni tractus fatis suis vrgetur. Hic aliquandiu in Consultissimi Ziegleri conuictu fuit Ioannes Godofredus Bergerus, artis salutaris Doctor, in quo et elegantia moris, et ingenii nitor, et artis medicae decus atque ornamenta emicant, et doctrinam pariter usumque commendant. Utinam talis tamque dexterrimus Vir superiorem D. Lossii iacturam sarciret. Rector

ctor Academiae Doctor Mayerus, pro causa et sententia Theologorum acriter disputavit, sed in tempore defecit disputandi impetus, primo experimento prolatus, ut aemulis ostenderet, etiam in arena acriter disputantium consistere se posse. Mox insequenti hebdomade placide comiterque partes egit, et diligentia atque assiduitate omnes in admirationem rapuit, concionandi laude omnes vicit.

CCVIII.

E I D E M.

SI aliquae meae partes esse possunt in eo pietatis genere, quo publica spes, et patriae charitas salusque continentur, mihi vni omnium maxime hoc impositum esse sentio, ut fidem observantiamque solenniter patefaciam, et voti opportune nuncupandi, occasionem sumam. Abs te enim litterae nostrae robur et subsidium petunt, solatiumque expectant, abs te remedium fortunae quaerunt, et, si quid audacius postulant earum cultores, ignosci sibi, cupiunt, et ad obsequium tuum se inclinant, aut, si mauis, seruitium profitentur. Omnes adsumus, fidi clientes tui, omnes hanc felicitatis nostrae possessionem arbitramur, si hoc bene precantes assequi queamus, ut valido diuinæ opis praesidio firmatus, robur virile

et

et vires integras serues, et omnibus saeculi
malis secunda fortuna et consilio optimo
resistas, et in ipso rerum temporumque di-
ferimine viam inuenias, atque hoc fastigium
gloriae teneas, nullis temporum vicissitu-
dinibus mutandum. Has opes copiasque
votorum et offerimus tibi, et exponimus,
has supplicationes etiam priuato religionis
sensu decernimus, vt firma aetas et summa
felicitas pari et aeqvo foedere te comple-
tantur. Nihil te laedet, quin nos adfligat,
nihil te adfliget, quin nos prosterнат, utrum-
que vero odimus et detestamur, Deumque
poscimus, ut omnes res spesque tuas fortu-
net, et labores atque consulta tua prosperet,
taedia et omnes fortunae acerbitates propi-
tius auertat. Ne totius quidem annus votis
explicandis sufficiat, si recte fungi officio, et
digne partes clientis exsequi velim, hoc ta-
men pace tua subiicere mihi liceat, vitam
producas, et famam perferas ad feros poste-
ros, vt te per omnes meritorum gradus
egregium et magnum, perinde reipublicae
ac familiae causa, saluum pariter, et sospi-
tem, inter firmas florentesque necessitudi-
nes et inter liberorum munimenta, nepo-
tumque amplexus et gaudia, nullo adspectu
fatiatum, nullo fastidio, calamitate et mor-
bo impeditum, benignissime Deus tueatur.
Quod pro se quisque optat, et sigillatim spe-
rat,

rat, votisque certat, et precibus a Numine
contendit tuus obsequentissimus IV.
Cal. Ian, clb lbCXXCIV.

CCIX

HENRICO HAXTHVSIO,

Cancellario Serenissimi Hassorum Principis.

INtelligo, mearum esse partium, vt ratio-
nes obseruantiae denuo confirmem, et
Grauius Allendorfsiensi, homini artis saluta-
ris perito, litteras ad te perferendas tradam.
Mihi quidem mea conditio non displicet,
sed fortunam temporum, et fluxas Germa-
niae res, vehementer doleo, et, nisi alias,
nunc omnino fatum, quod magna imperia
vrgeat, agnosco. Stant Gallo consilia, vi
et astu delendam esse Austriam, vt, qua ca-
dente, ceteri facile praecipites agantur.
Hispanos inopia et orbitas deprimunt, et
perfidia quorundam in vulgus est nota. Cae-
sar sub onere resistendi barbaris probe fa-
tiscit. Vna Budae obsidio irrita omnes
spes consumsit, retracto per Bethunium So-
bieskio, vt tergiuersando traheret tempus,
falleretque Caesaris expectationem. Ve-
neti non magis a Turca, quam a Gallo, sibi
timent, non ignari, quam grauitur ferat
prosperam superioris expeditionis famam,
quippe non passurus, vt in mari Ionio po-
tentiam augeant nimisque firment. Bataui
vix

vix pace libertatem suam tueri possunt, quibus suspectus et inuisus est Auriacus Princeps, vulgus ibi mobile, Proceres studio et gratia, artibus Auauuxii corrumpuntur. Aula Britannica largitionibus et blanditiis Gallicis retinetur, externorum secuta, dum modo domi dominetur. Video, quorsum ea res euasura sit, si Rex fatis concesserit, aufero omnia populo, et arma ciuilia sumptu-
ro. Heluetii pretio, promissis, imo et metu, continentur. Italia, illa omnis reconditi consilii magistra, non habet remedia tuendae salutis, atque ex euentu belli Germanici sortem suam aestimat, Sabaudum laqueis constrictum videt, Mantuanum et Mutinensem Gallicis consiliis innexos nouit. Genuae negotium, curam formidinemque, intendit, etsi Pontifex, temporum et consiliorum gnarus, se interponit, ac pium demissumque animum praefert, quum magnis conatibus est obnitendum. Non sibi vtiliorem Roma eligere, neque Italia callidior expetere potuit, praesertim hac aetate nostra, vbi Rex, discordia et veterno finitimorum praepotens, omnium sane Principum libertati insidiatur. Iam res eo rediit, vt barbari non coniectura, sed apertis indiciis, noscere incipiant, rerum Christianarum arbitrium esse penes *Christianissimum* Regem. Hinc tot legationes, tot prae-

praeconia et priuilegia, a Turcis, Persis ac Siamensibus, concessa Gallis. Nuper Londino Ludolfus, iunior, perscripsit, iactasse Gallum, legationis Siamensis Principem, octoginta millia barbarorum Mahomedanae superstitioni nuncium misisse. Hoc suae industriae acceptum ferunt, annitentibus Ignatianis sodalibus, vt Gallia suis legibus ritibusque totum terrarum imbuat orbem. Ferri posset, nisi iugum in *Protestantes* animis molirentur. Non pridem Natalis Alexander, Iacobita, acriter scripsit in Pontificem, et Regi ius sacrorum, quod Galli *regalium* vocant, intrepide asseruit: Maimburgius et libere et aspere inuehitur saepius, nec Pontificis auctoritatem veretur, Rege patrocinium praestante. Res *Reformatorum* in Gallia miserae sunt, neque vlla spes est, fore meliores. Pacem Antalcidae et pactionem seruitutis, ita pacem Neomagensem interpretor, nihilo sinceriores firmioresque induciae sequuntur. Absit foedum omen! Deus vero respiciat Germaniam, et consilia spesque tuas fortunet, vt Hassi, ad venerationem cultumque Principis compositi, procul externo dominatu floreat, et suis legibus liberi et inuicti vtantur. Ad vltimum te, familiam, filiosque, in spem patriae natos, cum vxore et filiabus charissimis, et vniuersis adeo necessari-

cessitudinibus, benigne feruet, et, hoc in-
eunte anno, ac deinceps, contra omnia sae-
culi mala, nunquam lubrico rerum statu,
et nunquam inclinata temporum fortuna,
tueatur. Vitembergae Saxonum, Cal. Ian.
A. clb l^o CXXCV.

CCX.

L. MEISNERO.

NOn dubitavi, quin petitioni meae dares,
et fidem promissi liberares, cum pro-
pter veterem et sancte inter nos cultam ami-
citiam, tum, quod, summam mei studii in
antiquitate Graeca positam, nosti. Nunc
aliquid de *Ensisferorum* Ordine commen-
tor, quod primo quoque tempore ad te per-
ferendum curabo. Nec Basilius Latinus
tuam spem fallet, si Graeci copiam feceris,
quem quidem a te vehementer exspecto.
Ignosce vero audaciae, et de me sic existima,
in omni gratiae referendae genere me
promptum paratumque fore. Tempora sane
misera, et tristes foedique ab Gallia nuncii
iterum me perturbant. Induciae vix coalue-
runt, quum, ob nouam finium controuersiam,
rumpentur. Bataui discordiis, Germani
aemulationibus et contrariis consiliis, se
impediunt atque atterunt, et, dum singuli
imperare volunt, vniuersi opprimuntur.
Barbari denuo rebus prosperis erecti, in-
stanti

stanti anno, Caesaris, prope sub onere fatifcentis, regiones infestabunt. Deus salutis orbis Christiani consulat, et te familiamque diutissime seruet, ac demum efficiat, ut ex eo loco, quem ornas, ad altius fastigium ascendas. Vitembergae. Non. Ian. A. clō lōCXXCV.

CCXI.

ADAMO CHRISTOPHORO IACOBAEO,

IC. Dresdensi et Saxonis EL. Consiliario.

Summa et incredibili benignitate tua iacentes clientum animos excitas, et, temporibus etiam duris, in spem cogitationemque meliorem erigis, gloriamque patrociniū vni tibi maxime vindicas, et constanter seruas, ut affirmare audeam, te omnia ea, quae alii sigillatim possident, vniuersē complecti, magnumque esse laudis fructum, si abs te laudari quis mereatur. Quare tuam de mea diligentia opinionem demisse veneror, neque id mihi sumo, ut me tuae expectationi satisfacere posse, credam, certe tamen omnem meam operam laboremque eo conferam, ut intelligas, verba tua non aliter, ac praecepta, a me suspici, quae si per omnia me assequi posse crederem, veniret vsu mihi, quod arrogantibus solet, qui vitium vana spe alunt, et

Z

nemi-

nemini magis, ac sibi ipsis, nocent. Longe alia mihi mens est, et, quanquam, a doctrinae studiis totum me possideri, affirmo, tamen vel singula verba tua accuratorem industriae rationem continent, et, quid facto opus sit, exemplo sanciant, vsuque declarant. Omnino, me in felicibus numerandum, existimo, quod vel soli conatus mei summo ac perspicacissimo iudicio tuo probantur, etsi, ab aliis superari, me fateor, et doctioribus libens concedo, ac tibi etiam plane palmam hanc trado, et obsequii gloriam relinquo. Quando autem virtus tua ver bis meis non eget, vnum id mihi sufficit, a diuino Numine hanc inire gratiam, vt preces et vota mea, pro salute tua his Calendis Ianuariis concepta, valeant, vtque, hoc perturbatissimo Europae statu, sine animi molestia, nullis implicitus morbis, diutissime floreas, et virtutes, nullis temporum finibus terminandas, mihi autem et posteris sempiterna admiratione prosequendas, tradas. Vitembergae, VI. Id. Ian. clō 16CXXCV.

P. S. Rector Academiae Scherzero Theologo Lipsiensi egregie et eleganter panegyricum dixit, et hodie incomparabili facundia pro sacris nostris vota nuncupauit. D. Bergerus secundum locum inter candidatos tenet: eum si aliquid votis nostris tribuendum sit, prae omnibus aptum idoneum-

neumque iudicamus, sed interim ingratus rumor affertur, Lipsiam ab eo destinari.

C C XII

CAROLO L. B. A. FRISEN,

In senatu sanctiori aetate et meritis principi.

QUod pietati meae congruit, in ea cura atque cogitatione noctes diesque verfor, ut vota mea, pro salute tua concepta, perennis et sinceri gaudii fructum afferant, ac omne felicitatis genus impetrent et impertiant, quod nullo, quamvis perturbatissimo, temporum statu tibi eripiatur. Nam tua incredibilis benignitas iacentes subleuat, miserosque erigit, et, labentibus patriae rebus praesidium est, ut nemini plus, quam tibi, Domine, se debere, ultro fateantur. Ego, si obliuiscar, non culpam, sed scelus, admittam, quod vnus tu sis litterarum stator, cui omnia, quæ cum dignitate coniuncta sunt, libentissime accepta feramus. Siue animo meo Atlantem fingam, praestas nobis beneficium, et Academiam patrocinio fulcis, siue Herculem recogitem, certe haud minus tibi debemus, cum monstra ignauorum et inertium hominum ope et consilio tuo arceantur: Felicem vero patriam, quam grauitate iudicii moderaris, quæ statim, ut tui nominis sanctissimi mentio fit, gaudio perfunditur, et optat,

non alios esse consilii principes, quam tuos heredes. Hos poscit rerum agenda-
rum auctores, hos publicae felicitatis duces alta voce pronunciat, hos veneratur et
suspicit, hos denique in altissimo reipublicae gradu positos cupit, neque expectatione
sua frustratur. Quare maiorem in modum gaudeo, et patriae gratulor, quod illustri-
ssimo filio tradita legati provincia sit, ut negotia patriae in comitiis conficiat, et
in publicum consulat, atque in illo orbis theatro omnia ex animi sententia agat, et
summam adeo prudentiae dexteritatisque laudem sibi paret. Patria ei palmam deferret,
et posteritas ab una tam florenti gentis tuae radice perpetuos, nostra opinione
votoque, furculos propagabit. In hanc sententiam obtestor Numen, ut te Domine,
firmum valentemque, prospera rerum temporumque fortuna, seruet, Coniugem,
heredes, necessitudines, praesidio firmet, et societate consilii ac vinculo concordiae
coniungat, et omnes res spesque tuas, omnia instituta et desideria, moderetur, vires
semper novas indulgeat, et mala saeculi, calamitates et molestias omnes, abs tua domo
benignissime auertat, et ornamenta splendoremque pristinum Frisiae gentis, nostra,
et reipublicae, et Academiae, causa tueatur. Quod sperat, optat et precatur, qui in illustri-

Iustissimæ Excellentie Tuæ admiratione defixus est, et parendi lege ac religione se proficitur humilimum et obsequentissimum clientem. Vitembergæ Saxonum, ipsis Calendis Ianuariis, quas felices, et felici auspicio coeptas, felicissimo rerum cursu deinde continuari precor: hæc enim vna votorum meta est, vt nullis temporum finibus tua felicitas circumscribatur clō
bCXXCV.

P. S. Dabis petitioni meæ, vt nomen meum inter candidatos appareat, quod in his literis maximam ætatis meæ partem consumsi, a quibus omnis doctrina liberalis proficiscitur, et a quibus historiae et antiquitatis initia sunt petenda. Nemo Latine scit, qui Graece nescit: Tullius omnia sua ab his fontibus duxit, Graecos oratores, philosophos assidue legit, cum iis in Graecia et Italia versatus est. Ego, qui ex Instituto litteris humanioribus me tradidi, et subsidiis Graecis abundo, eadem opera de antiquitate et Graecis litteris mereri me posse confido. Graecorum doctrinae copiosae, et litterae per varias dialectos fusae, inter verbera et plagas Orbilionum discuntur, et vsu atque exercitatione, et amplissimis codicum librorumque adiumentis perficiuntur..

CCXIII.

CHRISTIANO ZAHNIO,

IC. et Quaest. Vitemb. aerariiue Praefecto.

Gratulor, hunc illuxisse diem, quo saluo tibi et sospiti bene precor, et valde gaudeo, quod meam causam nobilissimo Herzogio a secretis commendare coeperis, vt, vel hoc patrocinii tui argumento, sperem, fore haud inanem instituti mei exitum, praesertim te annitente, vt summi et illustres Patroni eo certius mihi concilientur. Non dubito, quin assentiatur tibi Magnificus Rector, et, fiducia officiorum, quae iure sibi a me vindicat, me pari studio prosequatur, et intercessione me adiuuet, tuendumque, pro auctoritate sua, suscipiat, et rationes totius incepti bene sapienterque moderetur. Ego non committam, vt ingrati crimen vnquam mihi obiiciatur, et in omni obseruantiae genere efficiam, vt cognoscas, homini obsequenti et fido beneficium te tribuisse, nec spondebo, sed re factisque praestabo, quod iure tuo exigere a me potes. In primis autem, hanc pietatis legem traditam mihi, putabo, vt Deum venerer supplex, quo metam tibi itinerum laborumque difficiliorum tandem ostendat, et curae sollicitudinisque leuamentum, augendis, tuendisque familiae rebus, perutile et auspdatum largiatur. Hoc debes posteri-

tati,

tati, ne memoriam tui posteris furripias, et vel hoc nomine etiam, de genere tuo et pariter republica, quam consilio et sobole ornabis et munies, bene mereare, Iplis Kal. Ian. clō lōCXXCV.

P. S. Rectori pignus obsequii abste nunciari cupio, et epistolam ei commendatione et patrocínio ornandam tradi obnixe peto. Is votis pro concione nuncupatis erexit nos, et incomparabilem cum religione animi coniunctam facundiam certe testatam fecit. Deus virum patriae, Ecclesiæ, Academiae, bono publico seruet. Iam ceteris quoque palmam dubiam fecit, Scherzerum pro rostris Academicis grauter et magno cum applausu laudauit, mensuram impleuit. Deus virum, et fidum Achatem tuum, et patronum meum vna tecum seruet/ IV. Id. Ian. A. clō lōCXXCV.

CCXIV.

SACERDOTI CVIDAM.

Magnopere me commouet pertinacia sacerdotis Conradsreitensis, et Patres Academici, immo et Senatores aulici satis mirari non possunt istam maleuoli pectoris tergiuersationem. Copiam tibi feci cautionis chirographi, fiducia patrocínii tui, quod, nescio cuius culpa deperditum est; nec spes recuperandi affulget. Tua autem manu

nitor, et peto, vt res ea tandem, iustitiae et honesti exempli causa, conficiatur. Fallendi artes detestor, et in spem venio, fore, vt iustissimo Principi vestro firma et efficax iuris reddendi ratio circumspiciatur. Vindico mihi, quod meum est, quod omni iure mihi debetur, nec obruo debitorem, ingratum hominem, quem diu admonui perhumaniter, fidem liberaret, dissolueretque aes alienum. Quare iterum te interpellor, pro iustitia annitare, operamque conferas, vt mihi quamprimum satisfiat. Ego Deum precor, vt tibi Kalendas Ianuarias fortunet, et diuina humanaque omnia beneficia cumulatissime impertiatur. Contra inuidiam, contra iniurias, et mala temporum, sub tutela et auspiciis optimi Principis te tueatur. III. Id. Ian. cl. l. CXXCV,

P. S. Filio tuo quem saluere volo, non inuito partes dedi admonendi huius debitoris, sed quo statu res sit, nondum cognoscere potui, nec responsum tuli, ita omnia apud nos frigent.

CCXV.

MARTINO WENDLANDIO, IC.

Consiliario Brandenburgico.

QVem mihi commendasti filium, eum valde amo, et, quibus possum, officiis, prosequor, atque in eo viam paternae indolis

dolis effigiem intueri mihi videor, quoniam diligens et plane frugi est, ac ea praesertim curat, quae veram solidamque laudem complectuntur. Elegantioris studii, quod ab humanitate appellamus, rationes, me auctore, confectas habet, et Historiam, qua ad civilem vitam pertinet, haud remissius tractat, nec a Graecis litteris abhorret, quas vulgus iuuenum negligit, ac prope auersatur. De Philosophia morum scribere superfedeo, cui se totum tradit, Grotiumque paullatim auspicatur. Haec via ipsi est ad Iurisprudentiam, ut rerum consiliorumque fontes aperiat, quorum riuuli in patriam dimanabunt. Superiori quidem tempore non belle habuit, ac saepe ea de causa perturbatus sum, nunc vero commoda valetudine utitur, et vires colligit, et omnia ex animi sententia agit. Seruet tibi Deus hunc gnatum, decus et praesidium familiae, et omnia laeta prosperaque cumulatissime concedat, ut pariter ad familiam, et patriam digne ornandam, permultum afferat, et suis ipse bonis securus fruatur. Ita vero, spe plenus, bene feliciterque agas, et diu superstes valeas, ac de PR. EL. Brandenburgico, qui libertatis Teutonicae murus et propugnaculum est, rectissime merearis. Vitembergae Saxonum, III. Id. Ian. A. cl. l. CXXCV.

CCXVI.

NICOLAO L. B. A GERSDORF.

Senatus sanctioris principi.

ITerum venit mihi in mentem huius temporis, quo sua quisque vota nuncupamus, et, certamine quodam pietatis, laeta omina perferimus, et obsequium pariter declaramus, vocesque mittimus religione plenas, et Deum, reipublicae Saxonicae custodem, ac praesidem, oramus, seruet patriae, seruet nobis, summam diuinamque virtutem, quam in principe consiliorum, Gersdorfio, admiramur. Non melius rationibus publicis prouisum esse, Saxonia intelligit, et omnes aulae atque atria Principum his acclamationibus personant, atque in te spem praesidiumque temporum collocant, abs tua ope opem et subsidia expectant. Est profecto perturbatissimus Europae status, et fortuna belli anceps, et minae barbarorum, irrita Budae obsidione, terribiliores, apparatus etiam maior armorum, quae inter spem metumque omnium animos suspensos tenent. Induciae cum Gallo, ex occasione temporum facile rumpendae, resque passim afflictæ, et perinde annonae ac pecuniae difficultates, plane deprimunt fortissimum quemque et percellunt. Sed tuo consilio, sub Dei Principis-
que

que tutela auspicatissimo, omnia temporum mala cedent, vastitas et solitudo desinet, et miseriae calamitatesque cessabunt. Inter hos labores vigiliasque tuas una haec nobis clientibus consolatio occurrit, quod nemo patriae carior floreat, quam princeps moderatorque consiliorum Gersdorfius, in quo spes nostrae fixae, in quo decus salusque fortunarum est sita, cuius Illustrissima Coniux, generosi heredes et liberi, eadem felicitate, et pari prosperaque fortuna, et firma semper, neque leuiter inclinata, valetudine fruuntur. Vitembergae Saxonum, prid. Idus Ianuarias, A. clō lō CXXCV.

CCXVII.
MIRENIO.

Fides tua et promissi religio non modo te admonet, sed coarguit planeque conuincit, non stetisse te pactis. Remedii igitur iuris necessitate expresso vtendum est, vt intelligas, rem iam eo rediisse, vt neque ludificationi, neque tergiuersationi locus sit: Misi tabellarium non prius abiturum, quin pecuniam soluas, et sumtus eo nomine cures, nisi facias, Dresenam te in ius vocet. Fortunae tuae faber sis, et contra huius anni atque honoris tui auspicia nihil admittas. Vale, et quod te decet, age.

CCXIX.

CCXIX.

IO. GEORGIO BOERNERO,

IC. Consiliario Saxonico.

SEra etiam, sed pietate plena, vota non reprehendes, quorum haec summa est, ut tu tuique semper firmi sitis et valentes, et omni adeo felicitatis genere in perpetuum floreatis. Merita tua, et tuarum sane nobilissimarum necessitudinum, in me constant summa, atque eorum memoria menti meae infixata est, et religionem animo affert, ac pro grato officio quasi spondet. Si vero, pace tua, audaci mihi esse licet, cumulum, quaeso, adicias superioribus illis beneficiis, et, nisi graue est, pro mea causa apud Magnificum Patronum, eumque affinem tuum, intercedas, ut provinciam Graeci Professoris, doctrinae meae aptam et consentaneam, morte Stolbergii vacuam, nanciscar. Nemo inter Candidatos Graecae linguae professos est Graecus, quod ipsi non dissimulant, ipse etiam Holsatus, vir quamlibet variae eruditionis, nullum, quod sciam, in Graecis litteris specimen dedit, quae ego aequae, ac Latinae, percalleo, et, si vana spes me non tenet, subsidium studii magis excolendi hac accessione exspecto. Si tamen Vir ille, quem nosti, non abnuat capeffere has partes, flagitare desinam, ceteris autem, Graece indoctis ne postponar,

nar, tua auctoritate permoueas Maecenatem magnum, Iacobaeum. Vale, Patrone, et cum nobilissima vxore, sobole, affinitatibus prospere feliciterque age. Deus te feruet, et omnia temporum mala abs te auertat. Id. Ianuar. A. clv b CXXCV.

CCXXIX.

IO. HENRICO BERGERO, IC.

ESt quaedam diuina abditaque vis, quae homines consensu virtutis inter se conciliat atque coniungit, vt honestis laboribus certent, et partes suas mutuis sanctisque officiis tueantur. Etsi autem in me nihil est tam eximium, quod tuae expectationi respondeat, tamen insignis illa summi Patroni de me opinio effecit, vt aliquid meis studiis concederes, quae Iurisprudentiam aliqua ex parte ornant, et certe humaniorem reddunt. Magnopere igitur probor tuam industriam, optoque, vt facultatem illustrandae Iurisprudentiae, quam consecutus es, nullus deinde casus tibi eripiat, et magnum adeo Socerum, in quo omnes animi dotes summae ac sine exemplo sunt, in omnibus vitae munerisque partibus feliciter et recte imiteris. Mihi certe nihil tam gratum euenire potest, quam, si de rebus tuis florentibus, et maiori in dies dignitatum accessione, audiam. Poscit hoc necessitudinum

num Iacobaearum gloria, quae cum admirationem habet, tum omnium ore celebratur. In tantae laudis partem receptus, egrerum sane hominum oculos in te conuertis, qui multa et luculenta monimenta abs te in illa Academiae luce expectant. Experientissimi Fratris causam Patribus commendavi, atque eius ratio habita est, ut inter Candidatos locum teneret. Valde cupio, ut haec provincia, quae successorem eximium desiderat, Fratri tuo apta explicataque tradatur, quam ad rem permultum potest Magnus Socer, nec quicquam in eo genere praetermittit Zieglerus, qui te saluere iubet. Ad extremum Deo immortalis supplico, ut toto hoc anno, cum suauissima vxore, bene valeas, et sine animi aegritudine et molestiis negotia tibi credita conficias, Iurisque prudentiam diligentia et meritis constanter et maximo opere ornes. Vitembergae Saxonum, XVI. Cal. Febr. clb. bCLXXXV,

CCXX.

GEORGIO GASSITIO.

Gymnasii Carolini Bremensis Rectori.

Non me certaminis arbitrum interpono, nec mihi sumo, ut alterutri parti studeam, neque id rationes meae ferunt, propterea, quod subuereor, ne inter nos,
vel

vel leuissima dissentiendi occasione, committamur. Speciosis, nec omnino improbabilibus, argumentis causam tuetur Clarissimus Eggelinus, cuius non insuauis ingenium, et varia lectio, nec minor eruditionis copia, et antiquitatis peritia non vulgaris, mirifice mihi placent. Nec fraudi sit doctis, si alii vincant alios, et feliciori coniectura praeferant, ac sagaciori ingenio abundant, atque obscura quaeuis et difficultatibus implicata rectius assequantur. Fortasse in huius curae partem vocari potest celeberrimus Henricus Meibomius, qui, ut in omnibus antiquitatis partibus, sic etiam in numariae rei scientia, praeclare versatus est, et humanitate pariter, ac doctrina, cum omnibus facile contendit. Mihi in praesens integrum non est dicere sententiam, hoc tamen fateri licet, eum et diligentis, et docti viri, nomen tueri. Illud vero modestiae lege deprecor, quod mihi, pro summo amore tuo, tribuis, quasi is essem, qui Scaligero et Lipsio se aequare ausit. Multa quidem a doctissimis praetermissa vidi et castigavi, in Graecis et Latinis Scriptoribus passim, sed ideo nemini grauisero, et cuiusvis honori parcam atque cum omnibus ita agam, ut contentionis studium a me alienissimum videatur. Rixandi libido turpis est, nec conuenit eruditis, et dedecet

modestos, quorum affectus maxime rationi
feruire debent. Mitto tibi dissertationem,
sub initium huius anni scriptam, ut videas,
quam modeste a me tractetur Hartknochius,
ne impediam, quo minus iste otio suo
fruatur. Feramus omnes, qui, veritatis
causa, dissentiunt, et gratias iis agamus, si
meliora docere possint. Vale, et toto hoc
anno feliciter res tuas age. Vitembergae
Saxonum, XV. Cal. Febr. A. clō 15CXXCV.

P. S. Hamelmanni Chronicon Oldenbur-
gicum, si eius potiundi occasio sit, fac acci-
piam, nec dubita quin pecunia statim per-
soluatur. Winckelmannum Bremae, et
Mislerum Stadae, ac Villimerum collegam
tuum salutes. Valckenriedense hoc tem-
poris articulo nactus sum, de eo non labo-
res velim. Einbeccense Chronicon adhuc
quaero

CCXXI.

L. MEISNERO.

DOno tibi do dissertationem, breuē
illam quidem, sed multos tamen aeta-
tum saeculorumque euentus complecten-
tem. Cernimus, in his fortunae tempo-
rumque vicissitudinibus, magnam Dei pro-
uidentiam, quae, cum poenas sumere con-
stituit, consilia hominum opinione citius
corrumpit. Equites isti, libidine soluti, et
ambi-

ambitione elati, ad vltimum Rufforum populo, in vltionem diuinitus excitato, refiftere non poterant, ab imperio autem deſtituti, tandem deditioe ſibi conſulebant, et ſuae etiam vtilitati dabat Kettlerus, vt nouum, eumque clientelarem, *Ducatum* ab rege et regno Poloniae paciſceretur. Eum dehortati ſunt magnus Teutonici ordinis Magiſter, et Clemens VII, Pontifex Romanus, ſed ſurdo narratur fabula, et interim religio emendata inter has conuerſiones caput effert, ſedemque in limite, ringentibus Pontificiis, figit. Haec Dei abdita conſilia ſunt, quae nulla arte eludi poſſunt, quorum nihilo obſcurius exemplum praeſebet ſoluta Budae obſidio, quam ſi occupafſet Caefar, tota Hungaria *Proteſtantes* exuſſent. Mutat Deus pro lubitu, quae homines vtilitatis cauſa ſibi deſtinant, vt mo-
neantur, aliam ciuitatem mortalibus eſſe circumſpiciendam. Omnes Principes vel infelices ſunt, vel foede pereunt, qui in ſacra acerbius conſulunt, quod vel hiftoria Romana fatiſ confirmat. Ego hic deſino, et valere te iubeo, et deſiderio teneor gratiae referendae. Baſilii editio ſaepe mendofa eſt, nec magnopere a me aeſtimatur, ſed Iuſtini illa Stephani mirifice mihi probatur, quamuis ab ea diſſentiat Sylburgiana,

vt alias ad te perscribam. Vale. XIV. Febr.
A. clb l̄CXXCV.

CCXXII.

GERARDO MARTENS,

Sacerdoti Londinensi apud Anglos Lutheranò.

TVum in me studium amoremque singulararem magni facio, et valde cupio optoque, vt rei Christianae commodo quam diutissime valeas, coetumque fidei tuae creditum doctrina et exemplo instruas, ac laudi tuae superiori plane cumulum addas. Saepe tuae humanitatis eximiae mihi in mentem venit, atque in conuictu et congressibus quotidianis sermonem habeo de tuis in sacram rempublicam meritis, nec maiori laetitia afficior, quam si, res tuas ex animi sententia euenire, intelligo. Zieglerus, Roehrenseus, Dassouius, omnes te observant et aestimant, neque ipsis in hoc genere concedo, tantum doleo vicem meam, quod, cum superiori anno in Germaniam traiceret, nullus te reuifendae Saxoniae amor ceperit, quippe quae neminem magis, quam te hospitem expectabat. Quoniam vero rationes tuae fortasse non aliter tulerunt, quam vt celerrime redires in Angliam, valde gaudeo, te saluum et incolumem rediisse, ac eo nomine mihi gratulor, quod, tua opera libros plerosque selectiores nancisci

cisci me posse, confidam. Maxime autem volo, copiam mihi facias Michaelis Ephesii, Graeci interpretis, et Ptolemaei, Geographi, a Petro Bertio Graece editi. Joannis Seldeni Fletam curavit Pragestus vester, sed Latinum codicem malim, quam Anglicum, etsi alioqui non abhorreo ab Anglica lingua. De Iosepho sentio, me spe falsum, et acquiesco meis observationibus, quas in commentarios manu exaratos retuli, studiosèque collegi. Natalis Alexander Graece non est doctus, atque ex Pearsono et aliis passim omnia compilat, partibusque Regis enixe studet, atque in argumento iuris sacrorum ingenue pronunciat ac decedit. Quorsum spectant scripta Gallica eiusdem instituti, nuper emissa, ad quae subinde indicem digitum intendit Alexander. Sane floret illud regnum litteris pariter, et armis, fato quodam Europae Christianae, ad feruitutem Gallicam se inclinantis. Germania, qua Rheno adiacet, iam subacta est, Belgium contrariis studiis distrahitur, Helvetia resistere non audet, Caesar apud Danubium rerum suarum satagit, et Italia dudum magnam illam ab Occidente potentiam pertimescit. Res patriae difficilimae sunt, nec inter postrema horum temporum mala est annonae caritas, quae plurimos civium affligit penitusque consumit. Vestra illa insula,

la, quoad concordiam seruat, firma est contra omnes casus, et optimis ingeniis abundat, ac inuentorum gloria omnibus nationibus praestat, Gallosque ipsos vincit. In vna regni vrbe sedes potentiae et regnum eruditionis est, et imperium commerciorum cernitur, nec vnius populi, sed gentium schola Londini frequentatur. Quam felicitatem Angliae Saxonia nostra non inuidet, sed omni studio et gratulatione prosequitur, et Societatem Regiam tot illustrissimorum nominum obseruat et colit, ac vt perpetuo floreat, vehementer cupit. Vale cum ornatissima vxore et sobole, et honori meo faue XIII. Cal. Febr. A. cl. bCXXCV.

P. S. Vossium, Crounium, Hookium, omnes saluere cupio. Pecuniam pro libris, praecipue Graecis, qui ad antiquitates Ecclesiae spectant, et similibus aliis, Hamburgum curabo, si ad me, designato pretio, perferantur.

CCXXIII.

AMICO CVIDAM.

ET si nemo dubitat, quin conatus tuus laude dignus sit, tamen, faciundum mihi, arbitror, vt pietas diligentiaque tua incluto vestro senatui sine fuce et adulatione commendentur. Nam, ex quo te ad interiora

riora admisi, et usus sum familiariter, agnovi indolem rectam, et ingenii facultatem eximiam, studiumque indefessum. In quo non magis mihi, quam patriae tuae, gratulor, optoque, ut tui similes semper habeat, qui partes suas pie et fideliter agant. Illud vero imprimis tibi curae est, ut Deum sincere colas, et diuinum codicem assidue legas, et pie eruditeque explanes. Quibus rebus facis, ut consilium coeleste, providentiaque aeterna ab omnibus perspiciatur, adeo, ut egentibus etiam saepe praesidium sit in convicatore coruo. Dignam ergo te operam sis, et industria hac promereris, ut incluti patres ampliora tibi subsidia constituent, et liberalitate sua te magis excitent ac foueant, his praesertim temporibus, quo litterarum amor exolefcit, sed in republica vestra magnopere valet, et plurimum adiumenti habet. Vale. XII. Cal. Febr. A. clb l^cCXXCV.

CCXXIV.

ADAMO CHRISTOPHORO IACOBI,
IC. Dresdensi et Saxonis EL. Consil.

Perelegantes abs tuo genero accepi litteras, quae animum tuis necessitudinibus dignum, atque inceptum usu egregium, consiliumque laudis plenum, abunde mihi ostendunt. Est enim omnium artium do-

mittam, quod ad patris eius Io. Godofredi Bergeri causam pertinet, cuius honori abs te prouideri cupio, qui multa iam perfecta habet, quae in lucem Academiae proferat, si illustrissimi Senatus beneficio locum hic tenere possit. Multum in tali successore situm est, qui iudicio poileat, et humanitate placeat, et suauitate consuetudinis delectet. Rector Academiae Mayerus, heri pro concione tam grauitet et ornate dixit, ut in admirationem raperemur : Id vel inuidia de eo non tacebit, quod toto hoc tempore, quo hic docuit et pro suggestu ad populum conciones habuit, Vitembergam ad meliorem cultum traduxerit, et barbaros mores, qui legibus vinci non poterant, oratione triumpharit. Ego autem, sicut alias, ita nunc ad nutum voluntatemque tuam me conuerto, et Numini supplico, honori tuo faueat, et omnibus inceptis consiliisque tuis adspiret! Vitembergae XI Cal. Febr. clō Iocxxcv.

P. S. Castigatissima Conciliorum editio est Philippi Labbei et Cossartii, quae XVII. voluminibus constat, et A. clō IocLXXI. integre lucem adspexit. Binii nouem tomi exierunt, sed prior illa magis mihi probatur, nec minus Bailii synopsis mihi se commendat.

CCXXV.

IO. ANDR. QVENSTADIO,

Doct. Theolog. et P. P. Vitembergensi.

IPse mihi succenseo, et prope, dedecus
admissum esse, fateor, quod cunctatione
mea factum est, ut tam sero ad ea, quae abs te
quaesita sunt, respondeam, mandatisque de-
mum aliquoties interpellatus morem ge-
ram. De primo, quod sciam, nihil praeter
X. Tomos in lucem venit. Alterum quod
attinet, certum habeo, omnium recentissi-
mam esse Conciliorum editionem, quae Phi-
lippo Labbeo et Cossartio accepta fertur.
Ad postremum Garfiae Loaisae Concilia
Hispanica, et Anglicana Henrici non Sau-
lii, sed Spelmanni, A. clō lccXLIV, ex offi-
cina regia, prodierunt, quibus addita sunt
Concilia Gallicana Sirmondi. Post Nar-
bonensia Baluzii, nulla huius argumenti re-
centiora extant, nisi quod iste auctor ma-
gnam denuo opus maioris librorum ordi-
nis molitur, idque affectum mihi Parisiis
commonstravit, quod, nisi fallor, reliquo-
rum supplementum haud parvae molis est
futurum. Totum breui exspecto, et, si quid
de eo ad me curabitur, nihil celare volo. Ita
vero Deus te saluum et incolumen praestet,
ut volumina tua quam primum laeti floren-
tesque videamus. Id. Febr. A. clō lccxxcv.

CCXXVI.

CCXXVI.

MARTINO WENDLANDIO, IC.

Consiliario Brandenburgico.

OMnino iussa tua comprobo, nec obnititur voluntati tuae filius, et intra tri-
dum discedere constituit, iamque in eo to-
tus est, vt amicis et Professoribus gratias a-
gat. Cuius iter faustum, et valetudinem
semper prosperam, esse cupio, vt tuam pa-
triaeque spem sustineat, et reuersus, auspi-
cio Principis, dignos labore honores capiat,
et praemia sane optima consequatur. Miri-
fice eum semper dilexi, quod virtuti et in-
dustriæ eius a me datum est, vt, liberum ad
me aditum sibi patere, intelligeret, et libe-
rali hac consuetudine magis magisque ex-
citaretur. In litterarum studiis multum
profecit, et æquales contentione industriæ
vicit, maximeque id sibi laudi duxit. Cuius
operæ eum non poenitebit, et multa. opi-
nor, doctrinæ adiumenta ad iuris scientiam
afferet, vt vel hoc praesidio decus dignita-
temque suam tueatur. Nihil auribus tuis
dabo, propterea, quod assentationem fugio,
nec tamen committere possum, vt vlla mea
culpa ac dissimulatione, aliquid de laude filii
tui detractum videatur. Mirum dictu, quod
constanter obiret has partes, et doctrinæ
studia non circumscriberet angustius, sed vi-

tae usu et iuris dignitate metiretur. Hinc et in scholis iuridicis perpulchre versatus est, tirociniumque tale posuit, ut arbitri iudicesque diligentiae nihil vulgare ab eo expectandum, putarent. Ego magnam et gaudii, et honoris mei, partem in eo positam, arbitrabor, si consuetudinem hanc seruet, neque incepto desistat. Quod spero fore, et opto euenire feliciter, atque oro Deum Immortalem, ut egregiis filii conatibus adsit, et benigne opituletur, ne non fortuna omnibus eius optatis respondeat, et maiori indies accessione cumuletur. Haec votorum summa est, quibus et pietatem, et obseruantiam. tibi commendo, voloque, ut cum nobilissima familia diutissime floreas, nec spe optimi filii frustreris. Cal. Mart. A. clo l^a CXXCV.

CCXXVII.

ADAMO CHRISTOPHORO IACOBI,
IC. *Dresdensi et Consiliario Saxonico.*

NE quid in partibus meis desideres, disertationem, de Ordine *Ensiferorum* inscriptam, transmitto, sed mihi omnino temperaui, finiumque controuersias de industria omisi. In quo genere ab Herman-
no Comringio dissentio, quem saepe in argu-
mento derelicti liberaliorem esse video,
facile autem intelligo, huius industriae fru-
ctum

etum meliori temporum occasione seruandum esse. Omne ferme praesidium Germaniae ereptum est, nec rationibus nostris conducit, ut de finibus imperii disceptemus, quum Gallus eam sibi operam sumat, ut pro arbitrato eos circumscribat, exemplum Sigismundi Augusti secutus, qui ex capite Sarmatiae Europaeae, in qua eius regnum situm est, omnes Sarmatiae regiones, et ipsam adeo Liunioniam Curoniamque, sibi vindicabat. Sic Rudbeckius in Suedia ex migratione Gothorum ab sedibus suis facta, ius adstruere conatur in Daniam et Germaniam, castigatione dignus et acriori censura, scripsit ea de causa Collyrium Rudbeckianum Borrichius. Nihilo angustius definit Galliam Ludouicus, qui per discordiam et socordiam finitimorum eo se euexit, ut totius prope Europae Christianae arbitrium sibi sumat, et nutu iudicioque suo omnes finium lites decidat. Veneti et omnes fere Itali erecti sunt, bellumque barbaris intulerunt, ne imparatos opprimeret Ludouicus, cuius tanta iam in mari mediterraneo potentia est, ut Italia omnis metu et suspitione tam periculosi dominatus commoueat. Si tamen Genua prudentia et moderatione bellum declinat, Heluetii, mea opinione, infestabuntur. Nam tot Alsatiae horrea apparatusque militares omnino dant belli

belli significationem. Ceterum liber de quo haud ita pridem scripsi, accessione annotationum auctus est, sed fractam nonnihil superioris iudicii vim ostendit: Aegritudo domestica, et stipendii Gallici conscientia, animum auctoris haud mediocriter afflixaerunt, quanquam is ultra eruditionem non facile progressus est, nec consilia Gallica adiuuit. Obrechtus in Galliam discessit, et, conuersis Argentorati rationibus, animum a patriae amore auertit. Haec litteratorum fata sunt, dum fortunae suae diffidunt, et, leuationem solatiumque eius quaerentes, nihil medium eligunt, ut Marcellus quondam, eruditus Romanorum eques, cum Caesar orbem terrarum arbitrio et potestate sua complecteretur. Peto autem, rationibus meis consulas, et, more tuo, patrociniū litteris, miseria temporum perculsis, efficacissimum praestes, ut habeamus, quod reipublicae, te florente, semper gratulemur. Vitembergae Saxonum, Non Mart. A. clcXXXCV.

CCXXVIII.

OTTONI MENCKENIO,

Prof. Publ. Lipsiensis.

CVnctationi meae veniam dabis, et, quoquo modo res meae se habeant, aequum in me animum, omni etiam temporum fortuna,

tuna, retinebis. Ego honori tuo faueo, et, quanquam in certaminis Eggelingiani partem vocatus sum, tamen prudens abstinui, ne, vel leuissima dissentienti occasione, dissidia non decora et inutilia excitarentur. In Anglia, vbi Iacobi VII. successio diuino celestique nutu fortunata et firmata est, Hookius, nescio, rixandi libidine, an gloriae studio, de Heuelii meritis detrahit, laudemque eius, in puluere illo partam, conuellit. Per multum Hookio tribuendum esse, duco, et laboris diligentiaeque ipsius facile testis oculatus sum, sed id, pro eo, ac par est, grauius fero, quod tam illiberaliter agat cum meritissimo viro, quem aevi nostri Ptolemaeum existimo appellandum: Nolim tamen mihi de his iudicium fumere, aut Hookium, Londini beneuolentia mihi cognitum, irritare. Tantum abs te peto VVendlandium, ciuem hucusque nostrum modestum et doctum, Consilarii Colbergensis filium, et disciplinae meae adfuetum, clientis loco habeas, et, nisi graue est, ad conuietum consuetudinemque tuam admittas, quin et Bergero, IC, cuius doctrinae cupidus est, maximopere commendes. III. Non. Martias, A. clō bCXXCV.

CCXXIX.

IOANNI HENRICO BERGERO, IC.

NON dubito, quin superiores litterae tibi redditae sint, nec vereor, ne tibi displiceat officium, quod testatum facere cupio, praesertim, si in eo honor vtilitasque tua versantur. Est aliquis ingenio et more permodestus iuuenis, nomine VVendlandius, me, quod hic vixit, familiariter vsus, et iussu patris, in meam disciplinam traditus, nunc Lipsiam, studii iuridici causa, discessurus. Cuius honori fauco, et commodis pariter studeo, voloque, vt tua ei beneuolentia concilietur. Non te pigebit operae, et accurate expediteque soluet, quod doctrinae nomine pacisci voles. Ingenuus atque diligens est, et, constituto tempore, fidem liberat, ac specimen in posterum dare conatur, quod, te auctore, arbitro et iudice, fieri opto. Pater Colbergae Pomeranorum Consiliarii dignitate fungitur, atque secundas res moderate fert, fortunisque amplioribus dignitatem tuetur. Vnicus illi filius, et eo magis curae cordique est, vt hunc commendandi laborem sumam. Duos audio esse Lipsiae, qui eum ad se allicere cupiant, sed ego pro te sententiam dixi, quamuis, et mensam, et institutionem, coniunctam esse, desideret
po-

postuletque. Vale, et audaciam aequo animo accipe, et, more tuo, patrocinium serua
 III. Non. Mart. A. clb l**CXXCV**.

CCXXX.

ADAMO CHRISTOPHORO IACOBI,
IC. Dresd. et Consil. Saxon.

QUOS Dio μακρομάνας vocat, eos Zosimus μακρομαρῶς appellare coepit, eo modo, quo Γερμανὸς Dio extulit, et ἀκελτοῖς distinxit. Ineptiunt, qui μακρομαρῶν λέγουντ, lib. 1. cap. 29, quod arti et vsui pariter repugnat, neque miror, id vulgo negligi, quando plerique alii vim artis Graecae non assequuntur. Nam, lib. 1. cap. 3, ἐφ' ἑαυτῶν non intelligunt recte interpretes, nec recentior Anglus mendosam interpretationem emendat. Εφ' ἑαυτῶν Latine valet, *apud sese*, quod Graece imperiti, *coniunctos*, vertunt. Ignaros Graiiffimi homines, qui artis perinde, ac suae dignitatis, obliuiscuntur! Illud tamen fateor, Zosimum, diligentissimum quamuis ἀττικωτάτης Xenophontis imitatore, noua saepe ac superioribus Graecis non recepta vocabula vsurpasse, vt παντοῦμος, quo tamen de stilo eius nihil detractum volo. Nam saepe id nouae res inuitis scriptoribus imperant, quasque extorquent, vt nomina peregrina
 ad-

adsciscant, quod tamen caute, nec nisi necessitate coacti, facere consueverunt. Elegans alioquin Atticista est, et verba dictionesque Atticorum retinet, ut λεπταῖω, λεπταίντων et alia passim obuia exempla, demonstrant. Scite suauiterque dixit, τὴν ἔχθραν ἔμεινεν ἐπικρύπτων, quod non aequè significanter expressisset, si dixisset, ἐπέκρυψε, propterea, quod, praeter significantiorem quandam rationem, Attici continuationem rei actusque sic denotant, et formam artis et vim linguae decenter seruant. Vulgus pleonasmos, imperita audacia, ingeminat, et doctorum aures ineptiis talibus prope obtundit. Vnum, pace tua, quod ad sacra pertinet, adiiciam. Zosimus dicit, φυλακὴ τῆς Ἑλλάδος ἐγίνετο. Quaerat aliquis, cur, ἐγίνετο, scribat? Ratio expedita est, quia designatur φυλακὴ παρατεταμένη. Longe aliter Ioannes I, 14. vbi ἐνανδρώπησιν ὅλως πεπληρωμένην plane aperteque describit, et, propter κυβέαν χρυσομάχων, sic euidenter perfecteque describi, necesse erat. Sed alibi plura, cum Noui Foederis vocabula stilumque, ex optimis atque classicis Graecis scriptoribus, explicandum tuendumque mihi sumam. Dum haec scribo, velut aliud agens, incido in Virgilium, qui Aeneidos VIII, 77, de Tiberi fluuio canit,

*Corniger Hesperidum fluuius regnator
aquarum.*

Nihil adnotat Taubmannus. Casus nominandi pro casu vocandi positus, imitatione Graecorum, præsertim Atticorum, qui in prosa quoque id facere solent. Similiter Homerus *ἥλιος ὃς πάντ' ἐφορᾷ*; vbi *ἥλιε*, ad regulas Grammaticorum scribendum fuerat. Sed Graeci id sibi sumunt, et id peculiarem aliquando sermoni gratiam conciliat. In Floro lib. III. cap. V, de Pompeio, iure belli Hierosolymam, et vrbis sanctissimum templum ingresso, hæc leguntur; *Et vidit illud grande impiae gentis arcānum patens sub aureo vti coelo.* Graeuus noster, *sub aureo utique velo.* Non assentior, nec stilo Flori conuenit, *sub aureo utique velo*, quod alibi, quum otium est, pertexam. Ingenio tamen et subtilitate se commendat ista lectio, sed codicum fide, et auctoritate, usuque stili Floriani, haud fulcitur. Dissertationes, de Atlantide Platonis, neque ingenio, neque iudicio; mihi probantur, ex Rudbeckio et Iano Bircherodio compilatae. Nuper Eggelingius Brema ad me scripsit, et collectoribus Lipsiensibus litem mouere constituit, meamque sententiam de censura aliqua ipsorum perquisiuit, sed prudens abstinui, ne vel tenuissima dissensione litem aleremus. In An-

glia successio Iacobi VII. fortunata firmataque est, quod regno illi, vel eruditionis causa, gratulor, et opto, vt nouus Rex animum fortuna sua dignum capiat, et conatibus consiliisque Gallicis obnitatur. Sed quid speremus de eo, qui dudum auro Gallico emptus, et laqueis his ita irretitus est, vt consilia fratris, adhuc viuentis, in comoda Gallica flecteret ac versaret? Quoquo modo autem ista eueniant, te, consiliorum moderatore, omnia laeta prosperaque speramus. Ita propitium Numen nobis et litteris te quam diutissime custodiat, et ope auxilioque suo fulciat, vt, vel sub tutela et patrocinio tuo, quamuis euersam funditus fortunam fortiter patienterque feramus. Vitembergae, pridie Nonarum Martiarum, A. clo lccXXCV.

CCXXXI.

ADAMO RECHENBERGIO,

P. P. Lips.

TVum in me studium beneuolentiaeque intelligo, atque ea de causa permultum tibi debeo, nec minus de transmissio librorum Thomasianorum indice gratias ago, et, si quid abs te petere audeo, certe venio in spem fore, vt plerique, fide abs te interposita. ad me deferantur, nominatim, Phrynichus de Atticis dictionibus, Meursius, cuius

ius lectiones Atticas, et Glossarium Graeco barbarum designavi, Portius de ponderibus et mensuris, tomus IV. Hispaniae Illustratae Schotti, in quo postremo vel maxime de me potes mereri, quoniam tres priores tomi iam dudum a me possidentur. Pecunia statim a me curabitur, eo modo, quo iocitaberis nomine meo. Idenim totum et prudentiae, et dexteritati tuae permitto. Si quid vicissim mea opera tibi praestare possim, quod vel honoris, vel utilitatis tuae causa, interesse, intelligam, non petes, sed iure tuo postulabis, planeque mandabis. Clarissimum Pufendorffium Conringio surrogatum iri, fama fert, quod si ita est, saluum eo venire, cupio, ut Iuliam meritis exornet. Angli rebus tranquillis maximopere lactantur, Gallorum autem pleraque consilia conuertuntur: Italia nunc securitatem sibi spondet, Belgae et Heluetii, quod metuunt, habent, neutri tamen metuere volunt, et hi etiam missionem cohortium urgent. In Alsatia et finitimis tractibus religio astu et insidiis petitur, et promissa minaeque miscentur. His rebus consequitur Innocentius XI, quod diu cum animo statutum, non passurus, opprimi Austriam, in qua salus Germaniae agitur, passurus autem, everti emendata sacra, ut sua auctoritas illustrior, et Romana *Ecclesia* multo ampli-

or, euadat. Magis eo adnituntur sodales, Iesu nomen professi, quorum consilia armis et potentia magni Regis fulciuntur. Interea Principes vel distrahuntur contrariis studiis, vel contra insidias non satis cauti sunt, vel opes profundunt; aerariumque negligunt, vel dubias miserasque res anticipi fortunae committunt. Deus sacra, literas, libertatem, feruet, Saxoniamque tueatur, te Lipsiae diu florentem praestet. Vitembergae, Non: Mart. clō 16CXXCV.

CCXXXII.

PHILIPPO IACOBO SPENERO,
DOCT. THEOL.

Sacrorum Francofurtensium Antistiti.

RVmor ad nos de valetudine tua allatus est, quem vanum esse, cupio, et arbitror, non inania vota pro te fieri, tua autem refert, ut laboris modum habeas, nec, preces, obtestationesque nostras plane irritas esse, patiare. Illustri Schotti obitus toti patriae grauis luctuosusque accidit, nec quisquam repertus est, quin magnam spem in eius singulari atque incomparabili prudentia reponeret, atque ab ea opem et praesidium rebus Germaniae afflictis speraret. In consiliis et congressibus publicis vnus ille optimam viam rationemque suadendi inuenit, cum ceteri parum constitue-
rent;

rent, aut nihil conferrent. Eheu vero, ereptus est, qui tantas res summa cum laude confecit, et non minus a Saxone, quam a Caesare, desideratur. Virtus aeterna est, et memoria meritorum in animis viget, ac tacito pietatis sensu omnes ciues patriae amantes mouet. Longe aliam institit viam Obrechtus, et patriae iuxta, atque religioni, nuncium remisit, nec solum sibi non bene consuluit, si vincula, quibus cum Deo iungitur, considero, sed etiam exemplo nocuit, patriamque in maius periculum adduxit. Interea res sacra per Alsatiam, *Ducatum* Bipontinum, Mompelgardicum, finitimasque regiones, vehementer afflictæ est, alibi vi et insidiis petitur, alibi luditur dolis. Procerum plerique voluptatum laqueis irretiti, de religione haud magnopere laborant, Theologi rixantur, et animis indulgent suis. Miseret me fortunæ horum temporum, quibus nulla spes emendationis affulget. Pontificii, hoc rerum statu, reipublicæ vicissitudinem leuius ferunt, quod religionis suæ incrementa ex ruinis nostris vident, nos tot exilia et repulsas hominum, religionis societate coniunctorum, siccis oculis adspicere non possumus. Aduersus barbaros, quanto conatu potest, vires instaurat Caesar, et Pontifex adnititur, et Germani opitulantur. Sed, quot errores in obli-

chto, quod de patrio ritu non deflexit, et honores sibi oblatos non reiecit, nullos autem prensavit. Vir ille, de quo scribis, diligens est, et multa perquirat, sed iudicio non abundat, nec eleganter componit, quae literis mandat. Imhofius, ei multa se debere, fassus est, nec volo de ipsius laude quicquam detrudere, nisi quod imprudenter aliquid de *Episcopis* emisit, atque horum offensam incurrit, et, iussu Principis, multatus est, ut quidam perscripsit. Sueones in eam *Theologiae* partem, quae de moribus inscribitur, sedulo incumbunt, atque inter eos hominum sermonibus celebrantur Paulinus Gothus, *Archiepiscopus*, Vinstrupius, Scaniae Antistes, Michael Guldenstolpius, Fennorum Doctor, Iosephus Matthiae, Fougdonius. Extat Io. Schefferi Suecia Litterata, quae digna est lectu, quamvis aliqui eruditorum Scheffero indignam sane gratiam retulerint, ambitionis, opinor, vitio, quod externa virtus Sueonibus stomachum moueat, si imitari non possint. Lambertus Velthufius auctor est dissertationis epistolicae, de principiis iusti et decori, quod ex eius ceteris operibus, licet, intelligamus. In Anglia, praeter ceteras artium doctrinas, graviter tractarunt Sethus VVardus, Thomas Temson, ille etiam saepe castigavit Balduinum, Theologum nostram-

stratem, nec immerito, vt obseruauī. Ali-
 bi florent Adrianus Houtuyn, Iacobus Ba-
 telerius, Guilielmus Blunberg. De ritibus
 officiisque *Ecclesiae* Romanae, post Du-
 rantium, inprimis legatur Antonius Pinet-
 tus. In Gallia princeps est doctorum iu-
 ris Pontificii Baluzius, Colbertinae biblio-
 thecae praefectus. In eo placet mihi Gal-
 lorum industria, quod *Ecclesiam* regi cu-
 piunt eo imperii genere, quod vno pluri-
 um curam solitudinemque exposcit. Hoc
 solum quippe priscis institutis conuenit,
et aristocratia designatur, quae tamen ali-
 quid ex *democratia* addit. Imperium vni-
 us optimum vtilissimumque reipublicae
 est, quia non melius celeriusque consilia et
 magnae res, quam vnius arbitrio, peragun-
 tur, id quod experiendo discimus, si intue-
 mur in Galliam, quae nunc maxime super-
 bit, quum cetera imperia discordiis labefa-
 ctantur. XVI. Cal. Apr. A. cl. l. CXXCV,

CCXXXIV.

ADAMO RECHENBERGIO,

P. P. Lips.

Quid de auctione futurum sit, noli me
 celare, et fac, accipiam quartum volu-
 men Hispaniae illustratae, cuius desiderio
 teneor, nec dubito, quin eius licitandi fa-
 cultatem sis habiturus. De Pufendorffii ad-

uentu, intelligo, vanam esse spem, quae ceperat multorum animos, parumque aberat, quin ipse crederem, nisi te mutandae opinionis auctorem habuisssem. Meursii *Glossarium*, vellem, venisset in tuas manus: crede mihi, vel eius causa ad te proficisci voluisssem. Quanquam Clarissimo Graevio non inuideo, si eius copiam fecerit patronus. Pleraque a me observata sunt, quae in edito exemplari non reperiuntur. Tanto magis cupiditas me incessit videndi codicem manu exaratum, si nancisci possis. De historia, ab excessu Gustavi Adolphi scripta, aliunde ad me perlatum est, quam videre aueo, ut de industria, fide et iudicio, auctoris existimare possim. Obrechtii defectio a sacris nostratibus me adeo perculit, ut statim cohorrescerem, cum de ea audirem. Rationes domesticae, et emergendi occasio, et spes honoris novi ac multo amplioris, sub Rege Europae maximo consequendi, imo et vlciscendi inimicos Patris ardor, facile animum viri, ceteroquin compositi et eruditi, expugnarunt. De rebus *Protestantium* haud bene auguror, si Gallia semper hodiernis consiliis, potentia et successu armatis, regatur. Hispaniae Regis orbitas Austriae curas intendit, sollicitosque omnes finitimos habet. Quo rerum statu Austria inducias pangenet cum bar-

barbaris, et militem expeditionibus duratum opponet, Batauique non patientur, totum, quod reliquum est, Belgium Hispanicum occupari. Brandenburgicus nihil contra audebit, neque tamen postulatis eius locus dabitur, heredem autem metus finitimorum admonet, ut patri mitiora persuadeat, cuius sane connubium deuinxit Principes, magnis viribus fretos, et Gallo exterisque maxime formidatos. Vale. Vitembergæ, V. Cal. Apr. A. clō lōCXXCV.

CCXXXV.

IOANNI GEORGIO BOERNERO.

IC. Consiliario Pr. EL Sax.

FIdem obligauī mittendi muneris, quod ad Vernerum meo nomine curares, si petitioni meae locus daretur. Nunc ea res felicem exitum sortita est, teneorque religione promissi, cupioque significare gratum animum, cuius, quaeso, interpreseris, et, nisi graue est, confirmabis, me ex interuallo plura gratae mentis pignora daturum. Te vero obtestor, nihil secius de me existimes, clientibusque tuis adscriptum, auctoritate et patrocinio tueri pergas, simul et magnifico Patrono me de mora purges, cui, ut par est, sequenti hebdomade pietatis meae ratio constabit. Ego omnibus sane votis expeto, ut omnes res
tuæ

tuae fortunentur, ac tota adeo incluta familia tua floreat, et sua meritorum laude contra quosvis casus muniatur. Nobilissima soror Ziegleria bene habet, cui felicem Lucinam precor, ut tandem optimus et egregie merens maritus filio augeatur. Haec spes nostra, haec vota sunt, in quibus multum familiae est situm. Vale. Vitembergae III. Cal. Apr. cl^o l^o CXXCV.

CCXXXVI.

IOANNI GEORGIO GRAEVIO.

Polyhistori Vltraiektino.

AD vos ire constituit Rosteuscherus, Stolbergii, cum viueret, auditor, et Graecarum perstudiosus litterarum. Eo minus dubito; quin hominem compositi moris admittas, cuius pater litteras Graecas docet, et Gedani operam locat. Magliabechius Florentiae commotus est, nescio, ob quam disputationem apud nos a Tenzelio habitam, de disciplina Arcani inscriptam, qua Schelfstratium oppugnavit. Inde sibi metuit vir optimus, ob litterarum commercium, quod inter nos est, suspectus. At hoc ad litteras elegantiores et historiam spectat, de *Theologorum* controuersis non laboro. Audiui, te manu exarati *Glossarii* Meursiani participem fore, quod, fac, quamprimum tua cura edatur. Ego, si quid

quid officii et operae tibi hic nauare possim, libentianimo polliceor, et tibi me spondeo obseruantissimum fore. De verbo ἀπάγχουαι quid molitur Gronouius? Ego pro hac causa etiam apud optimos Graecos praesidium inueni. Sed haec tibi, neque me litibus immisceo, neque arbitrum interpono, calumnias detestor, tuum certe iudicium posco. Vale. Cal. Apr. clō lō CXXCV, festinanter.

CCXXXVII.

IOANNI GEORGIO ORTHIO,

IC. Patricio Francofurtensi.

Scripti ad te curandi saepe quidem consilium cepi, sed, quia subueritus sum, ne id fraudi periculoque mihi esset, differendum putavi; non ira et odio, sed, quia metus prudentiaeque ratio id suadere mihi videbatur. Multa in itinere, inter tot molestias strepitusque hominum, excidunt, quae formam accuratioris scripti non seruant, multa rumoribus potius, quam certis rerum auctoribus, colliguntur. Haec vero limam desiderant, et, rectene se habeant, cognosci probarique debent, ne idem mihi eueniat, quod plerisque iudicii expertibus, qui sola fama et vulgi sermonibus nituntur. Ego me non difficilem praebeo, et inseruiendi occasionem exspecto, tantum abs te peto, ne
sto-

inent, me destituant, tum votis id consequi me posse, spero, ut eodem felicitatis cursu dignitatis possessionem constanter teneas, et patriae rationes constituas pariter, et conficias, et consilia, litteras, leges, sapientissime deinceps quoque modereris. Omnia mea honori tuo seruiunt, et id ingenue profiteor, quia debeo plus, quam profiteri et polliceri possum, sola gratiarum actio non absoluit clientis munus, multo minus liberat debitorem. Confundor, nec intelligo, quemadmodum me expediam, tantum opto, Deumque rogo, meam clientis causam suscipiat, et omnia, quae ex usu tuo, quaeque ex dignitate inclutae familiae sunt, perpetuo largiatur. Quod ceteroquin de patriae rebus, et amplissimis eius sacerdotiis, quae recepto vocabulo *Episcopatus* dicuntur, pro grauitate tua, censuisti, captum meum excedunt, et summo tuo iudicio a me relinquuntur. Recordor autem hic familiaris tui sermonis, quo me, cum Dresenae essem, docebas, explicatasque origines reddebas, tam apte et expedite, ut nemo melius posset. Ego tamen memor dictorum, aliquid experiar, stilo simplici et incomto, atque ad res graues reddendas accommodato. Misnia Eckhardo I. ab Ottone III. Imp. iure beneficiario attributa est, cum *dominio et superiorita*.

ritate vniuersali in territorium Marchiae competente, eo modo, quo tenebatur antea ab Augustis Saxonibus, qui nihil exceperunt, quia, saec. XI. et XII. *Marchiones* ad comitiâ Imperii vocatos, lego, Antistites et *Episcopos* Misnenses nunquam. Sequioribus autem saeculis aliquando inuitati sunt, quod errore factum est; vnde Praefules asserendae libertatis et *immedietatis* occasionem ceperunt. Sed hoc nihil probat, nec vitiosae tabulae, siue *matriculae*, pondus habent, in quibus multae et prouinciales vrbes descriptae saepe reperiuntur, Misnia ingenua, siue exempla, cur nominetur, causa ratioque aperta est; illam immunitatem de iurisdictione *metropolitana* intelligi, neque extendi posse ad iurisdictionem saecularem, *Electori* Saxoniae; tanquam *Marchioni* et Principi Misnensi, competentem. Tum vniuersa Misnia Daleminciis; Serbis et vicinis populis Vendicis, tanquam *usurpatoribus* et iniustis inuasoribus ab Augustis Saxonibus; a sylua Hercynia ad superiorem Albis ripam progressis; iure belli erepta; et in *patrimonium* territoriale conflata est, salua supremo iure, ad Imperatores pertinente. Hoc modo deuoluta est concessione *feudali* et vtili dominio perpetuo ab Ottone III. ad Eckhardum I, et, huius filio, Eckhardo II, sine liberis mortuo, ab Henrico

rico IV. ad Timonem stirpis VVethinensis, et postremo a Lothario II, Saxone Supplinburgio, ad Conradum M. Timonis filium, delata et deuoluta. *Episcopi*, motibus turbisque contra Henricum IV. excitatis, magis se efferre, necdum aperte pro Imperii Principibus se gerere, coeperunt, donec Principes saeculares Pontificis tyrannidi concederent, cum, Imperatoribus parci, non viderent, maxime XIII. saeculo, vbi bella ciuilia et ignorantiae labes vniuersam prope Germaniam oppresserunt. Laudandi autem *Electores* et Duces Saxoniae, iidemque Principes Misniae et Thuringiae, qui, saeculo XIV et XV, Pontificum *Monarchiae* conatibusque nimis strenue restiterunt, et grauamina, quae vocant, opposuerunt atque ingeminarunt, et tandem, saeculo XVI, se in veram veteremque libertatem vindicarunt. Ita te Deus seruet, et omnibus tuis longe vtilissimis consiliis faueat, ac cuncta ex animi sententia ire patiatur. Vitembergae, clb 15CXXCV.

CCXXXIX.

PRAESIDI ET ASSESSORIBVS SENATVS ECCLESIASTICI ARNSTADIO-SCHVVARZBURGICI.

Venit mihi in mentem subuereri, ne
Cc hanc

hanc scribendi fiduciam in vitio ponatis, nisi humanitas vestra non mediocriter me erigeret et confirmaret. Duxi autem, hanc operam nauandam esse ciui vestro *Ioanni Laurentio Staubero*, cuius amori permultum tribuo, quod pie et honeste, et, quae rara iuuenum virtus est, prudenter, hic vixit, ac maxime D. Ziegleri beneficio sustentatus, in meo nobilissimorumque hominum conspectu accessit ad mensam et discessit. Omnibus, fateor, eius modestia perspecta probataque est, nec quicquam in eo desiderauit hospes, acerrimus ingeniorum censor. Nunc, vbi res tenuis abitus necessitatem ei imponit, sarcinulas componit, et, vestri expectatione patrocinii fretus, reuertitur, quem non tam meo et Ziegleri nomine, quam virtutis pietatisque causa, tuendum suscipietis. Ego, si quid de me polliceri habeo, efficiam, vt obseruantia et studio in vos summo nemini concedam. Ita vos Immortale Numen patriae saluos et incolumes seruet, fortunatosque praestet. *Vitembergae, Non. April. A. clc lccXXCV.*

CCXL.

IOANNI HENRICO BERGERO, IC.

CVi plus, quam tibi, debeam, video neminem, praesertim, cum Iacobaeis necessitudinibus Dei prouidentia et virtus te
con-

coniunxerint, quas sic aestimo, vt paternas
non magis possim. Vere gaudeo, et simul
tibi gratulor, hanc laudis felicitatisque ma-
teriam tibi esse seruata, vt virtus, quae si-
ne Procerum patrocinio obscura impedita-
ue est, multo insignior noui splendoris ac-
cessione fiat. Doctrina iuris summa, et di-
ligentia incredibilis, nomen tuum a vulgo
distingunt, segetemque gloriae in dies ma-
iorem promittunt. Quare meum in te stu-
dium nec obscure, et sincere, testor, et cu-
pio, vt nulla tempestas de huius laudis pos-
sessione te dimoueat, cuius sane fructus est
amplissimus, decus immortale et sempiter-
num. Optarem, si id commodum tuo fieri
posset, Lipsiam cum vrbe nostra commuta-
res, sponcione cum quouis certarem, id si
expetas, perfacile factu esse, quando pro-
fessio Martini vacat. Lipsia quidem splen-
dore tenet oculos, sed Vitemberga omnes
Iureconsulti partes, munia, honores, uno
professoris nomine tituloque coniungit.
Erit hoc in tuo voto, et arbitrio summi pa-
troni, foci tui, positum. Vale, et copias
ingenii, quibus abundas, explica feliciter,
et diu feliciterque nostram et patriae exspe-
ctationem sustine ac vince. VII Id. April.
A. cl. l. CXXCV.

CCXLI.

ADAMO RECHENBERGIO,

P. P. Lips.

QVod, pro tuo in me animo, suscepisti officium, summa ratione et prudentia abs te confectum est, nec verbis explicare possum, quid eo nomine tibi debeat. Conditionem libens accipio, quam de auferendo Gobelini libro tulisti. Eum iam dudum possideo, nec mitti cupio, et per omnia in voluntate tua acquiesco. Pecuniam auriga transportat, cuius fidei eam commisi. Si quid ceteroquin habeas, quod monendum existimes, tuo iure facias, ego totum me ad voluntatem, immo arbitrium tuum compono, nullam referendae gratiae occasionem praetermissurus. Vale, et benevolentiam, tam luculento amicitiae documento testatam, serua, et honori commodoque Academiae quam diutissime superstes age. Virembergae, VI Id. April. A, cl. bCXXCV.

CCXLII.

DECANO.

Cum de Sallustio praefatus sollemnia ritus petitionis perageret.

ASsentior tibi, et laudis Sallustianae vindi-
dici gratulor, optoque, vt absurdae opi-
niones indoctorum hominum abs te apte
con-

uellantur, calumniaeque dissentientium
ngantur. Quod reliquum est, iuuenes no-
na profectos intromitti cupio, dignosque
to, qui causam agant suam, nec repulsi ab-
it, et spe fiduciaque consequendi hono-
dimittantur.

CCXLIII.

FRIDERICO VVEIDLICHIO.

Aepe fluctuanti similis, tandem cepisti
imum, patrumque suffragio muniisti
n ad capeſſendos honores, quos sapien-
praesides hic dilargiuntur. Illos vero,
merito tibi decretos, iure gratulor, et fe-
s adeo fortunatosque esse cupio, et, quod
caput est, Deum, religionis sapientiae-
statorem, quanta maxima possum, reli-
ne veneror, hanc litterarum sedem seruet
is, domiciliumque recens dedicatum,
d post hominum memoriam hic non
venit, benigne, tueatur. Festinantissi-
ex museo Cal. Mai. clb l^o CXXCV.

CCXLIV.

DANNI GEORGIO ORTHIO, IC.

Heidelbergam.

Ecuniam nundinis, quae in autumnum
incidunt, proximis, Schumacherus affert,
aliter inter nos conuentum est, nec iu-
eneor soluendi. Faciam tamen, vt in-

telligas, me abs te non esse alieniorem, sed immo semper gratum fore, si tu, aut quispiam alius, tuo nomine, apud nos versetur. Res familiae afflictas doleo, et, causam nondum Spiraë iudicatam esse et victam pro eo, ac par est, acerbè fero. Tibi autem decretam meliori fortuna prouinciam gratulor, et cupio, ut incrementa honoris capias, magisque prouehare. Ipse satis, me tacente, vides, quantum periculi patriae finibus impendeat, et quibus fatis vrgeatur. Ego his rebus inductus sum, ut Saxonia excedere verear, et manendi consilium capiam, propterea, quod Potentissimo Principi Saxonum sic rationes meae superiori mense probatae sunt, ut me accessione fortunarum augeret, et Stolbergii, nuper defuncti, munere simul ornaret. Rem librariam magno impendio amplificauì, quae difficultas obstitit, quo minus statim, quod in optatis erat, curarem. Partem *Hodoeporici* cui-dam Francofurtum tendenti tradere volui, reliquam cum pecunia adsportabit Schumacherus, cuius non suspecta est fides. Nactus sum Codices manu exaratos Gallicos, rariores plerosque, quorum, si hic esses, copiam facerem libens. Iis totus Galliae status continetur, sed mihi tempero, quo minus exeant atque emanent in vulgus. Tibi, crede, omnia paterent, expositaeque essent,
nisi

i tam ingenti locorum spatio disiungemur. Cauto opus est, et exempla in pro-
 quo te monent, multa sciri, pauca scri-
 oportere, hoc tam ancipiti et calamitoso
 io. Ea de causa haec omnia induxi, quae
 nu mea ad oram scripta sunt, ne auctori
 iculum crearent. Varia rerum huma-
 n scena est, et multos ludit ac decipit,
 usquam experiantur. Plus nunc pru-
 ntiae, quam eruditioni, debetur: Vtra-
 e valet, sed haec caligo est, nisi illa prae-
 at lumen. Tu, quaeso, mihi faueas, et
 ram patienter feras. Vitembergae, Id.
 i. A. clb bCXXCV.

CCXLV.

DAMO CHRISTOPHORO IACOBI,

IC. et Saxonis EL. Consiliario.

¶ Vlla, fateor, morae excusatione me de-
 fendere possum, nec sine causa iam sub-
 teor, ne ingrati crimine me arguas, qui
 a diu, quamvis respondere iussus, contu-
 cam. Haud scio, an quid vnquam gra-
 s admiserim, nisi quod, acquitatis tuae
 duci me, sentio, et compertum habeo,
 dem ignoscendi vel maxime tibi esse re-
 quendam. Distinebar occupationibus
 minum, et auspicio nouae professionis,
 us specimen mitto, industriam, quanto
 sum, conatu probaturus. Adnitar, vt

Cc 4

tuae

tuae in primis expectationi satisficiam, et ornandas suscipiam litteras, quae abs te aestimantur iuxta, et fouentur. Quod insigne tuum patrocinium mandavi litteris, et pro eo, ac par est, laudandum duxi, praesertim in epistola Exercitationibus Stolbergianis praemissa, quae hoc mense exiit in lucem. Consultissimo generi tuo gratulor prouinciam, et opto, ut bene feliciterque agat has partes, et doctrina meritisque hic floreat, laudesque, nullo impediante, diffundat. Hoc si votis assequor, et te simul incolumem intelligo, felicem me putabo, optimeque mecum agi, existimabo. Seruet te cum incluta gente Deus, et hoc supplicanti largiatur, ut nihil tibi, nisi quod expetis, eueniat, et familia tua per omnia saecula atque aetates duret. IV. Cal. Iun. A. clo l^cCXXCV.

P.S. Quae mandasti, proxima die Veneris curabo. Caroli Electoris Palatini mors insignem obnunciat conuersionem. De Hispano nihil laetius breui audiemus. Libertas Germaniae, religio *Protestantium* affligetur magis et magis. Deus meliora pressis!

CCXLVI.

ADAMO RECHENBERGIO,

Prof. Publ. Lipsiensi.

Xpedio me tandem ab occupationibus, et redeo ad officium, et praedico libris tuis in me aequisimum animum, ac de peto, eum mihi non immutatum ferre. Magnam abs te inii gratiam, et, quae tui, tuo studio operaque impetraui, et munus *Monarchiae* Hispanicae librum tuus sum, cuius potiundi spes me iam prius deficiebat. Non id animo meo excidit officium, sed illud me grauius tangit, quod nondum pactis steti, et Gobelinum non remisi. Nolim excindi librum, ne foedus, rumpaturque compages. Meierus autem recepit, se curaturum Francosurto excolar, quod nondum sit compactum. Si enim mora tibi grauis sit, protinus eximendum curabo. De sententia Nobilissimi illandi quod aperuisti, gratulor mihi honorificum illud iudicium, nec diffiteor, me promptum paratumque futurum fuisse ad adiendam prouinciam, nisi, nouo benefactoris, religione quadam animi inhibere.

De quo in posterum plura. In praesens abs te peto, Scherlogi Antiquitates et uersaria Cerdae, pro me licitari ne grauis. De reliquis, quae ibi sunt, non la-

boro. Vale, et vtilitati meae faue Cal. Iun.
A. clō l̄CXXCV.

CCXLVII.

ADAMO CHRISTOPHORO IACOBI.

IC. et Saxonis EL. Consiliario.

Summam nominis tui dignitatem amo
iuxta, et veneror, et ingrati crimen sub-
terfugere studeo, nullam tamen merito-
rum tuorum partem assequor, etsi par est,
relinqui aliquod pietatis et obseruantiae
meae argumentum. De Sagittario recte
pronuncias, virum esse apprime diligentem,
et in rebus Thuringicis gnauiter elaborare:
vellem tamen humanitatis et *Pragmatiae*
illius, quod leges artis requirunt, subsidia
plura et selectiora sibi comparasset. Multa,
fateor, Chronica sibi comparauit, quae for-
tuna ipsi obtulit, pleraque a vicinis sacer-
dotibus nactus est, aliqua etiam ex aula Go-
thana accepit. Proxime Lipsiam commea-
uit, constituitque venire ad nos, nisi eum
nuncius de vxoris morbo allatus reuocaf-
set. Audiui, de plerisque mecum voluisse
communicare, neque ei vllum denego offi-
cium, praesertim in communi causa, ad ius
dignitatemque Saxoniae stirpis attinente.
Ego autem nunc occasione vtar, et, ne ne-
scias, Patrone, cum VVerthero, iuniore,
VWieham Thuringiae petam, et, nisi impe-
di-

ar, lenam usque excurram, praesens, quae
ntiam, dicturus, et quid edere instituat,
riter auditurus. Haud, opinor, abnues,
ia iam per ferias haec opportunitas mihi
fertur. Illud autem fundamentum toti
beri substruendum, omnes Saxoniae no-
catis *Episcopatus*, post conditam ab Hen-
co Aucupe *Marchiam* Misnensem, ab Ot-
ne M. eius filio, repetere originem suam.
is auspiciis surrexisse, et sub ditione im-
erioque Principum solemni Caesarum be-
eficio, fuisse iure primorum acquirentium
eorum territoria descriptos hac lege, et
iasi diuino consilio, ad VVethinenses per-
nisse hoc rerum statu semper, etiam Prae-
lum Romanorum temporibus, mansisse,
leo, vt Thuringiae Principes publice, an-
Lutherum, Pontifici in parte iuris sui
pugnarint, et aperte reclamarint. Hinc
u latere odium, et cum avaritiae ambi-
onisque modum non faceret Pontifex,
iscere sensim, et Luthero pro veritate re-
gionis adnitente, magis excitari, coepit,
iod, res, fortunas, iura peti viderent, et,
m *Ecclesia* rem publicam explicari, intel-
gerent satis. Ipsi Carolo V. graues erant
stitutae passim nundinationes, nec iudi-
o et ratione ciuili regebatur Leo X. cum
tia Romanae aulae *clerique* non emenda-
t. Sed quorsum delabor? Saxones sem-
per

per *Episcopos* pro territorii principibus habuerunt, ex quo territorium hoc tractumque, *Marchiae* Misnensis nomine insignitum, tenuerunt. Ceterum Deus omnibus rebus integrum in columemque, cum illustri familia, te seruet, et nobilissimum generum feliciter venire iubeat, cuius fidei et amicitiae totum me permitto. Vale Vitembergae. Non. Iun. clō bCXXCX,

CCXLVIII.

OTTONI MENCKENIO,

P. P. Lips.

Gratulatio tua per mihi iucunda accidit, et optatis meis prorsus fortuna respondit etsi non tam mea in hoc litterarum genere merita, quam res tenues istam, sane nouam luculentamque, accessionem postulare videbantur. Tibi eo magis bene cupio, sincereque applaudo, et, vt amici tui litteratorumque omnium expectationem perpetuo sustineas, maximopere volo. Nescio, qua obliuione tua factum sit, vt supplementum non submitteres vestrarium Actorum. Nunc eo supplemento auctus sum, nisi quod desidero superioris anni Octobrem, Nouembrem et Decembrem, huius item anni Ianuarium expeto. Ignosce audaciae, quam exprimit tua liberalitas, quae tanta est, vt, omnia me assequi posse, intelligam.

am. Quid cum Magliabechio actum fue-
ignoro. Insidiantur ei multi, et, nisi
or, in suspicionem religionis haud sin-
ae vocant. Omnium maxime iniquio-
a Schelstratii animum expertus est,
um vicem eius doleo, sed laetor magno-
e, quod scio Magni Ducis praesidio eum

Partia scintilla cuiusdam disputatio-
Tenzelianae, a me, cum prohiberi non
set, probatae, excitavit incendium, et
tentiam usque traiecit. Nam homo iste,
etis impatiens, per lites et iurgia emer-
statutum habuit, sed, opinione falsus,
intelligit, consilium praeceptis cum pro-
a fortuna non coniungi. De Anglia
futurum sit, scire aucto nec spero, fore,
insula spe libertatis tuendae cadat. Ar-
s sinistro Marte pugnavit, et captus

An resistendo sit Monmouthius, bre-
cebit euentus. Bantifex et Gallus
as ibi optant et quaerunt, alter religio-
suam, alter regni, si bello civili concu-
r, infirmitatem. Putavi inter ea secure
um captabunt. Vngariae apparatus
, nisi simulacra, sunt. Gallus utique
lio et pecunia dominatur. Vale, Id.
et il. cl. l. CXXCV.

CCXLIX.

MIRENIO.

GRauiter fero moram, etiam multos menses exspecto, quod missurum te receperas argentum. Ne vero vlla consilii mei pars deinde tibi ignota sit. efficiam, vt intelligas, res meas mihi curae esse. Id quorsum pertineat, ex labore cognosces. Vale, et nominis dignitati consule, promissorumque religionem serua.

CCL.

CAROLO L. B. A FRISEN.

Opportunam et idoneam scribendi occasionem nancisci mihi videor, quod Iustinum hic meo hortatu recudendum fuit bibliopola noster, antiquissimum eundem, sanctissimumque inter Graecos Doctores. Negotium corrigendi datum est, VVintero, cura mendosarum lectionum ad me pertinebit. Spero, Domine, conatum hunc tibi probatum iri. Stolbergii de *Soloeis* opusculum, iam viuo auctore coeptum, et, mortuo nuper, absolutum est, quod praefatione ornandum censui, in qua de tua et illustrissimi soceri laude commemoravi, vel eo praesertim nomine, quod vterque Graecas litteras curae cordique vobis esse patiamini. In Anglia res Monmouthi sunt conuersae. Vterque regni

ni Senatus fide et obsequio erga Regem
 onstans est, comitiorum decreto omnia
 cobo ex animi sententia successerunt.
 lartens sacerdos emendati coetus, qui
 ondini est, tibi, Domine, se, qua decet,
 etate, commendat. Ego, qui sciam te
 on discedere a pristina consuetudine,
 o, vt par est, obseruantissime, ve-
 quod tu vnus maxime potes, Ziegram,
 niozem, Ordinis nostri Adscriptum, tu-
 dum ornandumque suscipere, et, sicut
 etit, Franckenbergenſe sacerdotium elar-
 ci. Faciet ille, quod clienti conuenit,
 pro salute tua omnique felicitate, votis
 ipetranda, omnes neruos contendet. Ita
 euste, Domine, ab omni perniciēie tutum
 triae et saeculo praestet! XVI. Cal. Sex-
 . clp. l^o CXXCV.

CCLI.

IOANNI CHRISTOPHORO BERG-
 MANNO IC.

IRatulor tibi de conatu egregio, merce-
 dem laboris spondeo, sed, pro mea
 icitia, cupio, vt abſtineas ab argumento
 riculi pleno praesertim his temporibus,
 ae veritatem non ferunt. Non conue-
 inter Principes, nec oleum igni adden-
 m est, lites finium et certamina dome-
 a accendi, nolim. Vſu rerum hoc di-
 dici.

dici, et ideo te admonendum putavi, quia fata vrgent patriam, et prope interitum minantur. Germani sequimur Graecos, et collidimur singuli; vt euertamur vniuersi. Malim, stilum in Gallos vertas, et iura in Alsatiae vrbes defendas, inter quas Argentoratum, in vrbe regnum et communis libertatis propugnaculum amisimus. In Vngaria nostri meliora sperant, Neuhauselii deditio breui exaudietur. In Anglia Monmouthius, seditionis auctor, victus, captus et supplicio affectus est. *Protestantes* vbique adfliguntur. Vale, et feliciter rem gere. XV. Calend. Sext. A. clolo CXXCV.

CCLII.

ADAMO RECHENBERGIO,

P. P. Lips.

DOleo conditionem meam, quod neque diu tecum esse liceret, cum transirem, neque satis probare officium possem, cum festinanter salutarem. Erubesco magis, quod moram corrigere non possum, quam Ordo iuridicus, aliis impeditus, interponit. Excusari se petit Zieglerus, et, proxima die Mercurii omnia confecta habiturum, adfirmat. De Actis, per illustrem Pufendorffum submissis, postulo Iureconsultos, qui moram ipsi purgabunt; et dicent ingenue, se

prius de iis cognoscere non potuisse. Hodie, ab hora x, Zieglerus, per famulum chiberi iussit, et pretium indicavit, quod, nullo mensam adiero, persolvam. Saepe enim appellavi, appellando institi, et tantum non inuerecunde obsecraui, at, excusati se petiit, et necessitatem, contra quam ceteri non possit, obtendit. Ego autem minus respondere nolui, quam totum, quod mihi curandum mandaueras, negotium periretur. De Gobelino, faciam, ne tua spes astretur. Scholiasten Euripidis, nisi gratus est, exspecto. Fraudare te nolim meo exemplo, sed Basileensi isto forsitan care queas, non magno incommodo tuo. Iulii Stephani editio melior cumulatione mihi videtur. De Scherlogi Antiquitatibus non admodum laboro. Plus, si recte sequor, promittit, quam praestat. Menenio, Felleri, carissimis mihi nominibus, utem dicas. Ad extremum commendo mihi Conradum Adamum VVinckelmanum, virum doctum et probum, non aliter meum, fide et officio cognitum satis. Zieglerus te salutat, iterumque se excusat. A. cl. l. CXXCV.

CCLIII.

ADAMO CHRISTOPHORO IACOBI,
IC. Dresd. et Saxonis EL. Consil.

Redit filius tuus, et vitam recte instituit, iamque veteres istas, quae primum venienti obstabant, difficultates feliciter vicit. Mecum est familiariter, et, praeter Zieglerum, gener tuus, exquisitissimi vir ingenii, de eo prorsus bene sperant. Primo quidem, nec id improbo, humanioribus litteris se tradit, tum Geographiam, et Historiam imperiorum, me duce, audit diligenterque pertractat. Mores varios perauspicato mutavit, et iis finibus, quos ratio modestiae praescribit, se continere tandem coepit. Opto, haec ei mens perpetua sit, ut Patri, meritis maximo, et Affinibus, summa dignitate praeditis, satisfaciat, et locum natalibus dignum, quo par est, modo tueatur. Eximiam sane eius indolem amo, et pro ipso, quoad possum, annitor, cupioque, ut tui quam similimus euadat. Hoc autem a Deo Immortali opto, cui omnes operarum consiliorumque rationes constant, et acceptae referuntur. De Neuheufela, per vim capta, non Caesari magis, quam Christiano orbi, gratulor, sacra nostratum Deo curae erunt. Quod reliquum est, id vnum praecipue in votis habeo, ut bene valeas, et
 pru-

prudencia tua patriae rebus confulas, et imprimis Academiae, quae te suscipit maxime, faueas auxiliumque impertiaris. De incendio Dresenae veteris sum perculsus. Deus respiciat afflictos et miseros, ad quos damnum immane pertinet, casusque funestos a tectis et domiciliis vestris auertat. Gerner tuus Bergerus summo cum applausu, auspicii causa, disputauit. XI. Cal. Sept. clb bCXXCV.

CCLIV.
GEISLERO.

Magna calamitas peruenit ad humanissimum virum, Christophorum Geislerum, in vrbe veteris Dresenae hucusque commoratum, cuius fortunae omnes incendio consumptae sunt, adeo vt nullum, praeterquam in Dei et hominum benignitate, subsidium habere videatur. Vestra autem refert, ciues, vt viro afflictissimo, non suis deinde, sed alienis, opibus sustentando perliberaliter subueniatis. Quod vt fieri par est, sic dubitare non licet, quin coelesti beneficio, quod erogatis, quam cumulatissime recipiatis.

CCLV.
IOANNI CHRISTIANO, L. B. A.
VVERTHERN.

Speraui quidem, fore, vt gratulatione pietatis

tatis meae partes absoluerem, et laeto obseruantiae genere animum testarer, sed, quod praeter meam sententiam accidit, doloris explicandi causam attulit obitus generosi filii minoris, quod ut alios, sic me clientem tuum haud mediocri sane luctu confudit. Quare Numen, pro eo, ac par est, pie rogo et oro, arceat ab illustrissima gente tua funestos casus et virtuti, quae in magno fastigio nomen tuum posuit, fausta fortunataque omnia concedat. Eo magis dolorem tuum lenies, et, Deo res tuas curae esse, intelliges, qui saepe humana consilia dolore temperat, ut gaudia deinde maiora excitentur. Tum vero expertus sum, maiori natu filio eam esse mentem, quae non vulgarem ipsi laudem asserat, et summum stirpi decus promittat. Cuius ornandi voluntas nunquam mihi deerit, quod sciam, omnem domus tuae spem in eo esse sitam. Tanto promptius tibi morem gero, et perquiro doctum hominem, qui instituendi prouinciam capiat, nec minus de gente tua, quam de patria vniuersa, bene mereatur. Spatium vero huius rei apte conficiendae abs te peto, nec dubito, quin primo quoque tempore idoneum et moratum quempiam nanciscar. Quod reliquum est, nihil prius in votis habeo, quam, ut cum illustrissima domo tua diutissime floreas, et im-

immortali cum laude prudentiam in luce Germaniae, et summis patriae consiliis, saluus sospesque ostendas. Ita te Deus Principi, clientibus, atque inter hos mihi, seruet. V. Cal. Sept. A. clb l^cCXXCV.]

CCLVI.

ADAMO LVDOVICO L. B. A VVERTHERN.

ADhuc summam comitatem, et magna tua in me collata beneficia quorum numerum inire non possum, memoria teneo, atque omnibus modis cupio, ut tu, Domine, firma deinde valetudine utaris. Idem optat mecum Consultissimus Zieglerus, qui crebris sermonibus de statu et conditione tua sciscitatur, et uterque nostrum iure arbitrat, magnam nostrae felicitatis partem tua et agnatorum salute contineri. De generoso filio non est quod metuas: iam es confecta est, et modica etiam multa petitus expiata. Simulac ea causa feruebat, o spes atque ego, ut par erat, nos interposuimus, Senatu Academico non admodum onitente. Res, quoad recordor, ita gesta est. Filius acerbiori verbo a conuictore sensus, per honoris rationem sibi temperare non potuit, quin ei alapam infringere: hic iniuria affectum se ratus, ad certum locum certaminis ineundi causa in-

D d ;

uita-

uitauit. Non abnuitt filius, nec recusauit duellum, et cum aduersario congressus, e certamine saluus euasit. Forte autem per id tempus, cum ense lis transfigeretur, praeteriit quidam Academicus, homo rimarum plenus, qui Prorectori Mayoer protinus indicauit. Submonui filium, cauere has rixandi occasiones, quod facturum se recepit, ac bene me sperare iussit. Interea hic in pristino industriae curriculo pergit, et vna mecum optat a Deo Immortali, vt prosperam valetudinem et omnia fortunae beneficia tibi largiatur. Pridie Cal. clc lccxcv.

CCLVII.

CASPARI SAGITTARIO,

P. P. Ienensi.

Quanto me dolore affecerit coniugis tuae obitus, verbis exprimere non possum. Fuit enim matrona, dignitate nascendi sexusque ornamentis eximia, et omnibus partibus, quibus elegantioris vitae ratio continetur, maxime insignis. Lactura autem haec tibi grauior est, quod, cum viueret, plurima tibi fortunarum adiumenta suppeditarit. Non ignoras, quid in proba et prudenti coniuge situm sit, si rationes domesticas subducis. Volo igitur, dolorem istum tempestiue lenias et de hoc damno, in posterum sarciendo, bene speres.

Mul-

Mullerus, conuictor tuus, excitatissimi ingenii iuuenis, sine dubio meum in te animum confirmabit. Illud autem valde sollicitum me habet, quemadmodum Egerlandus ad dissoluendum aes alienum adigatur. Dudum Vitemberga excessit, et Praesidi, cuius auspicio disputauit, nihil soluit, res ibi misera, spes nihilo melior affulget. Rumor est, modico temporis spatio redditurum, quod si fiat, faciam, ut manus ei iniiciatur. Alioquin tibi opem promittere non possum, nisi res deferatur ad aulam. Ipse, malo meo, didici, quam difficile sit, exigere nomina, et compellere ad soluendum debitores. Fauet tibi Academia, et causa tua angitur, sed viam rationemque explica, qua tibi subueniat: Absentem in ius vocare molestum, opinor, negotium erit. Affinis ipsius, iam tendit Lubeckam, parum superesse innuens, unde creditoribus satisfiat, spem tamen facit pecuniae tardius reddendae. Atque hi sunt ingratorum mores hominum, a prisca fide deficientium. Semper tamen omni studio pro te annitar, et in omni officiorum genere me promptum paratumque exhibebo, non immemor futurus prolixissimi affectus, quem es Ienae testatus. Quaeso subducas te grauioribus negotiis, et, amici causa, in

vifas. Deuste!feruet! IV. Cal,Sept. A. clō
lōCXXCV.

CCLVIII.

MATTHIAE BRANDIO,

Sonderburgo Holfato.

EXcelsum et sublime fastigium est , in quo Reges positi magna terrarum orbis imperia gerunt , et suo atque summo arbitrio res humanas moderantur. De quorum potestate potius tacere, quam scire, liceat, nisi facultate sciendi modeste, et, quatenus ciuis officio congruit , vtamur. Nihil vero te prohibet, quo minus de pleno summoque Regum imperio, innoxia libertate, differas , atque insiti iuris disciplinam testimoniis sapientum, et suffragiis populorum , confirmes. Vnus inter omnes prudentissimus Maecenas rationes in hanc sententiam multo grauissimas attulit, quae pro summa et regia potestate valent. In quo genere facile princeps fuit Imperator Antoninus, et, idoneis ac repetitis ex philosophia ciuili argumentis , grauiter et copiose differens, egregiam sane operam collocauit. Vtrosque imitando consequens, et ingenii tui vim, doctrinaeque copiam in luce ponis, atque in conspectu omnium maxima cum laude, et successu felicissimo ostendis. Nec alia otii ratio tibi constat, quam,

quam, quae fugit illecebras, ac resistit voluptatibus, animumque remittit aliquando ac recreat, sed non deprimit et frangit. Pauci sciunt, ubi opes copiaeque litterarum reconditae sint, sed tibi nihil est arduum, nihil tam difficile et asperum, quin exitum inuenias et elucteris. Tum in eo quoque a vulgo te seiungis, quod non modo ex praeceptis et doctrinae regulis, sed etiam ex optimis quibusque monumentis, et omnis acui annalibus, sapientiae riuulos elicis, quorum fontes multi obstructos cupiunt, ut in speciem et dicis causa sapere videantur. In Platone, Aristotele, Epicureto, Porphyrio, Hierocle, Iamblichio, sic versatus es, ut simul cetera doctrinarum ornamenta coniungeres, et instituti constantia, ac moris amoenitate omnibus placeres. Non minor dicendi facultas tibi contigit, quam labore et industria consecutus demonstras, et suauitatem Caesaris, ac vbertatem Liuii, Sallustiique grauitatem, et quum expedit, Curtii acumen, non repugnante ingenio, et expedite imitaris. De vitae morumque sanctitate nihil addo, et humanitatem modestiamque probo, ac omnia consilia bene tibi cadere cupio, quorum ratio in eo posita est, ut, cum decus studiis, tum splendor reipublicae, accedat demum volo, ut magnorum altrix virorum regio,

Dd 5

quam

quam nascendi forte colis et suspicis, te reuerfum libenter excipiat, ac benigne complectatur. Vitembergae; Saxonum III. Cal. Sept. A. clō lōCXXCV.

CCLIX.

ANTONIO MAGLIABECHIO,
Magni Etruriae Ducis Consiliario et Bibliothecae Praefecto

SEmel iterumque tuis litteris mirifice recreatus sum, nisi quod schedae istae famosae dolorem mihi pariter ac tibi, attulerunt. Velim, earum mihi copiam facias, et causam occasionemque absurdae litis edisseras, nomenque rixosi et impotentis auctoris perscribas. Tenzelius, cuius disputatio ad vos perlata est, me repugnante, laceffiuit Schelstratium, et nouas plerasque eius sententias perstrinxit, maledictis tamen abstinuit, et, vt par est, modestiae leges seruauit, si tamen is modeste fecisse putandus est, qui meam amici dehortationem spreuit. Ego quidem dissentientes non iniquo animo ferre soleo, calumnias vero detestor et fugio, et, in capita auctorum reiciendas, existimo, si innocentes petant. Te defendit innocentia, quam velut Gorgonis clypeum maleuolis obiiicias, atque impetum obtrectandi constantia tua frangas. Abiecti et parui animi telum est calu-

lumnia, quam facile retundit, qui, suae virtutis conscius, adspernatur. Bene tecum agitur, si videas impares aemulos, qui, cum ad tuas sane maximas laudes adspirare non possunt, in conuiciis obsolescunt. Quare non est, cur moueare his clamoribus, quibus te improbi quidam oppugnare cupiunt, ut ab honestissimo exteris iuuandi instituto te auertant. Vnum abs te peto, prius quam finem epistolae faciam, Mederum, quendam Transylvanum, diu in scholis meis versatum, perinde, ac Comitem VVrangelium comiter accipias, et vel meo nomine de ipso, si per occupationes tuas licet, bene merearis. Opuscula, diu intermissa, simul in praesens capias, et in posterum plura expectes, mihi autem favere pergas. prid. Cal. Sept. A. clo
bCXXCV,

CCLX.

GEORGIO FRIDERICO MVEGIO,

IC. Spirensi.

GAudeo, contractam inter nos amicitiam adhuc esse integram, quam si ex mea parte relanguescere patiar, negligens sim, sin dissolui cupiam, improbus tibi videar, oportet. Consuetudinis tuae saepe recordor, et comitatem non sine animi iucunditate repeto, tuos autem et affinis
Lim.

Limbachii labores meritaque sic aestimo,
 ut certe magis non possim. In quo omni-
 um recte intelligentium voluntates et iudi-
 cia consentiunt, maxime illustrium Proce-
 rum, Buvvinckhausii, Mauritii et Eibenii,
 qui de utroque vestrum præclare existi-
 mant, ac honorem commodaque vestra in
 primis curant. Illud vero acerbè fero,
 quod limes vester, multis obiectus pericu-
 lis, spem diuturnae pacis mihi non facit.
 Omnium oculos mentesque in se conuer-
 tit causa Palatina, cuius exitum solliciti om-
 nes exspectamus. Philippi Aurelianensis
 nimia et iniusta postulata sunt, et iure diu
 quaesito pactisque gentilitiis aduersantur.
 Sed Gallos huius rei non pudet, dum mo-
 do fines proferant, et circumiecta Rheni
 ora potiantur. In vna vrbe, fateor, non
 prouinciam, sed totius patriae praesidium,
 et regnum, amisimus, hoc initium mali eius
 quod Germaniae seruitutem minatur. Cae-
 sar vires exhaustit, Principes aemulatione et
 discordia se atterunt, parum abest, quin
 Germaniae idem, qui veteris Graeciae, ex-
 itus sit futurus. Saxo noster cum Agnatis
 in senatu Imperii iamdudum iure conten-
 dit. Brandenburgico Sueones ob cessum
 pace Nouiomagensi tractum, qui trans Via-
 drum iacet, iam longo tempore inuasi sunt,
 quae res tamen nunc ad concordiam spe-
 ctat.

stat. Cetera scribere non aſum. De Ru-
metſchio valde angor, et, ſi quid in me eſt,
opem auxiliumue ſpondeo. Auctor illi
ſum, diſertationes, quas *Programmata* in-
ſcripſit, in Saxoniam tranſmittat, quas Dre-
ſenam curabo, et, pro eo, quanto poſſum,
ſtudio, annitar. Lubecae vacat prouincia
Rectoris Gymnaſii, poſtquam de ſtatione
ſua deceſſit Hinckelmannus. Vellem, ap-
pellaret Scholae Ephoros, et viam ſibi mu-
niret. Certe doleo viri vicem, fortunam-
que eius corrigi volo, ſi quid de me polli-
ceri poſſum. Sed partim cauto, partim ma-
turato, opus eſt, cum multi ſint, qui ambi-
ant ac preſent. Tu ſi in aula quidpiam
vel expediri, vel commendari velis, quod
e re tua ſit, efficiam libens, vt intelligas, me
tui ſtudioſiſſimum nominis eſſe. Superiori
menſe tabularium in arce noſtrae vrbs re-
cluſum eſt, cui negotio interfui, et tabu-
las Imperatorum, Regum et Principum,
rara felicitate, et Saxonis beneficio, vidi et
perlegi. Clauſ illius *Electoꝝ*, et Agnati
Duces *Regentes* ſimul habent, et ſimul de-
legatos mittunt. Quod reliquum eſt, cau-
ſam veteris amici, Orthii, tibi et Nobiliſſi-
mo Affini, quem ſaluere iubeo, enixe com-
mendo. Cal. Sept. A. clō lōCXXCV.

CCLXI.

IOANNI GEORGIO ORTHIO, IC.

QVae tua conditio sit, post tam insignem
aulae et vrbis Palatinae conuersionem,
nondum cognoscere potui, nolim tamen
dubitare, quin nouus *Elector* egregia et fi-
deli tua opera vtatur. Meas, opinor, supe-
riores litteras accepisti, ex quibus intelligas
inseruiendi studium, ac bene merendi vo-
luntatem. Frater tuus Stolbergiae adhuc
debet, cui pro eo solvam, si quidem ea con-
ditio tibi placeat, vt compensare in poste-
rum velis. Quod isto nomine reliquum
est, deinde ad te curabo, si aperias senten-
tiam, et consilium meum probes. D. Mue-
gio et Limbachio parentis causam enixe
commendaui. Optarem, vt vel modicum
commorandi spatium fortuna tibi daret,
crede mihi, id e re tua fore. Superiori men-
se hic reclusum est tabularium, quod in ar-
ce asseruatur, quorsum aditus mihi patuit
singulari beneficio, multa ibi vidi et legi,
quae nullis libris continentur. Lis, quam
Palatino Gallus mouit, patriam nouo bello
implicabit, nisi incepto desistat, qui tam ini-
qua postulat, Philippus Aurelianensis, Fra-
tris potentia velut scuto innixus. Austria
res prospere hoc anno gessit, quod pungit
Gallos, non facile passuros, vt Buda quo-
que

que in Caesaris potestatem redigatur. Spero, fore, ut pax inter Caesarem et Turcas breui ineatur, cum ambitio et cupiditas, regnandi, quae Gallum incescit, satiari non possit. In limite nostro inter Sueonem et Brandenburgicum denuo pax firmabitur, et controuersia de cesso trans Viadrum tractu, aequis et moderatis conditionibus finietur. Multum in Iacobo, Angliae Rege, positum est, si is, aequabilem inter Gallos Hispanosque potentiae rationem seruandam esse, duxerit, quod vnus ille omnium maxime potest, nec minus ipsi vtile, quam Europae cultiori necessarium, videtur. Plura non licet perscribere, praesertim tibi, qui sagaci et prudenti animo instantia prospicis, et de rebus praesentibus iudicas apte. Tantum abs te peto, mihi faueas, et credas, tibi ac nobilissimae familiae tuae me, quantus quantus sim, omni studio, cogitatione et officio, addictum fore. Meierus bibliopola exponet sententiam copiosius, et, quo in te animo sim, quid velim, renunciabit. III. Non. Sept. A. clb lCXXCV.

CCLXII.

IOACHIMO FELLERO,

PP. Lips.

Duturni silentii culpam deprecor fidemque meam tibi obstringo operae
in

in omni re nauandae, quam sciam et vsui, et honori, futuram. Maxime autem laetor, te, confectis splendidi muneris partibus, modice valere, et cupio, vt firma tua valetudo sit, ac multa, te auctore, litteris commoda afferantur. Mihi sufficit tarde conniti, et id conditio mea postulat, nec ignoro, probari moram cum ratione et consilio coniunctam. Litteras Graecas, nemine hic repugnante, ornandas suscepi, in quibus mihi Veneres se offerunt, atque omne adeo gaudium in iis positum est. De Graeca, quae oneri esse possit, non cogitavi, libertatem mihi vindicans, quae maxime semper mihi grata ac iucunda fuisset. Nec tamen mihi displicet aequum animi tui iudicium, qui tam multa et praeclara documenta tui erga me amoris dedisti, vt plane tibi confidam, Gratiasque tuas, quae solae mihi placent, ad certamen gratulationis prouocare velim, si me aliquando illis molestiarum vinculis adstringi patiar, quibus arctissimum vitae foedus continetur. Sed iocari tibi placet, fortasse quod existimes, serio rem agi: caue, in hanc sententiam adduci te patiaris. Libertas mihi auro carior est, in qua tuenda poetae veteres etiam philosophis concedere noluerunt. Equidem in omnibus veterum gloriam aequas, atque hoc elegantiae genere elegantiss-

tissimam patriae urbem mirifice exornas, nisi quod non ferendam poetis seruitutem libertati, mirum, praetulisti. Vicissim iocor, quod in amico feras, si ad seria veniendum est, orbi Christiano de repetita victoria gratulor, et res melius, atque superiore anno, confectas, in summi gaudii parte pono. Illum Deus votis quasi cumulum addat, ut, fractis barbaris iste ab occidente insidiator libertatis tandem aliquando coerceatur. Multum in Britannia positum est, ubi pondus librandae potentiae haeret, quod flagitant Europae regna, et de Iacobo VII. bene sperant. Germani sensim a veterno excitantur, Poloni, Gallicis pensionibus innexi, adhuc more suo, tergiversantur. Non recepta Neuheufela, Marti et Apollini, nisi id valetudini tuae graue est, certatim libemus. Prid. Non. Sept. clc
bCXXCV,

CCLXIII.

ANTONIO RAMMIO,

Consiliario Tommano.

SAepe recordor tuae in me propensissimae voluntatis, et magni facio in primis amicitiam, cum patre meo contractam, quae nunquam animo meo excidet, sed ad omnia honoris officia exhibenda semper inuitabit. Frater Ioannes Antonius, cui

E e

ad

ad sacrum fontem sponzor fuisti, ad coelestes abiit, qui te patris loco duxit, et in conatu rerum pulchre gerendarum decessit. Vnicus mihi frater superest, homo ingenuus, et ingenio satis capaci praeditus, quem tibi magnopere commendo. Mihi ab exteris Regibus et Principibus conditiones oblatae sunt, quibus Saxo meus intercessit, nec me dimittere voluit, et nouis etiam beneficiis praeter exemplum me auxit. De reliquo sum liber, curis, quae ad familiam pertinent, vacuus, libris omni doctrinae genere refertis instructus. Nuper Generosus a VVerthern me acciuit, et prolixè accepit, quae, fateor, occasio fuit apud te inuiscendi, sed, opinione citius, negotia VVitembergam retraxerunt. Apertum enim tabularium est, quod in arce vrbis nostrae asseruatur, cuius perquirendi locus mihi datus, cumulusque meae doctrinae prope adiectus fuit. De Principe VValdeccio non te fugit, aetate affecta non recusare belli discrimen. Ex Gallia redux, diu et familiariter cum eo fui. Postulauit a me, vt vitam eius conscribam, sed rationes muneris id adhuc non ferunt. Caesari gratulor optimos in Vngaria successus, qui Galli audaciam frangunt, maxime, quum Iacobus VII. nimiam eius, et reipublicae nostrae metu-

tuen-

tuendam, potentiam prudenter in posterum temperabit. Multa, quae ad statum patriae spectant, alibi, et, si forsan fortuna adfulgeat, coram explanabo: Haxthufius sanctior Consiliarius aliquoties Castellam me inuitavit, si fieri possit, in transitu te appellabo. Vale. Non. Sept. A. clc lōCXXCV.

CCLXIV.

FRIDERICO GVILIELMO PLEZIO,

Sacerdoti Quedlimburgensi.

GRatae mihi acciderunt tuae litterae, amoris iuxta, ac humanitatis plenae, vel eo potissimum argumento, quod vna olim mensa, et arctissima vitae studiorumque consuetudo nos, dum hic esses, coniunxit. Petitioni tuae, ut honestae sic aequissimae, locus datus est, quod me virtutis tuae testem habes, et honor muneris tui testimonium laudis tuae praeber. Rationes impensarum confectas schedula, quam vides, indicat, tibi que sane eligendi ius est, utris conditionibus stare velis. Dies solemnibus dictus est sextus decimus Octobris, si copiam tui facias, mihi et collegis multo gratissimus hospes eris, si occupationes tuae id vetent, pecuniam, quaeso, mittas, in schedula rationum consignatam. Quod reliquum est, cupio, ut cum de re sacra, tum de coetu Quedlimburgensi, bene semper mereare. Deus

te seruet cum familia; et commoda successusque optimos ex animi sententia largiatur. Non. Sept. A. clō l̄CXXCV.

CCLXV.

HIERONYMO A DORNE,

Patricio, Senatori, et Scholarchae, Lubecensi.

Qui Latine et Graece sciat, forte neminem reperias, si suo ac vero pretio litterae aestimentur. Aegre commendo homines, et facile reputo periculum, quod multi secure adeunt, et maiori fiducia, quam iudicio, partes has capeffunt. Horum, opinor, consuetudinem improbas, atque in vitio ponis audaciam, quae sola commendationis auctoritate nititur, et fallendo etiam praemium quaerit. Longe alia mihi mens est, et simulandi causas procul habeo, nec id mihi fumo, quod tuae prudentiae est permittendum. Vnum tamen, pace tua, meo testimonio ornandum duxi, virum sane doctrina et bonis moribus praeditum, Hartschmidium, Argentoratensem, Obrechtii, si humanitatem spectas, discipulum, bonis artibus apprime eruditum. Hebraeorum litteras auctore Schmidlo hausit, Graecas mediocriter callet, dato sub Stolbergio specimine, mihi notus. Quod in orationis cultu desidero, vsus et exercitatio faciet, si intelligat, aperiri sibi campum, in quo deinceps

ceps industria eius se exerceat ac probet. Res patriae aduersas, vim sacris illatam, licentiam, contumelias vexationesque emendatae religionis, pertimescit, adeo, vt aliam, nec conscientiae grauem, patriam quaerat. Haec ad vitam, studiaque et fortunam, optimi hominis pertinent, quae celare te nolui, victus amicorum obtestationibus, qui honori eius fauent. Quod reliquum est, Deum obsecro Immortalem, tuas res florentes esse iubeat, patriamque tuam, quam summopere ornas, praesidio coelesti defendat, et contra insidias impetusque hostium tueatur. Vitembergae Saxonum, Id. Septembr. clō lō CXXCV.

CCLXVI.

ASARELI MEDERO,

Transyluano.

Simul vt intellexi, te rediisse ex Anglia, et intrasse Galliam, magnopere laetatus sum, cum, quod, in hac peregrinandi diligentia multum tibi sane positum esse, sciam, tum, quod, patriae tuae spem expleri, cupiam, quae paucos tui similes habet, et in tuam praecipue virtutem intuetur. Maeste animo pergas, et Italiam obeas, illam prudentiae magistram, laudisque maiorem accessionem speres. Habent Itali pleraque cum Anglis communia, praesertim, si ani-

morum latebras abditosque recessus considero. Rex hodiernus Italica prudentia res suas moderatur, Monmouthii seditionem compressit, aemulos distraxit et vicit, Angliam Scotiamque pacavit, Galli conatus et consilia vnus ille animaduertit, non passurus, vt omnia vnus Ludouici arbitrio agantur. Caesaris res, in Vngaria prosperae, decus auctoritatemque Austriae firmant, et animos Germaniae Principibus addunt. Tekelius in angustias compellitur, sed Caesaris gratia forte consumpta est, nisi inusitato quodam modo de Austria mereatur. Cupio meas dissertationes ad te perferri, sed occasio deest. Tu, quaeſo, interim vale, et amatum amicum veterem et constantem. Id. Sept. A. clb l^oCXXCV.

P. S. Ad Magliabechium. Ciampinum, Erabrettum, Bellorium, tua causa perscripta. Litteras ex Anglia abs te nullas accepi.

CCLXVII.

NOMINE RECTORIS ACAD.

QVoniam omnes Ioannis Starckii res fuesto nuper incendio consumptae sunt, a benignis quibusque hominibus inire studet gratiam, et durae fortis quaerit solatium, maxime autem in vestra liberalitate praesidium collocat suum. Proinde quaeſumus vos per calamitatem viri, nulla sua cul-

ipa miseri, detis id conditioni eius affli-
e, et ultro promteque stipem erogetis,
lli dubitantes, quin Deus cumulatissime
nuneretur ac reddat, quod ei, collato
e, libenter largiterque tribuetis.

CCLXVIII.

RIDERICO GVILELMO PLEZIO,

Sacerdoti Quedlimburgensi.

Ationes confectae, et a praeside Ordinis approbatae sunt, tantum abs te stulat, vt primo quoque tempore veniet solennia praesens vna celebres, mul-
nque exornes. Dies constitutus est quin-
decimus huius vertentis mensis, quem
leges mutare non licet. Igitur tempe-
re adsis, et negotium expedias honoris
num. Examen Ordinis paullo ante sub-
ndum est, quod ita instituendum existi-
t, vt simul calculi cum studiis tuis sacris
nantur. Ego me ad reliqua nomine tuo
anda promptum offero, et aeternum Nu-
n obsecro, vt hoc institutum, coerus di-
ioris et tuae felicitatis causa, fortunet.
le, et quem amas dudum, eum amare de-
eps perge. XVI. Cal. Oct. A. clc l^o
XCV.

CCLXIX.

IOANNI VVALTERO,

Reipublicae Luneburgensi a secretis.

MAgnum Dei beneficium est, quod victi fugatique sunt barbari, etsi Galli id aegre ferunt, et, Austriae vires distrahi atterique, optant. Colligit vires sensim Austria, et decus prope amissum instaurat paullatim, vt, vel hoc nomine, Christianus orbis sibi gratuletur. Plurimum in Iacobo, VII. Angliae Rege, situm est, qui, dissipata Monmouthii factione, nunc pleniori auctoritate regnat. Qui si Austriae commodis faueat, Francorum ambitio coercetur, et vicennales induciae seruabuntur, fin, blanditiis donisque vinci se, patiat, de salute vicinorum actum, putabo. Hactenus animum auertit, et rationes prudenti consilio moderatur, Auriacus a rebus Gallicis sane alienior, est, et, annitente cognato Rege, *Principatum* Arausionensem reposit. Nouus *Electo*r Palatinus, causae suae confusus, et, victoria Caesaris erectus, de iure suo nihil detrahi, sinet, patris gentilitiis et sanguinis propinquitate nixus. Carolus, qui cum praecessit, veneno sublatus dicitur perfidia aulici sacerdotis, et medici, ad eam rem subornati, quod qua-

est breui tempus et certiores litterae docebunt. In Gallia prorsus opuntur *Reformati*, elaborantibus in genere sodalibus Iesu, vt, in quo Rehonorem verti, existiment, si pro sumpotentia et auctoritate efficiat, vt *Hugonis* in vniuersum religionis vsu interdicitur. Mulctantur innoxii homines rapiuntur ad fana, trudentur ad audiendos *Ecclae* Romanae ritus, manibus pedibusque stricti trahuntur, liberi ante ora oculaque auferuntur ad superstitionem, et tunc retinentur in regno, migrare volentibus damnantur ad triremes. Haec est ista ciliationis larua, quam sacrae tyrannidi missaria obtendunt. Stolatipatres, Chaiet Maimburgius diu saxum hoc voluit, et, magni praepotentisque Regis auctoritate, magnum et *Ecclasiae*, et statui *restantium* periculum moliuntur. Monitionum Gallicarum indicant, quae ualia consilia agitentur. Interim per auctoritatem Pontificis, Regis auctoritatem grauem, qui *Episcopos* eligit, instituit, leratur. Sorbona libere disputat contra Pontificem, et non fallendi praerogam negat. Pontifex callidus est, multa de dissimulat, et Regem perinde, ac tianos Patres emissarios, timet. Au-

striae consulit, pacem Italiae procurat, pecuniam, belli sacri causa, liberaliter erogat, quam ex vacantibus purpuratorum dignitatibus conflat, alioquin a coetu nostro alienior, et acerbius in Vngarorum gentem consulens. Sed sacra Deo curae erunt, dummodo limes muniatur contra barbaros, et valido iterum praesidio firmetur. Ex his, licet, colligas, Vir amplissime, quo consilio cupiant Galli, ut in gratiam redeant. Nam id agunt, ut incauti simplicesque alliciantur, ac tanto speciosius decipiantur. Noua quidem, et a veteri crassaque Pontificiorum secta multum discrepans cernitur doctrina Gallorum. Concilium Tridentinum Rex non admittit, Pontificis auctoritati in regno suo obicem ponit, directo et per latus sedem Romanam petit, sed cetera et ad fundamentum pertinentia capita, quae Lutherus repurgauit, non probat, et reuera est *Ecclesiae* hostis, ac vi astuque eam persequitur et premit. Longius me, quam volebam, diffundo, et ideo, quod res postulat, effectum dare cupio. Iussis tuis obsequor, et Michaellem Caesarem, Burga Saxonem, ad capiendam docendi filii prouinciam mitto commendoque. Homo rectus et probus est, diligens et mediocriter doctus, matheos haud expers, et humanitatis studio deditus, ac Iuris perindustrius cultor. Eum, quae-

so,

fo, suscipias et foucas, spero eum de filio tuo bene mereri velle et posse. Ita te Deus seruet, et florentem vna felicemque familiam praestet, ac diutissime tueatur. Cal. Octobr. A. clō lō CXXCV.

CCLXX.

ADAMO CHRISTOPHORO IACOBI.

IC. Dresd. et Saxonis El. Consiliario.

PARUM forte abest, quin existimes, notam criminis mihi esse inurendam, vel, quod tam fero ad tuas respondeam, vel, quod diligentiam in ornando et erudiendo filio tuo praetermittam, quoniam cunctandi rationes habeo, et exploro interim, quid agat, quid moliatur, mutetne, an seruet, superiores laudes. Nondum quidem recessit a pristina consuetudine, sed interdum mobili animo est, monitis tamen cedit, quod bonae indolis est, et patitur se reuocari. In temperantia omne felicitatis praesidium certe positum est, quam ipsi magnopere commendo, ut sibi constet, neque impetu ad intempestiua officia rapiatur. Volo eum mihi esse affixum, et statuo, hoc me ipsi, vel tua causa, debere. Praemium non posco, ne imprudentis nomine male audiam, tam multa in me contulisti beneficia, ut nullum reddere par queam. Certas horas constituam praeter eas, quas cum aliis com-
mu-

munes habet. Faciam, experiar omnia, vt cum eruditioni, tum vtilitati eius, consuletur. In conuictu, in nobilissimum Generum tuum, in consuetudine et congressibus, in clientes hospitesque Zieglerianos intuetur, qui omnes et modestiae, et doctrinae frugalitatisque imaginem ei ostendunt. Iam, te, opinor, volente, disputationem ingredietur, auctore Sibero, homine industrio et erudito, quamuis maluissem, desumi argumentum ex Demosthene, vel Lyfia, vt simul linguae et fori Attici specimen daret. Non tamen repugnare volui, cum, vel sic diligentiam comprobari posse, intelligerem. De exitu conatus et fructu, simul; ac disputauerit, ad te perscribam. Siberus, partes sibi in schola mandari petit, tuumque, me conciliatore, patrocinium ambit. Fau eas, quaeso, et, nostra litterarumque causa, bene agas, semper floreas, et, si id in mortalitatem cadit, nunquam ex conspectu mortalium migres. Ita optat, fouet, precatur tota mente et animo, Iacobaei Nominis cliens. Non. Nouembr. A. clolo CXXCV.

CCLXXI.

PATRONO.

EXplorata mihi est Dauidis Lohde, cuius nostri, diligentia, et vitae morumque ornamentis probata, quae etsi meo testi-

stimonio non eget, tamen dignam censui, quam honesto et maturo iudicio comprobarem. Spero, fore, ut me nec meae commendationis poeniteat, et patria eius studii fructum capiat, atque meae adeo petitioni aequae pariter, et iustae, hoc tribuat, ut eum constitutis studiorum subsidiis prouehat, benigneque complectatur. Vitembergae Id. Nouembr. A. clc lō CXXCV.

CCLXXII.

ADAMO CHRISTOPHORO IACOBI,
IG. Dresd. et Saxon. EL. Consil.

Disputauit non indecore tuus filius, et probauit erectum animum, ut me continere non possem, quin ipse assurgerem, et conatus eius eximios publica gratulatione cohonestarem. Tantum in vitae modo desidero constantiam, et abs te peto, ut quodammodo aberrantem graui adhortatione in viam reducas. Ab eo tempore, quo disputauit, raro mihi adfuit, quotidie tamen inuitatur. Obtendit mutati hospitii causam, quae ratio quale pondus habeat, tuum est, existimare, benignissime Patrone. Ego nihil omitto, quod quidem eiusmodi sit, ut seu studiis, siue commodis eius, facere videatur. Heri consultissimus Gener tuus saluus sospesque ex Lusatia rediit, in quo decus ornatumque summi iudicii, et
ex-

exquisite modestiae, nec minoris prudentiae, quotidie experimur. Sine adulandi suspitione scribo, et id clienti tuo, per obseruantiae leges, semper sancteque concedes. Prid. Cal. Decembr. A. clō lō CXXCV.

P. S. Funestum Albini facinus Academiā adflixit, et foedauit. Homo sacris deditus tantum scelus patrauit, sed istud hominum genus pessime viuit, quod pietatem profitetur. O tempora, o mores! Non bene coniiciat de sacris nostris, quisquis, homines tam improbos sacris innutriti, videat audiatque.

CCLXXIII.

EIDEM.

Quas obseruandi nominis tui rationes habeam, nemo perinde nouit, ac ego subinde aestimo, quem semel et iterum, ac saepius, pietas mouet, et tot tantorumque beneficiorum cogitatione acrius mentem excitat, atque ad tuendum grati animi officium perenni et continuata amoris vi impellit. Vt enim omittam cogitare de singulis, quamuis nec istud sine crimine facere possim, vnum, idque maximum, praeter ire iam nequeo, quod vno adspectu omnes recti exempli homines intueri possunt, quam alacres laetique recogitant, quam bene velis Academiae, praesertim funestis casibus

fibus afflictæ, ac prope iacenti, quæ abs te
famae, salutis, fortunis omnibus praesidium
petit. Nihil dissimulo, et ingenua mihi in-
doles est, quæ nihil minus ferre solet, quam
in agnoscendis beneficiis languorem et cul-
pam. Et tamen multi tam remissio ac lan-
quido sunt ingenio, ut non modo ad has
partes se non cohortentur et incitent, sed
intempestiuo quoque silentio iustis aquis-
que patronorum laudibus obsistant. Ab-
est hoc a natura, abest a consuetudine
mea, plurimum, id vero in me non ef-
fe, fateor, ut meritis tuis, tam egre-
giis et immortalibus, pari orationis fa-
cultate respondere possim: industri-
am forte in iis, pro modo virium praedi-
candis, exercere mihi bonitas tua concedet.
Insistam igitur in sermone hoc, et, quoad
licet, verba non tam ad elegantiae, quam
ad pietatis, formulas traducam, et incepta
mea fidenter perficiam, ut, votis etiam per-
fici absoluique posse, arbitreris. Omnes
clientum voces conspirant atque consen-
tiunt, conueniunt et congruunt volunta-
tes Generi Affinumque tuorum, quippe
quorum recti, et puri integrique animi
sunt, se peti, sequetangi, affirmantes, si quid
praeter spem eueniat tibi. Sed Princeps
ipse, reipublicae nostratis moderator sum-
mus et arbiter, patria vniuersa, te ferunt in
ocu.

oculis, te sententiam rogant, tua consilia poscunt, atque in tuis demum laboribus et vigiliis plurimum ponunt. Quid Academia sentiat, quae vota nuncupet, quo loco numeroque te habeat, faciam, ut ex me, eius interprete, quodammodo cognoscas Vult, petit precibus et postulat, ut diutissime floreas, ac mensuram felicitatis tuae impleas, clientesque innumerabiles, et artissima animorum coniunctione deuinctos, virtutis consensu tibi concilies, et, approbante Deo Immortali, conciliatos retineas ac serues. De constantia tua nemo dubitat, tantum optamus et precamur omnes ac singuli, homines recti simulationumque ignari, ut nullo iniquo fato vel minima pars felicitatis tibi eripiatur, quem vnice diligimus, quem voluntatibus iudiciisque consentientibus admiramur. Deus aeternus te familiam, coniugem, liberos, generos, affines, clientes gaudio, honore, solatio, voluptati, obsequio tuo seruet. Molestiae, difficultates temporum, dubia ac infirma valetudo, res aduersae omnes, abs te ope atque auxilio coelesti arceantur. Haec summa est religionis, quam profiteor ipsis Calendis Ianuariis, anno, quem auspicamur, clb l^o CXXCVI.

CCLXXIV.

CAROLO L. B. A. FRISEN.

CVM superioris anni recordor, tum verbis exprimere nequeo gaudium, quod is felix fortunatusque abiit, et ductu consilioque tuo patriae Principi El. et saluti fortunisque omnium bene vertit. Religio, leges, iudicia, litterae, florent, et tuis certe vigiliis id debere se intelligunt, palamque confitentur. Nulla in templis solitudo, nulla in foro vastitas, cernitur, respublica eodem, quo ante hac, vestigio stat, et praesidem auctoremque capiendi et exsequendi consilii celebrat, huiusque auctoritate seruata se, affirmat. Omnes iudicio aequo et iusto regimur, nec magis iussa, quam exempla tua, intuemur. Saxo, magnus ille et Martius, periculo se obicit, et a pia Caesaris causa non recedit, barbaroque, virtute sua reiectos a finibus, adhuc fama fortitudinis suae terret, maiora ausurus, si patriae libertas in posterum conuellatur. Quae gloria ad tuum nomen redundat, quod rationes sanctissimi tui consilii expeditae sunt, et in causa tam bona valent, Principemque, curis distractum, confirmant, ut armatus contra hostes tendat, atque omnium recte existimantium studio excipiatur. Quem vna expeditio fecit immortalem, et

Ff

vna

vna eius victoria omnes nostra memoria victorias obscurauit, cum se in barbaros inferret, et primus pugnae signum daret, eius vero pugnae, in qua totius orbis Christiani salus versabatur. Donec erunt homines, Saxonem, et consilii socium, Gersdorfium, memori animo et grato sermone praedicabunt. Opto, qua par est, religione animi, et peto, quibus possum, a Deo precibus, hanc industriam, tot tamque multis exemplis comprobata, ac iamdiu totius, qua cultior est, Europae opinione aestimata, tuis meritis perpetuam seruet, eamque cum perenni felicitate, et prospera valetudine tua, coniungat. Nihil Illustrissimam domum, quae ex Gersdorfianis et Frisiis necessitudinibus coaluit, perturbet, nihil a veteri fastigio moueat atque eam affligat, nulla difficultas conatibus consiliisque tuis se obiciat, omnia, quae velis, etiam effectu arduo, ad nutus tuos parata sint, omnia denique, quae vel cogitando assequi licet, expeditissima fortunatissimaque sequantur. Haec est nulla simulationis arte obducta pietas, hoc studium voluntasque omnium est, vt tua gens, coniux, virtute et animo similimi heredes, nullo fortunae casu, nulla temporum iniuria, abs te diuellantur, nulla dies tam foeda sit, quae foederis Frisii vinculum rumpat, aut illius gaudii fructum eripiat

piat aut minuat, sed, quod votis expeto, ar-
ctissima sanctissimaque animorum consilio-
rumque inter vos coniunctione firmi, flo-
rentes et inuicti, persistatis, generosumque
filium, cum Principe iuventutis reducem,
paribus gaudiis excipiat. Id Deus velit,
iubeat, perficiat, moderetur. Vitembergae,
ipsis Calendis Ianuariis, A. clō lōCXXCVI.

CCLXXV.

ANTONIO MAGLIABECHIO,

*Magni Etruriae Ducis Consiliario et Biblio-
thecae praefecto.*

Du me rerum tuarum status angit soli-
citemque habet, nec mediocriter do-
leo, quod cum tot tantisque aemulis tibi sit
conflictandum. Quos prudentia et comi-
tate vincendos putabis, nec fines, te frangi
iniuriis, quae pertinent ad suos auctores.
Schelstratius commotior stilum, quasi fer-
rum, in Tenzelium quendam distrinxit.
Mirari subit, quam ob rem sibi hunc aduer-
sarium sumpserit, et refellendum existima-
rit, quem silentio contemnere potuisset.
Exemplum scripti ad me non perlatum est,
rogo, si per rationes tuas liceat, facias, ut
ad me quamprimum curetur. Zieglerus
noster in expurgando Iure Pontificio ver-
satur, librum, de *Episcopo* inscriptum, emis-
surus. Baluzius, ut accepi, idem agit, dis-

simili tamen tractandi ratione. Superioribus nundinis multas dissertationes ad te curavi, vtrum acceperis, nec ne, aueo scire. VVrangelium, Mederum, amicos meos, prolixè abs te acceptos, gaudeo, nunc rursus peto, Olaum Odhelium, Sueonem, nihilo peiori loco esse patiari. Expeditiones contra barbaros terra marique Caesari et Venetis faustas euenisse, laetamur omnes, et impense, salutis Christianae causa, gratulamur. Opto, vt Budae expugnatio tandem sequatur, vtque Caesari a tergo nihil timendum sit, profecturo ad Rhenum, et iustos imperii fines recuperaturo. Id Germaniae necessarium, et Italiae simul vtile est, sed, Vienna occupata, de vtraque actum fuisset, Pontifex Polonos praesenti pecunia excitauit, alioquin haud venturos opportune. Audita liberatione, Francus dixit, victi sunt foederati nostri, et, proiecto in terram pileo, dolum apertissime testatum fecit. Lotharingus vrget restitutionem suam, Imperium de Argentorati recuperatione laborat, Heluetii, etiam *Catholici*, a Franciae Rege sensim abalienantur, nec leges ferunt, et profugis perfugium praebent, non passuri, infestari Geneuam, cui minatus est magno insolentiae indicio, ex qua causa Heluetii sunt offensi. Proximus annus multas Franciae destinationes conuertit. Regina Hispa-

spanica procuratam arte sterilitatem corrigere non potest, teamque sponsa doluit, quum, ingressura Hispaniam, dixisse fertur, *quid mihi Hispania?* Quasi eo nomine indignatura, quod ita secum actum fuisset, ut damnum Hispaniae rependeretur. Hae artes sunt Francorum, non futurae tandem inultae. Magnus tamen, puto, error ab eo Rege admissus est, quod sacris *Hugenottorum* vim intulit, tam inaudito crudelitatis exemplo, ut prope ipsi *Catholici* execrentur. Ita Gallia amisit multa millia hominum, et commerciorum florentium iacturam fecit, ut de aliis incommodis non dicam. Quod reliquum est, opto, ut quam diutissime valeas, et reipublicae litterariae bene consulas, nihil tamen sine valetudinis honorisque accessione agas, mihi autem faueas, et pristinam laudis tuae possessionem retineas, amoremque tuum nobis et ingenuis nominis tui cultoribus serues. Vitembergae ipsis Nonis Ianuariis, A. clo lē CXXCVI.

CCLXXVI.

ADAMO CHRISTOPHORO IACOBI,
IC. Pr. EL. Sax. in summa prouocationum iuridicarum et Consil. Eccles. Curia Senatori, incl. ciu. Dresen. Syndico.

Cum de tuis tot tamque eximiis beneficiis

ciis cogito, tum eorum profecto numerum inire non possum, nec reperio facile, quod reddam, nisi quod acceptorum memoria semper ante oculos versatur. Rubori mihi est fortuna tenuis, quae facit, ut remunerando impar sim, et, si nulla re alia, certe obsequii constantia, me sustentem. Circumspiciam vero aliquid, et enixe quaeram, ut gratiae referendae voluntatem studiumque profitear, atque in hoc officii genere cum omnibus tuis clientibus, etiam dignitate praestantioribus, contendam. Liber ille, quoad viam, de incredibili benevolentia me commonebit, ac simul documento erit, summam illam tuam atque incomparabilem virtutem, non solum peti a libris, quanquam nec hoc infra tuas laudes est, sed in primis ex diuina indole, et animi excellentia, quam cum paucissimis maximisque communem habes, oriri, omniumque sapientissimorum hominum laudes completi. Monumenta omnium aetatum in numero habes, et, si quid arduis patriae negotiis subtrahere licet, non amitti ac perire finis, sed colligis ac bene collocas, ut ipsi etiam, adornandum litteras conducti homines, magnam capacissimamque mentem tuam admirentur. Ipsa, opinor, posteritas agnoscendo praemium tibi persoluet, et meritorum, quae cumulatissima sunt, subinde recordabitur, et puro nec simulato animo

mo ager has partes, et tibi perenne ac perpetuum decus rependet. Tantum oro supplex Deum Immortalem, ut haec gloria tuae stirpi, coelestibus auspiciis in fastigium euectae, nunquam eripiat, nec desint, qui in locum tuum succedant filii, quique eo loco sint, ut, te simul florente ac superstitute, adolescant, et laudis principatum inter aequales retineant, atque, vel vno hoc nomine, ab aliis se distinguant. Hoc evenire opto, haec est votorum summa, hoc pietatis in te meae argumentum esse volo. IIX. Id. Ianuar. A. clb b CXXCVI.

CCLXXXVII.

PATRICIO LVBECENSI.

MEae commendationis aliquam fuisse rationem, gaudeo, et vehementer opto, ut suffragia bene cadant, et homo utilis atque idoneus regendae illi tam illustri Scholae imponatur. Nam pauci sunt humaniorum litterarum intelligentes, nec fiducia ingenii tamen aliis cedere volunt, nec se magis decipiunt, quam alios frustrantur. Omnis sane vera solidaque sapientia ab his elegantioribus studiis ducit colorem et habitum, nec quicquam expectatione dignum est, quod his et talibus doctrinae praesidiis caret. Faueo autem tanto magis honori vestrae Scholae, quod superio-

ri tempore quidam ciuis meus, Henricus Bangertus, in illa cum laude versatus est, cui cum Patre meo usus et necessitudo intercessit. Nihil dixerim de Kirchmanno vestro, cuius laudibus nec addi aliquid, nec demi potest. Tantum cupio, vt par vtrique successor contingat, et peritus in primis ac tersus dicendi artifex, qualis non potest esse, nisi idem Graecis litteris sit ex-cultus. Hebraeorum lingua, fateor, inferuit interpretibus diuini Codicis, sed Graecorum litterae latius patent, atque ab his omnis doctrinae liberalis fontes dimanant. Vulgus tamen, nescio qua, vi trahitur ad amorem solius Hebraeae linguae, et, dum breuius iter quaerit ad famam, mea profecto sententia, ineptit, et initia causasque verae eruditionis ignorat. Haud facile quis emendauerit homines persuasionem deceptos, nisi Rectoris et Magistri scholarum aliam in animis tironum opinionem inferant, viamque meliorem docendo teneant, ac rectius de adolescentia mereantur. Ceterum reipublicae et tibi de anno superiore, auspiciatissime transacto, gratulor, vota que nuncupo, vt in eius tranquillo et suauis sinu quam diutissime conquiescas, et viam prudentiae imaginem posteris relinquant, et, inter tot molestias laboresque pro patria susceptos, et legationes crebro obitas, eodem

dem laudis tenore tibi constes, ciuibusque
tuis lumen gloriae praeferas, quod perpe-
tuo imitentur. Postulat hoc tua virtus, nec
vlla tam ingrata est futura posteritas, quae
iustum, vt par est, decus tibi non rependat.
Illud ad extremum admonet me officii re-
ligio, vt Deo Immortali supplicem, patri-
amque tuam, tot illustrium et egregiorum
virorum parentem, vi coelesti numineque
diuino tueatur et seruet, iura, leges, liberta-
tem, ope sua defendat, vitae fortunarum-
que discrimen ab incluto Senatu et vniuer-
sa vrbe arceat, insidias molitionesque ho-
stium benigne auertat. Hanc pietatem
obseruantiamque reipublicae et tibi, ea, qua
par est, profiteor lege clientis. VI. Id. Ian.
clb CXXCVI.

CCLXXVIII.

CHRISTFRIDO VVAECHTLERO, IC.

NOlo deesse petitioni tuae, ne officium
amici deferam, quod tibi fortasse mo-
lestum, nec mihi honorificum, videatur. Ro-
gas meam de supremis Caroli M. tabulis
sententiam, quae eo spectat, vt credam, eius
auctoritatem nullis certe solidis rationibus
labefactari posse. Non quidem me fugit,
quosdam testamenti codices, in numeran-
do regni Carolini anno, discrepare, ac ple-
rosque omnes aberrare. Venit quoque in

F f 5

men-

mentem recordari insignium sacerdotiorum, quae *metropolium* nomine in Gallia celebrantur, eodem in testamento praetermissorum. Nihil ibi de Aquensi et Narbonensi reperiās, quamvis semel, iterum saepius, semper euoluas. Addo, quod pleraeque vrbes ibi commemorentur, quae imperio ditionique Carolinae minime omnium tunc subiectae erant. Neque tamen haec, quamlibet speciosa, tanti sunt, ut me de sententia deducant, aut vel in contrariam partem impellant. Illud, fateor, mendum est, quum annus regni in Italia XXXVI. Carolo adscribitur, propterea, quod non fallentibus temporum indiciis confirmare in expedito est, annum regni huius non congruere anno vndecimo imperii Carolini, quo testamentum hoc factum esse, licet, colligamus. Respondet annus Christi DCCCXI, peracto tam illustri et arduo negotio, ad omnes usque posteros insignis. VVimphelingum non excussi, neque otium fuit, cuius diligentiam, pro eo, ac par est, magni facio, sed in hac causa aliis profecto armis pugnandum est, nec, puto, graue tibi fore, si locum tibi patefaciam, vbi firmiores lacertos moueas, et Eginhardum, testamenti perantiqui testem, et suffragatorem locupletissimum, perlustres. Id quod monere te volui, ut tibi de meo in te animo

mo constaret. Vt cunque autem velis et sentias, breui experiar, nec animo cadam, si vel plura etiam tela contra meam, antiquitatis consensu subnixam, sententiam abs te dirigantur. Vale, et communem Patrum Boernerum, cum suauissima coniuge, meo clientis nomine, obseruanter saluta. Idib. Ian. A. clō lōCXXCVI.

CCLXXIX.

DANIELI ERASMIO,

D. et Prof. Publ. Iuris Extraordinario.

Honori dare voluit, cui mea quidem oratione nec addi aliquid, nec demipi potest, cum ob virtutem doctrinamque omnibus modis perfectam, tum ob sermones iudiciaque summorum atque sapientissimorum hominum, qui suauitatem sine fastidio, elegantiam sine molestia, perspexerunt, et auctoritate atque testimoniis ornarunt. His accedit, meritoque suffragatur, et consiliis institutisque egregiis applaudit, monumentaque ab eo victura expectat, nec minus fructum promittit aliis, et auctori gratulatur. clō lōCXXCVI.

CCLXXX.

ADAMO CHRISTOPHORO IACOBI.

IC.

Gottlibius tuus, nec id te conturbet, studiorum molestiis fessus a virtute
mi-

militari laudem petit, et in hoc spatio in-
 regrae florentisque aetatis subire labores, et
 experiri vires suas, statuit, et iter, quod ti-
 rociniū ponentibus restat, tanto melius
 celeriusque confecturus. Annuat Dens, et
 consilium prudentiamque, militari varo di-
 gnā, ei concedat, nec minus incrementa
 atque insignes ad gloriā accessiones laū-
 tur. Quod agere quisque vult, hoc
 tandem, et ingenio haud inuito videri.
 Optimus quisque mortalium in bello tan-
 dis materiā quaerit, nec insignior virtus
 est, quam, quae paratur armis. Si prode-
 tiae et utilitatis ratio habenda est, melius
 in toga, quam in bello, aliquid desiderari.
 Hispaniam evertit Philippus II, quum o-
 mnes prope Hispanos patris togaeque in-
 stituta assuefecit. Hinc initium tot His-
 paniae malorum, quae adhuc illam gen-
 tem urgent. Emitantur et contendant Ger-
 mani, etiam Procerum filii, de quibus meo-
 rum spes est, quo parentum virtutibus imitentur.
 Haec tempora, quibus libertas petitur, Ma-
 iores omnino homines postulant, quos Ma-
 ior excitat et mouet. Aliturum, signum
 quae iam securum, omnes ad maiorem
 omnes et singuli praemunitimus aduer-
 tentiam et leuitatem militarem. Non
 dubito, quin dictorum talium venerationem
 in animo infixit, quae, hinc recedens,

summa animi contentione se obseruaturum. Quare in spem venio, fore, vt haec mutatio ei ad vitam bene constanterque agendam proficiat, nec video, cur id te adfligat, Patrone, quod diuinæ cuiusdam prouidentiae esse, iudicaui. Quid si Vienna barbaris cessisset in praedam, omnes etiam literati ad saga ire necesse, habuissemus? nihil te agat et discruciet, obsequitur naturae suae filius, et haec recte agendi dux est hominibus colentibus Deum. De pietate eius bene tibi et inclutae familiae spondeo, votaue tecum coniungo, vt repentina illa, sed diu ab eo cogitata mutatio ei aditum ad gloriam felicitatemque aperiat sempiternam. Ita bene agas, Patrone maxime, si ne molestia et aegritudine de filio bene sperans.

P. S. Dauid Gottlob Silligius, Misenen-
sis, et Cnauthius iunior, stipendium abs te
petunt, meaque intercessionē adiuuari se
posse, confidunt, quibus mea commendatione nolui deesse Maecenas. Daniel Era-
smius, elegantis ingeni vir et doctrinae singularis, obseruanter resalutat. cl
bCXXCVI,

CCLXXXI.

EIDEM.

FRater meus iuxta, atque ego, tibi obsequens, vota pro salute et solemni tuo gaudio concepit, ut cum obaerato debitori indulgeas, tum alii intelligant, quam benigne eum tuendum susceperis, quantoque beneficio hominem, patre et auxilio inde ab ultima pueritia orbatum, locupletaris. Nihil male abs te collocatum est, nec longum eius silentium cum vitio coniunctum esse, ipse ego testari possum. Gratulandi partes occupavit, honesto pietatis certamine, in quo iuniori cedere volui, ut ad hanc ingrediendam doctrinae rationem magis excitaretur. Spero, fore, ut in posterum tuam expectationem sustineat et facili expeditoque gradu pergat. Omne studium ad tuas laudes referet, et, supplicandi assiduitate a nemine clientum tuorum vinci se patietur. Ego, ut par est, vota iungam, et, ut omnes heredes tuos et generos in fastigio felicitatis honorisque summo positos videas, libenter et perpetuo precabor. Maxime nunc optabo, ut sincero fruarere gaudio, et munimentis familiae insistas longe firmissimis, atque, in his temporum difficultatibus et periculis, semper coeleste praesidium habeas, semperque enitare et
vin-

vincas. Audiet Deus has supplicationes, et faciet, vt euentus iisdem respondeat, atque omnes tuæ res, spes, destinationes, consilia, ex animi sententia succedant, et stabili ac firma, et expleta atque omnibus numeris absoluta, quoad ea in terris expecti et possideri potest, felicitate nitantur. Vale, et nouo genero, et suauis solemni adspectu, laetare diu et constanter. Nullus casus gaudium auferat, nulla calamitas focerum, nulla molestia generum, turbet, vterque vtrique placeatis, consensu virtutis, omnes necessarij cum noua nupta gaudeatis et floreatis. Nonis Februarii, A cl^o bCXXCVI.

CCLXXII.

CHRISTFRIDO VVAECHTLERO,
IC.

DVo Testamenta a Carolo M. confecta sunt, quorum alterum Eginhardus, alterum Monachus Egoismensis, commemorauit. Neutrum ab eruditis in dubium vocatur, si vnicum fortasse excipiam Pithoeum, acri ceteroquin iudicio virum, sed hic imbecillitate lapsus, et, vt existimo, nomine Imperii deceptum, ac, vt opinor, de charta diuisionis istius tam libere confidenterque pronunciantem. Mihi longe alia mens est, haud ignaro temporum Carolinorum, qui-

quibus per saepe *imperium* et *regnum* paria faciebant, non secus, atque hodie, tradito a priscis more, Germania *imperium* vocatur, quae per se *regnum* appellari debet. Grotius de hac re adeo non dubitauit, ut, in parte iudicii modorum deferendi regnum Francicum, prouocarit ad Caroli M. Testamentum. Tantum abest, ut de eo dubitarit, ut quoque hic collocarit praesidium causae. De Imperio Romanorum alibi pronunciauit aliter, quippe ex diuersa causa quaesito, adeo, ut a Romanis repeti posset, nec, alia lege concessum collatumque, videretur. In quo genere vulgo sibi somnia fingunt imperiti historiae profundioris, cuius reconditae rationes Grotium non fugiebant. Diuersum est Testamentum memoriae proditum ab Eginhardo, ad Caroli M. amicos et ministros spectans, quod inuenies etiam in Eginhardi nupera editione, Argentorati recusa, cum plerique alii scriptores antiqui ibidem ederentur. Tantum vero tunc in lucem emissus est Monachus Egoismensis, sed testamentum Caroli, quod Pithoeus subiunxit, nescio, quo consilio, omissum fuit, quod magnam luculentamque antiquitatis partem sane continebat. Vix dubitauerim, eum, qui edendi laborem suscepit, Pithoei iudicio territum, quanquam non bona satis fide hic egisse mihi

mihi videtur. De Pagio, non est, cur angaris, quippe qui non respicit Testamentum Caroli, nec prius, Ego lismensi subiunctum, nec alterum, quod descripsit Eginhardus, quinque post annis confectum. Ita, mea opinione, confecta res est. Caue enim, putes, eo anno, quo iste obiit, Testamentum esse scriptum. VVimphelingus, quem, ne sic quidem molestiis vacuus, euolui, annum diuisionis Imperii non definit, in anno mortis designando aberrauit, quem Pagi recte constituit DCCCXIV. Eginhardum primus, quod sciam, optime et castigatissime edidit Hermannus Comes Nuenarius, quem exquiras et inuenias, licet, apud Greeonium, Amicum nostrum. Vale, et saluta Nobilissimum Boernerum obseruanter, literasque ad Illustrissimam Frisiam cura. VII. Idus Febr. A. clō lōCXXCVI.

CCLXXXIII.

HENRICAE CATHARINAE FRISIAE.

CRimen sit oblitterare diuturni et constanter repetiti tui beneficii memoriam, et non fateri vltro tot propensi et clementis animi signa, quae non semel, sed iterum atque saepius, data et patefacta sunt, vt ea, sine summo et pietate expresso gaudio, recordari non possim. Illud vero non culpam, sed imbecillitatem meam demonstrat,

G g

quod

quod nihil hucusque expectatione tua dignum exsoluerim, etsi, quomodo id facerem, identidem cogitavi. Hinc taedium me subiit, dolorque incessit, ut prope me suppudeat meae conditionis, in qua partibus atque officio clientis ex assè non sum perfunctus. Noui curas tuas, supra sexum tuum graues, et prorsus fastigio tuo pares, et, nisi id recusas, quod merita postulant, etiam viriles, ac moris mentisque similitudine, et sancto foedere, cum Illustrissimo Coniuge tuo coniunctas atque consociatas. Concede mihi, Domina, ut, quod grauissimus scriptor de Agrippina Augusta dixit, id sine assentatione laudibus tuis tribuam, quae tanta sapientia et sanctimonia, integro gentis tuae statu, eluxerunt, ut nunquam, nisi honorifice, appellari, a me autem reuerenter et demissè recogitari, debeant, etiam si digne appellandi et assequendi facultas desit. Illud votis posco, ut Tua Illustrissimique Coniugis firma, et viuida florensque, aetas, integrum robur, vires animi, cum felicitate perpetua et summa, ne minima quidem ex parte langueant, saeculumque hoc sine clade et luctu superent, ut in utroque vestrum Germania perinde, ac Saxonia, decus et praesidium habeat, ac spe non minus certa, quam consilio salutari, fulciatur. Hoc, corruptis aevi moribus, gloriae
et

et sanctitati vestrae debetur, hoc animis votisque coniunctis sponte nostra, sine fraude et fallacia, optamus a Deo, hoc volumus atque speramus, huius rei causa perpetuo supplicamus, ut semper vtrisque vobis florentibus et saluis, sincerum laetandi argumentum, mihi atque omnibus clientibus Gersdorfiae et Frisiae domus relinquatur. De iuvene, quae scripsisti, genere et ingenio nobili auctor sim, ut Praefecto Qu aesturae Vitembergensis, homini cordato et pererudito, Zahnio, commendetur. Victus ibi liberalis quatuor et viginti assibus constat, et Endii equites ibi perliberaliter habentur, rectoque exemplo viuunt. De me, peto idemisse, Domina, Illustriissimo Coniugi obtestationem VValdecciae Principis exponas et commendes, qui, quatuor vel sex hebdomadibus me tabulario Culemburgensi admoueri, cupit, ut vita eius perscribatur. Fac, propitia Domina, ut a *Serenissimo* id impetretur. Institutum hoc quoque ad gloriam tuae gentis pertinebit, et simul his rebus patri meo ad interiorem saeculi historiam via hic muniatur. Ante mensem Augustum nihil suscipietur, si quid tale liceat impetrare. Calouius noster pridie diem obiit suum. A. cl. l. CXXCVI.

CCLXXXIV.

EIDEM.

OBtemperat iussis tuis Zahnius, et Mezeradio, Equiti, conuictus sui copiam facit animo libenti et prompto, ac putat, hanc testandi sui obsequii peropportunam esse occasionem. Tantum hoc celare non potest, quod locus non sit hospitio idoneus, vereatur autem, ut ratio viuendi commodior id ferat. Ceterum in voluntate et studio eius nihil desideratur, aperit offertque mensam pretio haud nimis magno, neque excedente quatuor et viginti asses, cum alioqui triginta poscere soleat, sex tuo honori remittit, et obseruantiam, quanto potest, officio declarat. Per te stat, Domina, conditio haec admittatur, nec ne, si tamen ex graui causa forsan displiceat, summi tui iudicii ratio habenda erit. Per hiemem, fateor, molestum est vespertino tempore exire aedibus, et interdum, ob clamores concursationesque nocturnas, periculo non vacat. Ita vero demissus suasor essem, ut Sennerti conuictui adhiberetur. Ibi et hospitium et mensa, eodem quatuor et viginti assium pretio patet. Nec carior conuictus est D. Bergeri, qui in vicinia nostra habitat, et summa fide ac voluntate curat gentis tuae mandata. Quod reliquum est, partes, quas iussu tuo imponi mihi, sentio, nullo

nullo temporis articulo deferam, et mihi gratulabor, si Illustrissimae Tuae necessitudini et patriae, in expoliendo Mezeradio, operam diligentiamque probare possim. Deus domum inclutam, cum Illustrissimo Capite, seruet, atque eius consilio salutem publicam rara et inuidenda felicitate tueatur. Instant Germaniae pericula, et comparantur insidiae aduersus libertatem, et incomparabilis Herois prudentia, velut sol sparso radio nebulas, feliciter dissipabit. Id. Febr. A. clc lccXXCVI.

P.S. In posterum supplicabo spe meliore fiduciaque impetrandi abitus, vel tua etiam summa maximaque commendatione, nixus

CCLXXXV.

AMICO CVIDAM

R Emitto librum, titulo *Quietis spiritualis* inscriptum, et duobus ac viginti capitibus comprehensum, quartum Romae, sub auspicio Casparis Campegnae, purpurati Principis, editum, multorumque, vt fama tulit, plausu exceptum. Genus scribendi *ascetico* homini conuenit, et blando quietis nomine securitatem, Christianis perniciosam, commendat, atque hoc sibi indulget, viamque ad ingredienda *Enthusiastarum* vestigia speciose fatis munit. Vellem, Spenero Viro cordato et mode-

sto, copia fieret eius libri. Mihi enim iudicium non fumo, nec terminos aliorum mouere audeo, qui irati infestique sunt, si vel de hoc studio conatuque suspicari possint. Ego mihi prudens tempero, et hominibus, in certamine laudem quaerentibus, relinquo. Loschii Genealogiae, Italice scriptae, mihi perplacent, maxime ob breuitatem, legenti gratam, et, quia ad recentiores familiarum vicissitudines spectant. Victorius Siri res egregias ad hodiernam Europae faciem pertinentes, mea quidem sententia, peropportune inseruit. De Eugenio Garmunino, qui familias Tusciae et Vmbriae nobiles reddidit, audiuisse te, puto. Alios non paucos, et valde diffusos, magnaeque molis, libros ad hoc institutum comparatos, nuper ex Italia secum adportauit Princeps Anhaltinus Iunior, de quibus alia et opportuniori occasione inter nos colloquamur. Hic, ne nescias, Calouius superioribus diebus e vita excessit, cui amplum funus decretum, nec multo post est elatum. Controuersia in vicinia a iuvene Transyluano moueri coepit, quae Theologis ibidem crucem fixit, argumentum ex Philosophia Morali sumptum erat, hac formula conceptum: *Vtrum et quare Deus prae se ferat aliud, aliud animo destinet?* Illi statim monstra, haereses, exculpunt, neque

neque materiam obligationum perspectam habent. Non sane omnis simulatio in vicio ponenda est, quod homines doctrinarum talium expertes non assequuntur. Sed ferendus est feruor, mala tamen exempla sunt vitanda. Homo incautus in Spinosa scripta incidit, atque, hoc duce, in praecipitia delatus videtur. Vale, XVI, Cal. Mart. clb l^o CXXCVI.

CCLXXXVI.

CONSILIARIO CVIDAM,

Sax. EL.

Difficilis impeditaeque sunt VVittekindeae stirpis origines, quas nemo eruditorum, quos quidem ego sciam, fatis explicatas reddidit, ut prorsus acquiescere possimus. Henningisii tabulae vitiis scant, et Reusnerus eum plerumque sequitur, nec, ut par est, rationes et momenta affert, cuius librum nactus sum, in quo manu sua non pauca emendauit. Quare ab hoc scribendi consilio recedendum est, nisi tabularia et codices antiquitus scripti suppetant, atque idonea et fide digna testimonia afferantur. Saepe quidem obscurius expressa sunt vestigia historiae veteris, sed diligentius perquisita quaerentem non fallunt, maxime, si Principum tabularia excutiantur. Inter huius rei exempla

G g 4

est

est propago VVittekindeo-Ditgremica, quae dudum eluxit, et, tot gentis nostrae scriptorum consensu nixa, antiquitatem suam tuetur. Quamuis de iure et auctoritate familiae Saxo-VVettinensis nihil detrahatur, si origines eius ab alia, quam a VVittekindea, arcessantur. Pauci enim hodie Principatus sunt, qui hanc felicitatem sibi vindicant, ut continuata primorum acquirentium successione fulciantur. Argumento sunt Billingia, Supplinburgia et Ascania, gentes, quae in beneficiariam Saxoniae possessionem a Caesaribus inductae et confirmatae sunt, etsi recta et virili serie a VVittekindo non descendebant. Ipsa etiam Saxo-VVettinensis nostra ad Ducatum et Septemviratum Saxoniae euecta non fuisset, si Ascania diutius stetisset et floruisset. Hac extincta, Sigismundus, Caesar, non tam ius postliminii, quam alias graues valentesque causas, respexit, et magis singularem Friderici bellicosi, VVettinensis, fortitudinem, ac fidem studiumque erga rempublicam, quam alias antiqui generis VVittekindei rationes aestimauit, praeferim, cum Lauenburgicus in Caesarem admisisset. Conringio, ceteroquin egregio et iudicii subacti viro, non fraudi sit, haesitasse in nostrati familia explicanda, qui alibi non melius accuratiusque de Thuringia

gia iudicauit, quam patrimonio D. Martini obnoxiam censuit, tabulis in tabulario nostrae arcis, quae etiamnum hic extant, ac superiore anno mihi visae sunt lectaeque, refellendus. Taceo de aliis, quae neque ad institutum spectant, modo id consequar, ut ab vnus dissensu non pendeat momentum causae. Alioquin mihi probatur haec generis VVittekindi series, ut Ditzgremus, VVittekindi II, iunioris filius, Friderici frater, Tetmari pater constituatur. Quae in aularum parietibus et porticibus descripta sunt nomina et imagines plerumque a recentiori manu veniunt, et documentis tabularum iure cedunt, et merito deferuntur. Haec, Patrone, per pauca et vix ad spectu tuo digna sunt, quae, pro summa in te obseruantia, respondere volui. Deus te, cum familia nobilissima. diutissime seruet, et contra saeculi mala firmum tueatur. XV. Cal. Mart. clc bCXXCVI.

CCLXXXVII.

PHILIPPO IACOBO SPENERO.

Doct. Theol.

Magna spes tui in Saxoniam aduentus est, nec dubito, quin Principis voluntati, patriaeque desiderio satisfacias, et Deo, te inuitanti, morem geras. Calouius, ille propugnator acerrimus, diem obiit, cuius

G g 5

fu-

funus oratione , vt par erat , celebraui. Ante eum decessit Lucius; cuius summa pietatis fama, opinor, ad tuas aures permanauit. Deliberamus, angimur de successoribus, nec, te praeter vnum, reperimus, qui vacuam Lucii prouinciam capeſſat. Sanctitas tua omnes trahit et excitat, hoc praesertim tempore, quo virum habeamus, in cuius exempla intueamur. Nam per plures sunt, qui prudentiae tuae sacrum fructum capere gestiunt, votisque te poscunt, diligunt et colunt. Obsequere fatis, et pleno gradu ingredi Saxoniam , ac pietatem non scriptis solum, sed etiam rebus factisque, instaure. Non stabit antiqua domus, nisi pia prudentique opera tua administrentur. Tanto hic tutior, quanto remotior a Rheno, eris, et Deum hominesque conciliabis, si facias, vt tuis consiliis ne careamus. Quod ad pacis bellicae negotia spectat, omnes Gallis finitimi metu perterriti sunt, Heluetii et Bataui incerta euentus expectatione suspensi fortunam suam aestimant, Palatinus Manhemio timet, cuius occupandi non vana spes Gallos tenet. Anglia religionis causa discruciat, et prospicit Iacobi II. consilia atque conatus , libertati graues prorsusque inuisos, sed Regi Gallorum, amicitia foedereque subnixo, resistere non audet: si aperte vim molitur, omnes
insur-

insurgent, neque vero sic spe frustrabitur Gallus, sed Anglo etiam, factionibus distracto, nemine impediante, in vicinos ducet, potentiamque augebit. Vngariae quidem res stomachum ei mouent, recepto Noui castello, et fugatis barbaris, propterea, quod his rebus Caesar vires collegit, fortunamque correxit. Neque, id non Dei beneficio accidisse, putandum, ut magno et terribili regno, vel vnus iste obex obiciatur. Haec, quae, non monente me, animo tuo prouides, quale capiendum sit consilium, ostendunt, ut, pietati tuae condonatum, existimes, idque adeo consolationi esse tibi debeat, cum in tam ancipiti rerum temporumque fortuna iam via atque aditus in Saxoniam muniuntur. Deus te familiamque seruet, et ope praesidioque coelesti firmet. Vale, decus, et spes solatiumque, Christiani orbis XII. Cal. Mart. clb lCXXCVI.

CCLXXXVIII.

IOANNI GEORGIO ORTHIO,

Patricio Francofurtensi ad Moenum.

Accepi litteras tuas, et, quale consilium capias, intellexi, quod ut rectum fortunatumque tibi sit, opto, meamque in te amando fidem obstringo. Vnum miror, quod syngrapham non cures, qua idoneo modo

modo mihi caueatur. Itaque sic statuas, velle me his nundinis sexaginta florenos imperiales Lipsiae tibi repraesentare, quorum ibit frater meus, et apocham exspectans, pecuniam sine mora dinumerabit. Reliquum nundinis alteris Lipsiae persoluetur, si mercatorem ea potestate instruas, ut de nouo apochae copiam faciat, et nomine iussuque tuo confectum negotium reddat. Per te stabit, eligas, nec ne? sin aliter res cadat, ac puto, difficiles et implicatae erunt rationes. Prudens haec scribo, et modeste moneo, ut meo timori non tribuas, quod beneuolentia expressit. Causa vero, quam ob rem integra summa ad te non perferatur, celari te non debet. Celsissimus Princeps VValdeccius a Serenissimo Saxone impetrauit, ut Culemburgum ad tempus me conferam, tabulariumque eius perquiram, in quod iter magni sumptus sunt faciendi. Non enim animus in te iniquus, neque a commodis nobilissimae familiae tuae alienior, est, cum mihi nihil profecto gratius accidere possit, quam, si audiam, te et dignitate, et fortunis omnibus, florere. Calouius e vita excessit, Spenerus autem vester, iudicio et iussu Saxonis, in locum demortui Antistitis Dresenensis surrogabitur, primo deinde Sacerdotum ordine consilia sacra moderaturus. Mihi nihil prius est, quam ut tibi
in po-

in posterum magna honoris munerisque accessio contingat. Vale, et Magnificum tuum Parentem, nobilissimumque fratrem, saluta. Non. Martiis, A. clō lō CXXCVI.

CCLXXXIX.

DAVIDI PEVCKERO, EL.

Palatino a Secretis.

Magni facio tuam amicitiam, cuius fructum sane insignem cepi, cum in Anglia essem, et tuum in me studium amoremque satis intelligerem, cuius in regia Vindorisiensi multa, nec obscura, indicia protulisti. Haackii, viri ad iuuandos exteros prompti, voluntatem et officium, pro eo, ac par est, aestimo, vel eo nomine, quod inter me et D. Camerarium conciliandae amicitiae rationes inire voluit, ac de litteris adeo et liberalibus doctrinis bene mereri. Peto abs te, quantis possum precibus, ut Patronus ille humanissimus, interposita fide tua, copiam faciat Codicis, quo commemoratur, Saxoniam ab Anglia accepisse Graecas litteras, iisque rem litterariam constituisse et expoliuisse. Ioachimus, ille magnus, Germaniae, iuxta cum Melancthone, praeceptor, Papenbergae, quae hodie Bambergae est, natus, inde Lipsiam missus, atque in Petri Mosellani disciplinam traditus, ingenio et summa industriae contentus.

tentione ad eruditionis fastigium se euexit. A quibusdam feruidi animi Viris male habitus, et in suspicionem vocatus est, neque melius cum Melanchthone actum, cui summa familiaritas cum Ioachimo intercessit. Quae tu opportunius et plenius ex Patro-
no cognosces, ac, si occasio sic ferat, haud grauo perscribas. De dignitate, Heidelbergae parta, iure tibi gratulor, et opto, vt, sub auspiciis noui *Electoris*, facili et expedito itinere ad maiores deinceps honores contendas. Mihi, quod ferius rescripserim, veniam des, et iustae excusationi locum relin-
quas. Breui ex Saxonia nostra Equites, Bodenhauusius et Vizthumius, ad vos studiorum causa commigrabunt. Patriae status, victore barbarorum Caesare, indies melius constituitur, praesidioque firmatur. Tantum finibus vestris metuo, quod vicinus iste praepotens, non patiens quietis, omnes eo vires conferat, vt ultra citraque Rhenum latissime dominetur. Sed, a veterno tandem excitati Germani passim ad resistendum prompti armatique sunt, cum, de libertate agi, videant, quam summis viribus opibusque tuebuntur. Id. Martiis, A. cl. l. CXXCVI.

CCXC.

MATTHIAE MOLLERO,

Ephoro Isenburghensi.

Filius tuus Ioannes auspicato redit, vita moribusque integer, quos mihi et senatui nostro, qua par est, industria, comprobavit, memor officii et partium, abs te impositarum, quas ita egit constanter ac sedulo, ut mea commendatione haud egere videatur. Quam vitae doctrinaeque rationem si deinceps sequatur et teneat, sponsero laudis non vanae et semper mansurae, cuius fructus ad patriam perveniat, et auctus cumulatusque ad sacram rempublicam redundet. Illud vero ut quamprimum eveniat, et gratulandi occasio mihi non desit, magnopere cupio, et hoc etiam pietati tuae ultro debere volo. Vitembergae, Id. Martii, A. clb l^cCCXXCVI.

CCXCI.

COLLEGAE CVIDAM.

Si hoc fortunae beneficio mihi eveniat, ut petitioni meae locum relinquas, laetabor, te datum delectumque Ordinis nostri Praesidem, qui me frustra petere non sinat, praesertim, quum ea res boni exempli est, et optimos quosque movet, atque in primis ad ingenii gloriam pertinet, et honesta

nesta ratione excusatur. Hoc argumento ductus, commendo tibi iuuenem, rectae indolis, nec doctrinae vulgaris, gente, insigni, genere honesto, Erfurti apud Thuringos natum, qui magnum tibi dat munus, et, velut Aeschines Socrati, se ipsum offert, ut fructum laudis industriaeque tibi seruet, testatumque faceret aliis, quantopere te coleret, atque obseruaret. Quare ei viam aditumque ad honores patefacias, et conatum voluntatemque adiuuando confirmes. Non faller, crede, opinionem tuam, nec committer, ut huius beneficii vnquam obliuiscatur. Age vero, defendas dignitatem Ordinis, et instituto aequissimo assentire. Quod si cadat, ut opto, et abs te confectum reddatur, ut par est, cuncti affirmabimus, te non secus, atque eximium artificem, insigni et egregio opere laetari posse, XVI. Cal. Apr. A. clo l^cCXXCVI.

CCXCII.

ALTERIVS NOMINE.

Quod familiare propriumque tibi est, de rebus magnis perapte et grauitate differere, id praeclare abs te factum est, et vehementer placuit gratumque accidit, quod iuuenem lectissimum mihi commendatum reddidisti. Optandum quidem esset, ut Socrates meo munere fungeretur, qui Aeschi-

schinem reciperet, sed tamen Socratici sunt sermones nostri, et quæ a maioribus accepimus, libenter impertimur, neminem inuidendo reiiicimus, neminem negligendo impedimus, omnes adhortamur et erigimus consilio et opera, si res facultatem habitura est, facimus, quod Socratici solent, et quod optimo cuique propositum esse debet. Vitembergæ Saxonum An. clō lō CXXCVI.

CCXCIII.

COLLEGAE CVIDAM.

Non fraudi tuis negotiis sit, quod semel atque iterum te appello, cum, id esse causæ, intelligas, quod honestæ iuuenum petitioni deesse non possim, sciamque, te eo esse animo, ut adiuuando potius confirmare, quam negligendo impedire quemquam, velis. Consilio vales, et amplissima auctoritate fungeris, et opera studioque præsto es omnibus, quotquot occasioni imminet, et suo atque opportuno iudicio reguntur. Res, crede, facultatem habitura est, si auxiliis et copiis tuis eum adiuuare velis. Non vero is committet, ut maximam tuorum in se meritorum gloriam vlla obliuionis suæ culpa in posterum corrumpat. XV. Cal. April. A. clō lō CXXCVI.

CCXCIV.

FRIDERICO RVDOLPHI.

*Duci Saxo-Gothano a secretis, et sanctioris
tabularii praefecto.*

GRatum mihi officium est, quod in curandis ad me litteris nauasti, et superioris nostrae consuetudinis sermonisque recordari benigne voluisti, cuius fructus tuo beneficio maximus ad me peruenit, adeo, ut nihil maius luculentiusque mihi tribuere potuisses. Opto, Deumque obsecro Immortalem, ut te quam diutissime felici fortunatoque rerum statu seruet, et aulae patriaeque ornamento esse iubeat, ac ipsa etiam posteritas laboribus tuis, quibus nomen famamque illustras, non ingrata perfruatur. Libellus tuus argumenti et ordinis dignitate mihi perplacet, doctisque merito suo se commendat, et imaginem perpoliti ingenii relinquit. Vix quisquam alius magna orbis terrarum regna tam breui accuratoque scribendi genere tradidit, quod iure in laudis parte tibi ponendum, existimo, qui tam succincta et eleganti scribendi ratione expectationem fere meam vicisti. Tantum hoc audaciae, aut potius amoris in te meo, concede, ut quaedam monere liceat, de quibus vel dubitandum, vel dissentendum, mihi videtur. Quod ne grauius
feras,

feras, peto, et, sequentia abs te recognosci, cupio, si denuo in lucem illud tam insigne et elegans opusculum emittatur. P. 25, Imperium Romanorum non condidit Augustus, sed C. Iulius Caesar, victo in campis Pharsalicis Pompeio, cum S. P. Q. R. in verba eius iuraret, tanquam veri Imperatoris. Hinc coniurati non Tyrannum, sed verum atque legitimum Imperatorem, occiderunt, propterea, quod pactione, iureiurando firmata, ei fidem obsequiumque adstrinxerunt, quod auctore Dione Cassio liquet. Fundavit ergo Caesar, vindicavit et ampliavit Augustus. P. 44, Francorum nomen iam ante Probum, ultimis Alexandri Seueri annis, coepit, id quod colligitur auctoribus Lampridio et Vopisco, scriptoribus historiae Augustae minoribus, illo quidem in Alexandro Severo, isto in Aureliano. P. 45. primus Francorum Rex non fuit Marcomirus, sed Pharamundus, qui nomen titulumque Regis A. C. 417. accepit, quod argumentis certis, ex ipsis antiquissimis scriptoribus, possum confirmare. Iste Pharamundus recta serie descendit a Priamo, Franco, Patrem habuit Marcomirum, ut scribunt, et causae meae suffragantur, Rorico et Prosper, quorum magna est auctoritas, et fides non suspecta. Vulgus autem Priamum Francorum, nescio qua mentiendi licentia,

Hh 2

aTro-

a Troianis, nullo idoneo historiae argumento, deduxit. P. 60, Iacobus IV. non coniunxit omnia Britanniae regna, sed Iacobus VI, nimirum in serie Regum Scotiae, Primus in ordine Regum magnae et coniunctae Britanniae, quae ratio causaque est, quamobrem Iacobus hodiernus appellari debeat II in magna Britannia, qui VII est in Scotia, per se considerata. P. 47, Francia Germanica et Gallica, quae sub Carolo M. coaluerunt, ab eius nepotibus diuisae ac diuulsae sunt, vt Ludouicus Germanicus in linea separata Franciae Germanicae, Carolus Caluus Franciae Gallicae, Rex esset, neutra in alteram ius haberet, suis vtraque legibus vteretur. Ex propagine Ludouici Germanici vltimus fuit Ludouicus IV, Arnulphi filius, quo mortuo, Conradus I, Rex Germaniae, non Imperator, est consalutatus. Imperium Romanum ductu et auspicio Ottonis M. partum est A. 962, cum superiores Franci diu antea hoc ius Caesareum amisissent. P. 52, pro telonibus, scribatur, *teloniis* s. vectigalibus. P. 53, Alsatiam excepto Argentorato et X. liberis Imperii Ciuitatibus, nuper contra pacis conuentae formulam occupatis. Nam supremum *Ad-uocatiae* ius, et cessio ad eum modum facta, quo Alsatia penes Austrios fuit, non potest dare ius et supremum dominium in dictas

es

et nominatim exceptas vrbes. Quorsum legatur Pactio Pragmatica Monasteriensis. Hic pace tua, finem facio, et pro Principe vestro, aula, senatu vniuerso aulico, pro te ipso et familia, vota, quanta possum pietate, nuncupo, totumque me tibi ad obsequia trado. XIV. Cal. Apr. A. O. R. clb lb CXXCVI.

CCXCV.

ADAMO RECHENBERGIO,

Doct. Theol. et Prof. Lips.

VEhementer doleo superiorem negligentiam, et tarde fidem libero, quam promissi religione adstrinxi, et nemini magis, quam tibi, obligauit. Meierus noster, bibliopola, me lactauit spe potiundi Gobelini, nec dum voti me compotem fecit. Quare rogo, vt in auctione Scherzeriana cum liciteris, et spondeo de pecunia mittenda. Aegre enim adduci possum, vt compago libri, quem ad me curasti, dissolvatur. Ius statuendi tibi relinquo, et, si aliter fieri non possit, necessitati cedo. Illud autem magnopere peto, cumulum addas benignitati, et ex bibliotheca Scherzeriana mihi compares Apollonium Alexandrinum, Eunapium, et, si res facultatem habitura est, Espencaeum. Simul, atque res confecta erit, pecuniam sine mora transmittam.

Hh 3

Vale,

Vale, et tuo me patrocínio orna. Vitembergae Saxonum, XIII, Cal. Apr. A. clo la CXXCVI.

CCXCVI.

IOANNI CHRISTFRIDO SAGITTARIO,

Sacrorum Altenb. Antistiti.

EXpressas numorum tuorum effigies non sine laetitia vidi, industriamque tuam in colligendo maximam valde miratus sum, cuius rei exitum promitto tibi prosperum, et summa cum nominis tui dignitate coniunctum. Nam, qui meus animus est, ingenue fateor, decus afferri patriae hoc tam insigni diligentiae genere, quod in eruen-
dis et exornandis Caesarum, Principum, Antistitum, monumentis vtilissime versatur. Nemo certiore historiae fidem faciat, quam numus, qui titulos, insignia, ostendit, temporumque vicissitudines non fallente indicio demonstrat. Non erraverit, quisquis viuum temporum actorumque testem dixerit, cuius approbandum per magna vis est, et ad ornamenta doctrinae cumulandae plurimum confert. Historiam persaepe corrigit, et scriptores negligentiae seu arguit, seu admonet, quod in historia Henrici Aucupis usu venisse mihi, recordor. Index et auctor mihi numus est,

est, Henricum, Aucupis cognomine celebratum, non alio, quam Regis, titulo vti consueuisse. Huius filius Otto I, ante annum DCCCCLXII, perpetuo Regis titulum sumpsit, hoc vero anno, Imperatoris nomine, primo omnium mutauit. Haec atque talia ex numis didici, atque eo magis in pretio habui, quo certiora veritatis argumenta praebent, magisque ornant et instruunt rem litterariam, quae, si illis careat, non modo non culta et ampla satis, sed etiam prope mutila, mihi videtur. Numi, imaginem pomi praeferentes, aetatem suam produnt, nec Saliquorum tempora praecedunt, aevo autem Hohenstauffiorum, Friderici I. Aenobarbi, et Friderici II. in primis sunt perfrequentes. Francorum numi, mea opinione, distinguendi sunt, ne Franco Germanici, qui a Ludouici Germanici tempore cusi expressique sunt, cum numis Regum Franciae Gallicae confundantur: Gratulor tibi de tanta numorum copia, et spero, confectum iri negotium, quod cum aliis usui, tum praecipue tibi ornameto, esse possit, ut sciat, aestimetque posteritas, tua cura, studio, labore, rem numariam, qua antiquitati seruit, maxime auctam fuisse ac nobilitatam. Deus te nobilissimamque familiam seruet, vires, firmitatem,

vt labori egregio sufficias, largiatur. Vitembergae, Non. Apr. A. clo l^o CXXCVI.

CCXCVII.

BENEDICTO KRESSIO,

Aerarii Misenenfis Praefecto.

PECuniam, beneficio Principis in annum sumptum mihi attributam, superiori tempore tua ope auxilioque accepi, fortunaeque meas ista tam luculenta accessione, in ipso rerum articulo, firmaui. Tantum in eo culpam meam agnosco, quod ferius ad te litteras perscripserim, quae nominis cautionisque vim habere possint. Sed quia de filii tui optimi discessu intellexeram, non existimaui, esse fraudi, si vel longior mora interponatur, et apochae conficiundae obligatio in aliud tempus differatur. Quare me purgo de mora, et doli, a quo longissime absum, suspicionem deprecor, aequamque sententiam peto, ac tuae me benignitati totum permitto. Filius tuus hic bene moderateque vixit, temperatione, moderatione, diligentia, nemini concessit, plerosque assiduitate vicit, ad extremum abiturus egregie stetit, ac disputans talem se probavit, qualem volui diuque optavi. Promptum in loquendo et elegantem perspicacem et accuratum in iudicando, memorem rerum, peritumque do-

doctrinarum, audiuius omnes et collaudauimus, libentes etiam diximus fasque sumus, ingenium habere in numero. Fac, Patrone, in posterum subleues filium, sumptibusque iuues, ut ad summum usque laudis fastigium recte ac feliciter contendat. Ego nullam eius vel ornandi, vel praedicandi, occasionem facile omitam, vota demum ad Deum faciam, te familiamque, cum filio tam egregio et solide erudito, diutissime seruet, consilia tua, res, actiones, prosperet atque fortunet VI. Calend. Mai. A. cl. l. CXXCVI.

CCXCVIII.

HENRICO MEIBOMIO,

Professori Iulio et Archiatro Guelphico.

QVae mihi tecum sancta officiorum necessitudo est, saepe cupio votisque expeto, ut labori tuo, qui ad decus patriae pertinet, fortuna respondeat, nec vlla tam ingrata posteritas sit, quin diligentiae laudem tibi rependat. Credo, magni aui tui cineres laetitiae quodam sensu affici, quum sentiunt, te auctore memoriam renouari tot superiorum laudum, tot meritorum in omni doctrinae genere cumulatissimorum. Par auo nepos, et idoneus adeo laudator, contigit, a quo nihil vulgare, nihil mediocre expectamus. Fac, in huius incepti

H h 5

glo-

gloria insistas, spemque nostram ita confirmes, vt superiora acui monimenta etiam cumulatiora exeant, et, insigni accessione facta, magis magisque locupletentur. In hoc studio atque industria tua pono fiduciam, et acquiesco libens, ac, nisi fallor, iam tum praesentio gratae iudicium posteritatis. Nostrae ceteroquin res hic modicae sunt, Calouii, in cuius funere dixi, neque enim officium defugere potui, iacturam faciet Bebelius, Sacra Principis EL. moderabitur Spenerus, vterque virum moderatum Saxoniae nostrati spondet, vt vel sic longae istae et difficiles superiorum temporum lites, opportune tandem finiantur. Dissertationes tuas, scite accurateque scriptas, magnopere aestimo, et, vt par est, crebris sermonibus vsurpo, ciuibusque semel et iterum commendo, vt non vanam, elimatamque eruditionem consequantur. Utinam vero, gratiae referendae mihi locus esset! sed haec me spes frustratur, quando obruor priuatis laboribus, taediaque haec praesenti animo nunc fero, spero autem, fore, vt in posterum, superatis huiusmodi molestiis, par pari referatur. Ita te Deus Immortalis familiamque tuam feruet, augeat, fortunatamque praestet. Vitembergae Non. Mai. A. clō lōCXXCVI.

CCXCIX.

ADAMO RECHENBERGIO.

Doct. Theol. et Prof. Lips.

OMnia, quae volui, nauiter et recte abs te curata sunt, nec habeo, quod vicissim tibi gratum faciam, occasionem tamen vehementer exspecto, qua et referre gratiam, et amorem tuum digne aestimare, possim. De Apollonio Alexandrino mihi prorsus satisfecisti, cuius et habendi, et legendi, desiderio iam diu tenebar. Scholiasten Sophoclis possideo, nec veterem illam editionem refugio, pecuniam soluet auriga. Gobelinum, quaeso, aere meo emas, ut fidei meae ratio tibi constet. Angor et doleo, cum moram recogito, sed tuae humanitatis est, accipere in meliorem partem. Fefellit promissa noster, qui comparandi eius spem fecit in quem, velim, culpa transferatur. Ziegleri de *Episcopis* librum recensere, ut primum licet, exopto. Religio enim sit, negare quicquam tibi, et nobilissimae societati vestrae, pro summa animorum voluntatumque nostrarum consensione, et mea etiam fide obseruantiaque, nullo temporum statu obliteranda. Pufendorffii Historiam oculo fugitiuo percurrere. Minas, opinor, non timet, ipse causae suae

inae idoneus vindex futurus, Vitembergae, Id. Iun. A. clb l^o CXXCVI.

CCC.

BALTHASARI BEBELIO,

Doct. Theol. et Prof. Publ. primario designato.
Nomine Academiae Vitembergensis.

Simul ac litterae tuae ad nos perlatae sunt, magno, ut par est, gaudio affecti sumus, cum, quod plenum humanitate animus, tam, quod institutum quoque tuum ad nos proficiscendi significarent. Erigit nos spes aduentus tui, quem laetum fortunatumque esse, volumus, nec dubitamus, quin e re Academiae sit, si tam usu et consuetudine vitae, quam mutuis inter nos officiis, arctissime, in posterum coniungamur. Nos igitur, pro eo, ac decet, fauimus honori tuo, daturi operam, ut intelligas, nos et complectendi, et recipiendi, tam exoptati hospitis atque Collegae desiderio teneri. Id prosperis aequae tuis, ac nostris, rebus eueniat, ut coetus Dei in his regionibus, nulla corruptela deprauatus, tuo pariter, et religiosi Speneri, consilio integer floreat, ac maiora deinceps incrementa, auspicio Saxonis nostri, consequatur. Vitembergae VII. Cal. Quintil. A. clb l^o CXXCVI.
 CCCI.

CCCI.
AMICO.

Librum superiori die non sine quaerendi molestia repertum, tibi reddo peramanter et promte, nec idonea semper accurataque temporum ratione confectum, et quod non grauato audies, ex Christiani Matthiae Theatro, atque ex Boxhornii Chronologia descriptum. Tantum abs te peto, ne moram mihi in vitio ponas, et in amore erga me tuo perseueres. De me statuas, nullam inseruendi occasionem praetermissurum. Vitembergae Saxonum, A. cdo 16CXXCVI.

CCCII.

PHILIPPO IACOBO SPENERO,

*Doct. Theol. Sax. EL. a Sacris, et in summo
Senatu Eccles. a Consiliis.**Nomine Ordinis Philos. Vitemb.*

Vicit pudorem nostrum gratulationis officium, cuius cum multae rationes, grauesque causae, nobis extiterunt, tum in primis summa tua humanitas, aequissimisque erga litterarum studia animus, nos crexit, vt obseruantiam nostram aliquo saltem et euidenti, eoque publico, argumento notam testatamque faceremus. Praeterquam enim, quod felix aduentus tuus incredibile gau-

gaudium nobis attulit, altissimus quoque dignitatis gradus, in quo diuina ope collocatus es, nos recreauit plurimum, atque in spem nouae felicitatis, tuo ductu consilioque obtinendae, omnes adduxit. Communis haec laetitia est, sed maxime ad ordinem nostrum, pertinet, qui cum suauitate litterarum, et mansuetioribus studiis, rationem habet, vnusque praecipue tuo praesidio eget. Patiaris ergo, summe Venerande Vir, nos eo esse loco, quo fuerunt omnes, quotquot ante nos doctrinas liberales pari fide, ac diligentia, hic tradiderunt, quippe qui beneuolentia ac suffragio Antistitum Senatus vestri summo opere floruerunt. Enitemur, vt quam docendi rationem ingressi sumus, tuo in primis iudicio approbare cupiamus, nemini certe in te colendo vnquam concedamus. Seruet Te Deus Immortalis, ac nihil praeter optatum euenire sinat, vt cum Dei coetus, tum Academia nostra, per benigno tuo, quod speramus, auxilio fulciatur, fructusque curis atque laboribus tuis multo cumulatissimus reddatur, nec minus ab aetate nostra, quam a grata posteritate, dignis consentientibusque sermonibus celebretur. Vitembergae, Prid. Cal. Sextil.

A. clb l**CXXCVI**.

CCCIII.

THEOLOGO CVIDAM.

Non possum deesse Heineccio, Gedannensi, qui, me spei petitionisque suae interpretem esse, voluit, viam aditumque ad Te, Magnifice Vir, me adiutore, sibi muniturus. Equidem praeclare scio, me non eo esse loco, ut meae commendationi permultum tribuas, qui nulla officiorum parte te mihi deuinxerim, spero tamen, fore, ut iuueni, honestis natalibus orto, et pio modestoque ciui nostro, ac meo etiam auditori perquam gnauo, bene cupias, eumque ornandum pariter, et tuendum suscipias, usumque studii sacri, ut obnixe petit, commonstres. Hominem aequè gratum, et clientem sempiternum, tibi permitto, qui nihil non velit et agat, quod sciat tibi esse acceptum. Ita Deus te, Magnifice Vir, reipublicae sacrae, et intemeratae religionis parenti Saxoniae, quam diutissime seruet, et nihil, nisi ex sententia tua euenire sinat ac iubeat, omnia demum voto maiora tibi et nobilissimae familiae constanter ac perbenigne largiatur. Vitembergae Saxonum, Id. Sextil. A. clb l^o CXXCVI.

P. S. Budae expugnatio optanda et metuenda est, sed optanda magis, ut limes Christiani orbis contra barbaros muniatur.

Coe.

Coetum emendatum, qua ad nos pertinet,
inspiciat ac moderetur Deus.

CCCIV.

IOANNI GEORGIO ORTHIO,

Patricio Francofurtensi ad Moenum.

EXistimo, res tuas adhuc esse prosperas,
et nihil de meo in te amore imminu-
tum volo, tantum peto, vt haud grauato
formulam mutes, et, qua par est ratione, tu-
arum nomine expensarum tibi satisfactum,
declares. Nam, ex quo capite non coa-
ctus soluam, id sigillatim et expresse defini-
ri oportet, nec ferri potest vocabulum, quod
nostro loquendi more publica negotia com-
plectitur, et priuatorum rationibus non
perinde accommodatur. Tibi vero id ex-
cidere nolim, me ea lege, quod reliquum
est, soluere constituisse, vt verba apochae
mutentur, et, prout in schedula Germani-
ca scripsi, ordinentur. Caput et causa de-
bendi perspicue nominari debet, vt morae
tergiuersationique occasio praecidatur. Bu-
da capta, Caesarem deinde in spem belli,
contra Gallos felicius gerendi, erigit, nec
dubito, quin ex huius expugnatione vrbis
pendeat recuperatio Argentorati, quo Rhe-
ni pariter et Germaniae, fines, aperiuntur.
Filius Pr. EL. vestratis in obsidione forti-
ter stetit, Boii, Saxones et Brandenburgici,
nihi-

nihilo segniorē Caesari operam probarunt. Quod bene vertat Austriae, pium iustumque aduersus barbaros bellum gerenti, vt alias super alias Augusti victorias audiamus. De Hamburgo, non est, quod metuamus, vicini Principes pro sua quisque parte parati sunt, nec committent, vt tam pinguis bolus deuoretur a Danis. Faluntur, si Gallico se metiuntur modulo, et idem apud Albim destinant, quod Galli apud Rhenum confecerunt. Dissimiles vtrique vires, nec successus par futurus. Quid de Geneua futurum sit, omnes anxii expectamus, nec facile adducimur, vt credamus, Heluetios tam ignauos fore, vt, claustrum hoc, quod aditum ad ipsos munit, eripi patiantur. In Anglia res conuersae sunt, Londinum, populus, fasces summisit, religio, libertas, nutant. Sueonum Rex pleno imperat iure. Vngari, capta regni sede, in modum prouinciae habebuntur, rescissis priuilegiis, quae tumultuando amisisse censentur. Religionem Deus respiciat, et, nihil conscientiae eorum graue ac repugnans fieri sinat. Populus, qui libertate sua vti non potest, in obsequium redigendus, ac, nisi aliter fieri potest, armis coercendus, et libertatis possessione mulctandus, religio, qua is cum Deo coniungitur, non auferenda, quae non hominis, sed Dei, imperio continetur.

Plus nocet Gallia, quam quis nocuit vnquam quippe quae religionem *Protestantium*, ex Gallia eiecit. nec melius agit cum locis tractibusque in Germania occupatis. Sententia Furstenerii, ita statuentis: Satius esse, amitti Viennam, quam recuperari Budam, ob inualefcentem Galli potentiam, et metum communem, nunc plane mutata est, et recte mecum sentit Vir quidam harum rerum peritissimus, quod cum arbore Austriae omnes rami, id est, omnes Principes, decidant, si illius tam altae radices excidentur. Vinculum amoris erga Caesarem, et metus erga Gallum est Argentoratum. Spenerus hic et in aula summo opere colitur, et conciones eius quasi oracula aestimantur, passimque describuntur. Tu, quaeso, faue et vale. Vitembergae Saxonum, Nonis Sept. A. clo l^cCXXCVI.

CCCV.

PAVLO BORNEFELDIO,

Patricio Lubecensi.

Belle cecidit, quod tam celeriter finitum, quam inopinato coeptum est Hamburgense bellum. Caesaris melior fortuna magnam patriae spem facit, et Galli sociorumque eius, consilia conuertit. Ne Deus sinat, vt claustra Imperii et propugnacula libertatis Germaniae eripiantur. Si pauci
de

de plebe peccant, non continuo in omnes vindicandum. Murus libertatis, et munimentum aequabilis iuris, est magnus et per amplius ille inferioris Saxoniae tractus, in quem descripti, distributique sunt praepotentes, et consiliis viribusque coniuncti, Principes, non passuri, ut vnus tanta, et tam opulenta vrbe potiatur. Cum primus eius rei nuncius afferretur, Antiochi et Philippi, regum, res gestas, consilia, mores, instituta, euentus, ex Polybio edifferebam, et similitudine quadam hodiernas imperandi rationes, et imperantium exempla, illustrabam. Quid priuatim sentiam, proloqui fas non est, sed coram aliquando audies, si Deus velit. Buda capta Caesar frenos barbaris iiecit. Restat, ut castrum Esseckianum cum ponte in Caesaris potestatem redigatur, adiutusque regni muniatur, et Transyluania regno veteri, a quo secessit, coniungatur, Danubii ac Tibisci, Draui item et Sauii, imperium prospere ac plene recuperetur. Illustrissimi Rosencranzii schedas haud grauato mitte, et, si libet, coram Roscio, ut iocaris, non timide in posterum salta. Frater tuus, bene liberaliterque habitus, de statu nostro et conuictu plura nunciabit. Finem igitur facio, et me tuae, quam expertus sum, beneuolentiae permitto. Deus te seruet. Vi-

tembergae Saxonum, XVI. Cal. Octobr. A.
 d. bCXXCVI.

CCCVI.

IOANNI VALSTADIO.

TVus et bona indole, et praestanti ingenio, Constantinus, iussu tuo patriare repetit, nec sine laudis et diligentiae fructu ad vos redit. Nihil, quod sciam, in se vniquam desiderari passus est, ac piam modestamque vitam, iuxta cum populi suo eam tam constanter, quam circumspecte. Nonquam in senatu nostro stetit, quia nihil amisit, quamobrem in ius vocaretur. Solas, quanta potuit industria, obit, et vix in omni genere clarissimos insigni ardore animi audiuit, et dicta eorum libens excepit, atque in animum demisit, neque quisquam ex Patrum ordine fuit, qui non vltro eius utilitati deseruiret. Pridie, quo hinc discessit, festo solemni que ritu Caesaris victoriam celebravimus, fatis fugatisque barbaris insignem. Actum, crede, fuit de vestris finibus, nisi iste rerum Augustorum successus ambitiosa Galliae conatus conderasset. Venio in spem, fore, ut posteris communis patria bonis et laudibus celeberrimisque consiliis erigatur, id est pellendos, qui libertati invidiantur, et patientia huiusque et discordia nostrae.

tos. Bellum Hamburgense quam inopinato coepit, tam repente confectum est, non passuris Saxoniae Principibus, ut tam opulenta et valida vrbs in potestatem Dani redigatur. Plura aliquando, coram, si ad vos, ut spero, saluus et incolumis veniam. Vale. Vitembergae, Nonis Oct. A. clb l^cCXXC VI.

CCCVII.

PHILIPPO IACOBO SPENERO, ¶

*Doctori Theologo Pr. EL. Sax. a concionibus
aulicis primariis et a Consiliis
Eccles.*

DVae mihi causae sunt, quamobrem tibi, Vir Magnifice, gratulari debeo, altera, quod partam in hac regione summam sacri ordinis dignitatem, aliquot abhinc mensibus susceptam, firma cum felicitate ac valetudine teneas, altera, quod filiam optimo amplissimoque Viro elocaris. Cuius gaudii fructum quam diutissime capias, et patriae sacris rectissime praesis, nec minus honori studiorum faucas, quae praesidio egent, ac tuae in primis bonitati se commendant. Sed vna de causa maxime doleo et angor, quod decus Academiae, et exemplar pietatis ac modestiae, nec opinantibus nobis, ereptum est, Bebelium dico, quem Deus ostendit nobis, et iratior

abstulit, magnò tuo incommodo, et rei Christianae damno. Haud scio, an vulnus tam acerbum emendatus Dei coetus acceperit vnquam. Enim vero, amissimus virum, cum quo pietas et felicitas Academiae concidisse propemodum videtur. Sed ferendum est, quod Deus, a moribus nostris alienior, constituit, cui repugnare non licet. Vnicum in te solatium nobis superest, quem DEus seruet ad tuendum rei Christianae statum, quatenus pietate et sanctitate continetur. Illud ad vltimum abs te peto, Magnifice Vir, causam meam agas in senatu sacro, et, pro facienda itineris in sex hebdomadas potestate, suffragium feras. Rogat, qui bene tibi cupit, Princeps VValdecius, qui mihi perbenigne scripsit, et, quinque abhinc annis, eam in sententiam Saxoni supplicauit. Admouebit me reuiscendis Culemburgi tabulis, et litteris sanctioribus excutiendis, quam operam et vtilem et honorificam mihi fore, credo. Deus te ab iniuria temporum, malisque omnibus, asferat, consilia denique, et spes resque cunctas, fortunet. Vale, coetus sanctioris praesidium et decus. Ordo noster obseruantissime se tibi commendat, et praedicat singularem in respondendo beneuolentiam, cuius in gratulatione nuper interpret fui. Vitembergae Id. Oct. ob 16 CXXCVI.

CCCIIX.

PATRONO CVIDAM.

IOannes Conradi, Megapolitanus, vitam pie actam diligentiae et modestiae laude, ut Patribus, sic mihi, quem in antiquitatis studio elegit ducem, sigillatim approbavit, nec modo artes liberales, quas in patria auspicatus est, sed etiam sacras litteras, sedulo didicit, atque his praecipue totum se tradidit, cuius instituti perficiendi causa, huc potissimum venit. In scholis *Theologorum* assidue versatus est, quod doctores meritisissimi Quenstadius, Deutichmannus et Mayerus, eius industriae testes et arbitri, ingenue mihi affirmarunt. Quo testimonio ornatur, viros quosque grauissimos sibi conciliauit, eaque de causa Zieglerus, Ictus noster, ipsum, cultus vitae capiendi causa, Dresdam dimisit, et Raschio, principalium negotiorum curatori, obnixè commendauit, perspectaque eius indole ac doctrina effecit, ut filiorum studia regeret, exemplisque instrueret et ornaret. Quo munere, ut par est, functus, patriae reuiscendae consilium cepit, fructum, quem in Saxonia et Misnia, Vitembergae et Dresdae collegit, magno laudis quaestu in patriam relaturus, et Serenissimo Principi pietatem aequè, ac obsequium, testaturus. Nemo Patrum du-

li. 4.

bitat,

bitat, quin magnum exinde commodum ad coetum Dei, ducatumque Megapolitanum, deinceps redundet, id quod Patres Academiae, nemine excepto, volunt ac optant, et ciui huc vsque suo, in omnibus vitae doctrinaeque partibus, integro et recto, bene precantur. Vitembergae Saxonum. XVI. Cal. Nouembr. A. clo 15 CXXCVI.

CCCIX.

AMICO CVIDAM.

TVam potissimum sequor auctoritatem, et simul expono consilium itineris, quod defugere nequeo, versus Culemburgum suscipiendi. Annitere, quaeso, auctoritate tua, et Principem idoneis rationibus moue, vt potestatem mihi faciat. Scholae tuae, quas repetis, Mathematicae meis mixtae schedis, confusaeque, iacent, quas explicare simul et ordinare tam breui temporis spatio non possum. Igitur moram concede, et negotium hoc fidei popularium tuorum, qui hic versantur, committe, quibus tradam, quicquid reliquisti. Frater meus, qui idem optat et vrget, saluere te iubet, et in patriam reuersuro nihil non fortunatum tibi, tam egregio et veteri amico, precatur. Rectoris tabulas, ad commendationem tuam pertinentes, curassem libenter ac prompte, si quis ciuium tuorum me inter

terpellasset. Semper, vbi opus erit, potestatem huius rei impetrandae tibi facio, et quicquid laudis tuae causa possum, vitro suscepturum me recipio. Steinheilium, dignus te successor, petit, vt omni, quo par est, modo eum iuues et instruas ad prouinciā, qua decedis, capeſſendam. Est modestus, et Graece doctus, et mihi percarus. DEus te ſeruet. Vitembergae XVI. Cal. Nouembr. A. clōlō CXXCVI.

CCCX.

A M I C O.

Felix fortunatusque rei Christianae annus fuit, quo domi et militiae respublica bene administrata est, barbari hostes disiecti sunt, ac dissipati, nec Rheni Mosaeque fines turbati. Cum vero laetum faustumque litteris honorem haec tempora promittant, accipe omen negotii prospere successuri, et crede, Musas tutum hoc tempore praesidium habituras. Caio gratulor, et tua causa gaudeo, idque me facere, aequum est, ob summas et singulares tuas virtutes. Nunquam committam, vt vel in agnoscendis, vel in colendis, tuis meritis alicui concedam. Si qua in re gratum facere tibi potero, enixe id agam, nullamque tui ornandi occasionem deinde praetermittam. Vitembergae Saxonum. IIX, Calend. Nouembr. A. clōlō CXXCVI.

li 5

CCCXI.

CCCXI.

A M I C O.

Gratulor solennia nuptiarum feliciter
peracta, et Deum oro ac veneror, ut
fine numero ac fine tuam cumulet felicita-
tem. Quid actum continuatumque sit, vi-
de, vitio describentis famuli ignosce, et mi-
hi faue. Vitembergae Saxonum A. Clav.
CXXCVI.

CCCXII.

PAVLO BORNEFFELDIO,

Patricio Lubecensi.

Valde laetor, te, multis officiis et fami-
liaritate mihi coniunctum, studere
is commodis, et cupere enixius, ut libri quos
dudum expeto, tua in primis cura et bo-
re primo quoque tempore ad me perferan-
tur. Vicissim, si se dat occasio, gratum mihi
faciam, et quoad omni studio possum habe-
bo rationem tuae dignitatis. De statu
belli Danici, quid prorsus sentiam, scribere
non facile aulam, hoc tamen affirmabo. Re-
tiones urbis, quas ego quidem cognita ha-
beo, longe esse firmiores, quam ut vltima
specie conuellantur. A Schauenburgensi
idoneo et habili gentium titulo, quanta
bertas, ac deinde rabulis Imperii continen-
ta est, in quorum ius Dani Oldenburgici
gentis successerunt, nec plus laboris

potuerunt, quam illi, cum cederent, haberunt. Nulla quies inter populos sit, nulla tranquillitas vnquam speretur, nisi pacta sancte inita valeant, maxime ea, quae cessione voluntaria nituntur. Multae vrbes, a potestate imperantium exemptae, et recto iustoque modo in libertatem vindicatae, vel sola possessione ac diuturnitate temporis se defendunt. Argumentis et exemplis supersedeo, ne epistolae modum excedam. Fratrem meum generoso Domino a Borne commendabo, de quo non magis spero, quam spondeo, virum omni liberali doctrina instructum, qui illustri reipublicae operam probet, grato et obsequenti cliente dignam. Primum conatus specimen in tabulario Culemburgico, me auctore et duce, edet, tu fac, honesto abs te simul vitae et indolis testimonio ornetur. Ita te propitium Numen benigne respiciat ac tueatur. Vitembergae IX. Cal. Nouembr. cl. b CXXCVI.

CCCXIII.

ADAMO CHRISTOPHORO IACOBI,
IC. Dresd. et Consiliario.

DVdum quidem peregrinandi me taedium cepit, siue satietas tenuit, nec tamen possum, quin ipse mihi resistam, et vnum hoc ab Illustrissimo Senatu vestro petam, vt potestatem mihi faciat, itineris, Culembur-

burgum versus instituendi. Urgeor literis ac fatigor, nec scio, quemadmodum, me expediam, praesertim, cum, sub conditione millionis, ad breue tempus impetrandae iturum me, receperim superiori anno, cum saepius ea de causa interpellarer. Offerat aperitque mihi Princeps VValdeccus omnes schedas et epistolas in tabulario Cölemburgico perspicandas, nec minus bibliothecam, ab Henrico V. Volrado olim non paruo pretio comparatam. Videtur mihi tandem, et si alieno et difficili huiusmodi tempore, occasio haec arripienda, quam ad ultimum usque autumnum differre voluisti finitis omnibus tam publicis, quam privatis, commentationibus, quae me adhuc impediuerunt. Fratrem mihi comitem ad iungam, ut, me duce et magistro, sensim quoque his interioribus studiis praeparer. Concede mihi, Patrone summe, ut quinquaginta vel sex hebdomadam intervallo abesse Musis mihi liceat, ut maioribus subsidii ornamentisque cumulentur. Faciam, ut nihil fugiat, si quid reconditum impetrare vel selectum. Multa, fateor, ab illo Principe didici, qui me familiariter, ob litterarum et historiarum elegantiam, amat. Quae ego, a primis usque annis, in Septennio, in Germania, Belgio et Hungaria

mihi rerum suarum interpres enarrauit. Tabularium VValdeccium aperuit, in quo multa reperi, et contemplatus sum, quae alibi frustra sperem. Princeps aetate confectus, et de Germania consilio ac manu bene meritus, iam A. clō lō CLXXX. in hanc sententiam Potentissimo Saxoni, Hero meo, supplicauit, quarum, opinor, litterarum exemplum redux ad aulam misi. Ego vicissim, si quid possim, gratum faciam, et pietate atque obseruantia tuum, vt par est, nomen etiam foris colam. Deus Te, Magnifice Vir, cum nobilissima familia, incolumem et bonis omnibus affluentem seruet. Vitembergae, X. Cal. Nouembr. A. clō lō CXXCVI.

CCCXIV.

CHRISTIANO KOCHIO,

In Regio Vismariensi Tribunali Assessori.

QVod mihi superiori mense negotium mandasti, id libenter suscepi et, qua par est, industria curauit, hominemque eruditum pariter, et moratum, delegi, qui, mea quidem opinione, has partes ex animi tui sententia, et ex filiorum vtilitate, agat. Cuius est Torgauensis, multa familiaritate officijsque mihi coniunctus, litterisque humanioribus medicriter excultus, et in historia ciuili diligenter versatus, ac iuris etiam studio deditus, sine mora, si velis et iubeas, Vismariam abiturus.

Ex.

Exemplum epistolae quam ad me perscriptam, mitto, copiamque iudicandi facio, ne quicquam temere statuam, totiusque adeo rei huius arbitrium tibi permittam. Quod reliquum est, nihil enixius cupio, quam, ut commodis filiorum, in quibus spes tua sita est, consulere queam, cum, ut tuae voluntati prompte obsequar, tum, ut dignitatis tuae rationem habeam, quae prorsus ad cultum obseruantiamque tuae gentis spectat. Seruet te Deus rei christianae propitius, sub auspicio et tutela fortissimi Regis, qui summo et incredibili consilio, et pari ac diuina magnitudine animi, regnum, superiori tempore afflictum instaurauit, et potentia inter vicinos aequabili modo tenendae exemplum praebuit, nec se a partibus Imperii disiunxit, cum maxime praefidio egeret barbaris ad exilium Christiani orbis, cooperatione Gallorum, excitatis. Quae tempestas, fortunante Deo, transiit ac dissipata est, Buda capta, et nomen Austriam vicibus signis prolatum, ut, qui, funditus illud perire, optabant, meliore iam luce attoniti, alieno paullatim abstinere, et impeditates continere quodammodo et coercere, metu magis, quam studio et amore nostro, videantur. Respiciat Deus aequissimum fortissimumque Regem vestrum, in meliori causa adiutorem et socium, ac ple-

no auspiciatoque iure nunc demum regnantem. Dubiae temporum rerumque vicissitudines Martium iustumque Carolum flagitant, ad cuius felicitatem spes, studia nostra, spectant, vota omnium diriguntur. Vale, Magnifice Vir, et honori meo faue. Vitembergae Saxonum, Nonis, Nouembr. A. clō lōCXXCVI.

CCCXV.

A M I C O.

Reliquum laboris transmittō, petoque, vt aequi bonique consulas, et, quod libenter suscepi, nec tamen sine mora, inuitus licet, confeci, recenseas, mihique, Culemburgum abituro, faueas, et conatus atque studia mea probes. Si reuertar, de itinere, et rebus aliis, vt par est, te certior reddam. Vale, et, nisi graue est, data occasione, has pagellas ad Tenzelium cura, ac diu prospere et feliciter ex animi sententia age. Vitembergae Idib. Nouembris, in ipso procinctu. A. clō lōCXXCVI,

CCCXVI.

IOANNI GEORGIO GRAEVIO,

Polyhistori Batauo.

Peracerbe doleo. colloquium, inter nos Traiecti coeptum, opinione citius finitum,

tum, propterea, quod, a nauta interpellatus, non poteram non vti commodi abeundi occasione. Aliquoties in congressu cum nostratibus consiliariis instituto, honori tuo, vt par erat, libaui. Fratri meo, quasso, auctor sis humanitatis porro excolendae. Nolim festinet iter, quod ad iurisprudentiam ducit, spretis sane litteris, quibus soluta et vera iurisprudentia continetur. Illa verba ipsi oracula erunt. Ego prius, quam abeam, nisi, animi causa, ad nos excurram, certo te visam et salutabo. Maxime audeo de rixoso illo tecum loqui, qui, nisi fallor, somniat in libero et litterali sapientiae regno dominatum. De morte *Electoris* Coloniensis perfertur fama, vtinam faustiorum Germanicarum omine! Caesar, fortuna et victoria firmus, aduigilabit. Etenim, ludum Culemburgicum moderator, bibulam studia approbare cupit, quem, vel ob camerariam profapiam, commendabo, si putes, eum esse, qui mereatur. Vale, et familia nobilissima, et me ama. Deus te Calendas Ianuarias feliciter auspicium benigne seruet. Ex noua arce apud Taborbantos, ipsis Nonis Ianuariis. A. obli. CXXCVII.

CCCXVII.

E I D E M.

OMnino tricae sunt, quae me in dies implicant magis et impediunt, iamque diu inuitum retinent, et, nescio quid, inamoeni habent. Sed omnia prius experienda sunt, quam e tricis me expediam, quibus aut parum suauitatis inest, aut non magna cum artibus necessitudo intercedit. Tranquillitatem animi in studiis et quiete pono, et, quoad licet, a negotiis recedo, ac penitus abhorreo, si quidem taedio aut periculo non vacant. Saepe tamen aliquid suscipiendum est, quod honesta ratione recusari non potest, si vel maxime periclitemur fortunam, et iniquam adeo conditionem subeamus. Libri, res, fortunaeque meae omnes, vnius hominis fidei creditae sunt, per cuius imprudentiam ac desidiam multa mihi perniciofa euenire possent. Iam menti occurrunt subiti incendiorum casus, iam insidiae furum, et odia maleuolorum, qui ex aliis malis quaestum sperant. Pauci dies sunt, quod famulus meus, Ioannes Clisius, scripsit, rumorem de facto naufragio, et meo fratrisque interitu, perlatum, plerosque, velut in communi gaudio, exultasse, id est, ut interpretor, artium et litterarum rudes, et vana ac inani arrogantia

elatos. Credo iam de hereditate adeunda cogitasse, alienis, vt suspicor, laboribus laudem sibi paraturos, accipitres, seu mauis, Harpyias. Ignosce commoto animo, quem litterae tuae, commodum allatae, non mediocriter leniuerunt. Sed Principis VValdeccii aduentus bonam mihi eluctandi spem facit, vt, rebus confectis, repetam stationem, de qua decessi. Prius autem tecum confabulari aueo, tuos, multo doctissimos, sermones audire gestio, tecum esse, opto, et hoc omni felicitate potius duco. Fac tandem, visendi mei causa, Culemburgum venias, eodem tecto et mensa, sine strepitu, solius animi gratia, excipiendus. Ego et Leonardus, frater meus, qui inusitatam humanitatem tuam praedicat, et dicta praeceptaque tua repetit ac veneratur, soli prandemus, et soli coenamur. Neque id fraudi erit officio meo, quod, rebus ad exitum perductis, omnino tibi, prius, quam abiturus sum, persoluam. Litteras, quas ad me curasti, scripsit Nitschius, Dresdensis IC. frater eius, qui Ephemerides eruditorum Galliae virorum Latinas fecit. Inuitauit me ad auctiōem, Lugduni Batauorum instituendum, sed *catalogum* non misit. Frater meus summopere et sancte tibi se commendat. Vterque optamus, vt de tuo, magnae expectationis, filio bene mereri queamus.

Epu-

Epulo vrbs publico non ita pridem exceptus, proluxa obseruantiae significatione honori tuo libaui, et, cum VVagnero, Sacerdote, collocutus sum, qui. filium tuae disciplinae traditum, affirmabat. Sacerdotes hic modesti et moderati sunt, et abstinent a foedis factionibus. Vale, et pristinam mihi fratrique beneuolentiam serua. Culemburgi Non. Febr. A. clb l**CXXCVII**.

CCCXIX.

NICOLAO L. B. A GERSDORF.

DVdum mea clientis fides postulabat, vt rationes absentiae redderem, veniamque tardioris reditus peterem, ac moram, mea opinione, longiorem tibi in primis reuerenter excusarem. Fretus enim tuo, quod aequisimum est, patrocinio, inceptum feliciter perficiam, atque ad studia me referam, et locum, qua coepi, diligentia in posterum ornabo. Post longas itineris ambages, hiemisque molestias, adulto Nouembri Amstelodamum veni, hinc Traiectum ad Rhenum discessi. Vtroque in loco conquisiui libros, et salutaui doctos viros, Grauium ante alios, qui vnus maxime Traiectum ornat. Paulo post, quam aduerso Lecco Culemburgum accessi, Henricus, Londini *Episcopus*, huc commigrauit; nec pauci ex Anglia et Scotia iuuenes, studio-

diorum causa, ibi commorantur. Parum abest, quin exules dicam, quippe quos afflictata religio permouit, ut, Batauiam quaerent, et, quorsum noua tempestas euasura esset, solliciti expectarent. Bataui interim securi sunt, et, florente Indiae *Orientalis* Societate, non admodum timent, et spem munimentumque in diuitiis ac hominum multitudine habent. Terra fines exquisitissime muniti sunt, Nardenae, Traiectoque ad Mosam, noua, eaque validissima, opera praestructa sunt, ut nihil ab eo limite metuant, de vrbe Luxemburgo Germanis solitudinem relinquunt. Mari classes instructissimas obicere possunt, ac de Angliae dominatu fortasse non absurde iudicant, non fore diuturnum, nisi *Presbyteriani*, et populari ex statu homines, penitus fortunis suis euertantur. Neque, hoc rerum statu, ei Regi bellum expedit, quo Anglos taedet praesentis fortunae, repente turbaturos, si vel semel foris rem gerat male. Proceres plerique, et aulae coniuncti homines, sacra deferunt, populus, adhuc constans, patientia se firmat praeter consuetudinem suam. Belgium, quod *Foederatum* dicitur, dissidia *Theologorum* perturbant, et, nisi fallor, fatali eorum malo proludunt. Cocceiani et Voëtiani in se declamant, et altera pars alteri odium conflant, reuera vulgus

gus concitant atque confundunt. Auria-
cus, quanto potest, conatu tuetur et ornat
Voetianos, Spanhemio pro his annitente.
Cocceiani quorum VVittichius Lugduni
Batauorum princeps est, et propugnator
sectae acerrimus, idemque philosophiae
Cartesianae scientissimus, tamen, doctiores,
vt existimo, sunt, et iudicium rationemque
Cartesii sequuntur. VVeihenius Frane-
querae varie et insolenter agit, patrocinio
Henrici Casimiri, Nassauii Principis, confi-
sus. Proximo mense emisit libellum, in
quo contendit et pugnat contra diuini Co-
dicis auctoritatem, atque illius verum in-
terpretandi modum non aliunde, quam ex
ratione naturali, petendum, affirmat. Non
sum litis eius iudex, sed illud tamen asseue-
ro, his rebus religionem Christianam per-
uertere, et cum philosopha ac pagana veteri
prorsus commutari. VVitius, *Theologus*
Traiectinus, VVeihenii quondam collega
et amicus, non veretur, ipsum dicere *Athe-
um*, et sententiam castigat impiam, cuius
exemplo accensus Vlricus Huberus, Iure-
consultus elegans et eruditus, reiecit foe-
das istius Theologi propositiones. Excul-
pitur hinc secta Arminianorum, quae re-
bus Nassauiorum minime utilis est, et cau-
sam motibus dedit. Vnum illud VVeihe-
no laudi ducitur, quod hereditariam Frisiae

Occiduae praefecturam Henrico Casimiro conciliauerit, et nuper Auriacum cum eo redegerit in gratiam, quod fieri posse, multi et sapientes viri desperarunt. Quamvis nec illud paribus studiis voluerint Frisiones, nec hoc perinde optauerint Amstelodamenses, qui libertutem potentia munierunt, et soli Principi Auriaco obnuntiant. Sed de his plura perferbam, cum in Saxoniam fuero reuersus. Breui cum Principe VVilhelmo Hagam Comitis ibo, adulto vere in Saxoniam rediturus, et libros codicesque magno numero mecum allaturus. Nam in pietate acquiesco, Deumque oro, ut Domine, eadem atque antehac, felicitate uti iubeat, coelestique praesidio tuam, in cunctis necessitudinibus fundatam, domum fulciat, et plane efficiat, ut, tuo ductu atque consilio, honor Saxonis, utilissima patriae conditione, in maius in dies fastigium erefcat, atque in immensum augeatur. In urbe Testerbantium Id. Febr. A. do. M. CXXCVII.

CCCXIX.

IOANNI GEORGIO GRAEVIO.

Polyhistori Vltraiectionis.

ADhuc recorder suauissimi colloquii, quod in multam noctem extraximus, et de varia ac vera eruditione inter nos collo-

locuti sumus. Nunquam id animo meo excidet, et in Saxonia cum primis materiam dabit praedicandae humanitatis tuae. Res fortunaeque meae saluae et incolumes sunt, quod litterae, quas diu expectavi, hodie allatae, significarunt. Princeps VValdeccius cras Hagam Comitum tendet, cuius sermones mihi periucundi sunt, et rationes optimas vtilissimasque complectuntur. Quod reliquum est, peto abs te, fungaris officio benevolentissimi hominis, et Burcardum nostrum tuendum ornandumque suscipias, qui tua commendatione se affecuturum sperat munus Rectoris Bredanae scholae. Si quid apud te valet Camerarii sanguis, rogo te quaesoque, faueas honori ipsius, et efficias, ut sibi et rebus domesticis commodiorem rationem inire possit. Vale, cum ornatissima familia tua, et filium tuum elegantissimi moris, meo fratrisque nomine, saluta. Culemburgi, Nonis Martiis, A. cl. lxxcxcvii.

CCCXX.

CAROLO L. B. AB APPELBOOM.

Nondum excessi e Belgio, partim salutantium officiis, partim auctione Goeffiana, impeditus. Summam rei frater meus exponet, significationem observantiae daturus. Vis coelestis Numenque diui-

K k 4

num

num illustre nomen tuum fortunet, et quam diutissime in terris florere velit iubeatque. Haec vota nuncupo, et me profiteor clientem. Lugduni Batauorum. Ipsis nonis Aprilis clō 15CXXCVII.

P. S. Chiliarchum et Satrapam Lindenbaum popularem tuum saluere cupio.

CCCXXI.

GEORGIO FRIDERICO MIEZIO,

Sacerdoti Culemburgensi.

Cessi postulatis Lugdunensium, et longius, quam vellem, substiti, auctioni Goeffianae interfuturus. Haec, fateor, me tenuit, et ab itinere, quod ingredi cupiebam, retraxit, nec defuerunt salutantium officia, praesertim Academiae Patrum, qui summo honore me affecerunt. Sic aliquoties prae-
sus sum apud Vitriarium, praesentibus Rectore Magnifico, Spanhemio, Moyne, Drelincurtio, Ryckio, et ciue meo, Doctore Nitschio. Quin et Rector Academiae, Spanhemius, ipse mihi adfuit, et Calendis Maiis in praedium vrbi vicinum solenniter inuitauit, vbi plurima, in primis de statu *Ecclesiae*, de studio moderationis, de spe pacis et concordiae, itemque de rebus ad eruditionem pertinentibus, collocti sumus. Inter alia mentio fiebat Salmasii Notarum in Nouum Foedus amissarum, quod
non

non dubitabat Stephanus Moyne consilio nutuque diuino accidisse. Multos enim Instrumenti Noui locos, secus, quam par est, interpretando, aliorum detorsisset, et *Theologis*, ut acumine pollebat, crucem fixisset. De Petauio dicebat, eum solide non didicisse Graecas litteras, idque ostendebat, de loco Epiphani, ubi, *νομιμας τὰς αἰεῖς*, legendum, contra, quam legit Petauius. Porro de vestra Testerbantiorum ora sermones cum Antonio Matthaeo contuli, atque multis argumentis probaui, oram Testerbantiorum non Geldriae Ducatus esse partem, sed omnino S. R. Imperii clientelam haberi debere. Idem asserbat ius in Leccam statui Traiectino, eique tribuebat ius prohibendi in flumine, idque ab *Episcopo* Traiectino repetit, inde a saeculo XI, postea etiam Praepositum Diui Ioannis Traiecti obtinuisse ius in flumen, affirmabat. Sed regressi, Testerbantios regulos fuisse liberos, et ratione castri Culemburgici, non agnouisse *Episcopum* Traiectinum. Ille hoc dicere pertendebat, fuisse Comites Traiectini *Episcopi* Clientes et *Vasallos*, Ego negaui dixique, castrum a portionibus et accessionibus quibusdam distingui oportere. Postea haec bello et insecutis parcionibus mutata. Ille contra, ab Hemo ad Schonhouiam portam ius in Leccam habere Tra-

iectinos Ordines, dicebat, id quod rursus negavi. Is, Instrumentis publicis niti se, referebat, et, *inuestituram* Comitum habere se, asseuerabat. Ego reponebam, etsi quid belli tempore mutatum sit, ac Culemburgicus clientelam Traiectino fuerit professus, tamen postea Praesules Traiectinos ius neglexisse, et non utendo amisisse, atque sic Comites Culemburgicos se occasione belli inter Geldriae Comitem et *Episcopum* Traiectinum orti, seiunxisse. Postea, rebus foedere Traiectino mutatis, nihil de iure in Culemburgicos motum, atque adeo pristinum ius neglectum fuit, idque agnoscerebat ipse iureconsultus Batauorum Antonius Matthaeus. In Bibliotheca Goesiana plerosque antiquos Frisiae scriptores reperiri, et ~~emi~~, forsan causae VValdeccensi contra Frisones, profuturos. Indica, quaeso, Pichelio, et, ut certa capita designet, roga. Consiliarios, Ettelinum, Boeschium, Klughofium, Lithium, Viros de me bene et insigniter meritos, prolixè et humaniter meo nomine saluta. Lugduni Batauorum, ipsis Nonis Maiis A. cl. bCXXCVII.

CCCXXII.

BVRCARDO,

Reſtori Culemburgenſi.

Diutius, quam vellem, Lugduni Batauorum commoratus ſum, nec ſalutantium officia, quae modeſte reſugere volui, defuerunt. Tuam cauſam Spanhemio, Rycquo, Graeuio, aliis, quam potui, enixiſſime commendaui. Tanto magis ſtudioſuſque hocagam ſi venero Caſſelas. In auctiorem Goeſianam quadringentos, et plures aureos impendi, nec me facti poenitet, quandoquidem codices, Scaligeri, Vulcanii, Xylandri, Heiniſii, manu ſubnotatos accepi, et cum licitantibus ſtrenue certauim. Frater meus aperiet, quae, tempore excluſus, perſcribere non poſſum. Sſauiſſimae coniugis tuae litteras accepi memorque ſum eius et tuae humanitatis, neque animo excident officia tua. Tantum opto, vt occaſio det, quod, honoris tui cauſa, efficere cupio et ingenue promitto. Morbum, de quo coniux tua mihi obnunciavit, abs te ſuperatum, ſpero. Deus te ſeruet, et omnibus adeo beneficiis, quae ad conſtituendas fortunae tuae rationes pertinent, ornet atque augeat, gaudiisſque perpetuis et cumulatiffimis te perfundat. Traieſti ad Rhenum, V. Idus Maias, A. clo l^o CXXCVII.

CCCXXIII.

CCCXXIII.

AMICO,

Saluus tandem e Belgio redii, et libros Segregios in auctione Goesiana emptos, mecum attuli, plerosque manu principis litteratorum, Iosephi Scaligeri, distinctos et subnotatos. Quosdam etiam manu exaratos Codices Graecos et Latinos sum nactus, qui cum bibliothecam meam ornant, tum industriam in primis adiuuare possunt. Graeuus, Gronouius, Rycquius, magna mihi familiaritate coniuncti erant, qui et literis et humanitate, politissimi mihi videntur. Gronouius, aetate et ingenio magis feruidus, cum Fabretto, *Abbate*, et Isaaco Vossio, vehementer disputat, et huius, mirum, notas in Melam inanes atque nugatorias vocat. Belgae ceteroquin commercii et pace florent, et decora ingenia fouent atque inuitant. Regem Galliae laceffi, nolunt, et Auriaco, bellum cupienti, multum acriterque aduersantur. Nihil est, quod, hoc rerum statu, ab Anglia sibi metuant, quae, rebus domi nondum plene firmatis, nihil audebit. Me Lugdunum Batauorum nitore et elegantia sua maximopere tenuit, praesertim, quum Professores mei amantissimos vidi. Rector Academiae, Spanhemius, ipse me inuisit, salutauit et prolixè accepit. Me abeunte, decessit VVittichius,

chius, subtilis et praeftans acumine Cartesiano rerum sacrarum interpres. Si quid deinde futurum est, frater meus accurate perscribet. Fac valeas, Patrone, et patrocinio tuo me ornes. Vitembergae, IX. Cal. Quinct. A. clb l^cCXXCVII.

CCCXXIV.

HENRICO LEONARDO SCHVRZ-
FLEISCHIO, *Fratri,*
Lugdunum.

TArdius opinione mea rescribo ad binas tuas litteras, non, quod tam male tibi cupiam, vt aegritudine te conficias, sed, quia tardior meus in Saxoniam reditus omnes propositi rationes conturbauit. Duae hebdomades in nauigatione consumptae sunt, tertia Hamburgi extracta est, quod Meyerus, quem fortunae suae taedet, me inuitum atque recusantem ibi retineret. Loescherus in Bebelii locum subiectus est, VValtherus Mayo succedet. Patronus noster non ea, qua antea, auctoritate pollet, propterea quod arbitrato suo res moderatur Knochius, sanctioris Praeses Senatus, a cuius nutu et voluntate litterae et consilia nostra pendent. Vacantem Ephori Alumnorum prouinciam multi iam prestant, petamne ego, nec ne, incertus sum atque animi anceps. Nescio, an rationibus

bus pecuniariis me impedire debeam, quae plerumque exitus dubios miserisque habent. De connubio res perinde implicata est, neque id tu nescis, qui mores captantium aliena abunde perspectos habes. Quenstedius, me absente, salarium semestris rapuit, contra, quam volui, quod cur factum sit, facile intelligo. Animum ei fecit rumor de me submerso in Saxoniam allatus. Iam cunctatur, iam tergiuersatur, quum rationes posco. Meyerus, bibliopola, mussat aliquid, et dolore afficitur, quod tam multos, tamque egregios, libros emptitauit. Eam ob causam tota Saxonia sermonum plena est, nec paucos torquet rumor de successu meo. Nullus liber amissus est, nec scheda vlla desideratur. Codices, quos attuli, quam potui, diligentissime disposui et ordinaui. Praeferunt paruae bibliothecae faciem, et superiorem apparatus augment perinde, et ornant. Leiserus, iureconsultus, heri super mensam, cum tui mentio incideret, bene de conatu tuo sentiebat, et, nisi vanum omen sit, magnam quoque dignitatem tibi promittebat. Quod ne non eueniat, opto, et, vota publica pro te fieri, iubeo, sed consilium tuum non probo, quod existimasti, commummi mihi fore, si Roemerii aedes emptioni iure mihi cedant. Reputa animo insidias suum,
et in

et malas hominum artes. Nihil constituo te absente. Coci filium, qui Culemburgi remansit, multi flagitant, et, seruitiis suis adscribi, optant. Quid facto opus sit, ipse tu iudicabis. Rudelius pedibus captus est, et ex aqua intercute laborat, praeter, cum nemo est, qui Mathematici famam dignitatemque tueri possit. Velim, horis succisiuis Clarissimum Volderum adeas, Lugdunumque teneas, urbem peramoenam, et cultu egregiam, litterarumque studiis, et omnibus sane rerum copiis, affluentem. Clarissimus Gronovius a sciolo quodam audace, et Graece indocto, prorsus indigne tractatus est, cuius vicem doleo, etsi is sibi constat, nec aduersarium pertimescit. Tam impudentes sunt, qui rudes mihi videntur. Anglos Batauosque tam bene mihi velle, gaudeo, et, quae possum, studia ad ipsorum laudes confero, idque cupio, ut meo nomine ipsis sancte confirmes. Dissertationes Academicae iam me obruunt quasi tempestates. Prius quam redii, Graunius, excusante se et deprecante Oratore, Principis EL. matri panegyricum dixit. Vizthumii nostro conuictui se adiunxerunt. Hermundarus iacet, amoris, quem infeliciter coepit, pertraesus. *WVolfhardus*, *Abbas* Bergensis, sincerus integerque est, qui amat colitque Spanhemium tuum, litteras ad eum, nisi grauius

uiter ferat, propediem missurus. Pollet is gratia Brandenburgici, et Brunsenio per carus est, nec Spanhemio fraudi esse potest, cum tali viro litteras commutare. Cura, ut valeas, et leges diaetae, accurate, quoad fieri potest, serues. Vitembergae Saxonum, VII. Calendas Quintil. A. clō lōCXXCVII.

P. S. Spanhemium, Voëtium, Vitriarium, Drelincurtium, Hermannum, Gronouium, Rycquium, tum conuictores tuos nobilissimos atque amantissimos, itemque hospitem tuum, salutes. Parum abfuit, quin cum ferme nauigarem in portu, e regione Gluckstadii naufragium fecissemus. Nisi per tuam curam Amstelodami mansissem, aliquot dies amplius, cum nauta Hamburgensi rerum iacturam fecissem apud Enckhusam.

CCCXXV.

PATRONO CVIDAM.

Dlutius, quam vellem, apud Batauos, mei amantissimos, substiti, et confecto Valdeccii negotio, Traiectum ad Rhenum, Lugdunumque Batauorum, augendae rei librariae causa, discessi. Eodem tempore aduentauit Bergerus, Doctor Medicus, gratus utique hospes, et, ob doctrinam atque experientiam, aestimatus impense et amatus. Cum Drelincurtio, Hermannō, bis in Indi
am

diam versus Orientem profecto et reuerso, vivit tam familiariter, atque si eorum necessarius esset. Inde ad Brabantos, Flandros et Gallos, se contulit, et doctissimos passim sermones habuit, dignusque eorum amicitia iudicatus est, quorum meritis respublica litteraria permultum debet. Ego, quoad potui, libros mihi comparavi, plerisque manu Iosephi Scaligeri, Xylandri, Heinsii, subnotatos, scriptores etiam Graecos haud paucos, Aldino prelo excusos, qui tam castigati sunt, ut parum absit, quin manu exaratis aequentur. Historicos, Scardeonium, ex quo Morhofius aliquid ad excusandam Liuii Patauinitatem afferre potuit, Vredium, aliosque permultos, in primis raros, pretio non iniquissimo, emptitavi, Iosephum item et Aratum, cum scriptis manu Scaligeri animaduersionibus, quod sane cimelium putarim. Nullus prope Orator, Poeta, aut Historicus est, quem non possideam MSS. annotationibus distinctum. Quae ad mediam aetatem pertinent, in tabulario Culemburgico, quod totum peruolu, et arbitrato meo excussi omnia mihi patuerunt. Non libros, sed thesauros politionis doctrinae, in Saxoniam intuli, quorum fructus ad Academiam redundabit. Eo magis causam clientis ages apud Herummeum Saxonem, Illustrissimosque aulae pur-

puratos, et sigillatim apud Excellentissimum Senatus Sacri Praesidem, apud quos tua longe grauissima auctoritas plurimum valet. Vnum, si pace tua dicere ausim, ab te demisse, vt par est, peto, ne, vacante Ephori loco, spe potiundi cadam, vel eo maxime argumento, quod Latinae Graecaeque litterae hoc munus praecipue ornant. Schmi- dius, Buchnerus, Ostermannus, idem Ephori, et magni litteratores, fuerunt. Tuo et Illustrissimi Senatus vestri praesidio me fulciri, confido, et pro tua salute vota precesque assiduas nuncupo, vt te, litterarum statorem, quam diutissime seruet. Vitembergae, Prid. Nonas Quintil. A. clō lōCXXC VII.

CCCXXVI.

ERNESTO GÖCKELIO, IC.

QVem mihi commendasti iuuenem, libenter accepi, neque vlla ei officia denegavi, si qua sint eiusmodi, vt expectationi ipsius faciant satis. Me ex Belgio reducem multae, fateor, occupationes impediunt ac distinent, neque te celare volo, multos ex eo libros codicesque MSS. in Saxoniam me asportasse. Florent commercii Belgae, et in India versus Orientem, ringentibus Anglis, triumphant. Rex beatae illius insulae minatur, hoc certe anno nihil ausurus, nec

nec ratio eius imperii ita constituta est, ut nunc quidem aliquid audere possit. Caesar, Buda capta, Rex est, in qua Turcae plus, quam regnum, amiserunt. Venetorum incrementa gravior ferunt, sed multo gravius iacturam Budae, arcem propugnaculumque contra Germanos olim. Veneti tantum non suffecturi sunt tantae moli. Caesari illud optandum, ut Esseckio potiat, quod aditum barbaris munit. Citerior pontis apparatus breui, ut ominor, in nostra potestate erit. De sacris quidem Vngari queruntur, nec Transyluani dissimulant vexationes Caesarei militis, ex quo capta est Buda. Sunt haec belli mala, tam diu ferenda, donec bellum durat. Quod reliquum est, gratulor Suevis vestratibus, manu et consilio ad reprimendum barbarum promptis. Si de prouincia regendi Sapientiae Ordinis decessero, votis tuis annuam, et spei desideriiisque tuis respondebo. Nonis Quintil. A. clō lōCXXCVII

CCCXXVII.

HENRICO LEONARDO SCHVRZ-
FLEISCIO,

Fratri.

Quinquaginta numos *Imperiales* ad te curavi prima vice, altera accipies totidem, tertia iterum quinquaginta. Fac, aureum

reum cimelium recipias, et, si quid alibi reperis, bene sapienterque constituere nitaris. Libri in auctione Amstelodamensi plerique erant egregii, sed nimis disiuncti sumus, ut statim in ipso tempore articulo non suppeditare possim, quod vens. Princeps iuventutis, Io. Georgius IV, nisi rumor fallit, ducet filiam Daniae Regis. Lotharingus strenue molitur Esseckii obsidionem. Stipendium Lubecense, de quo multa fabulatus est Bornefeldius, prensat Masius, quem nosti. Is, opinor, Ziegleri et Syndici Lubecensis, Pomereschii, commendatione adiutus, impetrabit. Nec tamen desponde animum, et Deo fide, studiaque, qua potes, contentione animi excole. Non deerunt tandem patroni. Ipse tu ad Rauchbartium scribere potes, et moram aduentus purgare. De auctione Oeseliana me in tempore admone, et vale. Vitembergae Saxonum, prid. Id. Quintil. A. clo l^o CXXCVII.

CCCXXIIX.

ERNESTO STRVNZIO,

Sacerdoti.

Filius tuus, pereruditus et frugi iuuenis, mihi que percarus, rogatus comiterque accersitus, ad me venit, quem, exploratis ingenii et doctrinae profectibus, cum bona spe

spe potiundi honoris, quem philosophia confert, dimisi. Magna me eius laudis expectatio tenet, nec dubito, quin hoc decus, quod diligentiae praemium est, ei iure debeat. Nihil, quantum in me est, recuso, quod eius dignitati seruire possit, si quidem tuo consilio et sumptu honestissimum filii conatum iuues. Quod quin abs te impetret, non ambigo, Deumque obsecro Immortalem, ut hoc institutum reipublicae sacrae perinde, ac litterariae, bene vertat. Ita volens propitiumque Numen te, cum florente familia, seruet ac benigne tueatur. Vitembergae, Id. Quinct. A. cl^o l^o CXXCVII.

CCCXXIX.

HENRICO LEONARDO SCHVRZ-
FLEISCHIO,

Fratri.

Vtrum litterae, tribus abhinc hebdomadibus perscriptae, recte commearint, scire aueo, nec sine causa dubito, propterea, quod de meo tam diuturno silentio conquestus sic acerbe es, ut prope indignari videare. Litteras, quaeso, meo semper nomine inscriptas, mittere pertendas. Ego enim soluo, et ideo hanc praerogatiuam mihi sumo et seruo. Citius etiam ad me, quam ad quemuis alium obscuri nominis hominem, curantur. Cum magistro cursu-

um, Elstermanno, expostulaui de mora, qui se purgat, et, curatas esse deierare audet. In posterum Lipsia accipies, minori tua impensa, quando Amstelodamum vsque ego, quod cursus nomine debetur, persoluo. Duodeuiginti numos vnciales dinumeraui mercatori Lipsiensi, Kaesio, quos, repraesentandi argenti causa, flagitauit. Nihil denegaui, vt abs te auerterem onus, quod me in Batauis premebat, cum Apella Samuel nihilo minorem summam flagitaret. Trium spatio hebdomadam rursus quinquaginta numi ad te perferentur, et deinde videbo, vt nulla re necessaria destituaris. De re-ditu, constituta et peracta auctione Oeseli-ana, pro arbitrato tuo agas atque disponas. Gratus mihi acceptusque eris hospes, et, si Vitembergae te satietas capiat, Francofurti ad Viadrum sedem studiis figas, vel, si ea quoque conditio tibi displicet, Ienam te conuertas, et ibi aliquandiu subsistas, vt ex propinquis locis litterae ad nos perferantur. Vale, et bene, pro solertia prudentiaque tua, res age. Vitembergae, XIII. Cal. Sext. A. clō lōCXXCVII.

CCCXXX.

ZACHARIAE ZVVANZIGIO,
Principi EL. Brandenb. a Secretis.

GAudeo rebus tuis ex asse florentibus,
 et

et cupio, hanc felicitatem tibi esse perpetuam, praesertim in aula maximi Principis, qui, praeter ceteros Europae Principes, opibus, copiis clientelisque, abundat. Cuius fama omnes terrarum orbis regiones peruasit, et fociis venerationem, hostibus metum, expressit. Mihi, tot tantasque res aestimanti, verba idonea et magnitudini eius suffectura defunt, ut animo, in admiratione defixo, quaedam silentii religio afferri videatur. Bataui, a quibus non ita pridem redii, robur praesidiumque in huius salute Principis ponunt, neque Caesar non agnoscit fortitudinem, multis felicissimisque expeditionibus demonstratam. Hostes ipsi, quod foris audisse memini, magni Herois imaginem in eo circumspiciunt, et, quanquam, ut invidi infensique Germanis, aliorum facta deterunt saepe ac minuunt, tamen ipsum vel inuiti laudant atque admirantur. Magnum hoc Dei beneficium est, quod patria communis in hoc Martio Principe EL. tanquam in libertatis fundamento, insistat, et summi huius possessione gaudii fruatur. In Vngaria res lente, et dubia ancipitique fortuna, eunt, nec dum ex animi sententia succedunt. Poloni, more suo, tergiuersantur, tempusque fallunt et perdunt, ac nihil suo nomine et expectatione Caesaris dignum

gerunt. Moschi versuti, ostentant milites, non pugnant, etsi pugnae desiderium prae se ferunt. Polonia, qui antiquus regni morbus est, distrahitur consiliis, idque finitimis saepe expedit, hoc maxime tempore, quo Regis potentia nimium adolefcit. In Anglia res valde conuersae sunt, et, specie libertatis, ipsa libertas et sacra *Protestantium* opprimuntur. Apud Vngaros parum proficietur armis, si, vt queruntur Vngari militum licentia haud coerceatur. Recordare, quaeso, quod ex Taciti Agricola dixi olim, cum inter nos crebro in museo colloqueremur. Vnum in ponte et propugnaculo Esseckiano praesidium est, quo non capto, non magni forte huius anni expeditio erit. Sed Deus meliora Caesari, et rei Christianae, cuius hoc negotium interest, largiatur. Tu vero in luce aulae et conspectu Illustrissimorum atque excellentissimorum Procerum, certius accuratusque haec cognosces. Mihi, quaeso, vt antehac, sic in posterum faue, et Generosissimum a Caniz reuerenter et demisse meo nomine saluta, et, si qua mihi et Fratri meo vsui esse potes, consule, et pro utroque experire. Vitembergae, Calend. Sextil, A. dñi 1637.

CCCXXXI.

GVIL. ERNESTO TENZELIO.

Iucunda mihi est tua gratulatio, optoque, si tempus sic ferat, vicissim gratulandi occasionem, quanquam id mihi ad explicandum gaudii sensum nunc sufficit, quod, saluum te esse, intellexi. Itineris cura liberatus sum, et libros codicesque permultos ex Batavia attuli, remque librariam, ut nosti, modicam, laeto prosperoque successu magis auxi. Iam noua quaedam sollicitudo me afficit, et molestum *Decani* munus angit, quod, crede mihi, longiori absentia declinare cupiebam. Sed vel inuito subeundum fuit, quod leges et instituta Ordinis postulant, quibus repugnare sit nefas. Iuuenis studiosi, de quo scripsisti, desiderium, faxo, ut leniatur. Cuius honori faueo, si epistolam, Doctoris Theologi auctoritate munitam, ad me curet, speciminaque, ut moris est, quam primum edat. Cupidum iuuandi animum meum satis exploratum habes, tuaque sola commendatio petentis causam tuetur. Loescherus et VValtherus hodie in ordinem Theologicum cooptantur, alter hesterno die, auspicii causa in concionem ascendit, gratissimamque ad populum habuit, alter superiori die Iouis magno cum applausu disputauit. Lipsiensis

reuertendi desiderio tenetur, sed spes eum frustrata est, renitente aula, et poenitendi occasionem spatiumque dante. Frater meus te salutat, qui Lugduni Batauorum agit. De epistola, quam a me petis, excusabunt negotia muneris, quo leuatus, in omnibus, quibus potero, rebus, gratum tibi faciam. Vitembergae Idib. Sextil. A. clb bCXXCVII.

CCCXXXII.

ADAMO RECHENBERGIO.

Doct. Theol. et Prof. Publ. Lips.

OMnino permultum tibi debeo, et munus donumque tuum inter carissima sepono mihi ac seruo. Votum, quod abiturus solui, reuersus pie repeto, iterumque persoluo, et Deum posco, vt solido prorsus stabilique gaudio perfruaris. Illud quoque per epistolam precor, vt tandem familiae tuae heredem sufficias, dotesque tuas in filios atque posteros cumulate feliciterque propages. Vacuum D. Bebelii locum ornabit Loescherus, vir religiosus pariter, et doctus morisque Academici haud ignarus. VValtherus, Meieri successor, Theologum nihilo inferiorem spondet. De Pufendorfii aduentu hac transeuntes narrant, rem aliter cecidisse, ac putemus, postquam Rex, a consiliariis submonitus, nolit permittere discessum. Frater Esaias,

aRe-

a Rege offensus, Hamburgi priuatus agit, melioremque fortunam exspectat. Haec est vicissitudo et iniquitas rerum humanarum. De Sagittarii conatu licet bene sperare, si multos veteresque ineditos scriptores nanciscatur. Patronum, opinor, Gothae inueniet Fridericum Principem, qui Patres, Hieronymum et Augustinum, edendos curauit. De recensendo quarto Ziegleri libro nihil recuso, tantum peto, moram concedi exiguam, propterea, quod *Decani* provincia me impedit et turbat. Abs tua humanitate contendo, vt iuuenes quosdam mihi concilies, beneuolentiamque pro more tuo praestes. Vnum, ne accidisset, optarem, Gronouianum innuo certamen, quod, vtinam falsa augurer, multas lites ciebit, quas extinguere, quam excitari, maluisssem. Sed factum infectum reddi non potest. Menckenium et Fellerum saluta. Vitembergae VI. Cal. Sept. A. clb bCXXCVII.

P. S. Celeberrimus Graeuus optime vobis cupit, et recte sentit, ac honori vestro semel iterumque libauit, vir cordatus et egregius, et immortalis vita dignus.

CCCXXXIII.

IOANNI FRIDERICO MAYERO,

Doctori Theologo.

POenam diuturni silentii deprecor, et studia atque officia mea, veteri lege, de-
nuo

nuo per epistolam confirmo. Rationes aulae immane quantum conuersae sunt, et carendo intelligimus, quanto nuper patrocinio orbatī simus. Feramus, quod fato imponitur, et nihil recusemus, quod mutari non potest. Loescherus auspicalem concionem habuit, nec sine applausu disputavit VValtherus, omniaque iam confecta sunt, quae curas aulae intendere videbantur. Tui desiderium scita oratione leniebat Heberus, Academiae Rector. Omnes audiebant, atque in spe tui reditus defixi erant. Non loco, neque officio suo, Academia defuit, sed auersus quorundam animus consilia meliora impediuit. Caesar in Vngaria victor barbaros profligauit atque exterruit, ut iam in spem totius regni potiundi veniat, fractis, qui resistunt, Vngaris, et Transylvanianis ad obsequium redactis. Impendet vtrisque seruitus, Germanis novum robur contra hostes paratur. Tinuiunt, opinor, tibi aures, cuii libero, et patrono libertatis. Donec Caesar floret, neminem timeatis, iterum opex positus est insidiantibus libertati Danis. Mihi communis est laetandi causa, et recordatio tuorum sane beneficiorum sempiterna. Aes alienum dissolui, Nobilissimoque fratri tuos numos mutuo acceptos reddidi, ac fidem liberaui. Non opima adfulget Candidato-
rum

rum messis, nisi Lipsia me soletur. Hic omnes, quotquot tuas eximias summasque dotes aestimant, salutem impertiuntur. Vale. Festinanter, Vitemb. V. Cal. Sept. A. cl^o bCXXCVII.

CCCXXXIV.

BENEDICTO KRESSIO.

Aerarii Misenenfis præfecto.

CVM ex litteris, abs te missis, intelligerem, nuptias te apparare filiae, virgini multo florentissimae, tum scribendi, vel potius gratulandi occasionem nactus mihi videor, voloque fortunatum esse, quod agis atque destinas, ut tuae, per se egregiae et amplae, necessitudines crescant pariter, et firmiori praesidio muniantur. Gaudet mecum Academia, tui in primis amans, et laetum explicat animum, officiisque tuis permultum iuvari se et ornari, libens fateatur. Donum, quod dare voluit, ne respuas, petit, animumque propensum dato hoc, quantumvis exiguo, pignore sancte confirmat. Bene cadant, quae moliris, omnia, et, volente propitio Numine, felices, prosperosque exitus habeant, quae ad conciliandum foedus filiae tuae castissimum spectant. Res Christianorum ex animi sententia eunt, barbari fusi fugatique sunt, et in Vngaria, Dalmatia, Peloponneso, laeti ubique

que nuncii de victricibus palmis circumferuntur. In partem laetitiae veniamus Saxones et Miseni, tu ante alios in dignitatis et honoris sede stabilis firmitque infistas, et in filiis atque filiabus generis tui munimentum habeas firmum iuxta, ac sempiternum, Vitembergae, IV. Cal. Septembr. A. clb l^o CXXCVII.

CCCXXXV.

IOANNI SCHEDIO.

PRelum Henckelii lente festinat, et proposita tua moratur, nescio, quam ob causam, neque id te celabit Peiskerus, amantissimus tui. Res meae in arcto sunt, et valde angor, quod nullus abs te veniat, qui nomen profiteatur. Quid Mirenius agat, quare spem meam deludat, praesens apparitor meus perquiret. Fac, sciam, quid velit, et quo ingenio sit morosus iste debitor, qui nullam fidei datae rationem habet. Moneas hominem, ut pecuniam iuveni, quem ad vos misi, persoluat, tandemque, fidem suam liberet, mihi que, ut par est, faciat satis. Id honos et religio promissi ab eo postulant, qui nisi faciat, in extrema incurret, et de ingrati crimine ac mora accusandus erit. Vitembergae, Cal. Sept. A. clb l^o CXXCVII.

CCCXXXVI.

CCCXXXVI.

HENRICO LEONARDO SCHVRZ-
FLEISCHIO,*Fratri.*

Hesterno die litterae, Vienna missae, spem mihi faciunt adipiscendi muneris consiliarii et bibliothecae praefecti. Magna haec est, splendidaque dignitas, capeſſenda prorsus, nisi religio obsisteret incepto. Nomen, famam, genus, si, altius efferri, cupias, non recusandum. Mosnerius Berolinensis quondam Sacerdos, affectat, et paratus est mutare sacra, si consequatur. Strykius, in quo viua spirat Iurisprudētia, conditionem in Aula Brandenburgica mihi obtulit, simulatque constituam relinquere prouinciam, et nuncium remittere Vitembergae. Pusendorſius, ne veniat, grauiore Regis consilio impeditur, quod omnes alioqui credebant, et Lipsienses, gaudio aduentus excitati, certatim cupiebant, et pro certo compertoque affirmabant. Strykius recepit, se fore tibi auctorem ingrediendi et prosequendi Iuris studii, quod his maxime rationibus conducet. Apud vos sunt veterani plerique et desides, omnia vigent contra in Strykio corporis et animi ornamenta. Victoria Caesaris spem Turcarum denuo infregit, praelique narrationem ad
me

me curauit Duderstadius a bellicis secretis. Multa huc perscripta sunt de piratis, a Gallo et Anglo, ad infestanda Belgarum nauigia, conductis atque excitatis, ex quo periculo eluctati sunt ope Numinis, mala hostium consilia in commoda Batauorum vertentis. Nam Gallus, Anglus et Danus, hec agunt, vt Batauorum rebus noceant, et commercia ipsorum pariter, et Hispanorum, disturbent. Libri, quos designaui, curam solitudinemque meam intendunt. Tu fac, accipias, et, quos parasti, retineas omnes. Proceres Viennae a me postulant descriptionem familie Vrsinorum, qui ex Germania in Italiam, hinc in Carinthiam et Carniolam, migrarunt, quibus Rosenbergii sunt innexi. Quando vtrique coniunctim eo nomine appellari coeperint, solcite perquirunt. Henninges, Spenerus, Rittershufius, tacent. Zazora mihi commendatus est, qui de familiis scripserit, quem circumspecte diligenter, etiam, si fert occasio, cum Vitriario communica, simulque explora, num illi quiequam ea de re et necessitudine amplissima constet. Brandenburgicus tractum Suibufii, cum accessionibus eo pertinentibus, titulo Ducis a Caesare accepit, et titulo Ducis Iegerndorfenensis cessit. Tu, quaeso, si facultas est, in primis tibi compara scriptores, qui iuris prudentiam criticam illu-

illustrarunt, quibus abundabat bibliotheca
Goësiana, quos, ubi potest, inuestigat Iaco-
baeus, et bonam eorum partem possidet
Graevius Traiecti. Vale. Vitembergae
Nonis Sept. A. clb l^oCXXCVII.

CCCXXXVII.

BENEDICTO KRESSIO.

Aerarii Misenensis praefecto.

Beneficia, quae in me contulisti, ut per-
multa sunt, sic animo meo fixa manent,
quibus cumulum addes, si petitioni meae,
cuius interpretes fuit Starckius, locum des,
atque efficias, ut decretum attributum-
que mihi stipendium citius persoluator.
Multos ex Batavia libros codicesque attu-
li, in primis manu exaratos, et Scaligeri
Manutiique cura perscriptos. Belgae e ma-
gno periculo eluctati sunt, quod classi eo-
rum, ab India, versus Orientem sita, reduci,
impendebat. Angliae, specie libertatis, iu-
gum imponitur, quum omnes religiones
permittuntur, ut sensim repurgata oppri-
matur. Ferunt, perferunt Angli, et ex obi-
tu Regis consilia destinationesque suspen-
dunt. Galli conatus conuertit prospera
fortuna Caesaris, quanquam expeditio ver-
sus Petri Varadinum non commoda Caesa-
reis fuit, sed Transylvanianis opportuna. Deus
reipublicae Christianae salutem moderetur.

Mm

et

et Saxonia floreat, fataque semper benigna
 experiatur. Vale, et filium natu maiorem,
 laude doctrinae officiisque mihi coniun-
 ctum, saluta. A. clb l^oCXXCVII.

CCCXXXVIII.

AMICO CVIDAM.

CVrabo, quanto possum studio, res tuas,
 et honori, vt par est, consulam, vt intel-
 ligas, verbis congruere facta, et promissis
 respondere euentus. Deus fortunet, quod
 agam, et patriae familiaeque tuae feli-
 citer euenire sinat. Quaeso fac, vt litterae
 hae Benedicto Kressio reddantur. De conuen-
 to inter nos res bene habet, de meo animo ni-
 hil fas est dubitare. Occasione vini deuehen-
 di vteris, vt iusto commodoque tempore
 praesto sit. Non rixabimur de pretio, sed
 facile atque ex aequo omnia fient. Ita va-
 le, et non spera modo, sed confide etiam
 voluntati meae. Vitembergae Saxonum,
 VII. Idus Sept. A. clb l^oCXXCVII.

CCCXXXIX.

NICOLAO L. B. A GERSDORF,

Senatus Sanctioris Principi.

Merita, quibus ornas et auges rem pu-
 blicam, per totum fere orbem, magno
 omnium consensu plausuque, celebrantur,
 in primis apud Belgas, qui, praesidium con-
 siliis

filiis litterisque in te redditum, affirmant. Princeps VValdeccius super Culemburgi mensam Principis EL, tuoque honori, data obseruantiae et amoris significatione, assidentibus et complaudentibus cohortium praefectis, libauit. Lugduni Batauorum et Traiecti ad Rhenum doctissimi homines, non sine veneratione et cultu, nomen tuum appellarunt, quod vnus tu esses communis doctrinae fulcrum, quo studia liberalia niterentur. Vicisti causam difficilissimam, et explicasti negotium arduum, propter quod suspensa fuit diu Germania, omnium oculis in te defixis. De Anglia nihil perscribo, quae cum Belgis animos ciuium sociorumque aduertit, ad gloriam tuam. Referet de huius statu Molefvvarthius, nobilissimus Anglus, qui orauit me obsecrauitque permultum, vt aditum commendatione ad Te liberio remque congressum sibi patefacerem. Habere, quae de patria exponat, multa et singularia, quae non grauo ut audiantur, petit reuerenter. Ego deprecor audaciam, et votis precibusque Deum posco, vt Tibi, Domine, et genti tuae, Illustrissimae Coniugi, liberis in exemplum saeculi natis, semper indulgeat, et quaeuis ex animi sententia benignissime largiatur. Vitembergae, Idib. Sept. A. clæ
bCXXCVII.

Mm 2

CCCXL

CCCXL.

HERMANNO HAXTHVSIO,

Hassorum Principis Cancellario.

DIu est, quod Cassellas cogito, et obseruantiam praesens Tibi approbare cupio, sed nec opinanti molestiae et difficultates obiiciuntur, quae me identidem impediunt et remorantur. Apud Belgas nuper substiti longius, et versatus sum inter clarissimos litteratissimosque homines, qui nulla non honoris significatione me exceperunt. Frater meus etiamnum ibi comoratur, et, iussu arbitratoque meo, veteres ac reconditos codices perquirat, quorum multos, careque emptos, ipse curavi per mare deuehendo Hamburgum, in quo itinere adii periculum, et proxime abfui a metu naufragii, sed Deus me eripuit, cum rebus fortunisque omnibus, ut saluus atque incolumis exscenderem in continentem. Germania, firmatis Austriae rebus, magno metu liberata est, non sine perturbatione Gallorum, qui, per clades ruinasque Austriorum, dominatum in communi affectabant. Sueones meliora tutioraque consilia iam capiunt, et, a superiore *Foederato* delusos deceptosque se, animaduertunt. Vicini eorum prope in eadem extrema incurrissent, nisi tempestiue obstitissent Guelfi,
Cae-

Caesarisque prospera fortuna obicem posuisset. Nam, Buda capta, demum Rex est Leopoldus, regnum amiserunt barbari; iacturam Peloponnesi non perinde grauerunt, ac vnius Budae urbis. Tantum in eo castro situm est Christiano orbi, et Austriae sigillatim, quae fines aperit munitque. Quid de Anglia agatur, ipse exponet Angelus, nobilissimus Moleſuorthius, qui aulam urbemque vestram visere desiderat, orbis Germaniae prouinciis, domum rediturus, quod ei bene cessurum, spero, cuius gratia litteras ad illustrissimum Gersdorfium perscripsi, eumque Principi Senatus sanctioris commendauit. Ego, ut alias, ita nunc me tuae beneuolentiae permitto, nobilissimaeque familiae tuae clientem spondeo me et confirmo. Vitembergae, XVI. Cal. Oct. A. cl. lxxcxcvii.

P. S. Nobilissimo filio, Consiliario Principali salutem nuncio, et commendo quendam Burcardi, Rectorem scholae Culemburgicae, virum doctum, et varia eruditione ornatum, qui munus scholasticum apud vos prestat, et omnino meretur.

CCCXLI.

IOANNI ANDREAE DANZIO.

Prof. Publ. Ienensi.

DOleo vicem tuam, et opto, ut melioris

M m 3

sis

sis loco, et, dignus Frischmuthio successor, pari conditione, et fortuna in posterum meliori, vtare. Sed, quomodo tibi consulam, non habeo, nisi oculos animumque in Belgium conuertas. In Germania prope omnia sunt misera, et stipendia magnis conatibus imparia, nec tamen sine inuidia saepe et amittendi metu. Venio in spem meliorum temporum, si recto maturoque iudicio expendant Proceres, neruo studiorum inciso, studia exolescere et contemni. Ego, quoad possum, honoris tui rationem ducam, atque hoc tanto magis efficiam, quod scio, te esse doctrina et industria nobis omnibus magnopere commendatum. At enim, non est vacuus locus qui ad te pertinere queat. VValtheri prouinciam, ab instituto tuo alienam, noui. Dassouius, more suo, incumbit in concionandi artem, et ipse animi pendet adhuc, spondetque tandem sibi sacerdotium pingue et amplum, si mora ei longior videatur. Vale, et Sagittarium, ac Schubartum in primis, saluere iube. Vitembergae, XV. Cal. Oct. A. clc bCXXCVII.

CCCXLII.

OTTONI MENCKENIO,

Prof. Publ. Lipsiensi.

Qui hac transit, nobilissimus Moles-
vvor-

vvorthius Anglus, aditum alloquiumque tuum petit, et, facilem te promptumque ad hoc genus officii fore, confidit. Ab eo multa audies de statu Angliae, et rebus eius regni, Iacobi II. calliditate perturbatis. Libertati suae non timent Angli, multitudine et potentia sua freti, consilia consiliis eludunt, vel praeuertunt. Quid de Vossii et Gronouii certamine tandem futurum sit, me fugit. Neuter non acerbus est ac vehemens, alter iratior, pertinacior alter. Volui me interponere pacis componendae causa, sed, ne id consequerem, iracundia commoti vtrunque animi impendebat. Haud aliter in Fellerum exarsit, qui, vellem, certamine abstinuisset. Nam, certare nunc, arduum periculique plenum est, quum nulla spes in moderatione residet, sed summa inter partes contentione disceptatur. Valde me offendit acerbitas Pufendorffii, et doleo vicem reipublicae litterariae, cuius vulnera exteris aperiuntur, et seria adeo in iocum ludumque vertuntur. De libris codicibusque, ex Belgio allatis, alibi seorsim ad te perscribam. Vale, Vitembergae, XIV. Cal. Oct. A. clb l^o CXXCVII.

CCCXLIII.

ADAMO RECHENBERGIO.

Prof. Publ. Lipsiensis.

Vix quisquam sit, qui moderate accipiat acerbum vehemensque scriptum, proxime emissum, et, nisi me ratio mea fallit, aculeis illiberalibus refertum. Non me immisceo, et talia, tamque erubescenda, certamina grauiter fero. Illud autem scribendae Historiae Brandenburgicae studium meliorem mihi spem facit, in quo decus patriae, et dignitas auctoris, versantur. Sed haec tibi forte liberius aperio, cui otium pacemque oppido placere, scio. Neque enim me interpono iudicem, et mearum satago rerum. De Esaia quaedam mihi nunciata sunt, quae profecto innocentia eius diluet prorsus. Sagittarii quidem conatus laudem habet sed vt conicis recte et colligis, in fumum abit. In magnis tamen voluisse sufficit, et, nisi res succedat, consistere quam progredi, est tutius. Gronouio, nisi nos petat, indulgeamus, vsque dum impetus deferuescat. Iudicium Viti, inuitis Musis, non audiamus, siquidem eo spectat, vt homines Academici nihil industriae conferant ad Historiam scribendam. Vsu refellitur, et euentu coarguitur, nec me perterrefaciunt ista simulacra, maxime,
quum

quum Potentissimus quidam Princeps ad perficiendum industriae curriculum non obscure inuitat. Vale. Vitembergae Saxonum XIII. Cal. Oct. A. clō lōCXXCVII.

CCCXLIV.

SIMONI FRIDERICO VVOLF-
HARDO,
Abbati Bergensi.

ERubesco, recogitans humanitatem, qua me ex Belgio reducem accepisti et profecutus es, pro animo et innata bonitate tua, quam semel iterumque sum expertus. VValtherus, in locum Mayeri surrogatus, non leuiter et cursim, sed serio, rem agit, et vere Theologum profitetur. Loe-scherus quoque superiorem sanabit plagam, et vitae grauitatem cum doctrina coniungit, adeo, vt, iam cicatrice obducta, mortem obitumque Bebelii mitius feramus. De Spanhemio crede pariter, et confide, prompta beneuolaeque mente litteras tuas excepturum. Vir doctus et modestus, ac sigillatim antiquitatis gnauiter est peritus. In Anglia non timent nimis, sed cauent sibi, *Protestantes*. Rex spem *Ecclesiae* Anglicanae, et senatus regni fefellit vnde sibi prouident ordines, nec latum vnguem a libertate recedunt, Cum exercitu nihil audet, cuius maior pars *Protestantibus* coniuncta

est. Auriacus et Georgius, Principes, retinent sacra, et flecti non possunt. Pontificii etiam, eruditione impares, et linguae Anglicae imperiti, in certaminibus religionis succumbunt. Bataui, recepta feliciter classe, triumphant diuitiis, et recreantur nuncio rerum Anglicarum, quae in India versus Orientem non optimo loco sunt et passim laborant. Caesar, profligatis barbaris, exultat, Veneti, subactis Naupacto et Conrintho, totam Peloponnesum imperio ditioneque sua complectuntur. Ita res Christianorum bene eunt, male affecto *Christianissimo*, quippe a gaudio communi et partibus nostris auerso. Vale. Vitembergae XII. Cal. Oct. A. clō lōCXXCVII.

P. S. Eckhardus opem patrociniūque tuum poscit: Viros Ordini Sacro adscriptos saluta, et nisi graue est, apud nos inuisse, solenniaque ordinis nostri praesens orna,

CCCXLV.

HENRICO LEONARDO SCHVRZ-
FLEISCHIO,

Fratri, Lugdunum.

TVa in comparandis libris diligentia mihi placet valde ac probatur de pecunia non est, quod sollicitus sis, quam proxima hebdomade curabo, Si Vbiorum
con-

consilia desiderio tuo non respondent, fac in Saxoniam redeas, et specimina industriae, ut par est, edas. Stipendium, ut audio, absentibus non persoluitur, nisi concessu beneficioque Principis singulari. Intelligo, quorsum id spectet, neque id moror. Annus effluxit, ex quo nihil acceperunt alumni; mittamus ergo hoc negotium, et aliam emergendi rationem viamque circumspiciamus. Vale, Vitembergae A. clo 16CXXCVII.

CCCXLVI.

ILLVSTRISSIMAE DOMINAE HEN-
RICAE CATHARINAE GERSDOR-
FIAE.

Libenti demissoque animo imperata facio, et Vulpio, qui illustrissimae proli a studiis est, examen remitto, et a vita, moribus atque doctrina, commendatum in tabulas Candidatorum refero, exemplumque testimonii mitto. Illud ei ad laudem satis est, quod, tua commendatione ornatus, petat postuletque honores, quos humanitatis et sapientiae studia merentur. Felix fortunatusque est iuuenis, qui togati Herois expectationem sustinet, et de sobole, illustri loco nata, meretur in dies, atque in una adeo familia totam omnino patriam sibi deuincit. Nam omnium vota et chari-
tates

tates Gerſdorſſiae et Friſſiae neceſſitudines complectuntur. Cum in Batauis eſſem, Clariffimi Lugdunenſis et Traiectinae vrbis viri, audito Henrici et Caroli, Diuinorum fratrum, nomine, capita ſua, reuerentiae cauſa, aperiebant, in quibus, velut columnis, litteraria res innixa ſtetiſſet. Non mentior, ſed ingenuus teſtis loquor et ſcribo, quae praefens vidi et audiui. Per horum veſtigia incedit dudum Illuſtriſſimus coniuſ tuus, et parem ſibi laudem vindicat, noſtrisque votis ac precibus reſpondet, ac dignus eſt, vt viuere nunquam deſinat inter mortales, ſuaque gloria viuus in perpetuo tecum foedere arctiſſimo perfruatur. Hoc optat, ſperat, precatur cliens. Viſtembergae, Cal. Octobr. A. clō lōCXXCVII.

P. S. Ex Batauiā frater meus raros curioſosque libros afferet, qui ſimul atque redierit, copiamque fecerit, curabo aliquod exſpectatione dignum monumentum. Quos ego attuli, maiorem partem Graeci et manu exarati ſunt, a Scaligero, Heinfio, Vulcanio, et clariffimis viris ſubnotati.

CCCXLVII.

CONSVLI OSNABRVGENSI.

CUm ſuperiori anno tenderem ad Batauos, conſtitutum mihi erat apud vos in viſere, et petere alloquium, et officio, quod tran-

transeuntes exhibent, perfungi. Maxime ideo, quod vestrae vrbi, sapientia litterisque florenti, bene cupio, et in parte gaudii pono, si intelligam, res vestras eo esse loco, vt ex animi sententia ire videantur. Sed cursor publicus, vt importunum est id hominum genus, retineri non poterat, vt commorandi spatium mihi daret. Testandae obseruantiae ratio dilata, et in aliud tempus reiecta est occasio salutandi. Audeo nihilo minus alloqui per epistolam, et intercedere pro amico, vita, moribus studiisque, mihi cognito, qui abs te, et prudentissimo senatu, prouinciam Rectoris Gymnasii vacuam reuerenter et obnixepetit. Versatus est probe in linguis, et modestia, sobrietate ac diligentia, nemini concedit aequalium suorum. Est is Gerardus Meyerus, Hamburgensis liberalium ingenuarumque artium magister, Vir perquam doctus, et editis doctrinae disputationumque exemplis, clarus. Spondeo pro eo confidente animo, nec magis hominem, quam eruditionem atque probitatem, amo. Ego vero, audaciam hanc vitio mihi dari, nolim, quam et obseruantia, et veritas, mihi expressit. Deus te seruet. Vitembergae prid Nonas Octobr. A. clb l^o CXXCVII.

CCCXLVIII.

HENRICO LEONARDO SCHVRZ-
FLEISCHIO,*Fratri.*

SVpplementum pecuniae, quod flagitas, Scurapi, iamque tempus et rationes domesticæ admonent, vt quam citissime redeas, et taedia molestiasque hiemis anteueras: si tamen ante Parisios visere cupias, per me licebit facias, et iter ex animi sententia tandem absolvas. Sin autem per Hassiam redeas, Haxthusium salutabis, ad quem scripsi, et Burcardum enixe commendavi. Libros, quos, abs te emptos, gloriaris, videre cupio, sed aurei numi iacturam vehementer doleo, non tam ob materiae praestantiam, quam ob antiquitatem. Fero, quod prospicere non potui, qui tuis litteris, quæ redemptum nunciabant, omnino habui fidem. Ioanni Culemburgio duo numi unciales, me iudice, sufficiunt pro labore. Liberalitas tua claudenda, aut in aliud tempus differenda est, dum modo coetui sacro pro me exposueris, quos promisi, numos. Volo, vt de Origenis Commentario in Iobum labore non magno dispicias, et, an haberi possit, perquiras. Mentitur, enim auctorem et sola raritate aestimatur. Thesaurum Stephani forte
alibi

alibi reperiamus. Etiam de nouis Liuii supplementis videas, quae in Gallia edita esse, affertur. Caroli a S. Paulo Geographia Sacra, et Petri Puteani opera, cum se occasio dabit, comparanda sunt, ex illa Spanhemius, ex his Obrechtus, sapit. Bedae editio nouissima, cum notis, alio commodiori tempore haberi potest. Dartis Ius Canonicum, et Andreae du Chesne opera, dudum a me desiderantur, sed nemo hic suppeditat, nisi, quod Bielkius affirmauit, apud Batauos extare, quod expertus sum Hagae Comitum, in bibliopolio aulae Principis vicino. Aldini Rhetores, A. cl. 1588. editi, Aristaeneti epistolae, Porphyrius Holstenii, Angeli Caninii Hellenismus, Mekerchus de recta pronuntiatione Graecae Linguae, Ennii fragmenta, Henrici Stephani, Simeonis Bosii, Leonis Malae spinae et aliorum, animaduersiones atque castigationes et annotationes, in Epistolas Ciceronis, et cetera eius opera, saluam mihi mouent, summo quodam habendi desiderio, quod verbis exprimere non possum. Interpretes Graeci in Aristotelem, Castellii Variarum Lectionum, Berterii *παραφρασεις* Diatriba, et Gallorum Italorumque opuscula, ad Iuris prudentiam Criticam pertinentia, quem non inuitent et accendant? Hos possidet Noodtius vester, et Graec.

Graevius Traiecti, qui, cum subsidiis abundant, magni fiunt, et merito celebrantur. Binius et Labbei Concilia in antiquitate *Ecclésiastica* vtramque faciunt paginam, sed quotus quisque sibi vindicat illa? Quenstedius priora Zieglero vendidit, iam riuulos confectatur, et Casalium, Suicerum, Montacutium versat. De Vicecomite, quem expilauit Casalius, videas, diligenterque explores. Cyrillum Hierosolymitanum et Cyrillum Alexandrinum, Isidorum Pelusiotam, Nazianzenum, Gregorium Nyssenum, Ephremum Syrum et Oecumenium inutili et vano labore hic quaeramus. Dadini res Aquitanicas et de Comitibus provinciae, Lurbei Chronicon Burdegalense, Altafferrae et aliorum praeclara ingenii monimenta, multi ne viderunt quidem. Boxhornii Theatrum Hollandiae, Schreuelii Harlemum, Alex. Donati Roma vetus et noua, Nardinus, Bosius, Aringhus, vel solo nomine desiderium excitant. Omnia Meursii et Henrici Canisii opera, vbi simul hodie inueniantur, ignoro. Bruschii de *Episcopatus*, Chiffletii Vefontium, Budaei tria volumina, et Gyraldi opera, Scriptores rerum Septentrionalium Lindembrogii, Antonii Augustini Numismata, tua forte industria eumentur, meam certe spem expectationemque fallunt. Dictionaria et Glos-

Glossaria Antonii Nebriffensis, Roberti Constantini, obuia et vsitata Belgis passim, hic ignorantur fere, et Critici tamen esse volunt. Opuscula Bulengeri, Dresdae in pretio sunt, et a plerisque aestimantur. Langlæi Semestria, et Leopardi quaedam, solite quaerit Iacobaeus. Lambecii Prodrumum et Teschenmacheri Annales Cliuiae, vt accipias, vide. Libros illos nouos, de rebus Sinensibus et antiquitatibus Hollandicis, non refugio, si rationes tuae ferant. Vale, et Professores vestros, Graeuumque, saluta, litterasque, ab te reduce et me simul mittendas, sponde. Vitembergae Saxo-
num, Cal. Nouembr. A. clc lccXXACVII.

CCCXLIX.

EIDEM.

NON equidem reprehendo tuam in libris conquirendis industriam, sed volo iubeoque vt modum statuas, Germaniamque repetas, et insequenti anno, si fortuna benignior affulgeat, denuo Batauos inuisas, solertiamque tuam mihi probes. Neque id non monent rationes studiorum, ne ab instituto cursu prorsus alio rapiaris. Quid agamus et moliamur, spectant atque obseruant inimici nostri, miraturi, si facultates tantas, librorum causa, profundamus. Multa fert tempus, et incepta fortunat, ne-

N n

que

que vno statim anno perfici potest consilium, quod ratione magis, quam impetu, maturatur. Non, quae volumus, sed, quae possumus, accipiamus, et Dei opem providentiamque compositi exspectemus, quae nostros conatus non destituet, tuosque egregios labores iuvabit et prouehet ad exitum bonum atque optatum. Tantum opus est moderatione et patientia, cuius fructus saepe ad non opinantes redundat. De meis rebus ne angare, prouideo, quoad possum. Sciscitantur, quid agam, sed nihil experiuntur. Masio resistere non potui, cuius consilium fouebant Lipsiensis et Pommereschius, Syndicus Lubecensis. Quod cum praesentirem facile, consulto factum est, ut prae me ferrem, non peti abs te beneficium, non, quod ita sentirem ex animo, sed, quia intelligebam machinationes inuidorum hominum, qui fundamentum petitioni Masianae praestruxerant dudum. Non nullos male habet fortuna tua, et rebus tuis inuident, ac meam in te beneuolentiam et fidem prorsus admirantur. Vide, ut perquiras Galliam Christianam Fratrum Sammarthanorum, et Pabebrochii Fastos Sanctorum, in primis Miraei Bibliothecam Ecclesiasticam, ex qua Cointe, vir summus, didicisse se, fatetur. Tu vero genus scribendi vitae ciuili accommodatum sectare, et diligenter

liger excole, quod perpauca nostra memoria solent, vix vnus condigne potest. Vitembergae, IV. Idus Nouembr. A. 1610
CXXCVII.

CCCL.

E I D E M.

FAc, quam primum reuifas Germaniam, et, comparata librorum fupellectile, in Saxoniam redeas, mercibusque expositis, fructum operae non inanem fperes. Hic fimulatque repetieris fuperiora doctrinae ftudia, fundamentumque ieceris folidum, edito fpecimine, difcedes Francofordiam, et, Strykii ductu, ornamentis in Saxonia Batauiaque partis, cumulum addes. Nec tamen prohibeo, quin Saxoniam tranfeas antiquam, et, quod ad concinnandum opus refat, conquiras et afferues. Quod fi nullo tamen refponfo te, dignentur, filentio transmittes omnia, et iter alio vertes, vt inter nos et colloqui, et de infantibus confituere, poffimus. Mater benigniffima de ftudiis tuis non fine gaudii fenfu fcribit, fpemque bonam concipit, et impenfe fibi gratulatur, nec dubitat, fi quid ipfi humanitus contingat, nos concordet fore. Nihil hic, opinor, fubuerendum eft, quando meam hereditatis partem tibi donauit et cef-
fi, hancque mentem non mutare ftatui, con-

filio maturo pariter, et firmo. Librorum
 indicem perlegi, nec reculare emere po-
 rosque, si temporum fortuna sineret, et
 tiones tuae ad abitum comparatae. Tan-
 tum volo, vt Artemidori Onirocritica, Eu-
 bus egeo, Chronicon item Alexandri
 Raderi, Purchasii opera, in Batanum, vi-
 to, sermonem versa, Conringio non re-
 rata, cum in Batavia viueret, locupletis
 librorum notitiam sibi pararet, Simplicii
 Concilia Galliae, Scotiam Italianque
 stratam, Chesnii opera, Theophrasti
 tions Petauianae, Aristophanem, Vnde
 Diodorum Siculum Stephani, Casauboni
 lingua Saxonica antiqua, circumspici
 aequa conditione emas. Quaedam
 fostoni Homiliae, separarim Luteranorum
 fionum editae cum notis, magno me de-
 rio afficiunt, ex quibus Graecus non
 egregia desumpit, Atticumque genus
 ciano perapte et opportune illu-
 Museum VVormii apud Schellhammer
 Hagae Comitum extat, liber certe per-
 et curiosus. Ad Magliabechium scripsit
 fasciculum submisi, an acceperit, cuius
 quem fidei bibliopolae commisi. Vnde
 Norimbergensis liber, manu exaratus
 triangulis Sphaericis, non est, quo
 eulgatus. Aristotelis Mechanica, ge-
 notationibus, a Vinerio petat, et

dum prenso, tu licitaberis, pecuniamque expones. De Geneuensi studio gratum est, quod nuncias. Murfa capta, Posega iugum subiit, Agria dedita est, Alba regalis fortunam suam exspectat. Quod reliquum est, feliciter ad nos reuertere, et, priusquam abeas, omnes viros clarissimos multum diligenterque meo nomine saluta. Vitembergae, prid. Cal. Dec. A. clo b CXXCVII.

CCCLI.

E I D E M.

QUod semel iterumque scripsi, vt quanta possis celeritate redeas, id tertium volo, serioque hortor, vt, confectis rationibus viae te des, moramque praecidas. Libros codicesque conquisiuisti diligenter, et comparasti enixe, quod laude dignum est, meumque in te studium auget, amoremque confirmat. Sed modus, vt prudentia admonet, tenendus est, ne emendo nimis, vires nostras exhauriamus. Caesaris successus secundi et prorsus admirabiles sunt. Ungari, etsi paullum tricati sunt, tamen Caesari armato, Turcarumque victori, regnum, lege hereditaria pro maribus feminisque descendentibus, adscito in iuris partem Rege Hispaniae, nec Lotharingorum Du excluso, concesserunt. Hoc est, quod

Nn 3

laecu.

saeculo inde quaesivit, et tandem obtinuit, Austria, magnum terrae spatium complexa domus. Iosephus, natu maior Caesaris filius, regni Candidatus, nec minus Pater eius, Latina oratione Vngaros allocuti sunt, obstupefactis, qui adessent, et in admiratione loquentium Principum defixis. Sane eruditissimus omnium Europae Principum est Augustus noster. Catalogum Oiselianum non vidi, vbi haereat, ignoro. Tu laborabis, vt quam primum afferatur. Chesnii Scriptores Francorum, et Lindenbrogii Scriptores Septentrionales, in primis abs te curari, oportuit, quos Conringius et Boeclerus habuerunt, et hic inter praecipuos bibliothecae suae historicae numeravit. Sed, quia tot tantisque impensis vix sufficiunt res meae, hoc instituto superse-
deas, et in aliud tempus reiicias, velim. Credo alioquin, eos ne in Saxonia quidem nostrate reperiri, quos solícite inuestigant Lipsienses aequae, ac Ienenses. Isidorus Pelsiota hic XIV venit numis. Oecumenio carere possum. Magliabechius ad me scripsit de secta Molinae, et mihi bene cupit. Vellem, te, studio Iuris perfunctum, ipsi praesto in Italia esse. Non dubito, quin data occasione, bene de te promereatur. Vale. Vitembergae, pridie Nonas Decembr. A. d. bCXXCVII.

CCCLII.

EIDEM.

Sisyphius ille tuus conatus, et consilium, prorsus inane est, quum te tali struenda bibliotheca cogitas, cuius similem nemo priuatus in Germania habet, aut facile non sit deinde habiturus. Sed, nisi tibi Suffenus es, non recusabis, admoneri, et, subducta ratione, aliter statues, sententiamque tuam mutabis. Vnus Italiae angulus plures possidet codices scriptos, quam vniuersum, cuius litterarias opes iactas, Belgium vestrum. Michaelëm Ephesium Graece vbi reperias? Dic, quaeso, vbi nancisciqueas Plotinum, Steuchumque Eugubinum, in quo tantopere sibi quidam hic placet? Commentatores Graecos in Aristotelem, Thomam Magistrum, ne vidisti quidem. Scriptores Duchesniani non integri perfectique extant in bibliotheca Oiseliã. Petri Puteani opera, vix audias, venum exponi. De Gallia Christiana Fratrum Samarthanorum altum apud vos silentium est. Launoii Epistolae iam dudum irritò labore abs te quaeruntur. Eusebius de Praeparatione et Demonstratione Evangelica, editionis Vigeri, nondum abs te conspectus, nedum repertus est. Graecae Constitutiones Nouellae Iustiniani, quas

separatim editas desidero, nunquam tibi visae, nedum emptae sunt. Galeni et Hippocratis opera simul edita Parisiis, fugiunt tuam scientiam, nec subeunt oculos librariorum. Procopii opera vniuersa Graeco Latina a Gallis emissa, an videris, dubito valde, et, nisi aperto indicio fidem facias, vidisse te affirmanti non credo. Plato Serani, de quo scripsisti, non hic perrarus est, etsi eum mihi fortuna hucusque inuidit. Quoties abs te postulauit et petii, ut copiam mihi faceres scriptorum Septentrionalium Lindenbrogii, sed, spe frustratum me, sentio, et Hylas; Hylas, abs te occini, audio. Boetium, Nicium, Boxhornium, ingeminas, et tantum non his nominibus me obtundis. Dartis empti fama huc permanuit, ita omnis tuus sermo de Darte est, ut breui omnes Magistri Dartem empturi videantur. Tollius, vir clarissimus, Florentiae commoratur, et codices perquirat, quem credo in vicinia vestra mansurum fuisse, si apud Belgas reperisset, quae in Italia reperturum se, sperat, planeque confidit. Mazarinus in Italia, non in Belgio, libros codicesque emendos curauit. Gudius, Cimber, Tolosae, et alibi in Gallia atque Italia, Graeuus Coloniae Vbiorum plura nactus est, quam in Belgio, ubi tot emptores, quod homines, sunt: multo paucio-

ciores Italia habet librorum et litterarum admiratores. Haec recogita et reditum festina. Fons exarescet tandem, nisi tantundem recipiat, quantum exhauritur. Serrae in fundo parsimonia est, quod tempestive reputes, velim, modumque teneas emendi. Oisellii Bibliotheca longe est infra Heinisianam et Goesianam, si libros manu exaratos expendo, illic perpauci sunt, nec his pretio et dignitate aequandi. Arbitror, centum, vel ducentis numis, si licitari velim, potissimos eius bibliothecae libros, quibus ego quidem indigeo, ad me peruenturos. Merceri Forneri, Alberici et Scipionis Gentilium, Contii, Caroli Malinaei, Langlaei, opuscula emere cupio, quippe quae erudita sunt, et variae doctrinae copiam praebent. Vossii Historia Philosophica, Ennii Fragmenta, Gaudentii et Filescacci scripta, Gatakeri Antoninum, Raderi Chronicon Alexandrinum, Concilium A. M. CCCCXXXIX. Florentiae habitum. et in Anglia editum, ac Hagae Comitum recusum, Descriptionem Concilii Nicaeni, vel auctiones tibi crebrae offerent, vel officinae librariae suppeditabunt. Quotusquisque est, qui Victorii Sirti historiam legit? Laeti historia hic in omnium manibus est. Vulgares, nec admodum raros libros, frustra sis, si adferen-

dos putes. Quae abs te fieri , velim , ex Clisii epistola intelliges satis, et sine mora te viae dabis. Vitembergae Idib. Decembr. A. clb l^o CXXCVII.

CCCLIII.

EIDEM.

Multa in te ornamenta sunt, quae usu et diligentia auges magis et excitas, magnamque mihi laudis parandae et amplificandae spem facis. Haud exiguam vero curam sustineo, quod nihil dum litterariae supellectilis, de qua tam praeclare promittis et scribis, ad me est curatum. Illud me inter incerta erigit quodammodo et sustentat, quod, alieno anni tempore , viae perquam difficiles et lubricae impediunt remorenturur aurigas. Nisi haec feri aduentus causa sit, operam perdidideris tuam, ego sumptus frustra fecerim omnes. Digna haec esset audaci consilio poena, si quid fecus accideret, quam cogitasti. Sed bene spero, et foedum ineuntis anni omen detestor, venerorque Deum Immortalem, omnibus tuis honestis conatibus adsit et annuat, teque custodia sua defendat, ac laeta feliciaque tuis praecipue studiis benigne largiatur. Ex te mea et familiae nostrae spes pendet , matris quoque praesidium unicum, cuius retinendae cura tibi vel maxime

xime incumbit. De mea fide et auxilio, quoad fieri potest, non dubitabis. Tantum pie et prudenter res tuas age, modumque emptionis habe. Nam in hoc negotio praeferuidus es, et ruis in officinas perinde, ac si currenti quisquam calcar addidisset. Quem ardorem impetumque rationes domesticae non ferunt, quando occasiones interdum occupandae, si periculum in mora est, aliquando expectandae, sunt, si minor est licitantium numerus aemulatioque. De Suiberto, praefule, falleris, quippe qui, sacris Ferdensium apud Vestphalos praefectus, sedem amplissimi sacerdotii iuxta Alleram, quae Visurgi iungitur, habuit, non apud Rhenum, quae tua coniectura est, consedit. Ratio tua longius petita est, quandoquidem Visurgis lintrium et nauigiorum patiens est, atque ex Oceano in Visurgim, et hinc in Alleram, commeare licet expeditumque est satis. Te iudice aut arbitro nihil hic recte constitutam, quoniam te ratio interpretandi comoda fugit. Ignosce libertati, quam veritas mihi exprimit, ut reducam te in viam a qua logius aberrasti. Oppidum, de quo scribis, nullum habuit Antistitem, quod te praeterire non potuit, si Fastos Antistitem, cum scriberes paulo diligentius euoluisses. Vicissim ex te scire cupio, quo tempore Frisia,

Frisia, quae Hollandiae, qua Septentrionem spectat, iuncta erat, abrupta, et mari diuisa atque disiuncta fuerit, quod si non doceas, vt par est, accurate, poeniteat te, vixisse inter Batauos, originum suarum non ignaros. Sed illud in primis te posco, quid Cicero-*ni territorium* sit, quaeue notione capiatur. Nam Romani prouincias in territoria descriptas non habuerunt. Verba Cicero-*nis* extant in Philippica II. Venit hic quoque in mentem Alpheni, qui affirmat, medicum Libertum, si liberti sui medicinam non facerent, plures imperantes sibi habiturum, vt legere tibi licet sexta et vicesima lege in Pandectis, titulo, qui proditus est de Operis Libertorum. Cuius notae sint hi imperantes, ediscere mihi, si potes. Ego ex Tacito exponere consueui, locus, an tibi succurrat, ignoro. Quare, humaniorem Iuris prudentiam cordi esse tibi, volo, et, quae legum rationes causasque ex philosophia et recta ratione depromit. Vtraque vulgo neglecta est, et eo magis cura laboreque tuo digna. In publicis lux Historia est, cuius opes copiasque, licet, apud me inuenias, si libet. Auctor tibi sum, circumspectas, an apud vos extent, et haberi possint, Charondae Verisimilia, Antonii Goueani Variarum Lectiones, Freymonii crepundia, Guil. Ranchini Variarum Lectionum.

ctiones, Petri Perrenonii Animaduersiones, Scipionis Gentilis Opuscula de Iurisdictione, Fornerii Selectiones, Longouallii Commentationes, Canisii et Duchesnii opera, quae me tenent desiderio et torquent. Thomas Magister diu spem deludit. Si in antiquam Saxoniam venias, fac accipias Epistolas Lipsii nondum editas, quas datum se, recepit Rauchbarius, excutias ubique pluteos, Solderi et Funcii, quorum alter habet libros plerosque selectos et bonos, alter non paucos furtim surripuit nobis, quos, data occasione, repetas et serues. Themistii editionem castigatissimam, in forma ordinis maioris quaesui dudum, nec facile, credidi, apud vos reperiri, cuius si copia tibi sit, velim sine mora emas, mihi que transmittas. Vale, et caute circumspecteque res tuas age. Vitembergae, A. clbCXXCVII.

CCCLIV.

NICOLAO L. B. A. GERSDORF.

SAncta mihi est recordatio Calendarum, quae praeterierunt, Ianuariarum, quippe quae me admonent, ut votis publice factis cumulum addam, optemque a Deo Immortali, et, quanta possum, animi pietate contendam, ut Numine suo, cuius nutu reguntur omnia, caput fortunaeque tuas praesidio

dio et ope sua defendat, arduaue committat
 fortunet, **et** bene semper patriae euenire
 patriatur. **Tempora** difficilia pariter, **et**
dubia, res **passim** miserae afflictaeque, sunt
 quae abs te idoneum et sufficiens remedi-
 um, quod alibi destinant quidem, sed non
 reperiunt, fiducia bonitatis tuae expectant
 non opinione sua et spe concepta frustran-
 tur. Indulget hoc tibi rerum Parens et Moder-
 ator aeternus, ut corpore animoque vestra
 magna cum admiratione omnium, qui te
 ras occupationesque tuas multo grauius
 atque in primis arduas, circumspiciunt
 attoniti vident aestimantque maximos
 plane incredibiles pro salute publicae labo-
 res. Quae gloria tibi relicta est, ut seruetur
 et posteritas, nihil abs te suscipere
 inchoari, quin perficias recte, et optato
 lumen addas, fastigiumque imponas. Quis
 vero Deus sinat, ut haec tua, meritisque
 digna, felicitas vnquam haesitet, remota
 rumque iniuria minuatur. Hoc eius
 sumus, hoc clientes precamur, hoc repeti-
 mus, hoc publico consensu poscimus
 et poscendo mistamus, ut coelesti pietate
 cultum te diutissime habeamus, laetent
 oculos et animos ad cultum veneramus
 que tuam aduertamus, dominique tui
 rentem et firmam, Coniugem videremus
 saluam, heredes validos, atque ad patriam

maternamque laudem erectos, aspiciamus, aspectuque hoc, tanquam gaudii nostri parte, fruamur, et fruendo intelligamus, vnum Musis praesidium decusque esse nomen tuum, in quo respublica innixa est fulcrumque habet, quod patria amat, colit, admiratur. Vitembergae Saxonum, ipso die Epiphan. A. clō lōCXXCVIII.

CCCLV.

HENRICO LEONARDO SCHVRZ-
FLEISCHIO,

Fratri.

Libros, quos Amstelodamo Lipsiam curasti, sine vitio integrosque accepi, quamvis minori numero, ac speraram, nec omnes perinde selectos, atque cupiebam. Nihil tamen de industria tua detraho, propterea, quod licitantium strepitus saepe oculos animumque perturbat, ut, quid eligat, nesciat, turbae clamore impeditus. Inter omnes optabam Dufresnii Historiam Francorum, Lindenbrogii Scriptores Septentrionales, Michaellem Ephesium, Thomam Magistrum, sed spe cecidi, nec fortuna mihi arrisit. Roberti Stephani N. T. Codicem, maiori forma editum, ignorasti, et Henrici Stephani Thesaurum, Rhetoresque Graccos Aldinos, omnino praetermisti, in quibus plus, ac in aliis omnibus, mi-

bi

hincum erat. Themistium liberalius quam
verius, promisti. In Espenceaeo Zigleni
 sibi placet, et plaudit. Opuscula Eriacii
 apud Viuierum, de quibus submonui, ex-
 cidisse memoria nullus dubito. Hallesis
 qui **Vitas Orientalium** Scriptorum multo
studio conscripsit et edidit, hic passim
 tus, hominibus etiam proletariis tunc
 titiam tuam fugit. Launoii epistolas
 labore perquisis, Hammondi plerique
 Historiam sacram, et hierarchiam pen-
 tia, eaque in vulgus nota, et nostris fa-
 rissima, ubi apud vos delitescunt? Ali-
 eijsmodi, de occasione, origine et progre-
 su, hierarchiae Anglicanae, suggeret et
 monebit Theologus multo doctior
 Spanhemius, qui ab ipso Opuscula su-
 misit. Patres, in primis eruditi, Nicae-
 zenus, Nyssenus, atque non postremus
 interpretum, Oecumenius, et plures, qui
 expectantur. Vitembergae Saxoniae
 Febr. A. cl. **CXXCVIII.**

CCCLVI.

ASARELI MEDERO,

Transylvano.

SALUUM te esse, vehementer gaudeo.
 Manopere cupio, vt. inter has tem-
 porum vicissitudines, diutissime florescas
 rerum consilique de patria bene merearis.

Non dubito, et prorsus opto, nouas Vngariae conuersiones vobis esse prosperas, et libertatem pariter, ac sacra, nihil capere detrimenti. Litteras tuas laeto libentique animo perlegi, maxime ob confectas itinerum molestias, quae decus tibi afferunt maximum, fructusque cumulatissimos reddunt. Turcae nihilo meliora auspicia sub Solymanno habent, atque sub Mahomete IV. experti sunt. Id quod rei Christianae expedit, et vobis etiam, vt spero, conducit. Vale, et veteri amico beneuolentiam serua et confirma. Vitembergae, Prid. Non. Febr. A. clō lōCXXCVIII.

CCCLVII.

FRONIO.

Transyluano.

SAepe recordor iucundissimae studiorum consuetudinis, qua inter nos coniuncti, vulgus, in studia iniquum, adspersati sumus. Nihil fraudi sit nobis, quod ignari homines, furentium similes, debachentur in litteras, quas ipsi non intelligunt, et odio potius, quam merito nostro, commouentur. Infra iram tuam est censura hominis absurdi et impotentis, qui in lingua, non in animo, praesidium habet, tantoque est audacior, quanto imperitior iudicatur. Erigit te conscientia recte factorum, et contra saeculi

O o

culi

culi inuidiam firmat, propterea, quod hic mihi, et omnibus bonis, qui de virtute recte existimant, cumulate satisfecisti. De numis, quas possum, ago habeoque gratias, et, si qua in re possum, studia officiaque mea promptissime offero conlécroque. Vale et honori meo faue. Vitembergae, Non. Febr. A. d. c. l. CXXCVIII.

CCCLIIX.

SEBAST. HENR. TRESCHIO,

I. V. D. Magdeb.

EX superiori tuo colloquio, et consuetudine multo iucundissima, mihi et prope incredibilem cepi voluptatem. Quo magis te videre et amplecti cupio, si hoc assequi non possum, libenter committam omnia, quae ad dignitatem tuam quocumque modo spectant. Magistrum eruditionis sobolis, ut potui, diligentissime quaesivi, quae imperata prompte ac libenter fecerit, intelligas, omnia, quae fieri velis, curae meae et cordique fore. Professus est inter cetera nomen Carolus Guilelmus Calbius, Palae sedinensis Pomeranus, homo probus, solers et doctus, qui, honesta mercede se conducere, patietur, venturus ad capellendum hoc munus, quando mandata tua poterint. Quem eo magis commendandum duxi, quod biennium hic exegit, et aliquando

post priuatim docendi partes suscepit, ac pietatem diligentiamque omnibus probauit. Hunc, quaeso, admittas, et, qualis sit, venientem explores, quem ego idoneum existimo, et credo, in hac industriae laude perseveraturum. Quod reliquum est, opto, vt consilium hoc tibi et soboli tuae bene vertat, commodisque expediat, curasque tuas soletur. Nam decus parentum in moratis liberis situm est, quod volo tibi esse perpetuum, et cum gaudio ac dignitate tua semper coniunctum. Ita te Deus propitius seruet, et familiae tuae omnia prospera ac salutaria largiatur. Vitembergae Non. Mart. A. clb CXXCVIII.

CCCLIX.

HENRICO LEONARDO SCHVRZ-
FLEISCHIO,

Fratri.

DE felici tuo in Germaniam reditu sic afficior, vt prosperitatem hanc velim tibi esse perpetuam, quae mihi periucunda est, et singulare gaudium affert. Nullam alienati animi suspensionem habet, quod scripsi, neque fidem et industriam tuam in dubium vocaui, sed omnino desiderauim in te moderationem, quam adhibere atque citius in Germaniam reuerti debuisses. Nam, quae mea fuit sententia, superiore anno

O o 2

redi-

redire te oportuit, vt sub initium mensis Maii iter reflecteres Groningam. Sed, facta iam infecta reddi non possunt. Pufendorfius, Berolinum accitus, et mercede ad scribendam historiam conductus, atque inter sanctiores consiliarios est relatus. Saxo, visendae Bataviae causa, viae se dedit, natus minor filius Galliam Italiamque obit, Heres dignitatis versus Italiam iter parat. Anglus, vt ego quidem iudico, nihil ausurus est contra Batauos, quibus Hildebrandus, in epistola ad Zieglerum scripta, exitium praeſagiuit, haud aptus augur et verus, quando quidem Regis illius rationes ita comparatae sunt, vt, regno nondum ad nutum formato, bellum non ferant. Polonia contrariis trahitur studiis: Caesari expedit bellum continuari, vt per illam gentem Tartari distineantur. Pontifex sibi in iure suo constat, ne latum quidem pilum Regi Franciae cessurus. Nititur, vt mea opinio est, Regis Angliae praesidio, cuius cum eo consilia arctissime sunt coniuncta. Rident in sinu Hispani, et auctores litium molestiarumque perhibentur. Vir doctus, Epistolam scripsit de ea controuersia, sed non satis rem intellexit, et ineptas a Francorum Regibus, olim de se benemeritis, rationes contra sedem Romanam adduxit. Iure gentium, et argumentis grauissimis se tuetur Pontifex

fex, et, ratione firmus, non timet vim, sce-
 risque asylum submouet confidenter. Vnus
 Romae Princeps, vna Principis iurisdictio,
 quae in vno capite insistit, atque insociabi-
 lis est, quam si Legati nomine Regum sibi
 vindicare coeperint, regna pariter, et re-
 gnandi iura, confundentur. Ne Caesar qui-
 dem, summus vrbis Dominus, Pontificem
 impedire potest, quin iurisditione sua vta-
 tur, quam, donatione Imperatorum, pleno
 summoque et non repetendo in urbem iu-
 re praedictorum, accepit, multorumque pos-
 sessione saeculorum retinuit atque confir-
 mauit. Nihil habent, quod sibi arrogant
 Franci, qui nihil in urbem iuris habent, quo
 octo abhinc saeculis exciderunt. Quod reli-
 quum est, res tuas feliciter age, et vale. Vi-
 tembergae Saxonum, VII. Id. Mart. A. clo la.
 CXXCVIII.

CCCLX.

IOANNI GEORGIO ORTHIO,

Patricio Francofurt.

REs tuas esse prosperas, valde gaudeo,
 et volo, vt credas, me et seruire hono-
 ri tuo, et studere commodis, si possim. De
 postulato tuo, si rationes liquido confectae
 fuerint, non dubitabis, me curaturum, vt
 tibi honesta ratione satisfiat. Tantum mi-
 nas omitte, quae amicitiam dissoluunt ac

Oo 3

tol-

tollunt, nec inclinant, sed irritant magis. Tres et triginta numos ex promisso liberali petere tibi licet, amplius poscere, non est integrum. Dabo tamen amicitiae nostrae, ut vel tandem nonaginta tibi persoluantur. Si neque sic acquiescas, per te stabit, mihi, superiore pactione freto, nihil erit metuumdum, Adnumerarem plures, si conditio mea ferret, ut largius exponerem numos. Iter in Batauiam, et munus Decani, quod vocant, proxime susceptum, nimis care mihi constant. Si paullo ad me ipsum redierim, spatiumque colligendi habuerim, plura potioraque officia apud te collocabo. Schedas frater meus conquirit, quae hinc inde dispersae iacent, nec mihi vacat solutas colligere, et describendas curare. Vale. Vitembergae VI. Id. Mart. A. clō lā CXXCVIII.

CCCLXI.

GVIL. ERNESTO TENZELIO.

INstitutum laudis plenum est, quod nuncias, nec dubito, quin ex animi sententia succedat, si simile studium operamque focii conferant, et patrociniū magni praepotentisque cuiusdam Principis nitantur. In capite, quod sodalitati eruditae praesidium decusque afferat, omnia sita sunt, Praeses in magna florentique vrbe constituatur, qui
tan-

to sit par muneri, rationesque sapienter conficiat, et cum laude ac dignitate Collegii res moderetur. Si praesto sit patronus, si praeses aptus et dexter, qui omnia distribuat sapienter, et ordinet, nemo ambigat, quin digne tandem Germania illustretur a ciuibus, quibus haec ratio officii omnino constare debet. Non abnuo nomen dare collegio, aut fratri meo vicariam delegare operam, qui, me annitente, edet aliquid huius argumenti, et simul, atque ex Batavis redierit, vobis submittet. Opusculum tuum, purpuratis probari gaudeo, et magnopere opto, ut labores tui permulti atque egregii fortunentur, et quae virtus tua poscit, praemiis ornentur. Vale, Vitembergae Saxonum V. Id. Mart. A. cl. l. CXXCVIII.

P.S. Dissertatio pro Rege Galliae contra Pontificem scripta, ac deinde in sermonem Teutonicum conuersa, mihi non satisfacit, nec statum quaestionis recte definit, nec causas attingit, sed rationes ad suadendum comparatas adducit, neque has ad caput arcemque rei pertinentes. Ego in duobus argumentis elaboro, sed quae non edentur, in re causaque publica, de qua coram aliquando, sed haec tibi in aurem, salua viri fama, cui nihil detractum volo. Rudolphi a secretis salutetur.

CCCLXII.

ANTONIO MAGLIABECHIO,

Magni Etruriae Ducis Consiliario et Bibliothecae praefecto.

Ratio officii praeter ceteros tibi constare, debet, cuius et permulta in me extant merita, et dona etiam grata, mihi-que periucunda afferuntur. Quo nomine vicissim fidem meam libero, et animum declaro promptum, honorisque tui studiosum, ac beneficii memorem, atque in tua etiam veneratione defixum. In Belgio honori tuo libaui apud Graevium et Gronovium, clarissimos viros. Causam litis, inter Pontificem et Regem Galliae vertentis, non intelligunt nostrates, et perperam defendunt Regem, sed ego a partibus Pontificis stare malim, quam Regis. Tu doce et da, si quid habes selectum, aut tabulas mecum communica, quae me penitus erudiant atque informant. Superiore anno fasciculum misi, quem credo, recte curatum esse. Vale, et, quo soles, amore complecti me perge. Vitembergae apud Saxones, prid. Id. Martias, A. clō lōCXXCVIII.

CCCLXIII.

CCCLXIII.

RECENS CREATO MAGISTRO.

Nihil non honoris causa experiuntur mortales, nec dubitant perferre molestias, adeuntque pericula et sustinent, neque opinione sua falsi, vnicum hoc decus praeoniumque esse arbitrantur. Quos tu in optimo sapientiae certamine sequendos putas, nec ferro, sed ratione disceptas, ac quotidie doctior meliorque euadis, et nostram in primis societatem studiis atque indefesso labore ornas. In quo proposito insistis feliciter, et summe Reuerendi Sagittarii patrocini fretus, dignum te expectatione nostra praestas, honoresque suscipis dudum promeritos, quos Deus fortunet, neque vlla temporum labe foedari sinat. Festinanter Vitembergae Saxonum
III. Id. Mart. A. clb lCXXCVIII.

CCCLXIV.

D E C A N O.

Res tuae ex animi sententia confectae sunt, quas non ad questum, sed ad Ordinis dignitatem praeclare sapienterque retulisti. Industriam, dexteritatem, iudicium probo, quae cum in aliis saepe negotiis, tum in hoc maxime munere perspicere debent atque aestimari. Quare bene tibi

cupio, et gratulor tot ornamenta et laudes, quae non ab amore meo, quo tamen nemini concedo, sed omnino a tuis meritis profiscuntur. De meis in te studiis nihil dubita, et statue, me sequi auctoritatem tuam, et nihil in eo genere cuiquam reliqui facere, quod sciam prodesse tibi, commodoque fore. Vitembergae IV. Id. Mart. A. clb bCXXCVIII.

CCCLXV.

ERNESTO GOCKELIO,

IC *Vlmensi.*

Permultum tibi debeo, cum ob propensam in me voluntatem, tum ob egregia Iuris publici specimina, quibus me donas pariter, atque rem litterariam auges. Plenum est scribendi genus, quo vteris, nec implicas verbis ambiguis, quae explicare constituisti, id vero te decet, et arti iuris congruit, cuius tu luculentus es interpret. Nemo igitur hoc nomine iniuriam tibi faciat, quod perspicuam, simplicemque et nudam, scribendi rationem tenes, propriamque tibi vindicas, et doctrinae magis, quam delectationi, inferuis. Etenim tua ad rem publicam spectant, et ad usum vberiora sunt, ac rerum varietate in primis delectant. Qua in parte tibi et patriae gratulor, de qua tam bene mereris, ut nemo me.

melius possit. Ferme autem tibi succenseo, quod argumentum, de Legatis et Religione inscriptum, mihi subtraxeris, nec miseris simul cum aliis, fane pereruditis, opusculis tuis. Omnia enim libenter lego, animumque, aliis distractum, saepeque laboris pertaesum, erigo tuis et excito, quasque pasco. Ignosce vero libertati, et in illo laudis tuae curriculo perge, saeculumque monumentis ingenii perpulchris orna. Sueui, et sigillatim Vlmeneses, qui hic sunt, et studiorum causa commorantur, dignosce tua patriaeque expectatione praebent, quibus vel tua causa faueo, et, quantum in me est, cupio prodesse. Princeps EL. Brandenburgicus superiori hebdomade decessit, magnumque sui desiderium reliquit. Quid proxime ab Imperio, satisfactionis causa, postularit, te non fugit. Res Caesaris, pii et iusti Principis, prosperae sunt, quas Deus porro fortunet, et Belgradum, tot victoriis speratam metam, benigne addat. Gallus in sinu non ridet, sed dolet et angitur, sed invidet et moerore quasi contabescit. Consilium occupandae Cretae melior aura discutiet, quod Alastor quidam improbo adulationisque pleno carmine stimulavit. Angliae securitas pace retinetur, Bataui cum ea bellum, quam pacem, malunt: Galliam molitur potius, quam au-

audet. Deus te et nobilem familiam, cum illustri libertatis sede, Vlma vestra, regat diutissime et seruet. Vale. Vitembergae, Idib. Martiis, A. clb lbCXXCVIII.

CCCLXVI.

IOANNI GEORGIO GRAEVIO,

Traiectum.

Multa et eximia, quae in me extant, beneficicia tua saepe multumque aestimo, et, plurimum me tibi debere, fateor, ac libens agnosco. Vellem referendae gratiae occasio suppeteret, ut, cum animum, tum studia mea, tibi approbare possem. Sed non is sum, qui tuam expectationem sustineat, etsi hoc vehementer cupio, et de tua conditione, quam opto esse prosperam, aequae sollicitus sum, ac de mea. Brandenburgicum, qui tuo in primis honori fauebat, alieno reipublicae tempore, amisimus. Principem summae auctoritatis, et soli Caesari secundum. Pufendorfius in aula est, de quo non omnes eadem ratione existimant, nec dum lites confectae sunt, quae ipsi cum Seckendorffio intercedunt. Lipsiensis summis calculo doloribus affectus, quo se vertat, nescit. Vnus Francofurti ad Viadrum Strykius viget ac floret, quem ei successorem plerique destinant simul et optant. Tu vero bene agas, et diutissime su-

superfis, ac de re litteraria, vt soles, porro bene merearis. Gronouium, Rycquium, Spanhemium, Drelincurtium, Vitriarium salutari, peto, omnium maxime coniugem, filiumque indolis praeclarae, et animi ad gloriam erecti. Andream Christianum Eschenbachium, ciuem Noricum, tibi commendo, cuius mores et industriam, ac discendi cupiditatem probō. Vitembergae, Idib. Maiis, A. clō lōCXXCVIII.

CCCLXVII.

HENRICO MEIBOMIO,

Archiatro et Historico Guelferbytano.

Effusa tua bonitas est, qua me, nec opinantem, prosequeris, et magnum nominis Meibomiani monumentum vltro tribuis, et meae adeo bibliothecae infers. Scelus sit, obliuisci hoc beneficium, quo me affecisti indignum, sed laudis tuae omnino studiosissimum, sanctissimumque cultorem. Velim, me esse eum, qui paria referre possit, meritisque respondere summis, quae mihi quotidie, nec sine pudore meo, ante oculos versantur. Etsi autem nihil tale suppetit, quo tuae in me propensae voluntati satisfaciam, tamen, quod possum, studebo atque annitar probare omnem industriam, quae cum in officio et obseruantia sane, posita est, tum in primis ad honorem

rem cultumque tuum spectat. Venit in mentem recordari sermonum, apud Batauos habitorum, qui quanti te facerent, multis amplisque praeconiis identidem testatum fecerunt, inter hos praecipue Graeuus, ocellus noster, Gronouius iunior, paternae laudis aemulus, Rycquius, et, qui nemini in te amando concedit, Drelincurtius, qui te permultum diligit et colit. Libauimus honori tuo, et optauimus, vt tibi eueniat, quod Iamblichus quondam, optimo sapientissimoque viro, qui et decus ornamentumque erat terrarum orbis, et longissima etiam vita fruebatur. Quod perinde mecum cupit Zieglerus noster, Academiae vestrae pariter, atque tui, amantissimus, qui senectutis taedia fert grauiter, et lectione operis Meibomiani peropportune lenit ac temperat, et salute sua te impertitur. Ita vero Deus omnia nostra vota praestet, rataque esse iubeat, vt non magis Iuliam, quam rempublicam litterariam, meritis diutissime superstes et florens, ornare, fructusque tam vberis cumulataeque doctrinae nobis acque, ac posteris, largiri feliciter, queas. Hoc mihi semper cordi est, hoc inter vota summum maximumque erit. Vale. Vitembergae, III. Cal. Iunias. A. clb CXXCVIII.

CCCLXIIIX.

PHILIPPO REINHARDO VI-
TRIARIO,*IC. Lugdunum Batauorum.*

DVdum aestimo singularem illam comi-
tatem tuam, sermonibusque celeberrimis
familiaribus, recolere crebra et repetita
beneficia, quae apud me tam prompte, quam
liberaliter, collocare voluisti. Personant
vestrae laudes omnium ore Saxonum, Prin-
cipemque nostrum videndae Bataviae cu-
piditate traxerunt. Brandenburgicus o,
quantus Heros! decessit, quem finitimi
amarunt perinde, ac timuerunt, cuius ea fu-
it fortuna, ut nulla unquam obliuione dele-
ri possit. Repentinus Ludouici, filii, Caroli-
que Mecklenburgici, generi, obitus, ac mu-
lationes item et dissidia quaedam in aula
praeter spem exorta, Principem, Regibus
metuendum, affligerunt grauiter, ac per-
turbarunt. Fridericus, successor, Patrem
refert ingenii mansuetudine, et benignita-
te aequat, nec amore in litteratos ei con-
cedit. Iam tum nouo benignitatis exemplo
rigorem tribunalis beneficiarii, in quo for-
tunae et praedia Nobilium periclitabantur,
temperauit ac sustulit, ut intelligant, auspi-
cium regendi a clementia petendum. Diuus
Electo A. clo b CXXCVII. tractum Silesiae,
fini-

finibus Suibufii comprehensum, titulo Ducis Suibufiensis accepit. A. clō lōCXXC. Ducatus Magdeburgici hereditatem adiit, extincto sublatoque iure, quo antea continebatur. Insignem tractus, qui trans Viadrū patet, portionem adeptus est A. clō lōCLXXIX, pace in Fano Germani ad Leyam inita, qua errores, a suis in pactione Sedinensi A. clō lōCLIII. admissos, provide sapienterque correxit. Nuper admodum in Comitibus, tradi adiicque sibi in patrimonium, petiit, ac, satisfactionis causa, postulavit vrbes Imperii, Northusam. Mulhusam, et Tremoniam in VVestphalis, decies item millena millia aureorum nummum, quin et succedendi ius in Principatum Frisiae, versus orientem sitae, si quidem tota haec familia interitura esset. Quod grauitur tulerunt Saxo, qui patrimonium clientelare habet Northusae et Mulhusae, tum Guelfi, inter hos maxime Celenfis, Georgius Guilelmus, metu potentiae maioris, quam vicini aegre introspiciunt, et plerumque auersantur. Caesar in Pannonia Sauia belli sedem statuet, breuique toti regno, quod linitem eius muniat, imperabit. Ex hoc spes recuperandi Argentorati pendet, si, Danubio in potestatem redacto, securus sit a tergo, Rhenumque versus tendat. Expedit hoc Batavis,
Gal.

Galloque, ad Europae imperium nitenti, fatalem sane obicem ponit. Classès vestrae et exercitus gloriam vobis asserunt maximam, hostibusque iniiciunt terrorem. Ab Anglia, quae suarum rerum satagit, nihil timendum. Sacra artibus et astu petuntur. Vale. Vitembergae Saxonum, III. Calend. Iunias, festinanter. A. clò lCXXCVIII.

CCCLXIX.

ZACHARIAE ZVVANZIGIO,

Principi EL. Brandenb. a Secretis.

TVum in me studium, pro eo, ac par est, magnifacio, et maturum illud exquisitumque iudicium aestimo, laudisque plenum duco, omnesque rationes tuas, sapienter confectas, probo, quas ad honorem Principis referre te, scio, meritoque laetor. Decessit quidem Fridericus Guilelmus, Regibus par, aut, certe proximus, summae grauitatis fortitudinisque exemplum, decus saeculi, et Christianae reipublicae lumen, sed magnum illud acerbumque vulnus tempestiue sanat exoptatus successor et heres Fridericus III, sapientia et benignitate non inferior Patre Filius, qui reparatae temporum felicitatis significationem ipso imperii sui initio dedit. Sub quo decus praesidiumque tibi auguror,

Pp

quod

quod res fortunaſque tuas prouchat , nec minus cumulet, quam firmet honores tuos, fide ac virtute partos. De ſcriptore nouo perinde ſentio ac tu ſcripſiſti, plura additurus, ſi facultas alloquendi tui eſſet. Lipſienſis cetera doctus et diligens , ad eam, quae inter Gallum Pontificemque intercedit , controuerſiam, nihil nomine ſuo dignum, attulit, miratusque ſum rationes tam infirmas, et a cardine quaestionis plane aberrantes. Si intra ſuadendi fines ſe contineant, non reiiciam prorſus , ſin arcem cauſae caputque rei tangere debeant, nihil ſolidi praebent, et auctoris imperitiam teſtantur. Res controuerſiaſque gentium non callet, nec publici iuris momenta ſatis perſpecta habet , et modeſte ſe excuſat, quod diſſertationi repentinae ac tumultuariae materiam quaſiuiſſet. Ex Anglia ſiniſtra quaedam nunciantur. Rex iratior premit Antiſtites, qui auctoritatem et ſuffragio ipſum euexerunt. Septem, audacius Regem callocuti, detinentur in turri Londinenſi , ſi vera eſt fama. Regina abortum fecit , quod erigit confirmatque Anglos, qui nihil magis timent , quam regia domus munimentum. Caefarei Tranſylvuanos in ſententiam obſequiumque traxerunt , qua noua acceſſione magnum robur Caefari paratur. In eo Principatu regnum

gnum recepit Leopoldus, qualem olim fuit cum Decebalus Transylvaniae praecesset. Breui nutabunt Valachia et Moldavia, ad nutum Caesaris flectendae, si Belgradum victori cedat. Rex Galliae, animo et corpore aeger, indigne fert haec Austriae incrementa. Furstenbergius quam scenam instruat, breui experiemur. Hannoueranus nouum cum Gallo foedus iniit, quod per plures mirantur. Breui etiam Sueones ad Galli partes accessuri dicuntur. Vobis arx firmamentumque in pacto, ut vocant, *primogeniturae* situm est, quod metuendam adhuc vicinis potentiam ostentat, et gloriam successori maximam circumdat. Tu haec plenius accuratiusque, ut potes, perscribas, et me veteri sinceraque beneuolentia complectaris. Vitembergae, IV. Idus Iunias, A. clb l**CXXCVIII**.

CCCLXX.

IOANNI GEORGIO KVLPISIO,

*Duci VVurtembergico a consiliis interioribus
et Senatus Aulici Pro-Prae-
sidi.*

DOnum tuum ex argumenti dignitate protinus cognoui, ac tanto accepi libentius, quanto apertius mihi tuum auctori iudicium approbat atque ostendit. *Elogia* bene appositeque scripta sunt,

Pp 2

et

et cum ratione tractandi apprime congruunt, mihi que fatiffaciunt prorsus. Caleno non inuideo meliorem fortunam, qui carminis pangendi admodum gnarus est, ac dudum hic prensat professionem poeticam, si Dassouius muneri sacro, quod pari industria gerat, imponatur. Duo iuuenes, patrocínio tuo freti, nihil non a me impetrabunt, ut intelligas, omnia mea ad voluntatem nutumque tuum conuerti. Fratrem meum, proxime ex Batauia reuersum, commendo tibi maiorem in modum, qui et pietate, et obseruantia, nemini clientium tuorum concedet. Res Batauae firmo stant loco, et nihil ab Anglo metuunt, sed consilia eius merito suspecta habent. Angli ipsimet, qui sacrorum ritu ab rege dissident, false locuti sunt de Regina praegnante, quasi vota nuncupare iussi essent pro puluinari Reginae. Quod quale sit, me non admonente, intelligis, et, quibus artibus omnia constituta et peracta fuerint, nemini difficile est indicare. Galli postulato, de exigendis profugis, grauiter obnunciarunt. Amstelodamenses, prout alioqui in Regem, metu cum primis Auriaci, cuius potentiam nolunt esse nimiam, et aegre introspiciunt frugalitatem inter immodicas opes. In Gallia res valde con-

uersae

versae sunt, et solitudo commerciorum, si cum Batauis comparentur. Caesar, Buda capta, regnum recepit, fortunamque domus nouo et feliciore regnandi auspicio firmavit, et Murfa, quam Essecciam vocant, occupata, fines Pannoniae, Sauiae Seruiaeque aperuit felici victoriarum cursu, quem hostes attoniti vident et mirantur. Sic a tergo securus Caesar, res rationesque suas aliquando tandem iunget cum Principibus ad Rhenum, quos tantum non vasta illa et terribilis *Monarchia* Francorum absorpsit. De metropoli Vbiorum bene speramus, vincit numero studiisque Furstenbergius, sed dandum aliquid paci temporumque necessitati. Brandenburgicus Princeps EL. Fridericus III, benignitate Patrem aequat, subiectos leuat ac reficit, nec Gallis extorribus omne subtrahit beneficium, quod Pater impertiebatur. Pufendorfius, ex Suedia excitus, Historiae scribendae incumbit, sed, velut conductus, et ab Rege Suediae nondum dimissus. Ita vero me inuitum abripuit argumentum scribendi, et studium cum obseruantia coniunctum. Vale, Magnifice Vir, et faue. Vitembergae Saxonum, Calend. Quint. A. cl. bCXXCVIII.

CCCLXXI.

IOANNI GEORGIO GRAEVIO.

Traiectum ad Rhenum.

NVlla dies praeterit, qua non recolam nominis tui, quod persancte aestimo, memoriam, aut non repetam luculenta illa, quibus me ornaſti, beneficia, quae tot ac tanta ſunt, vt eorum vix inire numerum poſſim. Piget me tenuitatis virium, quae tuae ſpei non ſatiſſaciunt, nec me tamen ita mei oblitum eſſe ſinunt, vt maxima tua merita ex animo meo euellantur. Celeberrimum Collegam tuum, pro loci conditione liberaliter accepimus, tuo et Procerum vrbiſi honori libauimus, vt taedium itineris quodammodo leuaremus, qui omnia ad voluntatem nutumque tuum vltro conuertere ſoleamus. Epiſtolam dedi nuper ferendam iuueni cuidam Norico, quem ſaluum adueniſſe, credo, et attuliſſe quaſdam ſchedas, quas abs te non ſperni, conſido. Nobiliſſimum filium tuum exſpectamus, et taciti precamur omnes, vt laetus auſpicatuſque eiſus aduentus ſit, in quo magni Patris ſpem repositam eſſe ſcimus, certatimque cupimus et fouemus, vt nobiliſſimae familiae tuae omnia ex animi ſententia ſuccedant, et, te arbitro et duce, in omnibus vitae honorisſque rationibus fortunetur. Vale, decus praefidiumque noſtrum

strum. Vitembergae, prid. Non Quind.
A. clō lōCXXCVIII.

CCCLXX.

GEORGIO SCHVBARTO,

P. P. Ienensi.

ALiquot anni sunt, quod Ienam trans-
eunti, nullum amicitiae officium dene-
gasti, et abeuntem omni honoris genere af-
fecisti, nec opinantem munere ornasti tam
eximio atque insigni, ut, ob auctoris me-
moriā, nullum mihi maius aut carius tri-
buere potuisses. Hoc recogitanti venit in
mentem Colloquii Vinariensis, quod tua
pariter liberalitate ad me peruenit, et ho-
nori tuo sacrum in bibliotheca mea dili-
gentissime asservatur. Vnum illud, post
tot beneficia tua in me collocata, reli-
quum est, ut de fratre meo, pro summa hu-
manitate tua, bene in posterum mereare.
Nisi tamen petendo audacior sum, quod
amori in fratrem, ut aequissimus es, con-
donabis. Iuuenis est discendi cupidus, et,
meo iussu sumptuque, aliquandiu apud Ba-
tauos commoratus, nihil partibus suis di-
gnum omisit, sed variis rebus studiisque ita
se distraxit, ut vix de meta studiorum sapi-
enter cogitarit. Itaque spatium, intra quod
progrediatur, ei circumscribendum, quod
tu quidem et Sleuogtius omnium potestis

optime, neque recusabitis, vt spero valde et rogo. Quibus enim doctrinae industri-
aeque subsidius egeat, et quibus deinde
adminiculis anniti possit ac debeat, vobis
etiam ducibus, auspiciato experiatur. Vos
iudices arbitrosque dabo, vt virum doctum,
et iurisperitum elegantem, familia et patria
mea nanciscantur, vobisque acceptum fe-
rant tale beneficium, in quo nemini conce-
dent, et faciam ego, vt intelligatis, nihil tale
apud ingratum hominem collocaturos. Da-
te hoc meis precibus, et operam conferte.
Is nouus auditor atque discipulus vester ita
se probabit et geret, vt nihil in eius obser-
uantia et grato officio vnquam possit desi-
derari. Vale, et feliciter age, Salanamque,
vt soles, orna. Vitembergae, Nonis Quinct.
A. cl. l. CXXCVIII.

CCCLXXIII.

GREGORIO NITSCHIO,

I. V. L. Tubingam.

Magna me reditus tui exspectatio te-
nuit, eoque maior sollicitudo me affe-
cit, quo carior coniunctiorque mihi ami-
cus semper extitisti. Nunquam mihi ex-
cident officia tua, humanitatis plenissima,
quorum dulcissima cogitatione perfruo,
nec possum aliter, et vereor tamen, vt di-
gnam iis gratiam referre possim. Vnum
id

id inter cetera maxime cupio, vt, Saxoniae redditus, dignitate floreas, patriamque exornes, quae adiutorem laudis suae poscere te cum primis videtur. Hoc mecum Bergerus iunior optat. Palma, vt nosti, in medio posita est, quam tibi capiendam melior fortuna adhuc reseruat. Quid Helena vna possit, quantumque roboris in aula habeat, non ignoras. Vacat hic munus Profyndici, quod alius enixe prensat: si conditio placet, eripies facile et vinctes. Nolim, te carere diutius, nec dubito, tandem molestum tibi fore atque acerbum, si patriam procul adspicias, quae te suscepit, vt sibi vindicaret. Sed te virtus tua consolatur, desideriumque tuum lenit, quam quaelibet tellus alit, inuitat et remuneratur. Frater meus, quanta potest, obseruantia te colit, et, ex Belgio reuersus, Ienae, studiorum causa, agit. Kulpisio, apud quem gratia vales, meam, quaeso, obseruantiam approbare ne graueris. Dignatus me litteris est, ad quas superiori mensē respondi. De conditione illa nihil constituere possum, cum nec de salario, neque de ceteris, quicquam mihi constet. Nisi conditionem muneris insigniter meliorem fecerim, nihil audebo. Offeruntur mihi dignitates hinc inde, et apud nostras, et diuersae religionis, partes, malim tamen apud Princi-

pem, iisdem sacris praeditum, munere per-
 fungi. Hermundurus spe professionis Ma-
 thematum cecidit, et spe potiundae Hele-
 nae est frustratus. Myſteria ſunt, ſcrutare,
 iocanti ignoſce: Properat fortuna et ruit,
 volentes amplectitur, fugientes fugit, quos
 olim ſequēbatur. Prudens ſe temporum
 fortunae accommodat, et occasione data
 utitur libens. Tu deligas, quod expedit;
 ego, quod ipſe non facio, alios facere volo
 et hortor. Vale, et, pro amore in me tuo,
 rationibus meis bene conſule, fratremque
 cultoribus tuis adſcribe. Vitembergae
 Calendis Sextil. A. clb bCXXCVIII.

CCCLXXIV.

HENRICO LEONARDO SCHVRZ-
 FLEISCHIO,

Fratri.

Quid Ienae agas et deſtines, quae tua ſtu-
 diorum auſpicia ſint, quem hoſpitem
 delegeris, quam vitae rationem inieris, quo
 denique conuictu uti coeperis, certior ſe-
 ri cupio, et ex te ipſo ſcire in primis volo.
 De tuis ſtudiis bene ſpero, nec minus tibi
 de nouis eorum auſpiciis gratulor, quam
 gaudeo, quod intelligo, te amari a viris do-
 ctis, quos omni honore proſequendos, ſci-
 as, atque, his adiutoribus ad ſumma eniti
 poſſe te, confidas, et tandem eluctari. Viro
 in-

intelligenti et bono virtus praesidium est, in quo insistas et perman eas, etiam rebus aduersis et dubiis, quae molles frangunt, constantes nihil mouent aut turbant. Praeter cetera rectus studiorum ordo tibi seruandus est, nec bene proficit, qui apto ordine non vtendum, censet. Ab Institutionibus, quas vocant, initium laeto animo capias, cum his idoneum et elegantem interpretem coniungas, et fontes eius iuris simul in Grotio perquiras, Grotiumque diligenter euoluas et audias, quo duce Zieglerus, se et acuisse iudicium, et doctrinam locupletasse, affirmat. In hoc omnia magna et solida sunt, in hoc fundamenta Iuris posita inuenias, quae alibi frustra quaeras. Simonis ductu id facias licet, et consulas Sleuogtium pariter, qui philosophiam illam, vulgo spretam, pulchre suauiterque docet. Commentationes Obrechtii manu exaratas velim perquiras, forte aliquando venient in tuas manus, desideriumque lenient meum. Pro-Rectoris Mulleri scholas non improbo, nec dissuadeo, sed Linckeri in primis commendo. Vir est multae doctrinae, et Iuris publici scientissimus, maxime in Saxonia, vbi vix vnus est, qui cum hac laude aequet. Illius auditores exquire, et nomen inter eos profiteri, qui virum colunt et admirantur. Giesae cum noui propius, et dotes ipsius per-

peradolescens aestimaui, nec minus ille meas, cum aliquanto post Corbachium transferet. Sagittarium quoque diligenter inuisse, et modum rationemque eius, quam in docendo tenet, percontare. Abundat Chronicis Teutonicis, praesertim Thuringicis, quorum ibi magna est copia, et interdum venalia nec opinantibus offeruntur. Lectionem eius variam pro eo, ac par est, aestimo, et a Linckero, ut audio, diligitur, sed iudicio non perinde valet, et nimis diffusisque narrationibus spatium implet, atque optimam historiae civilis partem, quae prudentiam instruit, praetermittit. Tu utilissima, apes instar, feliges, et in rem tuam, quo par est, studio, vertes, in primisque ad Iurisprudentiam Struuianam, quae apud vos praelegitur, totum te finges. Sagittarii quaedam Opuscula flagito, quae simul, ac mittes, praesenti pecunia redimentur. Illius conuictoribus te iungas, auctor sum, si tamen Bielckianum praeoptas hospiturn, non recusabo discedere in opinionem tuam. Schelstratii Opuscula, quae Tenzelium inflant ad classicum, Iosephi Vicecomitis, ex quo ritus sacros nostri transcribunt, fac, accipias libros. Fortasse enim hos et alios libros explorabis, ut felix es in inquirendo. De electione Furstenbergii, quid sentiant vestri, quid tibi videatur, expro-

prome. Neoburgicus Iunior praeuertit Iacobum, Poloniae Regis filium, et Radziuiliam duxit, pinguemque adeo praecepit bolum. De expeditione Caesarea proximo loco et occasione scribam. Viuiarius Batauus, apocham misit, libros exspecto. Vale, et de meis beneficiis nihil praedica, quae ultro libenterque confero, et, donec viuam, inferuire tibi constanter et sincere volo. Vitembergae, Id. Sextil. A. clclb CXXCVIII.

CCCLXXV.

VASMERO HAMBVRGENSI,

I. V. L.

LAeta et opportuna mihi fuit occasio renouandae nuper veteris amicitiae, quae arctiori inter nos vinculo contracta est, quam ut vlllo vnquam tempore dissoluatur. Abiturus quidem promissis non steti, sed culpa me absolues facile, si repentini discessus causam intelligas, et, quid facto opus fuerit, cognoscas. Cum enim de te salutando cogitarem, interpellabat auriga et, constituti temporis, memor, excundi necessitatem vel inuito imponebat. Nihil ceteroquin prius mihi in votis fuisset, quam de rebus tuis cognoscere propius, et familiam inuisere optimam, in primisque cum VVincklero, Horbio et Hulsemanno, conferre sermones, quorum vitae

tae doctrinaeque rationes maximopere tibi probari, scio. Sed immo plane ignoratus discessissem, nisi indicio cuiusdam iuuenis, qui hic me nouerat, agnitus, per aliquot dies substitissem. Dare hoc tandem volui D. Mayero, postquam, e Belgio redux, rationes missionis eius confectas esse, intellexi. Iam vacat professio quarta, quam suo merito impetrabit, si eum amor reuertendi capiat teneatque. Suffragiis Academiae Saxoni nostro commendatus est, sed, an id commodè fieri possit, per vos, quorum sumtu venit, stabit. Si meo res arbitrio ageretur, malle secundus esse Hamburgi, quam primus Vitembergae. Vna haec urbs est, quae, cum ob situs commoditatem tum ob commercia, mirifice semper mihi placuit, adeo, ut communis libertatis sedes praesidiumque esse videatur, hoc magis, quod iam soluta metu, atque ex superioribus erepta miseriis, veterem suam dignitatem tuetur ac seruat, et, Caesare, victoriis pristinam dignitatem adepto, consilia salutis explicata habet, magisque floret in dies, et, seiuncta ab insidiis, laetatur. Breui, opinor, Belgradum superiores Augusti victorias confirmabit, ut, qui, Buda capta, Rex verus et plenus Vngariae, mea sententia, appellatus est, Belgrado intercepto, Rex

Re-

Regum iure meritoque appelletur. Transylvania ad obsequium rediit, Valachi Moldauique nutant, barbari ipsi plane sunt perculsi. Ludouicus ab occidente adspicit, miratur, inuidet, et tantum non aegritudine conficitur, nos plaudimus Caesari, pio et iusto victori, et, patriae causa, tot tamque prosperas, expeditiones gratulamur. Vale. Vitembergae, XVI. Calendas Sept. A. cl. lCXXCVIII.

CCCLXXVI.

CHRISTIANO FRIDERICO IANO,
Consuli Torgauensi.

SAepe mihi in animum reuoco perpulchros sermones tuos, quos non sine gaudio audisse me, fateor, speroque, occasionem fore, ut quam primum laeti liberique inter nos colloquamur. Nunc, etsi absens, te alloquor, petoque maiorem in modum, ut superioris amicitiae rationem habeas, et meam commendationem valere finas. Degit quidam vir eruditus, et probus Conradus Adam VVinckelmannus, Latinae in primis ac Graecae linguae peritus, praeterea modestus et ad docendum peraptus, nec mihi commendatus modo, sed etiam cognitus planeque perspectus. Is rogat, ut, sua causa, auctoritatem interponas, atque intercessio-

cessione tua, multo grauiſſima, efficias, vt
 ampliffimus vrbis ſenatus vacantem Reſto-
 ris Scholaſtici prouinciam ei decernat.
 Geret ſe pro eo, ac par eſt, nec pietatis et
 diligentiae laudem; quam hic conſtanter
 retinuit, adimi ſibi aut imminui deinde, pa-
 tietur. Ego ſane preces eius ad te perfero,
 meoque amplius nomine rogo, vt VVinckel-
 mannum commendandum pariter, atque
 tuendum, ſuſcipias, quippe omnibus docti-
 bus praeditum, in quibus ad impetrandum
 exornandumque illud munus praecipuum
 ineſſe momentum, credo. Sane puro di-
 cendi genere vtitur, et ſtili ſordes accura-
 te diſtinguit ab ornamentis optimae aeta-
 tis. Scriptores aureos, quod perpauci hic
 poſſunt, legit ac bene exponit, abundatque
 ſubſidiis, quibus meliores doctrinae conti-
 nentur. Statuas, quaefo, me nihil dare au-
 ribus, ſed penitus atque ex animo probare
 VWinckelmanniani ſtudii rationes, ſemper-
 que velle eo anniti, vt, cum Tibi, tum am-
 pliſſimo ſenatui veſtro, obſeruantia mea
 conſtet. Vitembergae, prid. Cal. Sept. A.
 clo 1737.

CCCLXXVII.

HENRICO LEONARDO SCHVRZ-
FLEISCHIO,*Fratri.*

Belgradi deditionem breui certiores
nuncii afferent. Barbari enim Semen-
driam vsque retrocesserunt, Caesari amplis
conditionibus pacem offerunt, aut petuat
magis, belli dudum pertaesi, quod aduer-
sis imperio suo auspiciis gesserunt. Gra-
discia, quae Bosniam aperit, potitus est
Ludouicus Badensis animo et audacia Boio-
rum regulo similis, quos fortuna adiuuat, vt
admoneatur posteritas, Deum stare pro
meliore causa. Praesul Argentoratensis, et-
si numero suffragiorum vicit, tamen spe
excidet potiundae dignitatis, postquam
Caesar, de pace securus, et a tergo in po-
sterum turus, spernit Gallorum minas, et
bellum mauult, quam *Episcopum* Gallo ob-
noxium, cuius mores, consilia et actiones,
magno suo Imperiique damno perspexit.
Leges Germaniae non sinunt, eligi princi-
pem hosti coniunctum, quam in suspicio-
nem venit, et argumento graui conuictus
est, quod is, tanquam Antistes Argentora-
tensis, fidem dederit Gallo, quem, nemo
ignorat, esse patriae hostem, etsi actus ho-
stiles, facta induciarum pactione, cessant.

Qq

Sed

Sed hos quoque, vt libet, vtilitate et temporum fortuna metitur. Agit enim, prout expedit, feruat pacem, donec metus eum retinet, frangit, dum a periculo longius abest. Disceptat causam, et decedit, nec partem se, sed iudicem, fert, Caesarisque auctoritatem infringit, dum eius iura inuadit, et de aliena republica statuere conatur. Haud nescis, quantum possit ille nobis finitimus Praesul, quibus viribus polleat, qua situs opportunitate praeditus sit, siue de tuenda Germania, siue de inuadendo Belgio, agatur. Si memoria te fallit euoluas, quaeso, Thuanum, et supremas Caroli V. Tabulas inspicias, ac verba repetas consideresque diligenter. Nec enim velim, nec te deceat iste studii iuridici apparatus, qui te in odium contemptumque adducat. Semper tibi comites adiunge litteras, quae elegantiam tibi conciliant, si excolere pertendas, sin abiicias et negligas, nullo apud viros doctos et graues loco eris. Quod dedecus abste auertat Deus, nec patiatur exolescere honorem nominis, quem in Belgio parasti feliciter et amplificasti. Grauius, senior, magniete, facit, vir sane aevi nostri maximus, cui litterae meliores iudicii gloriam vltro tradiderunt. Filius eius mihi adfuit, honorique tuo libamit, et in frequenti hominum congressu prae-

praeclare de te locutus est, spemque non mediocrem de facultate ingenii tui concepit. Hem, frater, quid abs te exspectant viri sapientes et eruditi, ad quos fama cum doctrinae, tum bibliothecae meae, permanavit. A-
ditus tibi iam tum patefactus est ad gloriam, occasio praesto est, materia crescendi sup-
peditat, doctissimus quisque te inuitat. Vismariensis, iactat se in notitia auctorum, Vir Latinae et Graecae pariter linguae haud ex-
quisite peritus, et Buchneri Epistolas, quasi ex Cicerone delibatas commendat, sed nescius vitiorum Latinitatis, quae in eius scriptis passim se produnt, tam frigide iudicat ut ne legisse quidem putem. Sic, in Dissert. seu Programm. Academ. *Passio*, pro morbo. *Puritas*, pro sanctitate, p. 784. *Regere cancellos*, pro regere consilia, moderari summam consiliorum, arbitrum esse arcanorum, consilii sanctioris rationes administrare, p. 717. *E contra* pro, contra, p. 440. *Habere opus*, pro, necesse habere, p. 405. *Numerarius*, p. 404. elegantius rationum artifex. *Nullibi*, pro, nusquam. *Creatura*, pro, res condita, p. 456. 692. *Saluator*, pro, Seruator, p. 688. *Consistoriis*, pro aulis, vel, curiis, p. 689. Paulo post, in *curiis Senatorum*, pro, in congressibus senatorum, eadem pag. *Promptitudo*, p. 465. pro actio-

ne, vel officio prompti animi. *Ignauia*, pro *Iglauia Morauiae*, nisi tamen error hic sit operarum. *Orare*, pro orare Deum. *Bene operando concinnamus fauentem*, pro, conciliamus nobis, p. 724. *Ditiones*, pro, regiones, p. 641. *Firmata vndique sancitaque pace*, pro, sancita vndique firmataque pace, ibid. *Licet*, pro, quamuis, p. 272. 275. *Licet* est verbum cum ellipsi coniunctionis *ut*, concedit ac permittit; *licet facias*, pro, licet, ut facias, quo tamen vtitur Maffei Hist. rerum Indic. L. I. et alibi, castae ceteroquin dictionis studiosus. *Fide et caritate salutem adipisci*, item *in fide et dilectione saluari*, p. 275. pro, in fiducia hereditatis coelestis spem figere, nec frustrari. *Amore Dei*, pro amore in Deum, amore in Deo defixo. *Medicamentarius*, *Partitudo*, p. 274. *Inspectio* rectius, contemplatio terrarum et gentium, p. 276. Alibi *Inspectio* pro censura siue praefectura. *Septimana*, pro, hebdomas, p. 277. *catarrhus suffocativus*, p. 272. pro destillatione suffocante. *Sacramenta*, pro mysteriis, p. 689. *Eiuraturus* pro eieraturus, ibid. quamuis nec hoc significatione Latina. *Dum*, pro quod, p. 269. *Addere mentem*, alias, *indere*, pro impartire salubre consilium, p. 29. *Cum vita comparatum est*, non Latine, nec eleganter. p. 352. Aliter et extra vitium, p. 51. *septimus dies*

dies ipse est, imitatione expressit auctor in Oratione Kilonii habita, neque id a stilo Ciceroniano alienum est. Stilus Schubarti vestri purus est, sed vires non mouet, nec maiestate Ciceronis se tuetur. Quanto rectius in proposito, laudis pleno, persistis, et eloquentiae principem firmo vestigio sequeris neque ab illo recedis cum imprudenti vulgo. Nam et dictio purissima, et compositio elegantissima, passim in Cicerone dominatur. Historicos tamen caue oderis, Nepotem, Caesarem, Liuium: Ille natiuus et purus, iste scitus et perelegans, hic copiosus et grauis est, et vbertate se commendat praeter ceteros, ac historiam scripturo dictionis copiam largitur. Tacitus prudentiam instruit, cuius permagnum in quauis re scribenda momentum est. Tantum enim scimus, quantum recte iudicamus. Nam, facta solum narrare, et, quae gesta sint, referre in litteras, est hominis mediocriter sapientis, sed, causas, expromere abditas, et rationes afferre prudentiae grauitatisque plenas, hoc est demum historici munere perfungi. Nunc cogita, quantum recesserit ab hoc scribendi genere Sagittarius vester, qui diligentia nemini cedit, sed veram exquisitamque historiae laudem non sustinet, neque iudicium, nec dictio eius probatur. Vnus Cominaeus, aut,

si Italiam cogitas, Guicciardinus, plus docet vna pagina, quam spisso volumine Historicus vester. Multa tamen, praesertim in rebus Germanicis conquirat et eruat, quae viro sapienti prodesse possunt, si recte adhibeat, iudicioque temperet, et condiat quasi prudentiae sale. Pufendorffius perpicax est in expromendis rerum auctorumque causis, sed non aequat scribendo Romanae dictionis gloriam, et vocabula, faeces olentia, immiscet saepe, et acumen erudiendi ostendit, prudentiae tamen non usque quaque inseruit, nec liber in scribendo, sed dicax est, et impotens plus semel. Confecta, quam molitur, Historia, in Suediam redibit. Magno animi impetu declamat in aduersarios, et Velthemium vestrum gryllis campestribus, Sleuogtium nescio quibus annumerat. More non humanissimo, et insuauis prorsus, ac illiberali disputandi ratione, utitur, et, acutius, quam fructuosius docet, atque longissime abest a Grotii doctrina. Hic grauis est, et omnibus viris eruditis satiffacit, hunc tu sequendum putabis. Libri Biellkiani aut mutili sunt, aut non rari, quos si cupiam, in me ipsum iniquus sim, nec tu suadeas, pro solertia tua. Suaresius, de quo scripsi, non est Franciscus, inficet a Latinitatis Philosophus, sed Iosephus Maria, vir ingenii multo elegantioris. Gauden-

dentii opuscula, quae de moribus saeculi Iustiniani, et de philosophicis opinionibus veterum Patrum, edita sunt, vehementer desidero, sed ubi inueniam, quando te fugiunt, et frustra quaeruntur? Libanii epistolas Graecas circumspice, et alios ex veteri Graecia scriptores perquire, cum primis Rigaltii Oneirocritica, quae spem meam adhuc fallunt. Mallincrotii quaedam de Archicancellariis, de Typographia, disputationes selectas de ritibus, quas Bataui in pretio habent, fac, accipiam. De Stephani thesauro, nolim, te esse sollicitum, qui ex Batauia perferetur. De Chronicis etiam videas, quae apud Bielckium latent, sed care vendit sua, ideoque emptoribus est inuisus. Viuiarius ex Batauia scripsit ad cuius litteras meo nomine responde cum, non satis assequar omnia, quae scribit. Libros, ubi se dabit occasio, transmittet. Si plures colligat, efficiam, ut pretio soluto acquiescat. Libros non tam care vendit, quam Bielckius, apud quem omnia magno licent. Artem hanc noscendi et aestimandi libros a Bosio didicit, et, tu si eo aliquid afferas, et quae apud Batauos, me monitore, intellexisti, edisseras, vendet carius pretiumque intendet. Ceterum de conuictu Bielckiano constituas, quod libet. Aditus ad Sagittarium difficilis erit, si men-

fae eius te non adiungas. Scribam post octo dies, et, cur ad eum non dederim litteras, indicabo, meque purgabo. Credidi, ipsum abesse ab vrbe, cum audissem, molestiis implicatum, quas sua sibi culpa accersuit. Duces Vinarienses inter se dissident, ob tutelam vestri Principis cuius rei causa Vindobonam abiit Linckerus. Vale. Vitembergae, Cal. Septembr. A. clō lōCXXCVIII.

CCCLXXVIII.

EIDEM.

BElgradum virtute Boioariae reguli captum est, barbari, qui pertinaciter resisterunt, caesi omnes, nec mulieribus liberisque parcitum, magni seueritatis exemplo, quod barbaros commonetaciat superiorum iniuriarum, quas orbi Christiano dudum intulerunt. Absuit Lotharingus, neque hunc obsidionis socium habere voluit Boioarus, secutusque disciplinam belli Gallici, continuato impetu fregit vires hostium, et urbem, olim proditione Solymanno deditam, magno animo iustisque armis expugnauit. Discruciatum animi Gallus, et fero nimis molitur bellum. Praeful Argentoratensis causa cecidit, et ipsum se decepit fiducia Gallicarum virium, quibus metiri consilia solebat. Iosepho Clementi veniam aetatis fecit Romanus Pontifex,
nec

nec se opposuit Senatus Collegiumque *Ecclesiae* Colonienfis, fed facile admisit ac recepit. Hoc iure parto, nouem fuffragiis electus eft, quae plus valent, quam tredecim Furftenbergio data, propterea, quod is dignitate *Canonici* fe abdicarat, vt *Adiutoris* titulum munusque confequeretur. Porro, vt iure Pontificio loquimur, *postulatus Adiutor* fuffragia duplo maiora habere debuit, fi in fpem vincendi venire vellet. At vero, tredecim quid poffint, nunc facile intelliges, et, quonam animo fcripferim, viciffe Furftenbergium, iudicabis. Caesar, Pontifex, pro Iosepho Clemente annuntur fedulo, nec repugnant *Electores*, quibus grauis et fufpecta eft potentia Galli, tum omnes quoque Principes confpirant ad depellendum Galli iugum, hoc praefertim tempore, quo vires Gallicae fere funt exhaustae, profugis metu *Hugenottis*, qui fide et fortitudine labentem antehac regum potentiam firmarunt. Caesaris legatus libere nimis et acerbe dixit, Galliae regem fimilem effe canum, qui plus latrent, quam mordeant: auderet aliquid, fi vellet, et fortiter faceret, fi poffet: Caesarem nihilo fegnius defenfurum imperii fines, et dignitatis fuae falutisque patriae rationem habiturum. Ita fenfiffe et pronunciaffe, accepi, Hofkirchium, Caesaris legatum, virum acris

ingenii et praesentis. Veterani Gallorum Duces, Condaeus, Turenus, Crequius, sunt extincti: Anglus, eorum foederatus, vix domi tutus, nihil audet: Danus suis tantum viribus hoc rerum statu nihil potest, et conantem aliquid distinebunt Sueones. Schombergius inuitatur a Rege ad praefecturam belli suscipiendam, sed eius animo fixa manent superiora acta, ut malit dignitatem partam tueri apud Germanos, quam dubiam periculi plenam recuperare apud Gallos. Brandenburgicus magnam de eo spem habet, et, in eius fide victoriam suam consistere, arbitratur. Proxime Berolini Magno et Martio *Electori*, Friderico Guilelmo, parentatum est, sumptuosa et solemni pompa, Regumque magnificentiam aequante. Tribus Academiis, Francofordiensi, Regiomontanae, et Duisburgensi, tributus honor est praecedendi ordinem equestrem, contra, quam fieri solet in Saxonia, ubi ne quidam ad solemnia inuitantur. Graevius iunior quinque dies hic commoratus est, cuius mores perplacent nostris, cum ob loquendi libertatem, tum ob gestus, grauitatis et elegantiae plenos. De te locutus est praeclare, Ienae, quo tendit, viderem in Batavis inter vos contractam amicitiam renouaturus. Feci, quam potui diligentissime, ut intelligeret, conuictum eius

mi-

mihi esse iucundum. Notas Scaligeri MSS. Achilli Tatio additas, patris iussu, apud me quaesivit et inuenit, miratusque est copiam et praestantiam librorum, quos ego et tu in Belgio collegissemus. Vale. Vitembergae, Nonis Sept. A. clb lb CXXCVIII.

CCCLXXIX.

ADAMO CHRISTOPHORO IACOBI,
Sax. EL. Consiliario.

ET si petitiones meas saepe fortuna destituit, et commendationes interdum periculosae sunt, ac, mutato, ut fieri solet, hominum ingenio, certe offensa non vacant, tamen voluntati iunioris Thomasi repugnare nolui, de quo optime spero, et, in primis eius studiorum rationem habendam, puto. Ingenio solerti, doctrinaque eleganti, et vitae consuetudine, delectatus est Graevius, vir clarissimus, qui de eo apud Batauos retinendo cogitabat. Sed patriae amor eum ad ornandam Saxoniam reduxit, ut tanto magis eius causam suscipiendam esse existimem, quanto propius animum moresque perspexi. Nullus dubito, quin opera, consilio, re, Thomasium iuuaré cupias, idque cum patris, cuius merita te non fugiunt, tum ipsius, causa facias perlibenter. Tempora haec per se misera sunt, et patronis egent, sed tam raros docti inveniunt,

unt, vt litterae prope ipsae odio esse videantur. Germaniam nouus hostis laceffit, Anglia bellum ciuile metuit, Belgiumque, cuius causa communis est, vocat in partes. Solam Italiam ferme otium conficit, neque arma, nec litterae, perinde ac olim, florent. Quid agamus Germani? sortem quisque suam exspectemus, et de nouis Austriae auspiciis, Principumque Germaniae concordia melius, atque antehac, ominemur. Berolini solemnia exequiarum peracta sunt, nihilque, quod illis magnificentiam conciliare posset, defuit. Magnae opes, vt fundatae ibi, sic relictæ, sunt, nec diuisae regiones aut distractæ, sed coniunctæ inter se colligataeque, manent. Tanto minus sibi timet a Gallo, et auxilia comparat strenue, sociumque Saxonem exoptat, et castra mouet. Praesto sit consiliis Deus, et tibi totique familiae summa maximaque omnia ex animi sententia impertiatur. Vale. Vitembergae apud Saxones VII. Id. Septembr. A. clo lo CXXCVIII.

CCCLXXX.

ΙΕΡΕΜΙΑΙ ΤΩΙ ΠΟΛΛΑΝΩΙ,

Μακεδόνι ἐκ τῶ Αἰθιοῦ ἀνδρὶ Εὐγενεστάτῳ καὶ
λογιστάτῳ, χαίρειν.

Επειδὴ τῷ προσκεῖν σε ἐξ ἑστίας, ἥνικα πα-
ρὼν ἔτυχες, ἐπιμελειῶν τινὶ εὐρίπτῳ ἐνημμένος,
νεωστὶ ἀπεσερήθην, χάριτας μὲν ἐν ὅμοις πολλὰς

C

ἐν τῷ παρόντι σοι ὁφείλων εἶδα, εἴτε εὐνυσάτη τε καὶ ὀρυσάτη, ὅ, τι δὴ σπάνιον ἐστὶ, κρίσει καὶ ἄλλης τινὰς τῶν λόγων μετεχληκότες ἄνδρας καὶ ἐμὲ δέ, ὅς ἐκ ἀξιώθεντι ταύτης μοι σύνοιδα, λογιζόμενον σε παρ' ἄλλων ἀκήκκα, εἴτε τὰ γράμματα λογιωτάτα κυρίῃ, καὶ αἰδεσιμωτάτα ἱερομνάχῃ, Κυρίλλῃ τῇ Πεδιασίμῃ, τὰ ὑμετέρῃς ἡμετέρῃς μελιτήριον παλαιαχόθεν χυλόν πνέοντα, ἅμα τοῖς τεύχεσι, καὶ παλαιοῖς αὐτογράφοις, ἐγκεχειρισμένα ἐμοὶ τῷ σῶ πόνῳ ἀνεμνήσθην. Δέομαι τὸ λοιπὸν σὲ, μὴ ἂν ὀκνεῖν πῶς ἤδη ἔχει τὰ Ἑλληνικά, δι' ἐπιστολῆς διαλέγεσθαι. Ἐγὼ, νῆ τόν λόγον, εἰδὲ παύσομαι εὐνοῶν, εἰδὲ εὐφημα περὶ σῆς ὁδοπορίας προσδοκῶν. Τῇ τῶν Ἑνετῶν ἐν τῇ Πελοποννήσῳ πολέμῃ ἐκβασιν μετ' ἐμμελείας ἐκδέχομαι, ὅντινα δὴ καὶ τῇ πατερίδι σε καὶ ὅλη τῇ τῶν χριστιανῶν πολιτείᾳ, εὐτυχῶς τετελεσμένον ἐκ καρδίας μυχῇ, καὶ ὥσπερ εἰ μετρίως τῷ τῇ τῆς κοινῆς πραγματείας βλάβῃ συλλυπημένῳ πρέψειεν ἂν, εὐχόμενος διατελῶ. Ἐρῶσω, ὦ Φιλτάτε ἄνερ, καὶ ἀνδρίζῃς, ὥσπερ εἰώθας, κεχαρισμένα ποιῶν. Τετάρτη τῇ ἱσαμένῃ Μαιμακλήριωνος ἔτεος τῆς χριστογονίας ἀ, χ π ή.

CCCLXXXI.

DANIELI SCHEDIO,

Consuli Landsbergensi in Marchia.

NOn sine voluptate animi et gaudio recordor humanissimi conspectus tui, et iucundissimae familiaritatis, in corona
pro-

propinquorum et affinium tuorum, in primis generi, qui multo sale dicta adsperebat. Mihi quidem tunc molestiam attulit metus amittendi schedam, sed vix Berolino excesseram, cum Baronis Molzanii praefectus, eam, diligenter conquistam, bona reddidit fide. Filius tuus commoda hic conditione viuit, et diligentia ita se commendat, ut non possit magis. Illud vero maiori dignitati foret, si mensae Professoris cuiuspiam se coniungeret, et conuictu pariter, atque colloquio, erudito frueretur. quod meum quidem consilium est, sed tuo iudicio arbitrioque libens permitto, quandoquidem haec occasio hic nunquam deest, si tuo iussu et auctoritate res agatur. Galli iam se hostes profitentur, et limitem Rheni lacessunt, infensi Palatino, quod pacis, cum Turca faciendae, Caesari auctor fuisset. Conatus intercipiendi Philippiburgi fuit irritus, detecta proditione, qua uti voluit ad castrum Caesari eripiendum. Nec vires ei, nec cohortes, Germaniae cis Rhenum subigendae, sufficiunt, neque duces veterani supersunt, quorum ductu plurima ex animi sententia confecit. Batauos tempestas et venti prohibuerunt, quo minus in Britanniam exscenderent, Rex interim propugnandi spatium nactus, Proceres sibi conciliare studuit, propositis condi-

ditionibus, quas vellent. Bataui feruide nimis, impulsore Auriaco, causam hanc egerunt, alieno anni tempore, et rebus adhuc ambiguis, nec dum consiliis sat maturis. Clerus ipse, qui *hierarchiam* tuetur, nutare coepit, populus etiam si pace frui possit, bellum ciuile, quod commercia dissipat, auersatur. Sed breui haec certioribus nunciis intelligemus. Tu, quaeso, familiam tuam nomine meo saluta, et vale. Vitembergae Saxonum, Id. Octobr. A. cl. l^o CXXCVIII.

CCCLXXXII.

ASARELI MEDERO,

Transyluano.

Litterae tuae a Schulero mihi redditae sunt, quas auide arripui, et libenter perlegi, vel ideo maxime, quod gratum de rebus tuis prosperis nuncium afferebant. Patriae tuae bene ominor, quae non bello victa, sed pacto, Austriae se coniunxit, et priuilegia immunitatesque nouo et solemni titulo asseruit sibi et confirmauit. De Gallicis motibus, nihil est, quod metuamus, cuius vires attritae et opes exhaustae sunt, veterani duces dudum extincti, conatus intercipiendi astu Philippiburgi irritus, omnia denique, ira Dei in rem Gallicam, conuersa et prorsus mutata. Concors Germania,

nia, conspirantibus cum Caesare sententiis, militem educit, Bataui exscensionem quoque in Angliam meditantur. Quae res ut bene cedat orbi Christiano, et vobis, iustum moderatumque Austriae Imperium amplexis, felix fortunataque sit, opto, et tuam beneuolentiam mihi promitto perpetuam et constantem. Vale. Vitembergae Saxonum, Id. Octobr. A. clb l^c CXXCVIII.

CCCLXXXIII.

IOANNI IACOBO PERLSHY,

I. C.

GRatum mihi pariter et iucundum, fuit colloquium, quo me Vitembergae dignatus es, et, cum facultas prolixè accipiendi tunc deesset, in voluntate promptè inferuendi acquiescere voluisti. Illam vero tuam comitatem in primis aestimo, honorique mihi duco, quod Patronos mihi conciliare studes, qui et iuuare me, et ornare possint, maxime in rebus Germanicis, in quibus gloria illustrium, et liberorum Franciae equitum explendescit. Faciam profecto, ut gratum memoremque huius tam luculenti officii me intelligas, datumque me tibi, et vinculo semper arctissimo habeas deuinctum. Amplissimi Brodvvolfii fama ad me peruenit, quam, insigni beneuolentiae documento, confirmasti, ut
verbis

verbis eam digne fatis exprimere non pos-
sim. Mox beneficiis cumulum addis , et
simul industriam excitas, atque specimina,
de priuilegiis Nobilium liberorum edita, li-
benter et vltro offers. Obsecro te, si fieri
possit, copiam Monumentorum Lenderf-
heimii et Sixtini mihi facias, et, quanti
constent, beneuole perscribas. Ita te De-
us seruet, et litteras, studia et leges, sub iu-
stissimo magni Imperatoris auspicio, semper
florere iubeat, armaque benigne fortunet,
ut, rebus apud Danubium ex animi senten-
tia confectis, Rhenum quoque pius Caesar
cum imperio et ditione sua denuo coniun-
gat. Vale, carissime Fautor, et me com-
plecti perge: Vitembergæ Saxonum, Idib.
Octobr. A. clo l^o CXXCVIII.

CCCLXXXIV.

M O E S E R O,

Sacerdoti Osnabrugensi.

OMnis fere humanitatis expers forem,
nisi litteris tuis, humanitate plenissi-
mis, responderem. Nondum animo exci-
dit propensa et insignis beneuolentia, quam
Hamburgi prolixè mihi declarasti. Adhuc
videre mihi videor auum matremque tu-
am decore laetantes, et, honoris mei causa,
nullum officium recusantes. Vtinam is es-
sem, qui par pari referre posset, et, quo in

Rr

te

te animo sim, apertiori indicio significare. Tuos ceteroquin novos ac splendidos in re sacra honores, laetos tibi semper fortunatosque, cupio, ut, quemadmodum Lipsiae et Vitembergae omni laude doctrinae flouristi, sic fructus deinde cumulatissimi in amplissimam, quam illustras, VVestphaliae urbem redundant. Princeps noster, irruptione Gallorum facta, se ad arma comparat, conscribit militem, delectumque habet, ad Rhenum, nisi alia obstent, profecturus. Caesar, capto Belgrado, firmus et magnus, non finet, Praesulem Argentoratensem intrudi, inimicum veterem, et litibus ferendis natum. Germania concors passim suos armat, militesque parat ad expeditionem Gallicam, Philippiburgum, alieno anni tempore obsessum, et loco paludoso situm, strenue constanterque resistit. Batauorum in Britanniam exscensio irrita erit, cum Rex, ut prudens est, consilia anteuerterit, et venti tempestatesque impedierint conatum. Anglis omnia priuilegia Iacobus II. reddidit atque confirmauit. Danus naues Hamburgensium laceffit et detinet, cum vrbi nihil damni inferre ausit. Vale. Vitembergae, XVII. Cal. Nouembr. clc l^o CXXCVIII.

CCCLXXXV.

HENR. LEON. SCHVRZFLEISCHIO,

Fratri.

GAllus, cui nihil, neque ad cupiditatem, neque ad audaciam, deest, ab Austriis, aut potius a factione Neoburgica, irritatus, rupit inducias, magnamque Germaniae partem subegit. Rheni, Moeni et Nicri, oram peruasit, finitimosque debellauit, priusquam fama belli ad eos peruenit. Caesarea Lutherana, Spira Nemetum, Oppenheimium, Vormatia Vangionum, Moguntia, Heidelbergae, et multae aliae opulentaque urbes praesidium eius receperunt, aditus Sueviae, Franciae et Hassiae patefacti sunt, nisi quod Philippiburgum adhuc impetum sistit ac remoratur. Miseret me Germaniae vicem, cui plerique Proceres male consulunt, et laborantem auxilio destituunt, ac hosti spoliandam relinquunt. Ille interim secure arma circumfert, et urbes vicosque, nullo resistente, occupat, tributa imperat, et, cunctantibus nostris, etiam inultus iniurias infert. Germani, more suo, post res consultant, Boiaros, Francos et Sueuos, Hungaria expeditio fatigauit, quosdam credulitas sua decepit, imparatosque reddidit, quosdam inopia ab incepto retinet, reliqui, fatali patriae malo, cunctantur. Interim peribit

tate momentum ponunt. Nostri nimium confisi sunt Augustano foederi, quasi, hoc obice obiecto, Gallus nihil ausurus esset. Sed foedera tam firma et sancta non sunt, ut metum demant, muniantque contra insidias, quas Galli parant, perniciemque moluntur. Armis opus est, et fraude uti licet contra fraudes, quippe quod solertiae genus est apud Gallos, bellandi cupidos, et alienae ditionis valde appetentes. Affuerunt nuncii, Turcas, in pacem antehac pronos, inolescere paullatim, et duriores ferre condiciones. Magnum in Boiario praesidium est, qui a superiori Germaniae parte veniet cum robore copiarum, Saxo versus Franciam, Moeno proximam, tendet, ut castra coniungat cum *Marchione*. Christiano Ernesto. His se iungent Hessi et Vetterau, reliqui ad inferiorem Rheni tractum arma ferent, inter quos Brandenburgici erunt praecipui ad pugnandum, si occasio detur, incitati. Batauorum apparatus maior, quam effectus, sed classis eorum valida, et supra modum instructa, celebratur. Aduerso vento, nihil fuscipient, neque in continentem Angliae Scotiaeque exscendent. Philippiburgum vix sustinebit continuatum hostis impetum, quantum id maxime defendi, oportebat, cum ob dignitatem Caesaris, tum ob securitatem Rhenani tractus. Sed omnia

praeripiunt Galli, et horrea belli passim constituunt, praedas et tributa ex finitimis regionibus cogunt et efferunt, Argentoratum ipoliis replent, ac prouident, ut multis annis sufficiat annona militaris. Haec sunt fata, imo funera, Germaniae, Rheno Moenoque coniunctae, quae sub iugo gemit, neque liberatur. In conuentu Magdeburgico acerbius locutus est Saxo, sed neruus hoc rerum statu deest. Caesar obsecrauit, ut sine mora occurrat Gallis, causamque communem tucatur. Hessia superior, Francia et Sueuia, praedationibus Gallorum patet. Virtembergensis Ducatus pariter eorum iniuriis expositus est, omnia trepidant, consilium mutandi locum feliciter dilatum, reputo, nisi Gallus ex Alsatia pellatur, mediocri conditio in Saxonia retinenda. Deus adsit consiliis, et fortunet expeditionem contra Gallos, qui funditus omnia debunt, nisi arceantur quam primum, armisque profligentur. Vale. Vitembergae, XVII. Cal. Nouembr. A. clā b CXXCVIII.

CCCLXXXVI.

OTTONI MENCKENIO,

P. P. Lipsiensi.

K Norrio bene cupio, viro permodesto, et optimis artibus ornato, et reconditae etiam illius doctrinae, quae principatum

tum in philosophia tenet, gnauiter perito. Tua praeterea commendatio plurimum dignitatis ei attulit, magnoque ipsi et ornamento et vtilitati, fuit. Rudelius equidem, veteranus ciuis, et Magister artium, laudem huius studii digne tueri poterat, sed eum mors eripuit, vt vacantis gloria muneris forte Knorrio relinqueretur. Rosgerii mores, patronis, vt audio, displicent, et ratio eius docendi minus expedita creditur, seu vitio linguae, verba praecipitantis, siue conatu difficili morosae subtilitatis, se ipsam impediens. Caleno auguror Poetae fortunam, si spem non abiiciat, praemiumque meritis dignum expectet. Quae in re mira omnium consensio est, qui vident et aestimant, poeticam nostratis Academiae iacere sterilem, et in extremum prorsus deductam esse discrimen. Sed redeo ad Knorrium, cuius causam aget Zieglerus, et ego in posterum tuendam libenter suscipiam, quando eum summo, vt par est, studio Patronis commendabo. Ex superiori Germania nihil, nisi pericula et calamitates, nunciantur. Magnum et difficile bellum patriae impendet, quod litteris quoque graue ominor, et, inciso studiorum neruo, luctuosum. Multum ex Batauorum apparatu pendet. Concordia Principum pariter me erigit, et iusta etiam belli nostri causa solatur. Phi-

lippiburgum adhuc resistit, impetumque sustinet summa fortitudinis laude. Collegium Historiae Germanicae magnum vix nascitur, quum extinguitur, conatusque laude finitur et consummatur. Vale et benevolentia me complectere. Vitembergae prid. Non. Nouembr. A. clo lo CXXCVIII.

CCCLXXXVII.

ADAMO CHRISTOPHORO IACOB-
BAEO,

IC. Sax. EL. *Consiliario.*

ET si rationes meae ita ferunt, vt, quid de aliorum doctrina sentiam, scire, quam dicere, plerumque malim, tamen ea auctoritatis tuae vis est, vt consilia et cogitationes meas aperiam, moremque in primis tibi geram. Etenim, nihil prius mihi faciendum puto, quam, vt scholis, quarum salus agitur, bene sapienterque consulatur, hoc praesertim tempore, quo perpauci sunt, qui de iis recte et existimare, et recte mereri, possunt. Vinterus equidem vir probus et diligens, et disciplinae Daumianae assuetus, ac mihi, ob litteras, praecipue Graecas, semper commendatus atque coniunctus, plano satis puroque scribendi genere utitur, et quotidie proficit, nec vana opinione se effert, neque ineptiis ac nugis indulget. Grammaticum doctum iure dixerim,

erim, et Latinae Graecae linguae perita nemine facile hic secundum, sed exactam eloquentiae formam ipse sibi non indicat, ad aequalem autem scribendi rationem, quanto potest studio, adspirat. Egenolphum aequat, sed tenuis fortuna prohibet, quo minus doctrinae subsidia sibi compareret, et maiora moliatur. Si conditio eius melior fuerit, ingenium excitabit magis et ornabit. In corrigendis Graecorum libris multam vtilemque operam posuit, et Epiphanium Iustinumque, prelo Meyeriano excusos, non pridem expurgauit. Knorrius spem mihi facit illustrandae eius doctrinae, quae cum subtilitate, tum iucunditate, ceteris philosophiae partibus praestat. Acrem perspicacemque animum in congressu mihi probauit, et in Batavia etiam non ignotus vixit, ubi clarissimo doctore vsus est, et partum Altorsii decus, duce in Batavis Voldero exquisitissimo, amplificauit. Gledischii libros care emi, sed occasione imminendum erat, quando non alibi, neque in ipsa Batavia, offerebatur. Duchesnium plenum integrumque nec in Gallia, neque in Belgio, inueni, taceo de Graecis plerisque ex vrbe aeterna aduectis. Me conscientia muneris, et voluptas doctrinae, sustentant, cetera Deus et fortuna expedient, vt spero. Ad vltimum tu

Rr^s

Dei

Dei ope praesidioque floreas semper, et bene feliciterque agas. Vitembergae, eadem die et anno.

CCCLXXXIIX.

EIDEM.

TVum, de ornando Knorriō, consilium Academiae prosperum fortunatumque esse, cupio, quod pro auctoritate, qua plurimum potes, facile confectum dabis. Illud tamen pro humanitate tua honori Academiae tribues, vt Patrum commendatione testimonioque opinionem doctrinae confirmet. Quod hi libenter facient et liberaliter, si, vt consuetudo tenet, per epistolam commoneantur, ne non sumant exquirendi operam, quam in recepto nominandi more positam esse, sciant. Omnes ferme Knorrium de facie et animo norunt, plerique etiam disputationes, ab erudito pulvere profectas, dono auctoris possident, qui tanto minus honesto eius petito repugnabunt, quanto expressiorem eius ingenii imaginem intuentur. Vir sane modestus, et studiis tam reconditis deditus, nemini, vt opinor, stomachum mouebit, potestas iubendi statuendique penes senatum est, nos obsequii gloriam pietate tuemur. De Thomasio iuniore, si placet probaturque conditio, nihil dubito, quin

et

et sibi laudem, et scholae vestrae vtilitatem cumulatissimam, sit allaturus. Nihil enim fines fieri illiberale et praeposterum, neque, id non faciendum tibi, putabis, quod nostra omnium interest, quodque Patres vehementer optant, et anxie exspectant. Ad extremum Deus Saxonis expeditionem fortunet, iustamque imperii causam propitius defendat, fractaeque fidei poenas ab iniusto et quietis impatiente hoste expetat, patriamque communem, atque in primis Saxoniam, et in hac etiam praeter ceteros te, conseruet, omnique gaudio perfundat, ut, laetos semper nuntios ad te perferri, audiamus. Vitembergae, V. Id. Nouembr. A. cl^o l^o CXXCVIII.

CCCLXXXIX.

AMICO.

MUltum amicitiae tuae tribuo, planeque confido, nec quicquam iucundius mihi accidit, quam, cum laeti de tuis rebus nuntii afferuntur. Cum vero multa tibi debeam, tum illud quoque acceptum tibi ferre cupio, ut Hobnerus tergiuersandi finem faciat, chartamque vacuam, et chirographos, sigillatim traditos, quam primum remittat. Vertit in eo honor meus, et salus quoque rerum domesticarum, quas negligere non possum, et quotidie sollicitum

rum habent. Delusit me ter, et, nomine
meo rogatus, promissis non fletis. Quo-
nam id animo faciat, ignarus sum, licet ri-
men suspicari, subesse fraudem, ideoque
hoc negotium tibi conficiendum trado,
vt iuris praesidio causam iustissimam fule-
as, obsecro. Vale. Vitembergae Id. Nouem-
br. A. clo l**CCXCVIII**.

CCCXC.

HENRICO MEIBOMIO

Prof. Iulio et Archiatro Guelphico

CVpio tibi et memorem, et gratum
bare animum, cum, quod singulari
neuolementia **mo** semper profecutus,
quod inexpectato nuper beneficio me
nandum putasti, quo nomine per me
tibi debeo, et praedico, vt par esse iuri-
nitatem tuam, quaeroque materiam laudes
ex propenso illo in me animo, cuius est
insignem **luculentamque** significationem
mihi dedisti. Superiore mense per me
plerosque libros, ex Italia et Gallia
ectos, a Gledischio emi, quorum bonam
ex Collegio Romano deprompta et
chesnii scriptores omnes, quorquor
bus Francorum tradiderunt, magno
dem studio curaue mihi comparant
non dubito, auita hereditate ad re
nisse. Haec agentem turbat iustitiam

lica, et vires animosque adimit iuuenibus nostris: studia frigent, ut vix nostram expectationem tueantur. Erit Deus perfidiae ultor, et in virtute atque concordia Principum, rebus quotidie labantibus, praesidium constituet, feliciterque firmabit. Ita Deus patriam respiciat, Saxonumque et Guelforum expeditionem benigne fortunet, et te, illustrandae Iuliae natum, pariter, cum parente studiorum optima, quam diutissime conferuet XIV. Cal. Decembr. A. clb l^cCXXCVIII.

CCCXCI.

ERNESTO GOCKELIO,

Reip. Ulmenfis Consiliario.

DOleo patriae communis; fortunam, et detestor perfidiam hostis, qui, nulla pacis, pactionumque ratione habita, spreto Iuris fecialis ritu, bellum Germaniae intulit, totumque Rheni tractum, securum plane et imparatum, in potestatem suam redegit, patefacto in Sueviam Franciamque aditu, in Nicri et Moeni atque ipsius Danubii, accolas impetum facturum. Sed breui ut spero, desinet tempestas, recidetque in caput auctoris, qui, nullius sereni patiens, nebulas offundere Austriae, et vi atque inaudita crudelitate omnia obruere, in animo habet.

Cae-

Caesar, pius et iustus, neminem laedit, nec in Principes Ordinesque Protestantium aliquis, stat pactis, leges et iudicia custodit, munusque suum, ut par est, administrat. Neminem opprimit, innocentes defendit, labentes erigit atque confirmat, ac liberas vrbes, defensione suae impares, ut potest maxime, tuetur. Nihil acerbius in foedera nostra consulit, et religionis causam nemini vim facit, sed suum cuique locum relinquit, nemini inuidens, et nihil alieni concupiscens. Gallus contra, rebus domi commotis, omnia sibi licere, purat, et vicinis nulla data offensae significatione, iniurias et male mulctat, ut plane iam Punica seipsum a Gallica distet. Sola suscitatio ductus, arma cepit, et Palatinum Praesidium, moderatum ac bonum, de omnibus praesidiis deiecit, in quem tanto acius exarsit, quanto indignius tulit, eo comminatore, reiectum esse Praesulem patri suae infestum Principem, pacemque cum barbaris coepisse tractari. Talem bellam causam speciose comminiscitur male conscius Rex, atque hanc praeventenditionem prudentiae suae convenire, omnino arbitratur. Quod versute magis, quam iuste, facit, et cupiditati suae servit, non acquirendi et occupandi occasione accepta, de improviso finitimos lacessit, deinde

aliena republica, velut sua, statuit, et pacta ex libidine ingenii interpretatur. Caesar, deceptum ac delusum se, videt, iamque, patriae calamitate admonitus, vires nervosque omnes ad repellendum hostem intendit, sed, bello Turcico impeditus, modica auxilia submittit, quo confecto, maioribus deinde copiis, imperium defendet. Vobis, tam benigno iustoque Imperatore, nihil timendum est, qui Vlmam in oculis gerit, urbem ab omni perfidiae labe liberam et fidam. A violatore induciarum, Gallo, breui Deus poenam expetet, et Regem Anglum, qui Gallica consilia fouit et coluit, a foedere Gallico seiunget. Fortunet Deus Batauorum piam iustamque expeditionem, et perfidi hostis insolentiam vlciscatur, ut eum factae irruptionis poeniteat, et de occupatis provinciis urbibusque cum clade et ignominia decedat, vestram denique rempublicam sub iusto Caesaris imperio benigne constanterque conservet. Vale Vitembergae XIII. Cal. Decembr. clō lōCXXCVIII.

P. S. Bataui exscensionem fecerunt in Hantoniam, vel insulam Hantoniae proximam, portusque ostium, quod *Portsmuthum* dicitur, deditione ceperunt, nihil prohibente Anglorum classe, et, annitentibus incolis, Iacobum, Regem, in libertatem et sacra

cra gentis iniquum, armis petierunt, Hispanis non inuitis, qui, hoc adiutore, creuisse potentiam Gallicam, sciunt. Prospero isto rerum cursu, in Galliam quoque exscenderunt, Boloniamque, operibus et portu nobile oppidum, eripuerunt. Ad vltimum, quaeso, Veielium salutes, et de ciuibz tuis credas, eos mihi omnes curae fore. Europaeos Reges tuos auide exspecto.

CCCXCH.

FRIDERICO IVLIO SEYFERTENIO,

Halenſi Saxoni.

R Emitto tibi, quod tradidisti, opusculum, quod libenter perlegi, tuamque ex eo industriam, in perquirendo et animaduertendo non vulgarem, perspexi. Velim tamen, causas plerasque factorum accuratius edifferas, et momenta ea cum primis addas, quae prudentiam *reſtoriam*, in qua plurimum sane positum est, illustrant pariter, atque confirmant. Cuius notae illud est, quod ex ſcriptore ſagaciſſimo, quem vulgus non intelligit, deprompſiſti in hanc ſententiam, non ſchedas et commentarios, ſed vim neceſſitatemque, ac metum adeo, vincula eſſe fidei inter Principes ſeruandae. Hic arduum aliquid ſe offert, quod praeteriri abs te, nolim, vt lectori, cauſas rerum ſcire volenti, facias
ſatis

faris. Quae munimenta sint Principum quid mutuus metus possit, quae obligationum repagula praesto sint, quae foederum firmamenta suppetant, qui obices perfidiae opponi debeant, adhuc tuam, mea opinione, industriam requirunt. Sponsores foederum ut saepe partibus studeant, experiendo cognoscimus, et fiduciae securitatisque poenas damus. Nec nullum sit laboris tui pretium, si Sanctium, ut Lebleus olim solebat, peruoluas, qui praeterquam quod in libros Regum commentaria edidit, cuncta quoque eius historiae capita exponenda sumpsit, multaque non spernenda adduxit. His et talibus doctrinae subsidiis opus est, quo negotium ex animi sententia confectum reddas, dignumque aliquid te et posteritate relinquis. Ego temporum fortunam doleo, maxime ob Gallos, qui Germaniam denuo infestam habent, totumque Rheni tractum armis tenent, neque pacis induciarumque religione impediuntur. Vale, et, pro eo, ac soles, bene de rebus meis existima, honorique meo faue. Vitembergae XII. Cal. Dec. A. cl. l. CXXCVIII.

CCCXCIII.

HENRICO LEONARDO SCHURZTLEISCHIO,

Fratri.

A Gledischio libros reconditos ac in-
 ros, ex vrbe aeterna aduectos, care quod-
 dem emi, sed occasione vtendum fuit, quia
 amissa, perpetuam aegritudinem contraxis-
 sem. Duchesnius nusquam integer haberi
 potest, qui dudum in tabernis librarum
 hae et Belgii quaesitus, sed non repertus est
 a quoquam. Labbeus contemplit Mar-
 tum, quod ignorasset Annales Beronenses,
 quasi hoc crimen esset in homine non
 non ferendum. Nusquam autem ho-
 nales, quos Conringius Boeclerum in-
 uerunt, nisi apud Duchesnium, inueniuntur.
 Talem reprehensionem prudens cense-
 volui, cum, vt existimationi meae conser-
 rem, tum, vt ampliora doctrinae meae
 mihi compararem. Iacobaens enim in
 dio flagrabat, sed, pretio detentus, nam
 Leonis Allatii librum, qui, in Vrbae
 Urbanae, care latis, redimebat, postulat
 a me emptum fuisse intelligere, vt
 cite exprobrans, scribebat, tam care se lib-
 emere non posse. Rescripsi, namque
 conceptis his verbis, me conscientia
 et voluptas studii sustentant, cetera

fortuna expedient. De Daffouio scias, eum multos et insignes libros, praesertim Commentarios sacros, emptitare, et Stolbergii libros luculenta accessione auctos habere, plurimaque ad ritus pertinentia sibi comparare, suspicor tamen, aemulatione Mayeri ductum id facere, quem omnes prope libros a Bielkio accepisse, compertum habet. Spes eum tenet professionis Theologicae consequendae, nisi Mayerus praeripiat, qui Hamburgensis sacerdotii est pertaesus. Calenus modeste fert aduentum Knorrii, qui muneri professoris Mathematici imponetur, reiecto competitorè Sempronio, qui nihil minus, quam repulsam, sperabat. Linckerus vester Ius publicum recentius in aula Isennacensi didicit, et cum usu iuris Romani feliciter coniunxit, reconditaeque eruditionis, et librorum veterum monumentorumque perquam gnarus est, quod facile intelliges, si cum eo vitae consuetudinem iunxeris arctiorem. Me peradolescens ipse iuuenis Gieslæ aestimauit, et Corbachii aliquando, te adhuc puero, amanter inuisit. Litteras Feciales a Caesare Gallo oppositas, vellem, emendatiores edidisset Bielkius. Multa enim irresperunt, perperam expressa, quae sensum quidem non turbant, sed legenti fastidium creant. Prudenter et moderate scriptas esse, agnosco, tantoque li-

bentius lego, quas in tempore ad me curasti. Germanicae non perinde mihi placent. Vigeriani libelli editionem Parisiensem, abs te exspecto, Batauam teneo, cui priorem illam omnino praeferri, par est. Iosephum Graecum Latinumque in posterum a Bielkio emam, quem, libros ei redditos ut compleat integrosque mittat, rogabis. In Batauam serius scripsi, et consulto quidem id feci, ne duobus in locis simul vires exhaurirem meas. Pufendorffii *Magogen* Berolini quidam fecit Latinam, quam nondum legi. Huberi de *Iure Naturae et Gentium* opus nondum ad me est perlatum. Imhoffii *Genealogiae* multum tibi profuturæ sunt, quas commodo dabit Hospes tuus. De *Bisciola*, *Fraffenio*, aurem ei *vellica*, *Villanium* item, *Rubeum*, *historicos*, perquire. In *Iurisprudentia Critica*, Cuiacius tibi sit instar omnium, quo, ut et Grotio, ducibus, studium hoc ingressus est Zieglerus, cuius vestigia persequi te volo, ut ab eodem initio et labores, et laudes tuæ, proficiſcantur. Morem obsecro geras mihi, et in magno etiam id bono ducas, quod, auctore fidelis consilii, amplum *Iurisprudentiae* cursum expedite conficias, et sine errore ac impedimento, aetate adhuc florente ac integra, cumulatam doctrinae fructum capias retineasque. In hac Noodtius et Huberus apud Bel-

Belgas facile excellunt, cum Germani festinent nimis et forum spectent. Nouellas Iustiniani Graecas Bielkio extorque, quas dudum mihi promisit. Disputationem Landgrauii de Oraculis Gentilium, cuius partem transmisit, plenam curabis. Vale. Vitembergae Saxonum, prid. Cal. Decembr. A. cl. lxxcxcviii.

CCCXCIV.

IVNGHANSIO,

Iuris Candidato.

Magna solitudine me liberaſti, nec modo priſtinam erga me voluntatem beneuolentiamque conſeruavi, ſed etiam pluribus cumulaſti officiis, et, pro tuo in me animo, idoneum cautionis modum rationemque mihi tradidiſti. Varios hominum animos, flexibilesque voluntates, et crebras fallendi artes, audio ſaepe et lego, tantoque magis tibi obſtrepere audeo, ut charta vacua tandem quoque eliciatur. Conſilii huius auctores ſunt librarii inſtitores, qui norunt hominem, et, in rationibus conſciendis ſibi non conſtare, mihi affirmarunt. Quae iuſta timoris mei cauſa eſt, quam tibi, iuris perito, aperire debui, ut contra inſidias, quas ſuſpicatus ſum, remedium inuenirem. Male enim mihi conſulerem, ſi, me laqueis irretiri, paterer, ex quibus moleſte ſaltem me

ex-

expedirem, si callide et vafre quicquam aduersus me excogitaretur. Illud me in primis terruit et perculit, quod nihil tale cogitanti, paucis abhinc annis, chirographum mihi ostenderet, quo soluendi fidem dederam. Quae res diu ante acta, et plane confecta mihi videbatur. Ego ferme attonitus manum agnoui meam, et solui, quod ex chirographo petebat, non sine fraudis suspitione, quasi cum datis a me chirographis non bona fide, sed veteratoria arte, egisset. Haec vero tibi ingenue edissero, ut, qua ex causa mihi metuam, plane intelligas, etsi non diffiteor, suspitione me posse falli. Reliquum tuae prudentiae fideique committo. Gallos breui poenitebit perfidia, si omnes Europae vires contra eos commoueantur. Terribilem infestumque vicinis dominatum omnes fere pertimescunt, atque odio habent, iam tempus et occasio est recuperandi omnia, per iniuriam erepta. Auriacus feliciter in Angliam exscendit, ex quo successu omnia Caesaris Germanorumque consilia pendent. Quid Paserini agat, scire cupio, Volhardus ubi sit, rescire non possum, sed suspicor, sacris nuntium remisisse. Is, quem nuper commendavi, iuuenis, an expectatione dignum se gerat, ipse tu optime iudicabis. Quando futura sit Leickeriana auctio, et, quid de ea constituas ac sentias,

ce-

celare noli. Vitembergae, Calend. Dec.
A. clo lo CXXCVIII.

CCCXCV.

HENRICO LEONARDO SCHVRZ-
FLEISCHIO.

Fratri.

DE animo in me tuo, non dubito, et vo-
cum, quamvis serum, pietatis tuae am-
plum satis certumque testimonium habet.
Studia et exercitationes tuae cum multae
et laudabiles sunt, tum magna me laetitia
perfundunt. De bello, nihil est, quod ex-
timescas. Galli breui toto Imperio ce-
dent, ab Anglo profugo auxilium nullum.
Dani nihil temere facient, et suae ipsorum
saluti in primis consulent; aula sublato
Greiffenfeldio, homines rerum consilio-
rumque peritos quaerit, cum eoque fortu-
na Danorum concidit prorsus. Sueonum
Rex armatus et cautus est, suoque iam au-
spicio regit sapienter. Poloni diuersis in-
ter se studiis certant, et nihil pro Gallo
possunt, Caesaremque vicinum, ex Hunga-
ria terribilem, adspiciunt, superioris belli ta-
ma et auctoritas ferme exolescunt. Rex
Gallo morem gerit, et filio, qui spe Rad-
ziuiliae cecidit, huius ope et patrocinio, no-
uam sponsam quaerit. Maiores Poloni stu-
dent partibus Brandenburgicis, minoris

Poloniae ordines cum fortuna amorem transferunt et inclinant; vicino cuidam, et nisi me fallit animus, Brandenburgico, si cogat necessitas, accessuri. Rebus in hunc locum deductis, Gallus imprudenter laceessit Germanos, cum spectare debuisset apparatus finitimorum, et operiri euentum Hollandicae expeditionis. Illud etiam non perapte factum, quod Delphinum expeditioni versus Rhenum praeficeret, et, magni molem odii in eum deuolui, cuperet, ut clare viderent Germani, hereditarium illud odium fore. Crassa et praeferuida Gallorum consilia nunc tandem se produnt, quae viribus et armis potius, quam prudentia, nituntur. Caesaris pietatem fortunat Deus, hostis, fugienti similis, de Sueuia et Francia Orientem versus, ac Ducatu Wirtembergico, decessit, praesidiaque de vrbi- bus deduxit, omnia ex animi sententia geruntur. Saxo venit in laudis partem, sed praefectus militiae, impar muneri videtur, et a quibusdam non admodum aestimatur. Quae causa est, quod Saxo ipse in castris versari pertendit. Brandenburgicus omnes ad resistendum vires comparat, et consilio atque auctoritate permultum potest. Guilelmus III. confudit Galli consilia, et tantum non disturbauit apparatus magnae et terribilis Gallorum *monarchiae*, perin-

perinde, ac Guilelmus I. disiecit vastam illam, ab Hispanis praeparatam, toti prope terrarum orbi metuendam. Fatale hoc nomen magnis Regibus est, et posteris memorandum, quod liberator Anglorum, Auriacus, fundamentum iecerit libertatis, et exitium auerterit ab illis pariter, ac Belgis. Iam Hispaniae et Bataviae Gallus et Anglus, vicini coniunctique Reges, insidiabantur, et foedere, animis, viribusque ad vtramque subigendam conspirabant. Sed nec Auriacum in Anglia successorem ferebant, consiliaque, instruuntibus Patribus, eo referebant, ut incertus, et aliunde surreptus filius substitueretur. Verum alter ad angustias redactus, alter profugus, poenam dabunt consilii pravi. Ad res vero nostras ut veniamus, tu, quaeso, de libris Biellkii videas, an multa sint adscripta praesertim Onuphrio, et aliis, qui non vulgares, sed conquisiti sunt et selecti. Zieglerus grauiterdique aegrotat, sed fortiter dolori obstitit, et patiando vincit calculum tortorem, quo vocabulo vir constans appellat morbum. Lambertus historicos *Ecclesiasticos* conquirat sollicite et comparat, indicesque me poscit, velut successor futurus, cui graue molestumque est, quod spe sua diutius viuat. Calenus te laudauit, ob scriptam Gallice epistolam, vir ingenuus qui fortuna

vitur non optima, cum spe eadem in
 thematicae professionis. Viniemus
 Belgio ad me scripsit, multosque et
 gnes libros designavit, quos venales expo
 nit. Difficilis hic est pecuniae colligenda
 ratio, quam si confectam reddidi, multos
 bonos mihi parabo. Orator vester
 est, cuius mores et ingenium miror
 viro grani expediat esse constare.
 Vitembergae Saxonum, Idib. Febr.
 16CXXCIX.

CCCXCVI.

ZACHARIAE ZVVANZIGIO

EL. Br. a Secretis.

IPse mihi testis sum inter in te
 multis exploratum habes indicio
 meam in te voluntatem observantem
 abunde confirmant. Felicem mihi
 EL. e Cluvia reditum omnes laeti
 que audiunt, et patriae, ob fidem obsequi
 tiamque eius, gratulantur, qui cum vestri
 successibus elato, fortiter obstitit.
 Caesari fideliter suadet. Præclarum
 li, quod is quidem in Iacobi
 fuit, auctore Auriaco, et admodum
 denburgico, deiectum ac dissipatum
 Europa, imprimisque Belgium, e
 gham insidias parabat, servituti
 berata, nouo hoc auspicio ad dep
 iugum se erexit. Cuius rei fructum

et posteritas, beneficiumque agnoscat, quo nullum maius extare potuit, si meritorum rationem ineamus. Breui, opinor, perfidiae poenitebit Gallum, qui, tali fundamento iacto, cecidit spe potiundi Europae dominatus. Hispani sensim se colligunt, et Regi, viduo, nouas, atque coniunctioni regnorum idoneas, in Lusitania nuptias destinant ac meditantur. Caesar breui Vngariam vniuersam, cum accessionibus prouinciisque olim coniunctis, iusto belli pacisque titulo vindicabit. Valdeccius adhuc nihil audet, occasionem temporis locique aequioris exspectans. Boioariae Princeps EL. magnum aliquid molitur, cuius sane interest, Gallos finibus summoueri, et a Philippiburgi, imo et Argentorati, possessione depelli. Semper ita censui, ex prospero belli Vngarici euentu, et, Buda, Mursa Belgradoque, receptis, spem fore, tandem recipiendi Argentorati, in quo non urbem, sed regnum et propugnaculum, Germania amisit Vale, et de hodiernis Angliae et Europae rebus, consiliis, destinationibus, foederibus, speciatim de connubio Radziuilliano, aliquid perscribe. Vitembergae, Nonis Martiis. A. clc l^o CXXCIX,

CCCXCVII.

IOANNI FRIDERICO ARZBERGERO

Sacrorum Antistiti.

QUod, de voluntate iussuque Genero-
 sissimi Schoenfeldii, liberi et Imperia-
 lis Dynastae, ad me perscriptum benivole
 est, id, qua par est observantia, accepi, et
 in parte felicitatis ponendum, iudicavi.
 Nam mereri de sobole tam illustri, quae de-
 cus patriae tuendum augendumque suscipit,
 vna erit maximaque mihi voluptas, cum
 Domino Patronoque observando exopta-
 ratio obsequii mei constet, tum, ut tibi ad
 citiam studiumque probare possim. His
 riam rerum toto terrarum orbe insigniorum
 et normam Imperii Germanici, regionum
 que exterorum, disciplinam item institutio-
 turae et gentium, cum apparatu omnium
 elegantioris doctrinae subsidiorum tradere
 paratus sum, et exempla industriae, quae
 docunque placet, dare. Sed menta et con-
 victus alibi sunt quaerenda, quorum abstin-
 me iudice, perfacilis apud Ledererum
 tebit, qui suos liberaliter habet. Mentis
 libris conditio id non fert, quandoquidem
 Zieglero me adiunxi, ab itinere Gallico
 uersus. De cetero statuat inclutus vir
 me, quod velit, nihil reculabo, sed
 copiasque doctrinae et librorum filio

magna nitenti, libenter ac prompte sup-
peditabo. Hoc mei pignus animi, hoc
perpetuum obseruantiae monumentum,
Patrono extare volo, et Tibi Venerande
Vir, omnia, quae a me proficisci possunt,
officia promitto confirmoque. Vale Vitem-
bergae Saxonum, Idib. Mart. A. cl
bCXXCIX.

CCCXCIIIX.

IOANNI BERNARDO FRISIO,

IC. Ienensi.

QVod mihi in primis honori duco, il-
lud, fratri meo quoque gratulor, talem
ei contigisse ducem, qualem voto semper
expetii, et enixissime hucusque quaesui.
Eam vero laudem Iena sibi vindicat, quam
auspicato vitae studiorumque sedem Ger-
manus delegit, et, praeter ceteros, in-
dustriam dexteritatemque tuam expertus
est singularem, et spe sua maiorem. O-
ptata haec ei proficiendi occasio erit, si con-
siliis tuis, quae viam dubitanti muniant, ob-
sequens, firmo pede fidentique animo iuris
pariter, atque humanitatis, scholas ingredia-
tur. Diem ex die ducere, et moram facere
inutilem, nec fratri expedit, neque mihi
probat. Philosophiam, iuris perito uti-
lem, foroque accommodatam, quin magis
excolat, non prohibeo, nec salubribus et

op

opportune datis consiliis repugno, philosophiam vero insuauem ac nimis subtilem, eamque scholasticam, et plane spinosam, ab eius instituto alienam esse, duco. Me auctore, Historiam civilem, et humaniores litteras, cum Mathesi non illiberaliter iunxit, Batauisque harum rerum magistris, Graeuio, Gronouio Volderoque, pro aetate et captu suo, approbavit. Sed haec fa-teor, ornant, victumque comparanti non sufficiunt, et maius animo gaudium, quam vitae praesidium, afferunt, ac voluptatem nulla, vel exigua, vtilitate circumscribunt. Itaque in eo fundo, vbi magna et locuples conditio offertur, vestigia tandem figenda sunt, vt ad vitam forumque instructior accedat, vsu et exercitatione tua confirmandus. De pacto inter vos conuento non obnitor, sed prorsus ratum habeo, et ita soluendi sponsor sum, vt soluere pro fratre velim. Finitis Lipsiae nundinis, prima portio sine mora impedimentoque perferetur, et idem ordo soluendi, ex pacti lege, vt fieri par est, deinde seruabitur omnino atque constanter. Adsit Deus incepto perquam honorifico vtilique, ac tuo ductu consilioque efficiat, vt frater meus in illo studiorum curriculo sine prolapsione per-gat, spatioque confecto, sub tuo auspicio victor, extremam operi manum imponat.

Id,

Id, quanta possum contentione, opto, et omnia secunda tibi euenire cupio, simulque precor, vt feri anni, sempiternaeque laudes, meritis tuis multo cumulatissimis rependantur. Vitembergae, Calend. April. A. cl. cl. CXXCIX.

CCCXCIX.

HENRICO LEONARDO SCHVRZ-
FLEISCHIO,

Fratri.

ARgus sit, qui tam accurate omnia dispi-
ciat, vt non aliquando rationes suas
non exquisitissime constituat, et opinione
sua fallatur. Nec credo facile, nec fido
omnibus, sed, quos suspectos habeo, diligen-
ter exploro, et tempus occasionemque ex-
plorandi de industria exspecto. At vero,
sic quoque circumueniri me posse, non in-
ficio, praesertim hoc aeuo, ad fallendum
idoneo, et subdolis hominibus pleno. Di-
ctatorem inter prudentes me non fero, ne-
que haec stultitia meum incessit animum,
qui ipse mihi modestiae testis est, et recto
atque ingenuo more delectatur. Ad iner-
tes tamen et rudes me aggregari, non pati-
ar, nec sinet, opinor, tua verecundia, vt alie-
ter de me statuas, et iudicando fines pruden-
tiae transeas, quin potius animum in me ae-
quum serues. Aduena hic et peregrinus, in
Deo

Deo et virtute spem posui, amicos, necessarios, habui nullos, sensim, nec sine iniuria creui, omnesque fortunae iniurias conditione mea inferiores duxi. Velut antiquoquoque litteraria in gloriam vertit, Proceresque mouit, vt contra machinationes inimicorum firmi, de me retinendo cogitarent. Professores omnes in exitum meum conspirasse videbantur, sed vnus ab omni omnes stabam, tanta firmitate animi, quantam viro sapienti opus erat. In vrbe inimicos, in Academia aemulos, in domo et mensa proditores habui vaserrimos, vt vellent maxime, tamen me opprimere non potuerunt. Etiam inter has molestias, quae me circumdabant, cogitationes meas non abieci in res humiles ac modestas. Patris funus, et bonorum memoriam nosti, iactura, vno eodemque tempore cruciabantur. Sustinui impetum et quosdam. Postea alios contra me armantibus, quibusque inuidiae acrius in me intorquens coeperunt, excitatis tota Germania, vt bellum mihi denunciarent. Periculum, et retundi, et, cum periculum a patribus impenderet, acquieui, studia non intermisi, noctesque infomnes duxi, et corpus laboribus vigilisque exhaustum, meae non amplissimae erant, materiam suppeditas fere non poterat, cum me

liaeque prospicere cogeretur. Propinqui in patria laudem meam, studiis partam, moleste ferebant, hic peregrinus aequè, ac inuius eram. Sed exteri me amabant, et, oblati stipendiis, non obscure inuitabant. Moguntinus per Meznerum, fouente consilium Illustrissimo Boineburgio, Brandenburgicus, per Becmannum, interpretem, studium gratiamque mihi confirmabant, alia alibi melioris fortunæ indicia se probebant. Sueones, Bataui, Itali, atque inter hos Magliabechius, spem nouam ostendebant, propensamque voluntatem indicare gestiebant. Nunquam deiectus sum, sed inimici mei, morte, aut morbo, deiecti, iacent, quorum alteri nocere non possunt, alteri rationes nocendi conturbatas vident, Deique auxilio me eluctatum, fatentur. Omnes a me auersi erant, famuli parum fidi, et fures, libros, pecuniâ, furripiebant, ab iis etiam instigati, quorum auctoritate refrænari debuissent. Hinc tandem aedes mutui, et fato benigniori damna auerti, plenus animi, et firmus contra offensam heri, quem et nocendo subtiliorem, et premendo efficacior, cognorâ. Sed vix egresso, aliud impendebat malum, longiusque serpebat, atque ex Boiemia in Misniam vsque progrediebatur. Quare abeundi cogitationem suscepi, comite et adiutore pe-

reginationis Orthio, quo in Gallia relictus
 in Germaniam redii, et itinere ad VValdeci-
 os conuerso, in patriam ire coepi. Sed quo-
 modo acceptus fuerim, non ignoras. Mater
 ipsa de filio subdubitabat, statusque con-
 trouersiam prope iam mouere cupiebat,
 cumque me agnouisset, subtimere incipie-
 bat, quasi ideo venissem, ut rationes ab ea
 reposcerem paternae hereditatis. Omnia
 fortiter tuli, sed illud in primis, repeten-
 nae tempestatis instar, me percellebat, cum
 tristis Francofurto afferretur nuncius, a-
 des, a me conductas, incendii periculum
 subiisse. Verebar enim, ne id male eveniret
 et rebus meis, si periculi causa fores effu-
 ctas, et libri exportati ac distrahi, fuissent.
 Mox, Arolsa discessuro, noua ostentata
 obiecta est, cum equitans a via abesset, et
 in syluis montibusque, ignarus itinerum,
 vagarer. Omnes, qui de professione au-
 diuerant, in praesentissimum vitae peri-
 culum me venisse, tunc affirmabant, ob la-
 tum infidias, quos ibi delitescere, et in ho-
 mines irruere, comperissent. In Saxoni-
 am reuerso, negotium facesset, et negotio
 tua, cuius recuperandae causa, nihil omni-
 sumptibusque nullis peperci. Inuidia
 factio inimicorum, malitia famulorum, et
 conspiratio furum, qui, absente me et con-
 stante, ianuam aperiebant, eamque adire

adulterinis clauibus utebantur, et schedas MSS. inspiciebant, librosque expilabant, et, indicio per Krikouium, prodito, Profellorum consilio se fretos esse, fassi sunt, quae tamen omnia frangere me non poterant, sed morbus tuus plane me conficiebat, cum Lossius de humana ope, et arte sua, desperaret. Conspirationem, ab Vngaro coeptam, et a Burcardo Cracouio, et Reutero, improbe continuatam, non magis euitare potui, ac Caesar Teckelianam. Ego, viros bonos, et integra fide praeditos, existimaui, quibus me credidi, sed varios et versutos deprehendi, tantoque magis arcendos duxi. Veteranus ille Carnutensis, et, huic postea coniunctus, Balthasar, prope in exitium me adduxerunt, sed Michael, ut accipi, Hungaro dissuasit, et, dolum bonum, quem hi suggerebant, honesta ratione non excusari, dixit. Abraamo, qui, ob litteras, Helmstadio missas, studiumque in Calixtum et Conringium, me oderat, non indignam gratiam retuli, atque in eius funere verba feci. Balthasar, aemulatione studii infestus, nocuit subtilius, et Georgium, historicum, Guilelmo, Iurisperito, obnoxium, Michaellem et reliquos societate odii coniunxit. Sed supremo eius honori pridem scripsi, orationem prudens recusavi. Melchior aegrotantis Iurisprudentiae non adum-

brata, sed, expressa signa, habet et muni-
 o aulae temporumque statu, mitius ag-
 minusque resistit. De te, quod auctori-
 nihil abiecte pronunciat, et, quae tua con-
 ditio sit, perquirat, etsi offensam dissimulat,
 et moleste fert, quod ante abitum non sa-
 lutaſti, quod ut faceres, te admonere
 Sed non moror haec, et de instituto
 emendi hoc te scire volo, non male
 cundum, sed etiam necessarium,
 pliorem rei librariae apparatus,
 opinionem aulae, tum, ut expectare
 eruditorum sustinere possim. Vnde
 animi mei voluptas, et una existens
 meae tuendae ratio est, ut libros
 selectissimosque conquiram, sine
 nihil magni in doctrinae studiis et
 que muneris dignitatem orn-
 subsidia viro erudito in omni ge-
 paranda sunt, ut, posteritati, se-
 ſtetur. Olearius Arnſtadio, qui
 contrulit, numos mihi transmiſit,
 maet imago produnt, non e-
 Cum Vitembergae eſſet, aerea
 bat, ſed is cuiuspiam Pontificis
 erat, nota numeri annum Pon-
 ſignabat. Cum Daumio illi ſuit
 cium, et *Abacum* ſcripſit, ad
 vilem, ac modica laude dignum
 varios, in Bibliotheca Halenſi, r-
 124

legit atque inspexit, et numos plerosque collegit veteres ac peraros, quos ei non inuideo. Sagittarius, Antistes Altenburgensis, numos, medio aevo cufos, multo, nec superuacuo, labore conquisiuit, eosque gnauiter illustrauit. Imagines rudius expressas mihi transmisit, quas in aere incidi, necesse est, ut pulchriores extent. Auctor ei fui, Henrici Aucupis et Ottonum numos inuestiget. Ego Aucupis quendam in cimelio Seideliano vidi. In Batavia Graeuus et T. doctrinae aemulatione aduersus se contendunt, alter doctus et prudens, alter, ineptus ad vitam, et prope stolidus, pecuniae indigens, Italiam peruagatus est, et multa more stultorum fecit. Magliabechius ad me scripsit, iussitque, ut Tenzelium salutarem, quod tu facias nomine meo. Nam a rixis Tenzelianis studio abhorret, et inquisitionem censuramque Pontificis pertimescit. Graeuus, totam fere Italiam illo certamine excitatam, dicebat, in cuius partem veni, cum epistolam dissertationi Tenzelianae subiicerem, quae ad Schelstratium missa, fax controuersiae fuit. Auctor disputationis nihil non agit et destinat, ut per certamina et lites famam consequatur. mihi alia mens est, et tempus omnino melius collocare possum, quam illi solent, qui rixis delectantur. Schelstratius, in sacra

T t 3

pro-

perfecto antiquitate, operam docti et diligentis viri approbavit, sed humanitatis et historiae civilis minus peritum esse, animaduerti, et in capite, de duplici *Baptismo* Constantini ab illo semper dissensi, causasque exposui in epistola, quam ad Tenzelium scripsi. Tollius, qui nuper ex Italia rediit, de eo, ut audio, abiecte iudicavit, et, codices librosque duntaxat *Ecclesiasticos* ab illo sibi commonstratos, dixit, ubi iudicium Bataus interponere non potuit, quod in reliqua antiquitatis parte voluisset enixe, et utique potuisset. Coloniae, cum bibliothecam et numos videret, non magnam audaci censura gratiam retulit, et sine praemio, quod sperauerat, est dimissus. Ego modestius de codicibus numisque sententiam dixi. Quod ad tuas res attinet, videris ipse, quid facto sit opus. Scholae priuatae apud vos non magno pretio constant, et, in tanto docentium numero, facile aperiuntur, Vale. Vitembergae, Nominis April. A. clb l^c CXXCIX.

CD.

EIDEM,

SI, quam expedita, tam certa esset interpretationis tuae ratio, facile locum darent, nunc, cum *placendi* verbum de expresso tantum consensu, quod sciam, legatur

tur apud Scriptores Latinos et probos, fac-
edas testimonium auctoris prisca, ubi *pla-*
cuit, de consensu tacito efferatur. Hoc
operae tuae pretium sit, alioqui non est,
cur iudicium tuum interponas, si genus di-
ctionis, exemplaue veterum, quae causae
tuae praesidium afferant, ignores. Tum,
quaeso, edisseras, num latine dicatur, *con-*
tractum aut venditionem in scriptis fieri, de
quo dubitavit Leiserus, et a me petiit, hoc
sibi darem, et non grauato aperirem. Por-
ro usus, qui in foro dominatur, tuae sen-
tentiae repugnat, quippe qui expressum
omnino requirit consensum, si recte qui-
dem contrahatur in scriptis, ut obligatio sit
efficax pariter, ac firma. Vismeriensis, cu-
ius diligentiam non reprehendo, magno-
pere a quodam laudatus est, sed locus com-
munes edidit, et dispari laboris successu or-
dinavit, quos expolire magis et ornare po-
tuisset: sed, ut priuatim dictauit, sic protu-
lit in publicum ac protrusit. Multas eius
digressiones, et vulgares nouosque scripto-
res, passim laudatos, non probo. Salmasi-
us tanto operi suffecturus fuisset, noster
Graecae litteraturae non satis peritus, nihil
tale quod aestimem, polliceatur. Francus
more critico commentatur ad Institutio-
nes, iratis, sed non renitentibus, Iuris pe-
ritis, multa vult, plura molitur, nihil digne

perficit et absoluit. Anglus Duglassius Mayero, Theologo, Hamburgi capita religionis exponenti, contradixit, sed hic palmam disputandi Anglo praeripuit, et victoriam reportauit. Titium, quem nostris ratio destituit, quum proxime ad nostrum ordinem scriberet, se cum quouis Mathematicae Professionis Candidato et certare, et vincere paratum. O stultitiam hominis, tantum sibi tribuentis, ut cum Knorrio certare et experiri velit: Te aptiorem iudicarem, veteranum Matheseos auditorem. Vicit Knorrius, Volderi et Sturmii discipulus, patria Halensis, idemque meus conuictor. Tua vero spes, de re facienda, ne inanis sit, opto. Multi quidem connubio locupletare fortunas volunt, sed falluntur. Otiosi homines festinant saepe, et frustrantur atque excidunt, dum, lubrico in solo vestigia se figere, arbitrantur. Valdeccia, argenti inops, fundos, prata, vaccas, pro dote reddit. Amplius praemium Tubinga mihi datura fuisset, si quieuisset, Gallus, pacemque seruasset. Septingenti numi vniciales a principe decreti mihi destinatique dicebantur, cum munere amplo, et accessionibus aliarum dignitatum claro. Sed regio opima et fertilis nunc exhausta est, nec Deus consilium migrandi approbavit, neque, ab vrbe hac et otio me abduci, voluit, idque

que in vtilitatem meam vertit. Ita Arbiter ille Optimus res nostras moderatur ac temperat, et cogitationibus ipsis interuenit, propositumque mutat. Cuius beneficio omnes rationes tuas fortunatas felicesque esse, cupio, et precor tibi robur Herculeum, et ingenium Socraticum, quod iudicio et prudentia aliis praestabat, sola autem pietate carebat, quam Deus, Vade Christo, et Sponsore suo Spiritu, in te augeat atque confirmet. Nam ab hoc initio omnis vera solidaque felicitas proficiscitur, et hoc fundamento nititur, atque hac radice alitur et conseruatur. Vale. Vitembergae, VII.

Id. Apr. A. clb l^o CXXCIX.



INDEX PRIOR,

NOMINA EORVM, AD QVOS EPI-
STOLAE HVIVS VOLVMINIS
PERSCRIPTAE SVNT,
EXHIBENS.

A.

Alterius Nomine. 68. 73. 105. 112. 113. 292.
Amico Cuidam. 4. 5. 6. 9. 13. 16. 19. 23. 81.
82. 108. 117. 118. 126. 132. 143. 183. 223. 233. 275.
301. 309. 310. 311. 315. 323. 338. 389.

Ab Appelboom *Carolo* Libero Baroni 320.

Ab Arnim *Joanni Christiano*, Confiliario Saxo-
nico et Curiae EL. Iudici summo 195.

Arnoldo *Christophoro*, Polyhistori Norico. 20.
25. 35. 83. 124. 187.

Arzbergero *Ioanni Friderico*, Sacrorum Antistiti
397.

B.

Bahnio *Ioanni Ernesto*, Iuris Candidato 190

Bebelio *Balthasari*, Doctori Theologo et Profes-
sori Publico Primario designato, 300.

Becmanno *Ioanni Christophoro*, Professori Publi-
co Francof. 334.

Bergero *Ioanni Henrico*, IC. 219. 229. 240.

Bergmanno *Ioanni Christophoro*, IC. 251.

Bernhardi *Edoardo*, Professori Oxoniensi 157.

Boernero *Ioanni Georgio*, IC. et Confiliario Saxo-
nico. 193. 218. 235.

Bor-

INDEX NOMINVM.

Bornefeldio *Paulo*, Patricio Lubecensi. 305. 312.

Brandio *Ottoni Friderico*. 204.

Brandio *Matthiae* 258.

Burcardo, Rectori Culmburgensi. 322.

A Buvvinckhausen *Henrico Achilli* Lib. Bar. EL.
Saxonis in suprema **S.R.I.** Curia Legato et Af-
fessori 43. 47. 51.

C.

Capello *Rudolpho*, Doctori Theologo et Histo-
riar Prof. Publ. 63.

Chytraeo *Iano*. 186.

Cnauthio *Ioanni*, rerum sacrar. Dippoldisvald.
Praefecto. 175.

Cnauthio *Ioanni Conrado*, Iur. Candidato. 192.

Collegae cuidam 291. 293.

Conradi *Ioanni*, Mechlenburg. 205.

Consiliario cuidam Saxon. EL. 286.

D.

A Daiberg *Philippo Francisco Eberbardo* Lib.
Bar. Praefuli summo in Ecclesia Cathedrali
Vaagionum; et Tribunal, Spirensis Praefidi.
39.

Danzio *Ioanni Andreae*, Prof. Publ. Ienenfi 341.
Decano. 242. 364.

A Dorne, Patricio, Senatori et Scholarchae Lub-
becensi 265.

E.

Am Ende *Christiano*, Scholae Calbenfis Rectori
189.

Erasmio

INDEX NOMINVM.

Erasmio Danieli, Doct. et Prof. Iuris Extraordi-
nario [279.](#)

Eybenio Hulderico IC. et Assessori Spirensi [45](#)
F.

Fellero Ioachimo, Prof. Publ. Lipsiensis [132.](#) [147.](#)
[262.](#)

Fließbachio Abraamo, Philosoph. Mag. et Sacer-
doti [94.](#)

A Frisen Carolo, Lib. Bar. [59.](#) [212.](#) [250.](#) [274.](#)

A Frisen Henrico, Lib. Bar. [17.](#)

A Frisen Henrico, Lib. Bar. Iuniori. [173.](#)

Frisiae Henricae Catharinae, [283.](#) [284.](#) [346.](#)

Frisio Ioanni Bernardo, IC. Ienenfis [398.](#)

Fronio, Transylvano [357.](#)

Fugmanno Ioanni Christophoro, [8.](#)

G.

Gassitio Georgio, Gymnasii Carolini Bremensis
Rectori [220.](#)

Geislero Eliae, Philosoph. Mag. et Sacerdoti Keyf-
bergenfis [22.](#) [254.](#)

A Gersdorf Nicolao, Lib. Bar. [15.](#) [54.](#) [66.](#) [75.](#)
[79.](#) [90.](#) [96.](#) [102.](#) [128.](#) [136.](#) [138.](#) [178.](#) [216.](#) [318.](#)
[339.](#) [354.](#)

A Gersdorf Ioanni Georgio, Lib. Bar. [141.](#)

Gockelio Ernesto, IC. Reipublicae Vlmenfis Con-
filiario. [326.](#) [365.](#) [391.](#)

Graeuio Ioanni Georgio, Polyhistori Vltraiectino-
[76.](#) [153.](#) [156.](#) [235.](#) [316.](#) [317.](#) [319.](#) [366.](#) [371.](#)

Grononio Iacobo, Polyhistori Eximio. [158.](#)

INDEX NOMINVM.

H.

Hackio Theodoro, Societatis Regiae Anglicae Socio 161.

Hahnevvaldio Ieremiae 88.

Haxthufio Henrico, IC. Serenissimi Hassorum Principis Consiliario. 180. 209. 340.

Heigio Ioanni Friderico, IC. et Elect. Saxoniae Consiliario 179.

Heinio Ioanni Christophoro, Sacerdoti Hohenvarf. ebienfi 21. 34.

Hekelio Ioanni Friderico, Scholae Reichenb. censis Reclori 64.

Hemfdorffio Samueli 123.

Homfeldio Petro IC. 53. 97. 106. 125. 129. 184.

Hubnero N. 86.

I.

Iacobi Adamo Christoph. IC. Dresdensi et Saxoniae Electoris Consiliario. 60. 64. 78. 91. 92.

93. 101. 111. 148. 154. 177. 196. 197. 198. 199.

200. 201. 202. 206. 207. 208. 211. 224. 227.

230. 238. 245. 247. 253. 270. 272. 273. 276.

280. 281. 313. 379. 387. 388.

Iano Christiano Friderico, Consuli Torgauensi 376.

Iερεμιας τωι Παλανω. 380.

Iunghanfio, Iuris Candidato 394.

Kanizio Illustri 86.

Kochio Christiano, in Regio Vismariensi Tribunali Affectori. 314.

INDEX NOMINVM

Kressio *Benedicto*, Aerarii EL. Saxon. Praefecto.
122. 144. 271. 191. 297. 334. 337.

Kulpisio *Ioanni Georgio*, Duci V Virtembergico.
 a Consiliis interioribus et Senatus Aulici Pro-
 Praefidi 370.

L.

Lehmanno *Theodosio*, IC. et Consiliario Mer-
 seb. 150.

Lenzio Ludouico IC. Consiliario Anhaltino. 31.

Limbachio *Ioanni Christophoro*, IC. et Consilia-
 rio Palatino 44.

Linckio *Salomoni Friderico*, IC. et Consiliario
 Saxon. 155.

Ludolfo *Henrico Guilelmo*, Iobi Fil. 181.

De Lukovvin *Cornelio*, in suprema prouocatione,
 curia Saxon. EL. Senatori 121.

M.

Magliabechio *Antonio*, Magni Etruriae Ducis
 Consiliario et Bibliothecae Praefecto II. 24. 77.
84. 103. 166. 185. 259. 275. 362.

Magistro recens creato 363.

Magno *Georgio Friderico*, Gymnasii Augustani
 Rectori. 104.

Mauritio *Erico*, IC. et in suprema S. R. I. Curia
 Aessori. 40.

Martens *Gerardo*, Sacerdoti Londinensi apud
 Anglos *Lutherano*. 222.

Medero *Asareli*, Transyluano 266. 356. 382.

Mei-

INDEX NOMINVM.

Meibomio *Hemrico*, Professori Iulio et Archiatro
Guelphico 298. 367. 390.

Meiero *Ioanni Friderico*, Doctore Theologo
333.

Meisnero L. 210. 221.

Menckenio *Otoni*, Prof. Publ. Lipsienfi. 109. 127.
131. 135. 142. 149. 194. 203. 228. 248. 342. 386.

Miezio *Georgio Friderico*, Sacerdoti Culemburgenfi 321.

Mirenio 217. 249.

Moefero, Sacerdoti Osnabrugensi. 384.

Mollero *Matthiae*, Ephoro Isenburgenfi. 290.

Muegio *Georgio Friderico*, I V D. et in suprema S. R. I. curia Aduocato 260.

N.

Nitschio *Gregorio F. V. L.* Tubing. 373.

Nobili cuidam 58. 100.

Nomine Rectoris Academ. 267.

O.

Orthio *Ioanni Georgio*, IC. Patricio Francofurtensi 52. 120. 130. 142. 169. 237. 244. 261. 288.
304. 360.

Orthiis Fratribus, 41.

Osnabrugensi Consuli 347.

P.

Paferino IC. 143.

Patricio Lubecenfi 277.

Patrono cuidam 14. 07. 70. 114. 151. 271. 308. 325.

Perlſhi *Ioanni Iacobo*. 383.

342. Pec-

INDEX NOMINVM.

- Peukero** *Dauidi*, EL. Palatino a secretis [289.](#)
Plezio *Friderico Guilelmo*, Sacerdoti Quedlim-
 burgensi [264.](#) [268.](#)
**Praefidi et Assessoribus Senatus Ecclesiastici Arn-
 stadio-Schwarzburgici.** [239.](#)
Prageſto N. Societatis Regiae Angl. Socio [160.](#)
 182.

Q.

- Quenſtadio** *Ioanni Andreae*, Doctore Theologo
 et Profefſori Publico Vitembergensi, [225.](#)

R.

- Rammio** *Antonio*, Confiliario [Tonnano](#) [263.](#)
Rechenbergio *Adamo*, Doctore Theologo et Pro-
 feſſori Publico Lipſienſi [231.](#) [234.](#) [241.](#) [246.](#) [252.](#)
 295. [199.](#) [332.](#) [343.](#)
Reineke N. in Curia redituum VValdeccenſium
 a Secretis [49.](#) 50.
Reinhardo *Ioanni Friderico*, IC. Dreſdenſi, [85.](#)
[89.](#)
Richardo *Iacobo*, Doctore Theologo, et Sacrorum
 VValdeccenſium Antiftiti [57.](#)
Rudolphi *Friderico*, Duci Saxo Gothano a Se-
 cretis, et ſanctioris tabularii Praefecto [294.](#)

S.

- Sacerdoti cuidam.** 74. 95. 170. [145.](#) [176.](#) 214.
Sagittario *Caspari*, Profefſori Publ. Ienenſi, [57.](#)
Sagittario *Ioanni Chriſtophoro*, ſacrorum Alten-
 burgienſium Antiftiti [296.](#)
Schedio *Ioanni* ſacerdoti Staricenſi in Miſn. [116.](#) [335](#)
Schedio *Danieli*, Confuli Landſbergenſi in Mar-
 chia [381](#) **Schei-**

INDEX NOMINVM.

- Scheiblero *Ioanni*, Sacrorum Iuliaci et Montium
Praefecto. [12.](#)
- Schellhammero *Ioanni*, Theologo Hagae Comi-
tum Augustano [72.](#)
- Schubarto *Georgio*, Prof. Publ. Ienenfi [10.](#) [75.](#)
[370.](#)
- Schulzio *Andreas*, IC. Hamburgensi [61.](#)
- Schurzfleischio *Ioanni Antonio*, Artis Salutaris
Candidato [2.](#)
- Schurzfleischio *Henrico Leonardo*. [324.](#) [327.](#)
[329.](#) [336.](#) [345.](#) [348.](#) [349.](#) [350.](#) [351.](#) [352.](#) [353.](#) [355.](#)
[359.](#) [374.](#) [377.](#) [378.](#) [385.](#) [393.](#) [395.](#) [399.](#) [400.](#)
- Schuzio *Christiano*, V Veisenfelsae Inspectori [28.](#)
[98.](#)
- Senatui Landesbergenfi in Marchia. [165.](#)
- Seyfertenio *Friderico Iulio*, Halensi Saxoni [392.](#)
- Spenero *Philippo Iacobo*, Doctori Theologo. [80.](#)
[119.](#) [167.](#) [232.](#) [287.](#) [302.](#) [307.](#)
- Spizelio *Theophilo*, Theologo et Philologo Au-
gustano. [168.](#)
- Stubelio *Ioanni Iacobo*, Phil. Mag. [29.](#) [107.](#)
- Sturmio *Samueli*, Medicinae Licentiatu [3.](#)
- Strunzio *Ernesto*, Sacerdoti [328.](#)
- Syburgio *Alberto Friderico*, IC. et Consuli Mag-
deburgico [171.](#)

T.

- Tenzelio *Guilelmo Ernesto*, [99.](#) [140.](#) [146.](#) [336.](#)
[361.](#)
- Theologo cuidam [303.](#)

Vv

Tre

INDEX NOMINVM.

Treschio *Sebastiano Henrico* , IVD Magdeb.
358.

V.

Vackenio N. 27.

Valstadiæ *Ioanni* 306.

VVaechtlero *Christfrido* IC. 278. 283.

VValtero *Ioanni* , Senatui Luneburgensi a Secretis 115. 174. 269.

Vasmero Hamburgensi I V L. 375.

A Veltheim *Iosiae* , Equiti Saxonico 152.

VVeidlichio *Friderico* , 243.

VVendlandio *Martino* , IC. et Consiliario Brandenburgico. 215. 226.

Verchio *Samueli* , Gedanensi Ordinis sacri Candidato 33. 188.

A VVerthern *Ioanni Christiano* , Lib. Bar. 255.

A VVerthern *Adamo Ludouico* , Lib. Bar. 256.

Viro cuidam Illustri 65. 69.

Vitriatio *Philippo Reinhardo* , IC Lugd. Batauorum 368.

VVittsteinio *Ioanni Philippo* , IC. et Cancellario VValdeccensi 48.

VVolfhardo *Simoni Friderico* , Abbati Bergensi 344.

VVolfio *Christiano Sigmundo* , Doctori Theologo 62. 71.

VVolframsfordorffio *Hermanno* , 1.

Volhardo *Ioanni Friderico* 18. 30. 32. 36.

Vossio *Isaaco* , Praefuli Vindsorienfi et Polyhistori Summo 56. 159.

Zah.

INDEX NOMINVM

Z.

- Zahnio *Christiano* IC. et Quaest. Vitembergens.
aerariiue Praefecto [213.](#)
Zieglero *Caspari* IC. [38.](#) [42.](#)
Zimmermanno *Matthiae*, Doctori Theologo et
Antistiti Misenensii [133.](#)
Zvvanzigio *Zachariae*, Principi EL. Brandenb.
a Secretis. [330.](#) [369.](#) [396.](#)

INDEX POSTERIOR, PRAECIPVA RERVM MOMENTA COMPLECTENS.

A.

- A**bbatis Villa [155.](#)
Aben Esra notatur [197.](#)
Abul Pharaius [234.](#)
Acidalii in Curtium notae laudantur [28.](#)
Acta Donavvertensia [9](#)
Adrichomii Theatrum Terrae Sanctae [181.](#)
Aegyptii suorum corpora condunt potius quam
cremant [336.](#)
Aequabilis dicendi ratio non ab aeuo Traiani pe-
tenda [336.](#)
Albertus Animofus *primogenito* prospicit [127.](#)
Alberti testimonium [149.](#)
Albion vetus [121.](#)
Albini funestum facinus notatur [446.](#)
Aldini Rhetores [559.](#)

Vv [2](#)

An-

INDEX RERVVM.

Angelus Caninius	559.
Angli in <i>Geographicis</i> , <i>Orientalibus</i> et <i>Ecclē-</i> <i>siaſticis</i> multum laborant.	16.
ampliſſima doctrinae ſubſidia habent	58.
abundant viris eruditis	57. 302.
in Graeca maiorem ac in Latina lingua di-	
ligentiam probant 320. ſeqq.	
Annales Bertiniani	642.
Antiochus	499.
Antuerpia	109.
<i>Apanagium</i> vtiliſſime ſeruatur	135.
Aratus	5.
<i>Archiepiſcopus</i> Cantuariæ laudatur	121.
Argentorati deditio Germaniæ rationes pertur-	
bat	157. 167.
Ariſtidis Orationes	233.
Ariſtophanes	3
Ariſtotelis <i>Mechanica</i>	564.
Arminianorum ſecta vnde orta fit?	517
Aſiæ gentes laudantur	134.
Aſina Balaami an per ſe locuta?	199
Athanafi uſ	181.
B.	
Balaenæ ſpinae ſpuria	9.
Baluzius laudatur	65. 159. 393
Bangii Coelum Orientale emendatur	20
Bangertus <i>Henricus</i>	456
Barthelius commendatur	162
Bartholinus laudatur	177
Baro	

INDEX RERVM.

Bartolus atque Baldus cur insuauis scribendi genere vtantur?	<u>17.</u>
Basilus	<u>4.</u>
Bataui quibus praefidiis gaudeant?	<u>516.</u>
Bebelium expetunt Vitembergenses	<u>202.</u>
Eius obitus	501
Bechererus tempestiue decedit	<u>269.</u>
Belgium ex aquarum inundatione detrimentum capit	<u>182.</u>
Bellum Hamburgense	501.
Bellomontium veteris Romanorum militiae vestigia monstrat.	<u>156.</u>
Bernardus Iosephi editionem molitur	132.
Bigotius <i>Emericus</i> , amplissimam inter priuatos in Gallia bibliothecam habet	<u>104.</u>
in Graecis excellit	<u>116.</u>
laudatur passim	<u>16. 66. 157. 266.</u>
Bielkius	615.
Blancardus laudatur	<u>99.</u>
Blondelli scripta commendantur	5.
Bona <i>Ioannes</i> laudatur	<u>328.</u>
Borrichii Collyrium Rudbeckianum.	<u>379.</u>
Boxhornii historia vniuersalis.	<u>315.</u>
Eiusdem Theatrum Hollandiae	<u>569.</u>
Britanniae regna quis coniunxerit?	<u>484.</u>
Buchnerus emendatur	<u>611.</u>
Bulengeri Opuscula	561.
Burcardus commendatur	<u>512. 519. 549.</u>
Buvvinckhaufii vita	197.

INDEX RERVM.

C.

Caesar laudatur	613
primus Romanorum Britannos adiit	121
Calbius commendatur	578
Calenus	596. 631. 649.
Calouius Spenero bene cupit	136. 204.
Eius obitus	473.
Camerarius <i>Ioachimus</i> ubi natus sit?	47.
Cantuaria antiquissima totius Angliae vrbs	57.
Caroli M. Imperii diuifio intempeftiua	134.
Caroli V. locus natalis Gandau cernitur	109
Caroli a S. Paulo <i>Geographia</i> facra	559.
Cafellii variae lectiones	559.
Cafelius laudatur	27.
Certare interdum periculofum	551.
Chaiſius notatur	441.
Childerici Francorum Regis tumulus Tornaci cernitur	57
Eiusdem ornamenta ſepulcralia ubi ſint?	100.
Chronicon Alexandrinum notatur	276
Samaritanorum multis fabulis refertum	20.
Chryſoſtomus	4.
Eius homiliae commendantur	136.
Chytraeus cur de Melanchthone male meritis ſit?	27.
Cinellus laudatur	276.

Cice.

INDEX RERVM.

Cicero Graecos imitatur	345.
Clementis Romani Epistola an genuina?	24.
Clodii Additamenta in Poli Synopsin Criticorum cuius notae?	305.
Cloppenburgii opuscula laudantur	24.
Cluuerus <i>Detleuus</i>	341.
Cnauthius commendatur	260.
Coetus Dei viris doctrina et vsu praeditis eget	105.
Cocquii Observationes Critico-Sacrae commen- dantur	21.
Cointe	562.
Collegium Historiae Germanicae	632.
Cometa non bonus videtur augur	70. 73. 76. 78.
Commentum de <i>Patriarcha</i> apud Gallos consti- tuendo refellitur	211.
Commendationes interdum periculosae	436.
Cominaeus	613.
Conringii liber de finibus Imperii	39.
Eius obitus Germaniae funestus	194, 203.
Conuentus Francofurtensis	180.
Corona Mediolanensis cur ferrea sit appellata?	32.
Cotelerii Monumenta	315.
Cracouius laudatur	43.
Criticus nemo esse potest, nisi qui simul sit Grae- cus	335.
Cuiacius laudatur	644.
Cum duobus hostibus vno eodemque tempore ex- periri haud expedit.	628.
Curtius	323.
Cypriani editio Anglicana laudatur	261.

INDEX RERVM.

D.

Dadani res Aquitanicae	<u>560.</u>
Dartis lus Canonicum	<u>559.</u>
Dassouius	104. <u>196.</u> <u>550.</u>
Daumius praecclare de Magliabechio sentit	145.
Defendere ab inimicis rectius dicitur ac contra inimicos	7.
Disenbachius commendatur	139.
Dionysius Areopagita	25. <u>157.</u>
Diffidia Theologorum apud Batauos	<u>516.</u>
Diuisio bonorum noxia	<u>133.</u>
Doctrina cum vitae emendatione coniungenda	105.
Doctrinae splendor interdum nimia quaestus cupiditate obscuratur	<u>124.</u>
Doctrinae condimentum prudentia.	291.
Drelincurtius	590.
Dubrauius	<u>47.</u>
Ducatus Bipontinus lege beneficiaria ad Sueonos pertinet	114.
Dufresnii <i>Glossarium</i>	149.
Duo Caroli M. Testamenta	436.
Durior fortuna multos premit	<u>49. seq.</u>

E.

Ebraeorum Magistri subinde dissident	197.
Egmondus	120.
Eggelinus laudatur	<u>367.</u>
Eginhardus	<u>458.</u>
Egolismensis Monachus	<u>464.</u>
Elogiorum scriptores saepe laudis modum excedunt	330.
Epi	

INDEX RERVM.

<i>Episcopus</i> Hermianensis in Iustiniani pietate nihil desiderat	<u>272.</u>
<i>Episcopi</i> quando pro Imperii principibus se gere- re coeperint?	<u>401.</u>
<i>Episcopatus</i> Saxoniae vnde suam habeant origi- nem?	<u>411.</u>
Erasmus Schmidius	<u>345.</u>
Erythraei Pinacotheca laudatur	<u>334.</u>
Eschenbachius commendatur	<u>589.</u>
Esseckianum castrum	<u>499.</u>
Espencaeus	<u>576.</u>
Ettmulleri obitus	<u>246. 269.</u>
Exteriorum diligentia in edendis suorum scriptis laudatur	<u>5.</u>
Eustratius	<u>316.</u>
F.	
Fabrettus laudatur	<u>305.</u>
Fanum S. Dionysii a quo nomen habeat?	<u>156.</u>
Fassei Dissertatio laudatur	<u>200.</u>
Fellerus	<u>137.</u>
Fellus Ioannes Cyprianum emendat	<u>133.</u>
Fitzgeraldi experimentum laudatur	<u>340.</u>
Eliesbachius commendatur	<u>256.</u>
Fortunae inconstantia	<u>602.</u>
Franci Romanae sedis defensores	<u>212.</u>
Francorum nomen quando coeperit?	<u>483.</u>
Francia quando diuulsa?	<u>484.</u>
<i>Franciscus</i> Vaur	<u>156.</u>
Franckensteinii res libraria Lipsiae venditur	<u>40.</u>
Fraude contra fraudes uti licet	<u>629.</u>
V v s	Fride-

INDEX RERVVM.

Fridericus III. Imp. diuisionem principatum	
prohibet	135.
Fridericus <i>Marchio</i> Misniae ad suscipiendum	
Electoratū idoneus	126.
Frisiae scriptores	522.
Frisii <i>Henrici</i> obitus luctuosus	53. 259.
Frontonis Ducaeī monimenta commendantur	23.
Furstenbergius Foederatis Belgis multum nego-	
tii facessit	12.
Furstenbergii Electio	604. 609. 617.

G.

Gale <i>Thomas</i> laudatur	57.
monimenta nondum edita possidet	131.
desudat in Graecis	304.
Gallia permultos Reipublicae gnaros habet	102.
numorum copia abundat	107.
ex fortuna temporum consilia sumit	101.
Galliae Rex a suis Magni nomine appellatur	43.
ius prouocationum in monte Bresaco con-	
stituit	114.
Franciae fines latius extendere conatur.	161. 167.
pacis bellicae arbitrium sibi sumit	184.
Galli in nonnullis a Pontifice dissident	442.
futura regunt	114.
quo imperii genere regi velint Ecclesiam?	393.
Gandauum natalem Caroli V. locum monstrat	109.
Gassendus laudatur	14.
Gatakeri opuscula laudantur	21.
Genesius	171.
Gen-	

INDEX RERVVM.

Gentiles quinam dicendi?	13.
Geographia recentior	236.
Graecae litterae in Anglia florent	124.
Graevius in edendis optimis scriptoribus occupatus	4.
Graecismi in Latinorum monumentis deprehenduntur	336.
Gregorius Nyssenus	316.
Grammatici veteres	3.
Grammatica Graeca et litterae Graecae quomodo differant?	344.
Greiffenfeldius	647.
Gronovius	99. 514.
Grotius	58. 464. 614.
Gudius	568.
Guicciardinus	614.
Guilletiere	23.

H.

Haakius laudatur	341.
Hachenbergius	391.
Halloisius	576.
Hamburgi laudes	606.
Hamelmanni Chronicon Oldenburgicum	368.
Hanifius incompositi moris exemplum praebet	96.
Hartschmidius commendatur	436.
Haugviziuz	8.
Heberus facilitate docendi se commendat	249.
Hebraeorum lingua cuinam inserviat?	456.
Heinsii obitus	252. 245.
Henningisii tabulae notantur	471.
	Hen-

INDEX RERVVM.

Fridericus III. Imp. diuisionem principatum prohibet	<u>135.</u>
Fridericus <i>Marchio</i> Misniae ad suscipiendum Electoratam idoneus	126.
Frisiae scriptores	<u>522.</u>
Frisii <i>Henrici</i> obitus luctuosus	<u>53. 259.</u>
Frontonis Ducae monimenta commendantur	<u>23.</u>
Furstenbergius Foederatis Belgis multum nego- tii faceffit	12.
Furstenbergii Electio	<u>604. 609. 617.</u>
G.	
Gale <i>Thomas</i> laudatur	<u>57.</u>
monimenta nondum edita possidet	<u>131.</u>
desudat in Graecis	<u>304.</u>
Gallia permultos Reipublicae gnaros habet	<u>102.</u>
numorum copia abundat	<u>107.</u>
ex fortuna temporum consilia sumit	<u>101.</u>
Galliae Rex a suis Magni nomine appellatur	<u>43.</u>
ius prouocationum in monte Bresaco con- stituit	<u>114.</u>
Franciae fines latius extendere conatur.	<u>161. 167.</u>
pacis bellicae arbitrium sibi sumit	<u>184.</u>
Galli in nonnullis a Pontifice dissident	<u>442.</u>
futura tegunt	<u>114.</u>
quo imperii genere regi velint Ecclesiam?	<u>393.</u>
Gandauum natalem Caroli V. locum monstrat	<u>109.</u>
Gassendus laudatur	<u>14.</u>
Gatakeri opuscula laudantur	21.
Genesius	<u>171.</u>
Gen-	

INDEX RERVVM.

Gentiles quinam dicendi?	<u>13.</u>
Geographia recentior	<u>236.</u>
Graecae litterae in Anglia florent	<u>124.</u>
Graevius in edendis optimis scriptoribus occupatus	<u>4.</u>
Graecismi in Latinorum monumentis deprehenduntur	<u>336.</u>
Gregorius Nyffenus	<u>316.</u>
Grammatici veteres	<u>3.</u>
Grammatica Graeca et litterae Graecae quomodo differant?	<u>344.</u>
Greiffenfeldius	<u>647.</u>
Gronovius	<u>99. 524.</u>
Grotius	<u>58. 464. 614.</u>
Gudius	<u>568.</u>
Guicciardinus	<u>614.</u>
Guilletiere	<u>23.</u>

H.

Haakius laudatur	<u>341.</u>
Hachenbergius	<u>391.</u>
Halloifius	<u>576.</u>
Hamburgi laudes	<u>606.</u>
Hamelmanni Chronicon Oldenburgicum	<u>368.</u>
Hanifius incompositi moris exemplum praebet	<u>96.</u>
Hartschmidius commendatur	<u>436.</u>
Haugvvizius	<u>8.</u>
Heberus facilitate docendi se commendat	<u>249.</u>
Hebraeorum lingua cuinam inferuiat?	<u>456.</u>
Heinsii obitus	<u>252. 245.</u>
Henningisii tabulae notantur	<u>471.</u>
Hen-	

INDEX RERV.

Henricus <i>Auceps</i>	<u>487.</u>
Hermannus Comes Nuernarius	<u>465.</u>
Herodianus laudatur	<u>324.</u>
Heroldus	<u>273.</u>
Heu serpentis persuasionum illecebris indulget	<u>198.</u>
Heuelii meritis Hooekius detrahit	<u>381.</u>
Hieronymus	<u>5.</u>
Hildebrandus vanus augur	<u>580.</u>
Hilligerus de asina Balaami disputat	<u>199.</u>
Historia rectius per facultatem quam per artem describitur	<u>23. seq.</u>
Historia antiqua interdum obscura	<u>471.</u>
Historia <i>Iacobitarum</i> quemnam auctorem habet at?	<u>20.</u>
Historici munus quodnam sit?	<u>613.</u>
Historia in publicis lux est	<u>572.</u>
Hofkirchius laudatur	<u>617.</u>
Holstenius	<u>14. 333.</u>
Homerus	<u>3.</u>
Hugo <i>Capetus</i> diuisum Francorum regnum vnit	<u>133.</u>
Huberus	<u>517. 644.</u>
Humaniores litterae laudantur	<u>271. 455.</u>
<u>I.</u>	
Iamblichus	<u>132.</u>
Imhoffi Genealogiae	<u>644.</u>
Imperii Romanorum <u>primus conditor quis sit?</u>	<u>483.</u>
Imperium unius Optimum	<u>393.</u>
Imperialis Museum historicum	<u>350.</u>
Inge-	

INDEX RERVM.

Ingenia eximia interdum inanium specie capi- untur	325.
In linguis addiscendis ipsi fontes aperiendi sunt	324.
In magnis voluisse sufficit	552.
Inscriptiones Gallorum	159. 160.
Interpretationis institutum multa subsidia requi- rit	20.
Interdum bellum paci praestat	10.
Iosephi editio Oxoniensis notatur	116.
Iosephus cum Scaligeri animaduersionibus	529.
Isidorus Pelusiota	566
Italia permultos codices scriptos possidet	567.
Itali cum Anglis nonnulla communia habent	437.
Iustelli Canones	315.
Iuris Philosophiam nonnulli ex Hobbessii ideis aestimant	374.
Iurisprudentiae humanioris vindices quinam?	374.
Iustinus	4.
Ius <i>primogeniturae</i> in <i>Electoratibus</i> saeculari- bus fundatum	125.
Ius <i>primatus</i> reseruat <i>primogenito</i>	128.
Iustinianus contra obtrectatores vindicatur	272.
Iuuentum animi praemiis incitandi	164.
K,	
Kanizius laudatur	130. 148.
Kirchmannus	456.
Knorrius laudatur	634.

INDEX RERVM.

Kvviatkievvicii suada ciuilis	28.
L.	
Labbeus Marefium contemnit	642.
Laeti hiftoria	569.
Lambecius desperanti fimilis decedit	97.
Lambertus Velthufius	392.
Landgrauius	645.
Langius	210.
Langueti epiftolae	305.
Latine non fcit, qui Graece nescit.	345. 357.
Lebleus	641.
Leges acqui honeftique difciplinam conferuant,	217.
Leiferus	526.
Lehmannus commendatur	94.
Leo Allatius	642.
Leufdenius de lingua Helleniftica accuratum iudicium ferre non pöteft.	31.
Lexica faepe quae promittunt non praebent	345.
Libertas auro carior.	432.
Linckerus laudatur.	603. 643.
Lindenbrogii Scriptores Septentrionales	566.
Lipfia fplendore oculos tenet	403.
Lipfiam contagio impedit.	183.
Lipfienfium Acta Eruditorum.	185. 201.
Lipfii Epiftolae nondum editae	573.
Litterarum humaniorum contemptus notatur.	226.
Litterae faciales	643.
Liuius	613.
Loe-	

INDEX RERVVM.

Loefcherus in ordinem Theologorum cooptatur

537. 553.

Longi temporis possessio inter gentes valet

154.

Loschii Genealogiae laudantur

470.

Lugdunum Batauorum laudatur

527.

Ludolphus *Iobus* Aethiopicarum antiquitatum
peritissimus

89.

Eius historia Aethiopica laudatur

138.

Ludolphus *iunior* laudatur

298.

Lullus Raymundus

13.

Luneburgici Brunsvigam erigi cupiunt

183.

Lurbei Chronicon Burdegalense

560.

Lutherus vindicatur

199.

M

Maffeius notatur

612.

Magliabechius laudatur passim

16. 100. 211.

Maimburgius notatur

441.

Marchiones quando ad comitia Imperii vocati
sint?

400.

Marshamus laudatur

121

Maruana

273.

Mauricius *Ericus* laudatur

66.

Mazarinus

568.

Mederus commendatur

427.

Meibomius laudatur

367.

Mekerchus

559.

Melanchthon.

27.

Menagius

233.

Meyerus commendatur

557.

Micraelius

20.

Mi-

INDEX RERVM.

Miraei Bibliotheca Ecclesiastica	562.
Misnia quomodo Eckhardo ab Ottone III. Imp. fit attributa	399.
Moleſvvarthius	547. 549. 551.
Monmouthius	398.
Morbus ſcholarum notatur	213.
Morini exercitationes cuius notae ſint?	25.
Morlierius	156.
Mosnerius	543.
Musaeus Ioannes apoplexia impeditur	15.
Musaei conſilium ineundae conciliationis non- nullis diſplicet	36.
N	
Nabuchodonosor	206.
Natalis Alexander in Pontificem calamum ſtrin- git.	351.
Nethenus	21.
Nepos, ſcitiffimae latinitatis ſcriptor.	118.
natiuus et purus	613.
Nicetius in Iuſtinianum iniquus	272.
Niſchius	514.
Noodtius	559. 544.
Nonnulli adfectibus potius quam vtilitati ſerui- unt.	291.
Norbertus.	33. 56.
Noris <i>Henricus</i> laudatur.	18. 308.
Nora Capadociae male vocatur Nura.	234.
Nouae res ſaepe peregrina nomina adſciſcunt	383.
Nox ſaepe periculosa	119. 404.
Nullum eſt regnum ſine regno litterarum	255.
Nulla	

INDEX RERVM

Nulla insignior virtus quam quae armis paratur.

460.

Numerarius, elegantius rationum artifex 611.

Numi medio aevo procusi cuius notae sint?

349.

Numorum vsus in historia 486.

Numus *Valeriani* *haud* genuinus. 44.

Nundinationes passim institutae Carolo V. graues

411.

O

Obrechtus Prodrum Historiae A[lfaticae] alieno
tempore euulgat 115. 160.

discedit in *Galliam* 380.

religioni nuncium mittit 389.

Oiselius laudatur 99.

Oisellii Bibliotheca 558.

Opes litterariae paucis cognitae 425.

Oratores non nascuntur sed fiunt 50.

Orationem calami stratum vulgus affectat. 146.

Origo fani S. Dionysii cuinam *adscribenda*? 156.

Origenis commentarius in Iobum 558.

Orthii causa commendatur. 59. 62. 69. 72. 75.

78. 84.

Ofchazium contagio infestat 139.

Ostermannus 28.

Otto I. Regis titulum mutat 487.

P

Pacta sancte seruanda 507.

Pactum vnionis inter Reges Boemiae et Electores

Saxoniae vnde ortum sit? 126.

Xr. Para-

INDEX RERV.

Paradisus Brabantiae	119.
Parkerus laudatur	121.
Passio, perperam pro morbo dicitur	611.
Patientia interdum in contemptum vertitur	186.
Patres Ignatiani passim notantur	102. 10. 125.
Pereunt qui in sacra acerbius consulunt	369.
Petauius litterarum Graecarum expers	521.
Petitus	20. 333.
Petri Puteani opera	559.
Peruerſi ſaeculi mores perſtringuntur.	137. 139.
Pflugius laudatur	208.
Pfochius acri cenſura excipitur a Gatakero	31.
Pharamundus primus Francorum Rex vnde originem ſuam trahat?	483.
Philippiburgum obſidetur	629.
Philosophia Iuris perito utilis	653.
Philosophia Scholaſtica notatur	654.
Philostratus	254.
Picardia	156.
Pietatis ſtudium nonnulli ſuperuacuum cenſent.	137.
Pindarus	3. 28.
Pithoeus notatur	463.
Plinius	11.
Poetae Graeci totam morum philoſophiam in ſe continent.	473.
Politici ad res ſacras ſe applicant	35.
Poloni a Gallis alieniores	171.
Potentia nulla vi ſubnixa haud magnum pondus habet.	93.
	Præ-

INDEX RERVM.

Praemonstratensium coetum quis instituerit?	33.
Pragestus	227.
Primus Francorum Rex quisnam fuerit?	483.
Procopii opera	568.
Psittaci non proprie loquuntur	199.
Pufendorffius Berolinum accersitur	580.
eius acerbitas	551.
eius scribendi ratio qualis sit?	614.
eius iudicium de Hartnaccio	137.
Purchassii opera	564.
R	
Rachelius <i>Samuel</i>	46.
Rectus studiorum ordo seruandus	603.
Reformati in Gallia premuntur	441.
De Regno Christi parum meretur, qui tantum docet, nec vitam emendat	105.
Regere cancellos, pro regere consilia minus com- mode dicitur	611.
Respublicae diuisione facile pereunt	134.
Reinesius Erythraeum carpit	335.
Reusnerus	471.
Rixandi studium notatur	37, 291, 367.
Rixnerus	285.
Richardus <i>Iacobus</i>	95.
Roma Varrone nihil maius habuit	152.
R. Saadias	198.
Rudbeckius notatur	379.
Rudelius	631.

S

Sagittarius	410, 539, 604, 613.
	Sal-

INDEX RERVM.

Salmafii Notae in Nouum Foedus amiffae	520.
Sanctius	641.
Sandgraffi <i>Guilielmus</i> laudatur.	59.
Saxones <i>primogenito</i> fucceffionem addicunt.	135.
Scardeonius	529.
Schefferi <i>Suecia Litterata</i> laudatur.	392.
Scheiblerus <i>iunior</i> laudatur.	18.
Schelhammerus	106.
Schelstratius ftikum in Tenzelium stringit	451.
Scherlogi Antiquitates	417.
Scherzerus a Spenero alienior	136.
Dedicationem continuati Syntagmatis Micraeliani indigne fert	137.
Scherzeri difputatio de Hellenifmo notatur.	31.
Schotti luctuofus obitus	388.
Schraderus Helmftadii decedit	50.
Schreuelius notatur	132.
Schubarti ftilus qualis fit?	613.
Scythae ad populandum quam ad pugnandum aptiores	280.
Seckendorffius laudatur	11.
Lutheri famam vindicat	305.
Seldenus Iofephum emendat	24.
Sennertus	37.
Serarii res Moguntinae	115.
Sermo brutis non competit	199.
Serpens Heuam allocutus qualis fuerit?	198. feq.
Siberus commendatur	444.
Sigonius	32.
Simonis <i>Historia Critica</i> notatur	213.
Simu-	

INDEX RERVVM.

Simulatum non est diuturnum	<u>54.</u>
Sirmondi <i>Concilia Gallica</i>	<u>376.</u>
Sobieskius	<u>284.</u>
Sorbona libere contra Pontificem disputat	<u>441.</u>
Spelmanni <i>Concilia Anglicana</i>	<u>376.</u>
Spenerus	<u>77. 78. 84. 490. 498.</u>
Eius volumen Insignium Illustrum laudatur	<u>136.</u>
Spanhemii humanitas laudatur	<u>510.</u>
Stamplicius notatur	<u>229.</u>
Stephani Scriptores Medici	<u>233.</u>
Stephanus de <i>Vrbibus</i>	<u>6.</u>
Stilus quomodo fingendus?	<u>113.</u>
Stauberus commendatur	<u>402.</u>
Stengerus	<u>137.</u>
Stolbergius	<u>251. 320. 342.</u>
Eius Opusculum de Solocifmis.	<u>414.</u>
Strabo	<u>234.</u>
Strauchii obitus	<u>22.</u>
Strykius laudatur	<u>543. 588.</u>
Suarefius	<u>614.</u>
Sueones <i>Theologiam</i> Moralem excolunt.	<u>392.</u>
Suibertus	<u>571.</u>
Suidas notatur	<u>245.</u>

T.

Tabularium VValdeccium laudatur.	<u>509.</u>
Tacitus laudatur	<u>613.</u>
Graecifmos subinde infpergit	<u>336.</u>
Targum Hierofolymitanum	<u>21.</u>
Tauernierii <i>Ioannis Baptiffae</i> itinera Asiae lau- dantur	<u>23.</u>

INDEX RERVM.

Tantum scimus quantum recte iudicamus	613.
Teneramundae descriptio	109.
Tenerae plantae molliter tractandae	325.
Tenzelius Scheffstratium impugnat	395.
minus accurate Ignatii apophthegma tractat	144.
Tertullianum nemo sine Poetis facile intelligit	333.
Testamentum Felicis qua ex ratione valeat?	14.
Testamentum Caroli M.	457. seqq.
Testerbantiorum ora an Geldriae pars sit?	521.
Themistius	573.
Thilo commendatur	225.
Thomasini elogia	332.
Thomasii obitus	148.
eius merita in rem litterariam	ibid.
Thomasius iunior commendatur	619.
Tollius laudatur	568.
Trandorfius commendatur	252.
Tschirnhausius	227.
Turcae Sobieskium formidant	265.
De Turingia non recte iudicat Conringius	472.
V.	
Valesius Henricus laudatur	90. 104.
Varenii industria laudatur	15.
VValterus commendatur	274.
VValtherus in Theologorum ordinem cooptatur	537. 553.
Vauafforis obitus	233.
VValdeccii rectum concordiae Germanicae exemplum praebent	79.
	VVal-

INDEX RERVVM.

VValdecciae historiam scripturo permulta sub-	
fidia conquirenda sunt	82.
VVagenfeilius in numis euulgandis operam po-	
nit	190.
VValdschmidius	83.
Veckius laudatur	147. 151.
Velthemius a Pufendorffio carpitur	614.
Velleius laudatur	323.
VVendlandius commendatur	382.
VVeihenus notatur	517.
Vicognium laudatur	110.
Vires prouinciarum diuisione minuuntur	127.
Violenta consilia raro expediunt	398.
VVimphelingus	458.
VVinckelmannus commendatur	417. 607.
Vindelius laudatur	144.
Vinterus	632.
Virtutis laus	389.
Victorius Siri	332. 470. 569.
VVittekindei generis propago	472.
VVittichius	517.
VVittsius VVeihenum castigat	517.
Vossius <i>Isaacus</i> laudatur passim	90. 94. 97.
eruditionem cum humanitate coniungit.	66. 97.
eius <i>Chronologia</i> , LXX. <i>Interpretum</i>	
laudatur	94.
VVolfhardus	527.
VVormii <i>Museum</i>	564.
Vulgus notatur.	587.
	Za-

INDEX RERVM.

Z.

Zagozabi confessio suspecta	20
Zazora	544
Zeebaurius	17
Zieglerus	39. 139. 187. 208. 431
Zimmermannus commendatur	122
Zosimus noua saepe vocabula usurpat	283

Emendanda.

P. 17. l. 26. l. displicet. p. 26. l. 26. l. ac P
offendant p. 38. l. 21. l. soles. p. 48. l. 19.
l. 1. l. Presbyterianus. p. 73. l. 6. l. colere. p.
deleopus. p. 97. l. 8. Parisiensi. p. 107. l. 18.
adde post verbum postulat. quoniam fan
23. l. indulgeat. p. 146. l. 26. l. comminisc
liberatumque p. 171. l. 2. l. afferimus. p.
140. l. 19. l. dynastiarum. p. 243. l. 29. l. fin
dele Princeps eius. et adde. Comes. Teste
l. 11. l. viui. p. 269. l. 7. l. vos. p. 279. l. 27. l. pacis
354. l. 27. l. rostris. 377. l. 26. Orbitorum. p.
p. 387. l. 27. post statutum. adde. habuit
pta. l. 26. l. saluo. p. 413. l. 20. l. Pontifex.
l. 19. l. nos. p. 469. l. 9. l. libertatem et
Saxonis. p. 471. l. 12. l. difficiles. p. 484.
rum. p. 508. l. 24. l. te fugiat. p. 517. l.
p. 521. l. 28. l. passionibus. p. 545. l.
adde. et fortunet. ve Germaniae bene sit
communipatria. p. 556. l. 4. l. dinorum.
testandae. p. 559. l. 26. l. Casellit. p. 569.
588. l. 24. l. calculi. p. 594. l. 23. l. alloein
gni te. p. 611. l. 12. l. 2. p. 633. l. 3.
mini. l. 5. labentibus.

1716 202/204

